





13.4.6.04



E L E M E N T A  
P H I L O S O P H I C A  
D E  
C I V E .

---

*Auctore*

T H O M . H O B B E S

*Malmesburiensi.*

---

Editio nova accuratior.

---




*Juxta exemplar*

A M S T E R O D A M I

Apud Henr. & Viduam Th. Boom.

---

A . M . D C C X L I I .





EXCELLENTISSIMO,  
VIRO,  
GUILIELMO,  
COMITI  
DEVONIÆ,  
DOMINO MEO  
Colendissimo.

**P**Opuli Romani, memoriã  
Tarquiniorum, & civita-  
tis instituto, Regibus ini-  
qui, vox erat (*Excellent. Domi-  
ne*) prolata ore *Marci Catonis Cen-  
soris*, Reges omnes de genere esse  
bestiarum rapacium. Ipse autem  
Populus Romanus, qui per *Afri-  
canos, Asiaticos, Macedonicos, A-  
chaicos*, cæterosque à spoliatis  
gentibus cognominatos cives, to-  
tum fere orbem terrarum diripue-  
rat, qualis bellua erat? Non mi-

E P I S T O L A

nus ergò quàm *Cato* sapienter dixit *Pontius Telesinus*. Is prælio ad *Portam Collinam* contra *Syllam* circumvolans ordines exercitus sui; vociferatusque, eruendam delendamque ipsam Romam, adjiciebat, nunquam defuturos Raptores Italicæ libertatis *Lupos*, nisi *Sylva*, in quam refugere solerent, esset excisa. Profecto utrumque verè dictum est, *Homo homini Deus*, & *Homo homini Lupus*. Illud, si concives inter se; Hoc, si civitates comparemus. Illic justitia, & caritate, virtutibus pacis, ad similitudinem Dei acceditur; Hic propter malorum pravitatem, recurrendum etiam bonis est, si se tueri volunt, ad virtutes Bellicas vim & dolum, id est, ad ferinam rapacitatem. Quam etsi homines pro  
con-

D E D I C A T O R I A.

convitio invicem objiciant, more innato, facta sua in personis aliorum, tanquam in speculo, sinistra dextra; dextra sinistra existimantes; vitium tamen esse non finit profectum à necessitate conservationis propriæ jus naturale. Quod autem *Catoni*, viro sapientiæ celebratissimæ, Odium pro Judicio, Affectus pro Ratione imponere in tantum potuit, ut quod æquum in populo suo, idem Reges facere iniquum censeret, mirari fortasse alii poterunt: ego sanè in ea opinione jam diu sum, neque egregiam sententiam unquam fuisse quæ placuit populo; neque sapientiam vulgari majorem vulgo agnosci posse; quippe quam vel non intelligunt, vel intelligentes æquant. Græcorum Ro-

## EPISTOLA

manorumque facta & dicta celebria, non Ratio, sed magnitudo, & sæpe illud ipsum lupinum, quod mutuo exprobrant Historiæ, commendavit, quæ unà cum publicis actionibus actores per cursum seculorum devolvit qualescunque. Sapientia vera nihil aliud est quàm in omni materia veritatis scientia. Ea vero cum à memoria rerum per appellationes certas & definitas excitata derivetur, non animi acris & repentini impetus, sed Rationis rectæ, id est, Philosophiæ opus est. Per hanc enim à rerum singularum contemplatione ad præcepta universalia via aperitur. Quot autem genera rerum sunt, in quibus Ratio humana locum habet, in tot ramos se diffundit Philosophia, diversè tamen pro



## D E D I C A T O R I A.

pro diversitate subjectæ materiæ nominata. Nam quæ de figuris tractans, GEOMETRIA ; de motu, PHYSICA ; de jure naturali, MORALIS dicitur, tota PHILOSOPHIA est : quemadmodum mare, quod hîc Britannicum, illic Atlanticum, aliàs Indicum, à singulis litoribus appellatum, totum tamen est Oceanus. Et Geometræ quidem provinciam suam egregiè administraverunt. Quicquid enim humanæ vitæ auxilii contingit à siderum observatione, à terrarum descriptione, à temporum notatione, à longinquis navigationibus ; quicquid in ædificiis pulchrum, in propugnaculis validum, in machinis mirabile est ; quicquid denique hodiernum tempus à prisca barbarie distinguit, totum ferè

\* 4 bene-

## E P I S T O L A

beneficium est *Geometria*. Nam quod *Physica* debemus, id debet *Physica* eidem *Geometria*. Si Philosophi morales munere suo pari felicitate functi essent, non video, ad felicitatem suam in hac vita quid amplius contribuere humana industria posset. Cognita enim, pari certitudine, ratione actionum humanarum, qua cognoscitur ratio magnitudinum in figuris, ambitio & avaritia, quarum potentia falsis vulgi circa *jus* & *injuriam* opinionibus innititur, inermes essent, fruereturque gens humana pace adeò constante, ut non videatur (nisi de loco, crescente scilicet hominum multitudine) unquam pugnandum esse. Nunc quod bellum gladiis vel calamis perpetuum est: quod

*DEDICATORIA.*

quod non sit juris & legum naturalium major scientia hodie quam olim: quod sententiis Philosophorum utraque pars suum jus tueatur: quod alii laudent, alii vituperent eandem actionem: quod idem nunc probet, quæ alio tempore damnat, & sua facta in aliis aliter æstimet: signa manifestissima sunt, nihil profuisse ad scientiam veritatis quæ hætenus scripta sunt à Philosophis moralibus; placuisse verò, non illuminando animum, sed venusta & secunda affectibus oratione, opiniones temerè receptas confirmando. Huic ergo Philosophiæ parti idem contingit quod viis publicis, quibus omnes ingrediuntur, euntque prorsum & retrorsum, alii animi causa inambulans, alii rixantur, sed

E P I S T O L A

nihil feritur. Cujus rei unica hæc videtur esse ratio, quod nemo eorum qui materiam hanc tractarunt, commodo usus sit docendi principio. Non enim, ut in circulo, initium scientiæ arbitrio nostro sumi potest. Incipit in ipsis dubitandi tenebris filum quoddam rationis, cujus ductu evaditur in lucem clarissimam; ibi principium docendi est; inde ad solvenda dubia converso itinere lux referenda est. Quoties ergo scriptor filum illud, vel inscitiâ deserit, vel cupiditatibus abrumpit, non scientiæ, sed errationum suarum vestigia literis describit. Quapropter, cum cogitationes meas ad inquisitionem justitiæ naturalis convertissem, admonitus sum ab ipsa justitiæ appellatione, qua constans

DEDICATORIA.

stans voluntas unicuique *Fus suum* tribuendi significatur, quærendum prius esse, unde esset quod quis rem aliquam *suam* potius quam *alienam* esse diceret. Quod cum non à natura, sed à consensu hominum profectum constaret; (nam quæ natura in medium protulit, homines postea distribuuerunt;) ducebar inde ad quæstionem aliam, nimirum, cui bono, & qua necessitate coacti, cum omnia essent omnium, voluerint potius sua cuique esse propria. Videbam autem, ex communitate rerum bellum, atque inde omne genus calamitatis, hominibus de earum usu per vim certantibus, necessario sequuturum esse; id quod omnes natura fugiunt. Nactus ergo duo certissima naturæ humanæ postu-

## E P I S T O L A

postulata, unum cupiditatis naturalis, qua quisque rerum communium usum postulat sibi proprium; alterum rationis naturalis, qua quisque mortem violentam tanquam summum naturæ malum studet evitare. Ab his principiis pactorum & fidei conservandæ necessitatem, atque inde virtutis moralis officiorumque civilium Elementa, in hac opella, evidentissima connexionione videor mihi demonstrasse. Quod adjectum est de Regno Dei, eo consilio factum est, ne quid inter dictata Dei per naturam, & legem Dei traditam in Scripturis, repugnantia esse videretur. Operam etiam diligentem per totum cursum orationis meæ dedi, ne quid de legibus cujuscunque nationis  
civi-

DEDICATORIA.

civilibus dicerem, id est, ne ad litora accederem, tum scopulis, tum præsentibus procellis periculosa. Quantum laboris diligentiaëque in veritate investiganda adhibitum sit, scio. Quid effecerim, nescio; nam inventa nostra omnes præ amore minus rectè æstimamus. Itaque libellum hunc censure tuæ quàm favori priùs offero, ut apud quem certissimis experimentis exploratum habeam, opiniones neque celebritate autorum, neque novitate sua, neque specie orationis, sed firmitudine rationum favorabiles fieri. Si arri-  
deat, id est, si nervosus, si utilis, si non vulgaris sit, tum demum eum tibi (*Excellentissime Domine, præsidium & decus meum*) humillimè dico dedicoque; sin  
erra.

E P I S T O L A

erraverim , testem tamen habes  
gratitudinis meæ , quòd otium ,  
beneficio tuo concessum , ad gra-  
tiam tuam promerendam uti vo-  
luerim. Te Deus Opt. Max. in sta-  
tione hac mortali civem optimum  
protegat , eâque peractâ , sed lon-  
gissimâ , civitatis cœlestis gloriâ  
coronet.

*Parisis Nov.*      Excellentiaë tuæ servus  
1. 1646.              humillimus

THOMAS HOBBIUS.

PRÆ.



P R Æ F A T I O

ad

L E C T O R E S .



*Ua res attentam Lectio-  
nem promissa efficere ma-  
ximè posse videntur, Rei  
tractanda Dignitas, &  
Utilitas, tractandi recta Methodus,  
causa & consilium in scribendo pro-  
bum, scribentis denique Moderatio,  
eas, Lectores, vobis promitto, at-  
que oculis aliquatenus ex hoc loco  
prospiciendas exhibeo. Describuntur  
hoc libello hominum officia, primò  
ut hominum, deinde ut civium, pos-  
tremò ut Christianorum. Quibus of-  
ficiis cum Juris naturalis gentium-  
que elementa, justitiæque origo &  
vis, tum etiam Religionis Christia-  
na ( quantum patitur instituti mo-  
dus ) essentia continetur. Quod*

## E P I S T O L A

*Quod quidem doctrine genus (excepto quod spectat ad Religionem Christianam) sapientum antiquissimi non nisi carminibus decoratum, vel Allegoriis adumbratum, quasi imperii mysterium quoddam pulcherrimum & sacrosanctum, ne privatorum hominum disputationibus contaminaretur, posteris tradendum esse censuere. Philosophi interea alii cum generis humani commodo rerum figuras & motus, alii sine incommodo rerum naturas & causas contemplabantur. Temporibus autem quæ insequuta sunt, scientiam hanc civilem, etsi non penitus perspectam, aliqua tamen ex parte in Reipublica regimine, tanquam per nubem pellucentem, primus admasse dicitur Socrates, itaque coluisse, ut despectâ desertâque omni aliâ*

A D L E C T O R E S .

*aliâ Philosophiæ parte, solam hanc ingenio suo dignam judicaret. Post eum Plato, Aristoteles, Cicero, cæterique Philosophi Græci, Latini, denique omnes omnium gentium non modo Philosophi, sed etiam otiosi, quasi facilem, nullo studio ambiendam, cujuslibet ingenio naturali expositam & prostitutam attrectaverunt attrectantque. Quodque ad dignitatem ejus præcipuè facit, illi qui eam se habere putant, vel eo loco sunt, ut habere debeant, adeò sibi in ejus specie vehementer placent, ut reliquarum scientiarum studiosos haberi & vocari ingeniosos, doctos, eruditos, quidlibet præter Prudentes, equo animo ferant. Nam nomen hoc propter excellentiam peritiæ civilis sibi solis deberi arbitrantur. Sive igitur scientiarum dignitas*

*tas*

## P R Æ F A T I O

tas ex dignitate eorum ad quos pertinent, sive ex numero eorum qui de ipsis scripserunt, sive ex judicio sapientissimorum hominum aestimanda est, dignissima certe scientiarum hac ipsa est, quæ ad Principes pertinet, hominesque in regendo genere humano occupatos; cujus etiam falsa specie omnes ferè homines delectantur; & in qua Philosophorum excellentissima ingenia maximè versata sunt. Ejusdem Utilitatem, sed rectè traditæ, id est, ex veris principiis evidenti nexu derivatæ, sic optime perspiciemus, si, quæ falsam ejus & loquacem speciem humano generi consequuntur, damna consideraverimus. Nam in iis rebus quas ingenii exercendi causa speculamur, si quis error irrepserit, innoxius est, neque fit jactura nisi temporis tan-

AD LECTORES.

*tantum. In iis verò qua quisque vivendi causa meditari debet, non modò ab errore, sed etiam ab ignorantia, offensiones, rixas, cedes oriri necesse est. Quanta ergo hæc damna sunt, tanta est ab officiorum doctrina bene tradita Utilitas. Quot Reges, eosdemque viros bonos, error unus, posse Regem Tyrannum à subdito suo jure occidi, occidi fecit Error hic, posse Principem summum certis de causis à certis hominibus regno spoliari, quantum hominum jugulavit? Quantum hominum interfecit doctrina hæc erronea, Reges summos multitudine superiores non esse, sed ministros ejus? Denique illa quot Rebellionum causa fuit, qua docetur, Imperata Regum utrum justa an injusta sint, cognitionem ad privatos homines pertinere. & prius-*

## EPISTOLA

*priusquam fiant, disputari non modo jure posse, sed etiam oportere? Præterea in communiter recepta Philosophia morali alia sunt multa non minus his periculosa, quæ recitari non est opus. Puto, hæc prospexisse veteres illos, qui Justitiæ scientiam fabulis contactam, quàm disputationibus expositam esse maluerunt. Antequam enim quæstiones illiusmodi agitari cœperunt, Principes potestatem summam non postulabant, sed exercebant. Imperium suum non argumentis, sed hominum sceleratorum quidem pœna, proborum verò defensione tuebantur. Vicissim cives Justitiæ non sermonibus hominum privatorum, sed legibus civitatis metiebantur: nec disputationibus, sed vi Imperii in Pace continebantur. Imò potestatem sum-*

A D L E C T O R E S.

*summam sive in uno homine, sive in uno Consilio ea resideret, tanquam divinitatem quandam visibilem venerabantur. Itaque ambitiosis perditisque hominibus ad evertendum civitatis statum minimè, ut nunc, se adungebant. Nam, ut eam rem, per quam conservabantur ipsi conservatam esse nolent, in animum inducere non poterant. Scilicet illorum temporum simplicitas tam doctam stultitiam non capiebat. Itaque pax erat & seculum aureum, quod non antè finem habuit, quam Saturno expulso contra reges arma ferri posse doceri cœperat. Hæc, inquam, veteres non modo vidisse, sed in una suarum fabularum aptissimè videntur significasse. Dicunt enim, Ixionem, cum esset à Jove adhibitus in convivium, adamasse, atque*

## P R Æ F A T I O

atque sollicitasse ipsam Junonem. Illi pro Dea, nubem in ejus speciem formatam oblatam esse. Inde genitos esse Centauros, naturæ partim humanæ, partim equinæ, genus pugnae & inquietum. Id quod mutatis nominibus idem est ac si dixissent, Homines privatos, ad Concilia de summa Republica vocatos, Justitiam, Imperii summi sororem & conjugem subjicere suæ ipsorum cognitioni cupere, ceterum falsam & inanem ejus speciem quasi nubem amplexantes, dogmata illa Philosophorum moralium biformia, partim recta & speciosa, partim bruta & ferina, rixarum omnium & cadum causas, genuisse. Cùm tales igitur opiniones quotidie oriantur, si quis discussit nubes illas, rationibusque firmissimis ostenderit, Doctrinas de justo &



A D L E C T O R E S.

*& injusto, bono & malo, præter leges in unaquaque civitate constitutas, autenticas esse nullas, & utrum aliqua actio justa, vel injusta, bona vel mala futura sit, à nemine inquirendum esse, præterquam ab iis ad quos legum suarum interpretationem demandaverit, is certè non modo pacis viam regiam, sed etiam seditionis opacas & tenebrosas semitas commonstrabit; qua re utilius nihil excogitari potest.*

*Quod attinet ad Methodum, non orationis ordinem, quamquam conspicuus ille sit, solum sufficere, sed à civitatis materia incipiendum, deinde ad generationem & formam ejus, & justitiæ originem primam progrediendum esse existimavi. Nam ex quibus rebus quæque res constituitur, ex iisdem etiam optimè cognos-*

## P R Æ F A T I O

*gnoscitur. Sicut enim in Horologio automato aliave machina paulo implicatiore, quod sit cujusque partis rotaque officium, nisi dissolvatur, partiumque materia, figura, motus, seorsim inspiciatur, sciri non potest: Ita in jure civitatis, civiumque officiis investigandis opus est, non quidem ut dissolvatur civitas, sed tamen ut tanquam dissoluta consideretur, id est, ut, qualis sit natura humana, quibus rebus ad civitatem compaginandam apta vel inepta sit, & quomodo homines inter se componi debeant qui coalescere volunt, rectè intelligatur. Talem ergo Methodum secutus; Pono primo loco pro Principio omnibus per experientiam noto, quodque nemo est qui non confiteatur, nimirum, Ingenia hominum ejusmodi esse.*

AD LECTORES.

esse à natura, ut, nisi metu potentia alicujus communis coerceantur, fore ut sibi invicem diffidant & sese mutuò metuant, & ut propriis viribus singuli sibi cavere cum jure possint, tum necessario velint. Obiicitis fortasse, nonnullos hoc negare. Ita verò est: permulti enim negant. Numnam igitur, qui eosdem idem & fateri & negare dico, mecum ipse pugno? Minimè quidem ego, sed illi qui, quod actionibus confitentur, id ipsum oratione negant. Videmus, civitates omnes, etiamsi cum vicinis pacem habeant, fines tamen suos praesidiis militum, urbes mœnibus, portis, vigiliis tueri. Quorsum hæc, si à vicinis nihil metuerent; Videmus etiam ipsis civitatibus, ubi leges sunt & pœna in malos constituta, cives tamen singula-

\* \*

725

## P R Æ F A T I O

res neque in itinere esse sine telo sui defendendi causa, neque dormitum ire nisi obseratis non modo foribus contra concives, sed etiam arcis capsulisque contra domesticos. Possintne homines, sibimet invicem omnesque omnibus diffidere sese, apertius significare? Quoniam autem omnes sic faciunt, tam civitates quam homines, metum suum & diffidentiam mutuam constituentur. Inter disputandum autem negant, hoc est, studio contradicendi aliis, contradicunt sibimet ipsis. Objectum porro à nonnullis est, quod admisso hoc principio, continuo sequatur, Homines omnes non modò malos, (quod forte etsi durum, concedendum tamen est, cùm id clarè dictum videatur in Scripturis sacris) sed etiam (quod concedi sine impietate

tate

A D L E C T O R E S.

tate non potest) naturâ malos esse:  
 Illud verò, homines naturâ malos  
 esse, ex hoc Principio non sequitur.  
 Nam etsi pauciores essent mali quam  
 boni, quoniam tamen bonos à malis  
 internoscere non possumus, necessitas  
 diffidendi, cavendi, anticipandi,  
 subjugandi, quoquo modo se defen-  
 dendi, incumbit perpetuo etiam bo-  
 nis & modestis. Minus verò sequi-  
 tur, eos ipsos qui mali sunt, ita  
 factos esse à natura. Quamquam  
 enim à natura, hoc est, ab ipsa  
 nativitate, ex eo quod nascantur,  
 animalia hoc habeant, ut statim  
 omnia quæ sibi placent, cupiant fa-  
 ciantque quantum possunt, ut quæ  
 impendent mala, aut metu fugiant,  
 aut ira repellant, non tamen ob  
 eam causam mali censeri solent:  
 nam affectus animi qui à natura  
 ani-

P R Æ F A T I O

*animali proficiscuntur, mali non sunt ipsi, sed actiones inde provenientes, male aliquando sunt; nimirum quando & noxiae sunt, & contra officium. Infantes nisi omnia quæ cupiunt, dederis, plorant atque irascuntur, etiam parentes ipsos verberant, habentque à natura, ut ita faciant; attamen culpâ vacant, neque mali sunt, primò quia nocere non possunt, deinde quia rationis usu carentes officiorum omnium immunes sunt. Iidem si adulta etate, acquisitis viribus quibus nocere possunt, eadem facere pergant, tum verò mali & esse & appellari incipiunt. Ita ut vir malus idem ferè sit, quod puer robustus; vel vir animo puerili, & malitia, idem quod defectus rationis ea etate, qua per naturam, disciplinâ*  
*atque*

## AD LECTORES.

etque damnorum experientia gubernatam, accidere hominibus solet. Nisi ergo homines ideo à natura factos, malos esse dixerimus, quod disciplinam & usum rationis à natura non habent, confitendum est, posse homines à natura cupiditatem, metum, iram, ceterosque affectus habere animales, ut tamen mali facti à natura non sint. Immo igitur quod jeci fundamento, ostendo primo, conditionem hominum extra societatem civilem (quàm conditionem appellare liceat statum naturæ) aliam non esse quàm bellum omnium contra omnes; atque in eo bello jus esse omnibus in omnia. Deinde homines omnes ex eo statu misero & odioso, necessitate natura sua, simul atque miseriam illam intellexerint, exire velle. Id autem, nisi

## P R Æ F A T I O

initis pactis à jure suo in omnia de-  
cedant , fieri non posse. Porro quæ  
sit pactorum natura , quo modo jura  
ab alio in alium , ut pacta valida  
fiant , transferri debeant ; item quæ  
jura & quibus , ad stabiliendam  
pacem necessario concedenda sunt , id  
est , quæ sint rationis dictamina ea  
quæ leges naturales appellari pro-  
priè possunt , explico & confirmo.  
Atque hæc sunt in ea parte libri  
quæ inscribitur Libertas.

His constitutis ostendo , quid &  
quotuplex sit , & quo modo fiat ci-  
vitas , summumque civitatis Im-  
perium ; quæque à singulis homini-  
bus civitatem constituturis jura in  
summum imperantem , sive is unus  
homo sit , sive unus hominum cœ-  
tus , ita necessario transferenda sint ,  
ut nisi sint translata , civitas nulla  
fiat .



A D L E C T O R E S.

fat, & jus omnium in omnia, id est, jus belli maneat. Deinde civitatum diversas species, Monarchiam, Aristocratiam, Democratiam, Dominium paternum, & Despoticum, distinguo; quomodo constituentur, doceo, & commoda incommodaque singulorum inter se comparo. Præterea quæ res civitatem destruant, & quæ sint summum imperium administrantis officia, expono. Postremò legis & peccati naturas explico, & legem à consilio, à pacto, à jure distinguo; quæ omnia sub titulo Imperii continentur.

In parte ultima cui inscribitur Religio, ne jus illud quod in præcedentibus summos Imperantes in cives habere rationibus confirmaveram, Scripturis sacris repugnare videretur; Ostendo primo loco, non

## P R Æ F A T I O

repugnare illud juri Divino, quatenus imperantibus imperat Deus per naturam, id est, per dictamina rationis naturalis. Secundo, idem non repugnare juri Divino, quatenus imperium habuit Deus in Judæos peculiare per pactum antiquum circumcisionis. Tertio, idem non repugnare jure Divino, quatenus Deus imperat in Christianos per pactum baptismale, adeoque jus illud summorum Imperantium, sive jus civitatis, cum Religione omnino non pugnare. Postremo, ostendo quæ officia ad introitum in Regnum cælorum requiruntur necessario; atque ex illis, Obedientiam quam à civibus singulis Christianis Principi suo Christiano deberi affirmaveram. Religioni Christianæ repugnare non posse, ex Scriptura sacra testimoniis, secundum

A D L E C T O R E S .

cundum receptam ab omnibus interpretationem, evidentissime demonstro & concludo. Methodum vidistis; causam jam & consilium scribendi accipitote. Dabam operam Philosophia animi causâ, ejusque in omni genere Elementa prima congerebam, & in tres Sectiones digesta paulatim conscribebam, ita ut in prima, de corpore, proprietatibusque ejus generalibus; in secunda, de Homine & facultatibus affectibusque ejus speciatim; in tertia, de Civitate, civiumque officiis ageretur. Itaque Sectio prima, Philosophiam primam, & Physicæ elementa aliquot continet; in ea Temporis, Loci, Causa, Potentia, Relationis, Proportionis, Quantitatis, Figura, Motus, rationes computantur. Secunda circa imaginationem, memoriam,

\*\* 4

intel-

## P R Æ F A T I O

intellectum, ratiocinationem, appetitum, voluntatem, Bonum, Malum, Honestum, & Turpe, aliaque ejus generis occupatur. Tertia hæc quid agat, jam antè dictum est. Hac dum compleo, ordino, lentè morosèque conscribo (non enim dissero, sed computo) accidit interea, patriam meam, ante annos aliquot quam bellum civile exardesceret, questionibus de jure Imperii, & debitâ civium obedientiâ, belli propinqui præcursoribus, fervere. Id quod partis hujus terciæ, cæteris dilatis, maturandæ absolvendæque causa fuit. Itaque factum est, ut quæ ordine ultima esset, tempore tamen prior prodierit; præsertim cum eam, principiis propriis, experientia cognitâ, innixam, præcedentibus indigere non viderem.

Feci

A D L E C T O R E S.

*Feci tamen non eo consilio ut laudarer, (quamquam si fecissem, excusatione hac uti possem, nisi qui laudem amant, paucos esse qui laudabilia faciunt) sed vestri causa, Lectores, qui cum doctrinam quam affero, cognitam & perspectam haberetis, sperabam fore, ut aliqua incommoda in re familiari, quoniam res humana sine incommodo esse non possunt, equo animo ferre, quam Reipublicæ statum conturbari malletis. Ut Iustitiam earum rerum quas facere cogitatis, non sermone vel consilio privatorum, sed legibus civitatis metientes, non amplius sanguine vestro ad suam potentiam ambitiosos homines abuti pateremini. Ut statu presente, etsi non optimo, vos ipsos frui, quam bello excitato, vobis interfectis, vel a-*

\* \* \*

5.

tate

## P R Æ F A T I O

tate consumtis , alios homines alio seculo statum habere reformatiorem , satius duceretis. Præterea qui Magistratui civili subditos sese esse nolunt , onerumque publicorum immunes esse volunt , in civitate tamen esse , atque ab ea protegi à vi & injuriis postulant , ne illos , cives , sed hostes exploratoresque , esse putaretis , neque omnia , quæ illi pro Verbo Dei vobis vel palam vel secreto proponunt , temerè reciperetis. Apertius dicam. Si quis Concionator , vel Confessor , vel Casuista , doctrinam hanc , summum Imperantem , imò quemlibet hominem , injussu summi Imperantis , jure à cive interfici , aut rebellionem , conjurationem , fœdusve quodlibet civium contra civitatem jure iniri posse , verbo Dei consentaneam esse dixerit , illi ne crederetis .

AD LECTORES.

*deretis, sed nomen ejus denuncia-  
retis. Hæc qui probat, is meum quo-  
que in scribendo consilium probum  
esse existimabit.*

*Postremò per totam orationem  
meam modum talem conservandum  
mihi proposui, primò ne de Justi-  
tia singularium actionum quicquam  
determinarem, sed legibus determi-  
nandum relinquerem. Deinde, ne  
quicquam differerem de cujuscunque  
civitatis legibus speciatim, id est,  
ne qua sint, sed quid sint leges, di-  
cerem. Tertio, ne civitati Aristoc-  
ratica, vel Democratica, mino-  
rem à civibus obedientiam deberi  
quàm Monarchica, existimare vi-  
derer. Licèt enim Monarchiam cæ-  
teris Civitatis speciebus Capite de-  
cimo commodiorem esse, argumen-  
tis aliquot suadere conatus sim;  
(quam*

## P R Æ F A T I O

(quam rem unam in hoc libro non demonstratam, sed probabiliter positam esse confiteor) omni tamen civitati potestatem summam & æqualem tribuendam esse, passim & expresse dico. Quarto, de doctrinis Theologorum, præterquam de illis quæ civium obedientiam tollunt, & civitatis statum labefactant, ne quid in ullam partem disputarem. Postremò, ne quid per imprudentiam ederem, quod edito opus non esset, id quod conscripseram, publici juris esse illico nolui: itaque exemplaria pauca privatim impressa, amicis distribuenda curavi, ut sententiis aliorum exploratis; si quæ erronea, dura, obscurave esse viderentur, ea emendarem, mollirem atque explicarem.

Acerrimè verò reprehensa hac reperi,



## A D L E C T O R E S.

*peri, quod potentiam civilem immodicam fecerim, sed ab Ecclesiasticis; quod libertatem conscientia abstulerim, sed à Sectariis; quod summos Imperantes legibus civilibus exsolverim, sed à Legistis. Horum itaque reprehensionibus, ut qui rem suam agunt, nisi ut eos nodos fortiùs adstringerem, non magno pere commovebar. Caterum eorum causâ qui circa ipsa principia haeserunt, nempe naturam hominum, jus natura, naturam pactorum, & generationem civitatis, quoniam non affectus, sed sensus suos genuinos in reprehendendo sequuti sunt, annotationes quibusdam in locis adjeci, quales dissentientibus satisfacere posse judicavi. Denique, ne quemquam offenderem prater eos, quorum inceptis hæc repugnant, eosque,*

P R Æ F A T I O.

*que , quorum animi omni opinio-  
num disensione offendi solent , ope-  
ram ubique diligenter dedi.*

*Quapropter , si aliqua inveneri-  
tis aut minus certa, aut magis quam  
neceſſe erat , acriter dicta, cum non  
Partium , ſed Pacis ſtudio , & ab  
eo dicta ſint , cujus , propter patriam  
preſentem calamitatem , dolori juſ-  
ſo aliquid condonari equum eſt , ea  
ut equo animo ferre dignemini ,  
Lectores , oro postuloque.*



*Per-*

*Per-erudito ac per-amico Viro*

SAMUELI SORBERIO,

PETRUS GASSENDUS S.



Q UOD epistolium ad me Caleto vela mox facturus dedisti, accepi. Nihil opus fuit excusare, quod vale coram non dixeris; nam præclarus noster Martellus sat declaravit, quàm improvisa discedendi occasio fuerit, & quàm requisieris me tamen, utcumque non adfuerim domi. Quod addis autem, potuisse te ante discessum extorquere ab Eximio illo HOBBIÒ id exemplum libri de CIVE, cui ipse manu propria marginales notas apposuit, ut cùm isthùc, ubi te voveo incolumem, perveneris, edi iteratò procures, id summo opere delectavit. Videlicet tam pauca fuère excusa libri exemplaria, ut illa sui sitim potius fecerint, quàm expleverint; siquidem innumeros video, qui librum ardenter, sed frustra requirant.

quirant. Et liber certè est non vulgaris, dignusque, qui omnium, qui altiora sapiunt, manibus teratur; neque (si illa seposuero, quæ Religionem, in qua sumus ἰστέπδοξοι, adtinent) scriptorem agnosco, qui argumentum scrutetur, quàm ille, profundius. Utinam verò cætera etiam, quæ ille versavit, perinde extorsisses! Quippe & ex ipsis in lucem prolatis, summè beasses nationem totam philosophantium solidè; cùm ego quidem neminem norim, qui sit inter philosophandum magis à præjudiciis liber, quique penitus quicquid rerum edisseruerit, introspiciat. Enimvero tu virum satis nosti; frustra que foret, si quid præterea in commendationem ejus adderetur. Vale, & amicos optimos saluta, imprimisque Curcellium, Heerebordium, Bornium, & alios. Parisiis, IV. Kal. Mai. CIO IDC XLVI.

*Erud.*

*Eruditissimo Viro*

D. SAMUELI SORBERIO

Doctori Medico S. D.

MARINUS MERSENNUS M.

**E**N audio, doctissime SORBERI, tecum illud egregium opus de CIVE, incomparabilis viri D. HOBBI, te Hagam Comitum, hoc est, ingentem thesaurum literarium tulisse, novis auctum cogitationibus, quæ singulis difficultatibus satisfaciunt, planum iter exhibeant. Vide igitur, ut quis egregius Typographus librum illum aureum, gemmis auctum & ornatum, in lucem edat, neque diutius patiaris eum à nobis desiderari. Sed autorem pro viribus urgeas, ne totum corpus philosophicum, quod mente premit, & calamo explicat, deinceps arcâ, (nobis fatali) concludat, ne tandem nos ad autoritatem regiam provovare cogat, quâ ipsius arcam invidam effringamus. Quantâ autem voluptate

luptate à nobis afficeris, quando videris nobilem illam Philosophiam, non minus quàm Euclidis Elementa demonstrari! Quàm libenter illi tuæ Epochæ, & Scopticis næniis renuntiaturus es, cùm dogmaticam firmissimis innixam fulcris fateri cogêris! Vale. Ubi verò D. Rivetum; ubi Hugenum mirabilem virum videris, millies eos meo nomine salutes velim, meque tui credas memorem & obsequentem. Aureliæ, xxv. April.  
CICICXLVI.

VITA

# V I T A

## THOMÆ HOBBI. I.



**T**HOMAS HOBBS natus est die 5. April. an. 1588. Malmesburia in agro Wiltonien- Litteris Latinis & Græcis initiatus, Magistro Rob. Latimero, annum agens decimum quartum missus est Oxonium, ubi per quinquennium mansit, operam impendens studio Logicæ & Physicæ Aristotelicæ, eodemque ætatis anno Euripidis Medeam in Latinos versus reddidit.

Annum agens vicesimum, Oxonio relicto, recepit se in domum D. Gulielmi Cavendish, Baronis de Hardwich, & paulò post Comitis Devonix, cujus filio primogenito sibi ferè coætaneo servivit, placuitque tum filio, tum patri, temperans, sedulus, hilaris. Anno cum Domino suo in Urbe perpetuò ferè degens, quod didicerat Græcæ & Latinx lingue, magnâ ex parte amiserat. Deinde per Galliam & Ita-  
 † liant

## HOBBI VITA.

*liam peregrinantem Dominum sequutus, gentium illarum Linguas eòusque didicit, ut intelligere eas mediocriter potuerit. Interea Græcam & Latinam paulatim perire sibi sentiens, Philosophiam autem Logicamque (in quibus præclarè profecisse se arbitrabatur) viris prudentibus derisui esse videns, abjectâ vanâ illâ Logicâ & Philosophiâ, quantum temporis habuit vacui, impendere decrevit Linguis Græcæ & Latine. Itaque cum in Angliam reversus esset, Historicos & Poëtas (adhibitis Grammaticorum celebrium Commentariis) versavit diligenter; non ut floridè, sed ut Latine posset scribere, & vim verborum cogitatis congruentem invenire; itaque verba disponere, ut lectio perspicua & facilis esset. Inter Historicos Græcos Thucydidem præ cæteris dilexit, quem in sermonem Anglicum non sine laude conversum, circa an. 1628, (a) in publicum edidit.*

(a) Ita post *Woodium* Autor ejus Vitæ pag. 15. licet in Catalogo Operum pag. 122. prima notetur Editio Lond. 1634. prout apud *Niceronius* & alios.



## HOBBI VITA:

edidit, eo fine, ut ineptiæ Democraticorum Atheniensium concivibus suis patefierent. Eo anno Comes Devonixæ, cui jam viginti annos addictus fuerat, diem obiit, patre ejus biennio ante defuncto. Sequenti anno 1629, ætatis 40, rogatus à Nob. Viro Gervasio Clifton, ut filium suum in Galliam comitaretur, accepit conditionem. In peregrinatione illâ inspicere cœpit in Elementa Euclidis; & delectatus methodo illius, non tam ob theoremata illa, quàm ob artem ratiocinandi diligentissimè perlegit. Anno 1631. revocatus est in familiam Comitissæ Devonixæ, ut filium suum annos tredecim natum in litteris instrueret, quem etiam circiter triennio post comitatus est in Galliam & Italiam, studiorum ejus & itinerum rector. Dum moraretur Parisiis, principia Scientiæ Naturalis investigare cœpit, suaque cogitata cum Rev. P. Marino Mersenno Ord. Minimorum, in omni genere Philosophiæ versatissimo, viroque optimo communicabat. Anno 1637. cum Patrone suo in Angliam rediit, & apud illum mansit,

## HOBBI VITA.

unde de rebus naturalibus commercia cum Merfeno per litteras continuavit. Convocato autem 3. Nov. 1640. Parlamento, cum ex iis quæ in illo consultata videret, Bellum Civile ingruere, & tantum non adesse sentiens, retulit se rursus in Galliam, scientiarum studio Parisiis tutius vacaturus cum Merfeno, Gassendo, aliisque viris, propter eruditionem & vim in ratiocinando celeberrimis. Ibidem libellum scripsit de Cive, ediditque anno 1646 (b), quo tempore prævalentibus Parlamentariis multi eorum, qui partes Regias sequuti erant, (& in illis Princeps Walliæ) Parisios confluxerunt. Statuerat circa idem tempus migrare in Occitaniam, & jam quæ sibi necessaria erant, præmiserat; sed commendatus Principi ut Elementa Mathematica illi prælegeret, substitit Lutetia. Quod in isto munere reliquum temporis habuit, consumpsit in scribendo opere notissimo sub titulo Leviathan, quem in Anglia edendum cura-

(b) Non 1642. ut mendosè legitur in eius Vita pag. 119. licet pag. 17, rectè 1646.

## HOBBI VITA.

*curavit, Parisiis adhuc degens, anno 1651. etat. 63. Hujus cum aliquot exemplaria in Galliam transmissa fuissent, ubi Theologi quidam Angli doctrinas quasdam in eo contentas, tum ut hæreticas, tum ut partibus Regiis adversas criminati sunt, in tantum, ut domo Regiâ prohibitus fuerit, quo factum est, ut protectione Regiâ destitutus, metuensque ne à Clericis Romanis, quos præcipuè læserat, malè tractaretur, in Angliam refugere coactus sit. Stantem inter amicos & inimicos quasi in æquilibrio, fecerunt illi ne ob doctrinam opprimeretur; hi, ne augetur. Itaque fortunâ tenui, famâ doctrinæ ingenti, in Patroni sui Comitis Devonixæ hospitio per cæterum vitæ tempus perpetuò delituit, studio vacans Geometriæ & Philosophiæ Naturalis, ediditque jam senex librum de Corpore, continentem fundamenta Logicæ, Geometriæ, Physiçæ, (tum sublunaris, tum cælestis).*

*Carolo II. anno 1660 in Regiam dignitatem restituto, Hobbius, qui ejus partes pro virili semper sustinuerat, in-*

## HOBBII VITA.

credibili gaudio affectus est. Itaque relicto rure, Londinum advolavit, ubi quod tantoperè expetierat, casus inopinatus ipsi ultrò detulit. Rex enim ades Sarisburienses, in quibus tunc cum patrono moratus est Hobbius, curru prætervectus, illum forte conspicatus, ad se accersi jussit, manum osculandam præbuit, de valetudine ac rebus suis sciscitari dignatus est; ipso interim favorem Regium, cultu obsequia excipiente.

Sub illud tempus, Regiis auspiciis, fundata est Societas Regia Londinensis promovendæ Philosophiæ Naturalis causâ, de cujus instituto honorificè sensit Hobbius, ita ut veram Philosophiam relictis Academiis Londinum transmigrasse affirmaret; illud tamen improbare visus est, quod de generali Motûs doctrinâ excolendâ minùs solliciti, Proletariis Experimentorum minutiis se addicerent nimis. Tunc verò Mathematicæ ulterius promovendæ studium impensè intendit; Geometriam ab ipsis fundamentis restituere aggressus.

Anno 1664 ab amico quodam, qui

## HOBBIIVITA.

πολιτικάθτος ejus ingenium expolient-  
dis Reipublicæ Legibus summè accom-  
modatum judicavit, ad Legum Angli-  
canarum studium impulsus est; causa-  
tus licet jam ætatem grandiore, &  
materiae tam incultæ, tantisque difficul-  
tatibus implexæ; vix suffecturam. Us-  
que adeo tamen perspicacissimæ mentis  
acies rerum interiora penetravit, ut de  
Legibus Anglicanis Commentarium  
scriberet, doctissimis JCtis in pretio ha-  
bitum, quem reliquit MStum.

Anno 1669 Cosmus Medicus Etru-  
riæ Princeps, tanti Philosophi famâ per-  
motus, illum sæpius convenire dignatus  
est, & insignem scientiam quampluri-  
mum admiratus, Iconem ejus & uni-  
versos libros inter rarissima Bibliothecæ  
Medicæ κειμήλια reponendos, domum  
secum reportavit.

Tunc etiam in Academiis aliquan-  
tùm obtinere cœpit Philosophia Hobbia-  
na, & Juventus Academica in publi-  
cis scholarum velitationibus opiniones  
Hobbianas haud rarò defendere solita  
est. Inter alios Daniel Scargil Artium  
Bacca-

## HOBBI VITA.

*Baccalaureus, vir fervidi & præcoci ingenii, ac vitæ paulò solutioris, Theses quasdam incautiùs forsan, & nimià cum acrimonià propugnavit. Theologi verò illum pro senatu Academico gravissimorum criminum postulabant; quare summà cum vehementià increpitus, Magistratùs Academici auctoritate carceri inclusus est; postea gradu privatus, sodalitate exutus, Academià expulsus, priùs tamen summà cum ignominià coactus est pro Concione in Templo publico, Theses suas ad Strygem damnare; easque erga summum Numen impias, omnique humanæ Societati perniciosissimas pronunciare. Hobbius autem nominis sui existimationem læsam facile sentiens, dogmatis suis tum in segniorem sensum detortis, tum etiam cum opprobrio danmatis, ipsoque tanquam Atheorum Antesignano publicè descripto, per litteras ad amicos graviter conquestus est, sed incassum, cum id temporis vindicias suas publico dare ipsi liberum non esset.*

Anno 1670 Antonius à Wood  
Histo-

## HOBBI VITA.

*Historiam & Antiquitates Universit. Oxoniensis Anglico sermone in lucem edidit; quod eximium opus placuit summis viris ut exterorum in gratiam Latio donaretur, studiosis nonnullis ad hanc operam delectis, qui tamen Authori in cogitatis suis vertendis non fecerunt satis. Inter hos Joannes Fellus Oxoniensis tum Decanus (postea Episcopus) quum & operis vertendi, & typorum sumptus maximam partem sustentaret, multa ab Authoris mente aliena passim interseruit, multa immutavit; quod factum incredibili dolore Woodium affecit, qui contaminatam Historiæ fidem gravissimè conquestus nihil interrim remedii impetravit. Inter alia autem deformatum est Elogium Hobbianum, detractis quæ ab Authore adscriptæ sunt laudibus, earumque in locum vituperiis substitutis. Quæ cum ita essent, Woodius rem agrè ferens, veniam solummodo obtinere potuit, Hobbium de eo quod factum erat; certiorum faciendi, ne in libro sub nomine*

† †

suo

## HOBBIUS VITA.

*fuò prodeunte, Hobbius se notatum sentiens, in ipsum postea durius animadverteret. Hobbius verò injuriâ affectus, sese debito laudis præconio spoliatum, & insignem nomini suo inustanz contumeliam non dissimulavit. Itaque ad Regem detulit querimoniam, à quo ipsi libera contra adversarios suos defensio relicta est. Quare Epistolam Apologeticam ad Woodium datam, circa Comitia Oxoniensia an. 1674. publicavit, quam cum legisset Editor, Woodium acribus compellavit verbis, tanquam malâ fide secum agentem, qui ipso inscio clanculam rerum notitiam Hobbio suggererat, quin & acerbiori sermone in Hobbium invectus est, adjectâ ad calcem Operis Woodiani Epistolâ ad Lectorem, ut publicâ etiam reprehensione Hobbium corripere.*

*Hobbius autem tum conscientiam propriâ, tum Doctorum testimoniis satis fretus, cum Decano contentionis funem elucere recusavit, alteriore responso indignatus. Susplicandi tamen ansam arripuerunt*



## HOBBII VITA

*puerunt nonnulli, Hobbium à Decano tam duriter habitum, eò minus in libro de Bello Civili Anglicano suam de doctrinâ & regimine Academico sententiam dissimulasse.*

*Mense Junio anni 1674. Londinum reliquit, cum animo nunquam revertendi, quibus hætenus se oblectaverat studiis, quoad vita suppeteret, vacaturus. Summo cæteroquin ingenii vigore & sensibus integris ad obitum usque in Philosophiâ & Mathesise assiduò exercitavit, & quod magis mirum, Poesin exercuit, quâ propriis animi conceptibus exprimendis, quâ aliorum transferendis.*

*Anno 1678 prodiit ejus Dialogus de Bello Civili Anglicano, ipso minimè conscio, quam in rem scripsit ad Librarium, ei significans non potuisse facultatem imprimendi à Rege impetrare.*

*Circa medium Oct. An. 1679. urinæ suppressione correptus est, quâ sensim ingravescente è vivis excessit die 4. Decemb. atat. 91. (c). Conditus fuit jux-*

† † 2

ta

(c) Malè 94. in *Bibl. Juris imperantium* p. 71: ubi perperam natus dicitur anno 1585. pro 1588.

## HOBBI VITA:

*ta tumulum Comitissæ Devonixæ, sub nigro marmore, cujus inscriptio solummodo patriam, tempus natale & emortuale præ se fert.*

*Nunc autem operæ pretium videtur, nonnulla paulò specialius describere, quæ ad corporis habitum, præcipuè verò ejus animi mores, & ingenii studia attingent, cognitu forsàn haud ingrata.*

*Temperamento præditus erat sanguineo-melancholico, ad virtutis & sapientix excellentiam maximè proprio. Primis annis invaletudinarius fuit, sed progressu ætatis & circa annum 40 valetudine usus est satis confirmata. Cælibatum tenuit, tanquam Philosophiæ studiis maxime commodum.*

*Quoad ingenium & mores, de Religione primò dicendum. Deum autem agnovit, eumque rerum omnium originem, intra angustos tamen humanæ rationis cancellos nullatenus circumscribendum. Quare (inquit Autor ejus vitæ) fortiter calumniati sunt, qui ipsum Atheismi reum detulerunt; quod inde*  
*forst-*

## HOBBI VITA.

*forſitan profectum quia ſcholasticorum aliorumque iſto de grege morem rejecerat, qui otioſi in Muſæis ſuis ſedentes, juxta imbecillem ingenii ſui cap- tum, Naturæ Divinæ incomperta affin- gunt attributa. Nec miniùs falſò à non- nullis inſimulatus eſt, tanquam ſolitu- dinem fugeret, ſpectra metuens & phan- taſmata, vana ſtultorum terriculamen- ta, quæ Philoſophiæ ſuæ lumine diſſipa- verat. Non injuriâ tamen forte ſubve- ritus eſt, ne ab illis ad plures mittere- tur, quorum commodis adverſatus, ip- ſorum artificia ac verſutias publico a- pertè conſpiciendas præbuiſſet. Religio- nem Chriſtianam, quatenus in Eccleſiâ Anglicanâ; reſectis ſuperſtitionis inep- tiis, Regni legibus ſtabilitur, ex animo amplexus eſt; quam etiam contra Pon- tificiorum ſimul & Sectariorum inſultus ſtrenuè propugnavit. Controverſias qui- dem Theologicas maximè averſatus eſt. Quicquid autem ad pietatis exercitia aut bonos mores conferret, plurimi fe- cit. Sanctius illi & reverentius viſum;*

## HOBBIIVITA:

de Deo credere quàm scire. *Sacerdotes interim inculpate solitus est, qui Christianam Religionem absolutam ac simplicem vel superstitione macularent, vel inanibus interdum profanis speculationibus implicarent.*

*Hæc compendiosè ex Vitâ Hobbiæ partim per se ipsum, & reliqua per R. B. conscripta, cum Elencho Authorum qui pro & contra ipsum scripsere, & Catalogo Librorum per eundem editorum & scriptorum, quæ edita est Carolop. 1681. & recusa apud Batavos 1682. 12°. Hanc Vitam Anglicâ linguâ conscriptam à Jo. Alberico (vulgò Aubrey,) qui intimam cum Hobbio amicitiam coluit, Latinitate donavit Richardus Blackburnius, non Rad. Bathurstius (d), ut aliqui crediderunt (e).*

*Sed*

(d) Vid. *Acta Erud.* An. 1722. p. 551. ubi de *Alberici* Miscellaneis Anglicè editis.

(e) Inter hos Cl. *Struvius*, *Koriholius*, aliique, ut observavit *Jo. Christ. Colerus* in *Analectis ad Struvii* Notitiam Rei Litter. p. 173. Vid. *Acta Erud.* An. 1722. p. 375. Eundem postea

## HOBBIIVITA:

*Sed ut pauca de hisce Hobbiu Elementis adjiciam (cætera enim ejus scripta recensere non est animus) notabimus tantummodo primùm prodiiſſe Lat. Paris. 1642. 4°. cujus pauca excudi fecit exemplaria; at non multò post illud opus recensuit, & auxit; quo in statu recusatus est Amst. 1647. 12°. apud Elzevirium, curis Sorberii. Notantur & aliæ 1657. 1669. 1673. in 8°. rursus ibidem, apud Blavium 1696. 12°. atque inter ejus Opera Philosophica, ibidem 1668. in 4°. denique Hale 1704. 12°. Sorberius Gallicè eundem vertit, ediditque hoc titulo: Elemens Philosophiques du Citoyen. Traité de Politique, ou les fondemens de la Société Civile découverts par Thomas Hobbes, & traduits en François par un de ses amis. Amst. Blæu 1649. in 8°. Extat etiam Gallicè la Politique de Hobbes Paris. 1660. 8°. chez Gras. Anglicè lucem vidit Londini 1651. 8°. Judic-*

*secutus est errorem Autor Biblioth. Juris Imperantium, Norib, 1727. 4. p. 70.*

HOBBI VITA  
JUDICIA  
DE HOBBI DOCTRINA.

Thomas Hobbes in Operibus suis ad Civilem Scientiam spectantibus plurima habet quantivis pretii, & nemo, cui rerum ejusmodi est intellectus, negaverit, tam profundè ipsum Societatis Humanæ & Civilis compagem rimatum fuisse, ut pauci priorum cum ipso heic comparari queant. Et quà à vero aberrat, occasionem tamen ad talia meditanda suggerit, quæ fortasse aliàs nemini in mentem venissent..... Neque rarò contingere videas, ut ab illis maximo cum supercilio condemnetur, à quibus minime lectus fuit aut intellectus. Sam. Puffendorf. de Jure Nat. & Gentium, in Præf. ad Lect.

Neque parùm nos debere profiteremur Thomæ Hobbes, cujus Hypothesis in libro de Cive, etsi quid profani sapiat, tamen cætera satis arguta & sana. Puffendorf. Præf. in Elem. Jurispr. Univers.

Liber de Cive certè est non vulgaris,  
dignus.

## HOBBI VITA.

*dignusque, qui omnium, qui altiora sapiunt, manibus teratur; neque (si illa seposuero, quæ Religionem, in quâ sumus ἑτερόδοξοι, adtinent) scriptorem agnosco, qui argumentum scrutetur, quàm ille, profundius. Petrus Gassendus in Epist. ad Sam. Sorberium.*

Thomas Hobbes magnam ingenii profunditatem ostendit, ut etiam inter postremorum horum seculorum Epicureos audacissimus est, eorumque in omnibus principia, nequaquam sibi temperans, sectatur. Rapini *Animadv. in vet. & novam Philos. Sect. 18.*

*Si dicendum quod res est, nequedum famæ & existimationi Hobbianæ satisfactum est, & omnino operæ pretium foret, ejusdem saniora, licet forsan primo intuitu paradoxa dogmata, ulterius vindicatū ire, ne cum exoso Hobbi nomine, cuncta ejus, sive bona, sive mala sint, proscripta cupiamus. Biblioth. Juris imperantium p. 76.*

*Qui enim ipsi ab aliis tribuitur Atheismus, ad ea pertinet, quæ vulgò quidem;*

## HOBBII VITA.

*dem, sed & perperam & falsò ipsi affinguntur. Suo etiam loco relinquimus, quantum tribuerit Philosophiæ Epicureorum, quam Gassendi amicitia ductus, in Moralibus, sicut ille in Physicis, secutus dicitur:..... Ab his itaque si discedas nævis, qui hominem fuisse Hobbiū arguunt, non poteris non immortalī eum laude dignum prædicare. Sine eo enim nunquam Puffendorfiū in tanto famæ atque honoris, Naturæ autem Jura in tanto, quo nunc sunt, perfectionis fastigio conspexissemus. Idem p. 79.*

*Plura de Hobbio judiciâ legas apud Thom. Pope Blount in Censura celebr. Author. p. 1043. & Morhof. Polyhist. Litter. De ejus verò scriptis præcipuè agunt Nicéronius, Mémoires pour l'Hist. des Hommes Illustres Tom. 4. ex Vitâ jam citatâ & Woodio. Consultè etiam meretur Biblioth. Juris imperantium, ubi distinctè agitur de Hobbii Adversariis ac Defensoribus. Videndi etiam sunt Bælius & Moreri in Diction. Lipenius in Biblioth. Jurid. & Philos.*

IN-



INDEX  
CAPITULUM.

---

Sub titulo

LIBERTATIS.

CAP. I.

- D**E *Hominum statu extra societatem civilem.* pag. 1  
II. *De Lege Naturæ circa contractus.* 27  
III. *De Legibus naturæ reliquis.* 55  
IV. *Quod Lex naturalis est lex divina.* 96

Sub titulo

IMPERII.

CAP. V.

- D**E *causis & generatione Civitatis.* 118  
VI. *De Jure ejus sive Concilii, sive Hominis unius, qui in Civitate cum summa potestate est.* 134  
VII. *De tribus Civitatum speciebus, Demo-*

<i>Democratia, Aristocratia, Monarchia.</i>	pag. 180
VIII. <i>De Jure Dominorum in servos.</i>	211
IX. <i>De Jure parentum in liberos, &amp; de Regno Patrimoniali.</i>	223
X. <i>Specierum trium Civitatis, quoad incommoda singularum, comparatio.</i>	244
XI. <i>Loca &amp; Exempla Scripturae sacrae de Jure Regni, quae secunda videntur antedictis.</i>	277
XII. <i>De causis internis Civitatem dissolventibus.</i>	288
XIII. <i>De officiis eorum qui summum Imperium administrant.</i>	317
XIV. <i>De legibus &amp; peccatis.</i>	349

Sub titulo

## R E L I G I O N I S.

### C A P. XV.

<b>D</b> <i>E Regno Dei per naturam.</i>	392
XVI. <i>De Regno Dei per Pactum vetus.</i>	437
XVII. <i>De Regno Dei per Pactum novum.</i>	483
XVIII. <i>De Necessariis ad introitum in Regnum Caelorum.</i>	576

ELE-

I

ELEMENTA  
PHILOSOPHICA  
DE CIVE.

---

LIBERTAS.

---

CAPUT I.


*De statu hominum extra Societatem civilem.*

- I. *Introductio.* II. *Societatis civilis initium esse à mutuo metu.*  
III. *Homines naturâ aequales inter se esse.* IV. *Unde nascitur mutuò se lædendi voluntas.*  
V. *Discordia à comparatione ingeniorum.* VI. *Ab appetitu plurium ad eandem rem.* VII. *Definitio juris.* VIII. *Jus ad finem, dat Jus ad media necessaria.* IX. *Jure naturali, unumquemque judicem esse mediorum ad suâ conservationem.* X. *Jure naturali omnia esse omnium.* XI. *Jus omnium ad omnia inutile esse.* XII. *Statum hominum extra Societatem bellum esse.* Belli & Pacis
- A

## 2 LIBERTAS. Cap. I.

*Pacis definitiones. XIII. Bellum conservationi hominum adversum esse. XIV. Jure naturali licere cuique, alium in sua potestate existentem cogere ad cautionem præstandam futurae obedientiae. XV. Naturam dictare, querendam esse pacem.*

*Intro-  
ductio.*

I.  Aturæ humanæ facultates ad quatuor genera reduci possunt, Vim corpoream, Experientiam, Rationem, Affectum.

Ab his sequentis doctrinæ initium capientes dicemus primo loco, quid animi habeant homines. illis facultatibus præditi, alteri adversus alteros: & an, & qua facultate, apti nati sint ad societatem, & ad conservandum se adversus mutuam vim: deinde progredientes, quid consilii in eam rem necessariò capiendum fuit, & quæ sint societatis sive Pacis huma-

Cap. I. LIBERTAS. 3

humanæ conditiones, hoc est; mutato tantum nomine, quæ sint *naturæ leges* fundamentales, ostendemus.

II. Eorum qui de Rebus publicis aliquid conscripserunt, maxima pars vel supponunt, vel petunt, vel postulant, Hominem esse animal (*a*) aptum natum ad Societatem, Græci dicunt *ζῷον πολιτικόν*, eoque fundamento ita superædificant doctrinam civilem, tanquam si ad conservationem pacis, & totius generis humani regimen, nihil aliud opus esset, quam ut homines in pacta & conditiones quasdam, quas ipsi jam tum leges appellant, consentirent. Quod Axioma, quamquam à plurimis receptum, falsum tamen; errorque à nimis levi naturæ humanæ contemplatione profectus est. Causas enim, quibus homines congregantur,

*Societatis civilis initium esse à mutuo metu.*

*Annot. pag. 9.*

4 LIBERTAS. *Cap. I.*

& societate mutuâ gaudent, penitus inspectantibus, facile constabit, non ideo id fieri, quod aliter fieri naturâ non possit, sed ex accidente. Nam si homo hominem amaret naturaliter, id est, ut hominem; nulla ratio reddi posset, quare unusquisque unumquemque non æque amaret, ut æquè hominem; aut cur eos frequentaret potius, in quorum societate ipsi potius quàm aliis defertur honor & utilitas. Non socios igitur, sed ab illis honore vel commodo affici, naturâ quærimus; hæc primariò, illos secundariò appetimus. Quo autem consilio homines congregentur, ex iis cognoscitur quæ faciunt congregati. Si coëant enim commercii causâ, unusquisque non socium, sed rem suam colit. Si officii causâ, nascitur forensis quædam amicitia, plus habens  
mu-

Cap. I. LIBERTAS. §

mutui metûs quàm amoris ; unde factio aliquando nascitur , sed benevolentia nunquam. Si animi & hilaritatis causâ ; solet maximè perplacere sibi unusquisque iis rebus , quæ risum excitant , unde possit , ( prout est natura ridiculi ) comparatione turpitudinis vel infirmitatis alienæ , ipse sibimet commendatior evadere. Etiam si autem hoc innocuum aliquando & sine offensâ fit , manifestum tamen est , delectari eos non priùs societate quàm gloriâ suâ. Cæterùm plerumque in hujusmodi congressibus læduntur absentes, eorum tota vitâ, dicta, facta, examinantur, judicantur, condemnantur , & dictæ iis traducuntur ; neque parcitur ipsismet confabulantibus, quin idem patiantur simul atque è confesso exierint ; adeò ut non absurdum fuerit consilium ejus , qui

à scena confabulantium exire novissimus solebat. Atque hæ veræ sunt deliciae societatis, ad quas naturâ, id est, ab affectibus omni animanti insitis ferimur, donec nocementis vel præceptis fiat (quod in multis nunquam fit) ut appetitus præsentium memoriâ præteritorum retundatur: sine quibus plurimorum hominum in materiâ hac facundissimorum, frigida & jejuna est oratio. Quodsi accidat confidentes historiolas narrare, unus autem eorum de se aliquam proferat, unusquisque cæterorum cupidissimè quoque de se loquitur: si unus mirabile aliquod narret, cæteri miracula, si habent, referunt; si non habent, fingunt. Denique ut loquar de iis qui profitentur præ cæteris sapere, si Philosophiæ gratia coëatur, quot homines, tot sunt qui cæteros



teros docent, nempe tot volunt Magistri haberi ; alioqui socios non modo, ut alii, non se amant mutuò, sed odio prosequuntur. Clarum adeò est experienciâ omnibus, qui res humanas paulo attentius considerant, quod congressus omnis spontaneus vel egestate mutuâ conciliatur, vel captandâ gloriâ : unde referre student congregantes vel commodum aliquod, vel illud *ἰδοκίμειν*, existimationem & honorem apud socios. Idem quoque ratione colligitur ex ipsis definitionibus *Voluntatis, Boni, Honoris, Utilis*. Cùm enim societas voluntariò contrahatur, in omni societate quaeritur voluntatis Objectum, hoc est, id quod videtur unicuique congregantium Bonum sibi. Quicquid autem videtur Bonum, jucundum est, pertinetque ad organa, vel ad animum.

Animi autem voluptas omnis, vel gloria est, ( sive bene opinari de se ipso ) vel ad gloriam ultimò refertur ; cætera sensuabilia sunt, vel ad sensuale conductia, quæ omnia commodorum nomine comprehendí possunt. Omnis igitur societas vel commodi causa, vel gloriæ, hoc est, sui, non sociorum amore contrahitur. Gloriæ autem studio nulla iniri neque multorum hominum, neque multi temporis, societas potest ; propterea quod gloriatio, sicut & honor, si omnibus adsit, nulli adest ; quippe quæ comparatione & præcellentiâ constant : neque ut quis causam gloriandi in se habeat, adjumentum ullum accedit ex aliorum societate. Tanti enim quisque est, quantum sine aliorum ope ipse potest. Quamquam autem commoda hujus vitæ augeri mutuâ ope possunt.

Cap. I. LIBERTAS. 9

possunt ; cum tamen id fieri multo magis dominio possit quàm societate aliorum, nemini dubium esse debet, quin avidius ferentur homines natura sua, si metus abesset, ad dominationem, quàm ad societatem. Statuendum igitur est, originem magnarum & diuturnarum societatum non à mutua hominum benevolentia, sed à mutuo (b) metu exstitisse.

ANNOTATIONES.

(a) Aptū natū] *Cum Societatem* Annot.  
*inter homines actu jam constitu-* ad pag. 3.  
*tam; cum extra Societatem vivere*  
*neminem; cum appetere congres-*  
*sus & colloquia mutua omnes vi-*  
*deamus; mira quædam videri po-*  
*test stupiditas in ipso doctrinæ ci-*  
*vilis limine, hujusmodi offendicu-*  
*lum legentibus opponere: Homi-*  
*nem ad Societate aptum natum*  
*non esse. Itaque explicatius di-*  
*cendum est: Verum quidem esse.*

Annot. *homini per naturam, sive quatenus est homo, id est, statim atque est natus, solitudinem perpetuam molestam esse. Nam infantes ad vivendum, adulti ad bene vivendum aliorum ope indigent. Itaque homines alterum alterius congressum natura cogente appetere non nego. Societates autem civiles non sunt meri congressus, sed Fœdera, quibus faciendis fides & pacta necessaria sunt. Horum, ab infantibus quidem & indoctis, Vis; ab iis autem qui damnorum à defectu Societatis inexperti sunt, Utilitas ignoratur: unde fit ut illi, quia quid sit Societas non intelligunt, eam inire non possint; hi quia nesciunt quid prodest, non curent. Manifestum ergo est, omnes homines (cum sint nati infantes) ad societatem ineptos natos esse: permultos etiam (fortasse plurimos) vel morbo animi, vel defectu disciplinae,*

*næ, per omnem vitam ineptos manere. Habent tamen illi tam infantes quàm adulti naturam humanam. Ad Societatem ergo homo aptus, non naturâ, sed disciplinâ factus est. Porro tametsi ea conditione natus esset homo ut societatem appeteret, non sequitur eundem ita natum esse ut societati ineundæ sit idoneus. Alia res est appetere, alia capacem esse. Appetunt enim illi, qui tamen conditiones æquas, sine quibus societas esse non potest, accipere per superbiam non dignantur.*

Annot.

*(b) A mutuo metu]. Objectum est, Tantum abesse, ut homines in societatem civilem coalescere propter metum possent, ut si mutuo se metuissent, ne conspectum quidem mutuum ferre potuissent. Sentiunt, opinor, nihil aliud esse metuere, præterquam perterreri. Ego ea voce futuri mali prospec-*

Annot.  
ad pag. 9.

**Annot.** *tum quemlibet comprehendo. Neque solam fugam, sed etiam diffidere, suspicari, cavere, ne metuant providere, metuentium esse iudico. Qui dormitum eunt, fores claudunt; qui iter facit, cum telo est, quia metuunt latrones. Civitates fines suos praesidiis, urbes mœnibus, tueri solent, metu vicinarum civitatum, etiam fortissimi exercitus, comparatique ad pugnam, de pace tamen colloquia habent aliquando, metuentes vim mutua, & ne vincantur. Per metum est quod homines sibi cavent: fugam quidem & latebris, si caveri aliter posse non putant: saepissime verò armis atque instrumentis defensionis, quo fit, ut prodire audentes, alter alterius cognoscere ingenium possit. Tunc autem, sive pugnant, ex victoria: sive consentiunt, ex consensione civitas nasci solet.*

**Homines**

III. **Causa metus mutui consistit,**

Cap. I. LIBERTAS: 13

sistit, partim in naturali hominum æqualitate, partim in mutua lædendi voluntate. Ex quo fit, ut neque ab aliis expectare, neque nobismet ipsis securitatem præstare valeamus. Si spectemus enim maturos homines, atque animadvertamus, quàm fragilis sit compages humani corporis: (quo ruente, corrui omnis ejus vis, robur, & sapientia) quamque facile sit infirmissimo cuique robustiorem occidere, non est quod quis viribus fidens superiorem se aliis factum putet à natura. *Æquales sunt, qui æqualia contra se invicem possunt.* At qui maxima possunt, nimirum occidere, æqualia possunt. Sunt igitur omnes homines naturâ inter se æquales. Inæqualitas quæ nunc est, à lege civili introducta est.

IV. Voluntas lædendi omnibus

*Unde*

*nascitur  
musso se  
lædendi  
voluntas.*

nibus quidem inest in statu naturæ, sed non ab eadem causa, neque æquè culpanda. Alius enim secundum æqualitatem naturalem permittit cæteris eadem omnia, quæ sibi: (quod modesti hominis est, & vires suas rectè æstimantis.) Alius superiorem se aliis existimans, omnia licere sibi soli vult, & præ cæteris honorem sibi arrogat; (quod ingenii ferocis est.) Huic igitur voluntas lædendi est ab inani gloria & falsa virium æstimatione; Illi ex necessitate res suas & libertatem contra hunc defendendi.

*Discordia  
à compa-  
ratione  
ingenio-  
rum.*

V. Præterea cum maximum sit certamen ingeniorum, necesse est oriri ex ea contentione maximas discordias. Etenim non modo contrà contendere, sed etiam hoc ipsum non consentire, odiosum est. Nam non consentire alicui in re aliqua, est



Cap. I. LIBERTAS. 15

est eum erroris in ea re tacitè accusare, sicut in valde multis dissentire, idem est, atque pro stulto eum habere; quod ex eo apparere potest, quòd nulla acriùs gerantur bella quàm inter ejusdem religionis sectas, & ejusdem reipublicæ factiones, ubi certamen est vel de doctrinis, vel de prudentia politica. Cumque omnis animi voluptas omnisque alacritas in eo sita sit, quod quis habeat, quibuscum conferens se possit magnificè consentire de se ipso; impossibile est quin odium & contemptum mutuam ostendant aliquando vel risu, vel verbis, vel gestu, vel aliquo signo; quæ quidem nulla major animi est molestia, neque ex qua lædendi libido major oriri solet.

V I. Frequentissima autem *Ab appetitu plurimum ad eandem rem.*  
causa, quare homines se mutuò lædere cupiunt, ex eo nascitur,

citur , quod multi simul eandem rem appetant , quâ tamen sæpissime neque frui communiter , nec eam dividere possunt ; unde sequitur , fortiori dandam esse : quis autem fortior sit , pugna judicandum est.

*Definitio  
Juris &  
Jure facti.*

VII. Inter tot pericula igitur , quæ quotidie à cupiditate hominum naturali unicuique eorum intenduntur , cavere sibi adeo vituperandum non est , ut aliter velle facere non possimus. Fertur enim unusquisque ad appetitionem ejus quod sibi bonum , & ad fugam ejus quod sibi malum est , maximè autem maximi malorum naturalium , quæ est mors ; idque necessitate quadam naturæ non minore , quam quâ fertur lapis deorsum. Non igitur absurdum neque reprehendendum , neque contra rectam rationem est , si quis omnem operam det , ut à mor-

mor-

morte & doloribus proprium corpus & membra defendat conservetque. Quod autem contra rectam rationem non est, id justè & *Jure* factum omnes dicunt. Neque enim *Juris* nomine aliud significatur quàm libertas, quam quisque habet facultatibus naturalibus secundum rectam rationem utendi. Itaque *Juris* naturalis fundamentum primum est, ut *quisque vitam & membra sua, quantum potest, tueatur.*

VIII. Quoniam autem *jus* <sup>*Jus ad*</sup> ad finem frustra habet cui *jus* <sup>*finem,*</sup> ad media necessaria denegatur, <sup>*dat jus ad*</sup> consequens est, cum unusquisque se conservandi *jus* <sup>*media ne-*</sup> habeat, <sup>*cessaria.*</sup> ut unusquisque *jus* etiam habeat *utendi omnibus mediis, & agendi omnem actionem, sine qua conservare se non potest.*

IX. Utrum autem media quibus usus quispiam est, & ac- <sup>*Jure natu-*</sup> <sup>*rali*</sup> <sup>*unum-*</sup> <sup>*tio*</sup>

*quemque  
judicem  
esse me-  
riorum  
ad sui  
conserva-  
tionem.*

tio quam acturus est, ad con-  
servationem vitæ vel membro-  
rum suorum necessaria sint nec  
ne, *ipse jure naturali judex est.*  
Si enim contra rectam ratio-  
nem fit, ut de proprio pericu-  
lo ipse judicem, judicet alius.  
Quoniam ergo alius judicat de  
iis rebus quæ ad me spectant,  
eâdem ratione, quia æquales  
naturâ sumus, judicabo ego de  
iis rebus quæ ad ipsum spec-  
tant. Itaque rectæ rationis,  
hoc est, juris naturalis est, ut  
ego de illius judicem sententiâ,  
scilicet an ad conservationem  
meam conducat, nec ne.

*Jure na-  
turali  
omnia es-  
se om-  
nium.  
pag. 19.*

X. Natura dedit *unicuique  
jus in omnia.* (Hoc est, in statu  
(c) merè naturali, sive ante-  
quàm homines ullis pactis sese  
invicem obstrinxissent, unicui-  
que licebat facere quæcunque  
& in quoscunque licebat, &  
possidere, uti, frui omnibus  
quæ

quæ volebat & poterat.) Quoniam enim, quæcunque quis voluerit, ideò bona sibi videntur quia ea vult, possuntque vel conducere ad sui conservationem, vel saltem conducere videri: (judicem autem an verè conducant nec ne, præcedente articulo ipsum constituimus, ita ut habenda sint pro necessariis, quæ ipse talia judicat: ) & per articulum 7 *jure naturæ* fiunt & habentur, quæ necessariò conducunt ad tuitionem propriæ vitæ & membrorum: sequitur, omnia habere & facere in statu naturæ omnibus licere. Et hoc est quod vulgo dicitur, *Natura dedit omnia omnibus*. Ex quo etiam intelligitur, in statu naturæ *Mensuram juris* esse *Utilitatem*.

(c) In statu merè naturali, &c.] *Annot.*  
*Hoc ita intelligendum est, quod* pag. 18.  
*quis fecerit in statu mere naturali,*

Annot. *rali, id injurium homini quidem  
 nemini esse. Non quod in tali sta-  
 tu peccare in Deum, aut Leges  
 Naturales violare impossibile sit:  
 Nam injustitia erga homines sup-  
 ponit Leges Humanas, quales in  
 statu naturali nullæ sunt. Propo-  
 sitionis autem sic intellectæ veri-  
 tas ex articulis immediate præ-  
 cedentibus Lectori memori satis  
 demonstrata est. Sed quia in qui-  
 busdam casibus conclusionis duri-  
 tas, præmissarum memoriam ex-  
 pellit, contrahere argumentum  
 volo, unoque intuitu oculis con-  
 spiciendum subjicere. Unicuique  
 jus est se conservandi, per Art. 7.  
 Eidem ergo jus est omnibus uti  
 mediis ad eum finem necessariis,  
 per Art. 8. Media autem neces-  
 saria sunt, quæ ipse talia esse ju-  
 dicabit, per Art. 9. Eidem er-  
 go jus est omnia facere & possi-  
 dere, quæ ipse ad sui conserva-  
 tionem necessaria esse judicabit.*

Ipsius

*Ipsius ergo facientis iudicio id quod fit, jure fit, vel injuria; itaque jure fit. Verum ergo est in statu mere naturali, &c. Quod si quis ad sui conservationem pertinere prætendit, quod ne ipse quidem pertinere putat, peccare potest contra Leges Naturales; ut capite tertio fusè explicatum est. Objectum est à quibusdam: Si filius patrem interfecerit, utrum patri injuriam non fecerit. Respondi; Filium in statu naturali intelligi non posse, ut qui simul atque natus est, in potestate & sub imperio est ejus cui debet conservationem sui: scilicet, Matris, vel Patris, vel ejus qui præbet ipsi alimenta; ut capite nono demonstratum est.*

XI. Minime autem utile hominibus fuit, quod hujusmodi habuerint in omnia jus commune. Nam effectus ejus juris idem penè est, ac si nullum omnino

*Jus omnium ad omnia inutile esse.*

*jus*



*jus* exstiterit. Quamquam enim quis de re omni poterat dicere, *hoc meum est*; frui tamen eâ non poterat propter vicinum, qui æquali *jure* & æquali vi prætendebat idem esse suum.

*Statum  
hominum  
extra so-  
cietatem  
bellum  
esse.*

XII. Ad naturalem hominum proclivitatem ad se mutuo laceffendum, quam ab affectibus, præsertim vero ab inani sui æstimatione derivant, si addas jam jus omnium in omnia, quo alter *jure* invadit, alter *jure* resistit, atque ex quo oriuntur omnium adversus omnes perpetuæ suspiciones & studium, & quam difficile sit præcavere hostes parvo numero & apparatu, cum animo nos prævertendi opprimendique invadentes, negari non potest, quin status hominum naturalis antequam in societatem coiretur, Bellum fuerit; neque hoc simpliciter, sed  
bellum



bellum omnium in omnes. **BELLUM** enim quid est, præter tempus illud in quo voluntas certandi per vim verbis factisve factis declaratur? Tempus reliquum **PAX** vocatur.

*Belli & Pæcis definitionis.*

**XIII.** Sempiternum autem *Bellum* quam parum idonea res sit ad conservationem vel humani generis, vel uniuscujuscunque hominis, facile judicatur. At sua natura sempiternum est, quod præ certantium æqualitate victoriâ nullâ potest fini-ri; in eo enim ipsis victoribus periculum semper ad eò imminet, ut pro miraculo haberi debeat, si quis, quamquam fortissimus, annis & senectute conficiendus sit. Exemplum huic rei sæculum præsens Americanos exhibet; sæcula antiqua cæteras gentes, nunc quidem civiles florentesque, tunc verò paucos, feros, brevis ævi, pauperes,

*conservationi hominum adversum esse.*

peres, foedos, omni eo vitæ solatio atque ornatu carentes, quem *pax* & societas ministrare solent. Quicumque igitur manendum in eo statu censuerit, in quo omnia liceant omnibus, contradicit sibi met ipsi. Nam unusquisque naturali necessitate bonum sibi appetit, neque est quisquam qui *bellum* istud omnium contra omnes; quod tali statui naturaliter adhæret, sibi existimat esse bonum. Atque ita evenit, ut mutuo metu, è tali statu exeundum & quærendos socios putemus; ut si *bellum* habendum sit, non sit tamen contra omnes, nec sine auxiliis.

*Jure naturali, licere cuique alium in sua potestate existenssem cogere* XIV. Quærentur socii vel vi, vel consensu: vi, quando pugna victor victum servire sibi cogit metu mortis, vel vinculis inditis; consensu, quando societas inicitur mutuae opis causa;

con-

consentiente utraque parte sine  
 vi. Potest autem victor victum,  
 vel fortior debiliorem (ut sa-  
 nus & robustus infirmum, vel  
 maturus infantem) ad præstan-  
 dam cautionem futuræ obe-  
 dientiæ, ni velit potius mori,  
*jure cogere.* Cum enim *jus* pro-  
 tegendi nosmet ipsos nostro ar-  
 bitrio à periculo nostro, atque  
 periculum ab æqualitate pro-  
 fectum sit, magis rationi con-  
 sentaneum est, certiusque ad  
 conservationem nostram, uten-  
 do præsentì commodo compa-  
 rare nobis ipsis securitatem  
 quæsitam, accepta cautione,  
 quam cum adoleverint, con-  
 valuerint, & è nostra potesta-  
 te se receperint, eandem dubio  
 certamine postea repetere co-  
 nari. Contráque, absurdus co-  
 gitari nihil potest, quàm ut  
 quem debilem in potestate te-  
 nes, eum amittendo, fortem

*ve ad cau-  
 sionem  
 præstan-  
 dam fu-  
 tura obe-  
 dientia.*

B

simul

simul & hostem facias. Ex quo intelligitur etiam, tanquam corollarium, in statu hominum naturali, *potentiam certam & irresistibilem, jus conferre regendi, imperandique in eos, qui resistere non possunt*; adeo ut omnipotentiae, ab eâ causâ, omnium rerum agendarum jus essentialiter & immediatè adhæreat.

*Naturam  
dicere,  
quæren-  
dam esse  
pacem.*

XV. Propter tamen æqualitatem illam virium, cæterarumque facultatum humanarum hominibus in statu naturæ, hoc est, in statu *belli* constitutis, conservatio sui diuturna expectari non potest. *Quare quærendam esse pacem, quatenus habendæ ejus spes aliqua affulserit: ubi haberi ea non potest, quærenda esse belli auxilia, rectæ rationis dictamen est*; hoc est, *lex Naturæ*, ut proximè ostendetur.

CAPUT II.

*De lege Naturæ circa contractus.*

- i. Legem naturalem non esse consensum hominum, sed dictamen rationis.
- ii. Legem naturæ fundamentalem esse, Quærendam esse Pacem, si haberi potest; si haberi non potest, defensionem.
- iii. Lex naturæ specialis prima, Jus in omnia non esse retinendum.
- iv. Quid sit jus relinquere, quid transferre.
- v. Ad translationem Juris necessariam esse voluntatem acceptantis.
- vi. Verba non transferunt Jus, nisi de presenti.
- vii. Verba de futuro, si alia signa voluntatis adsint, valere ad Jus transferendum.
- viii. In libera donatione, Verbis de futuro Jus non transit.
- ix. Definitio Contractus & Pacti.
- x. In Pactis transit Jus per verba de futuro.
- xi. Pacta mutue fidei, in statu naturæ frustra & invalida sunt; in civitate non item.
- xii. Pacisci cum belluis neminem posse; neque cum Deo,

*sine revelatione. XIII. Neque Deo vouere. XIV. Pacta ultra summum conatum non obligant. XV. Quibus modis Pactis liberemur. XVI. Promissa metu mortis extorta in statu nature valida esse. XVII. Pactum posterius priori contradictorium, invalidum est. XVIII. Pactum de non resistendo inferenti damnum corpori, invalidum est. XIX. Pactum de se accusando invalidum est. XX. Juris-jurandi definitio. XXI. Jus-jurandum concipiendum esse ea formula, qua utitur is qui accipit. XXII. Jus-jurandum nihil superaddit obligationi, quæ est ex Pacto. XXIII. Juramentum non exigendum, nisi ubi pactorum violatio vel latere potest, vel non potest puniri nisi à Deo.*

*Legem Naturalem non esse consensum hominum, sed dictamen rationis.*

I. **D**E definitione legis Naturalis non consentiunt autores; qui eâ voce frequentissimè tamen in scriptis suis usi sunt. Methodus scilicet qua incipitur à definitionibus & conclusio-

clufione æquivoci, propria eorum est qui locum contra disputandi non relinquunt. Cæterorum si quis quid factum dicat contra legem naturalem, ex eo probat alius, quòd contra consensum factum sit omnium, vel sapientissimum, vel eruditissimum gentium. Quis autem de sapientiâ, eruditione, & moribus omnium gentium iudicabit, id minime docet. Alius, quod factum sit contra consensum totius generis humani. Quæ definitio nullo modo recipienda est; alioquin enim impossibile esset cuicumque, exceptis infantibus, & mente captis, contra talem legem peccare. Nam voce illa *genus Humanum* comprehendunt certè omnes homines ratione actu utentes. Illi igitur contra eam vel non faciunt, vel faciunt non consentientes, ideòque excusandi sunt.

B 3

Natu-

Naturæ autem leges ab eorum consensu recipere, qui eas violant sæpiùs quàm observant, sane iniquum est. Præterea homines eadem in aliis damnant, in se ipsis probant; contrà publicè laudant, quod secretò sperant, & consuetudine audiendi, non propria speculatione sententiam ferunt, consentiuntque odio, metu, spe, amore, vel aliqua alia animi perturbatione magis, quàm ratione. Ideòque non rarò accidit totos populos summo consensu & contentione ea agere, quæ scriptores illi contra *legem esse naturalem* libentissimè confitentur. Sed cum concedant omnes, *jure* fieri, quòd non sit contra rectam Rationem, *injurià* factum censere debemus, quòd rectæ rationi repugnat, (hoc est, quòd contradicit alicui veritati à veris principiis rectè ratiocin-



tiocinando collectæ). Quod autem *injuria* factum est, contra *legem* aliquam fieri dicimus. Est igitur *lex* quædam *recta Ratio*, quæ (cum non minùs sit pars naturæ humanæ, quàm quælibet alia facultas vel affectus animi) naturalis quoque dicitur. Est igitur *lex naturalis*, ut eam definiam, Dictamen rectæ (a) rationis circa ea, quæ agenda vel omittenda sunt ad vitæ membrorumque conservationem, quantum fieri potest, diuturnam.

A N N O T A T I O N E S.

(a) Rectæ rationis.] *Per Rectam* Annot.  
*rationem in statu hominum naturali, intelligo, non ut multi Facultatè infallibilem, sed ratiocinandi actum, id est, Ratiocinationem uniuscujusque propriam, & veram circa actiones suas, quæ in utilitatem, vel damnum cæterorum hominum redundare possint.*

Annot. *sint. Propriam dico, quia quamquam in Civitate, ipsius Civitatis ratio ( hoc est, Lex civilis ) à singulis civibus pro recta habenda sit; tamen extra Civitatem, ubi rectam rationem a falsa dignoscere nisi comparatione factâ cum sua nemo potest, sua cujusque ratio non modo pro actionum propriarum, quæ suo periculo fiunt, regulâ, sed etiam in suis rebus pro rationis alienæ mensurâ censenda est. Veram dico, id est, ex veris principiis recte compositis concludentem. Propterea quod in ratiocinatione falsâ, sive in stultitia hominum officia sua erga cæteros homines ad conservationem propriam necessaria non videntium, omnis consistit Legum Naturalium violatio. Principia autem rectæ Ratiocinationis circa ejusmodi officia, ea sunt quæ Capitis primi articulis 2, 3, 4, 5, 6, & 7. explicata sunt.*

II. Pri-

II. Prima autem & fundamentalis *lex naturæ est, quærendam esse pacem, ubi haberi potest; ubi non potest, quærenda esse belli auxilia.* Legem naturæ fundamentalem esse. Quærendam esse pacem, si haberi potest: si haberi non potest, de-  
fensionem. Ostendimus enim articulo ultimo præcedentis capituli, præceptum hoc dictamen esse rectæ rationis. Esse autem dictamina rectæ rationis leges naturales, id proximè supra definitum est. Prima autem est, quia cæteræ sunt ab hac derivatæ, præcipiuntque vias vel pacis vel defensionis acquirendæ.

III. *Legum autem Naturalium à fundamentali illâ derivatarum una est, Jus omnium in omnia retinendum non esse, sed jura quædam transferenda, vel relinquenda esse.* Lex naturalis præcipua: Jus non esse retinendum. Nam si retineret unusquisque suum jus in omnia, necesse est sequi ut jure alii invaderent, alii defenderent. (quisque enim & corpus suum,

34 LIBERTAS. Cap. II.  
& ea quæ corpori tuendo necessaria sunt, necessitate naturæ conatur defendere.) *Bellum* ergo sequeretur. Facit itaque contra rationes pacis, hoc est, contra *legem naturæ*, si quis de *jure suo in omnia* non decedat.

*Quid sit decedere de jure suo: quid, illud transferre.* IV. *Decedere autem de jure suo* dicitur, qui juri suo vel simpliciter renunciat, vel in alium transfert. *Simpliciter renunciat*, qui signo vel signis idoneis declarat, velle se non licitum sibi amplius fore certum aliquid facere, quod *jure* antea fecisse poterat. *Transfert* autem in alterum, qui signo vel signis idoneis illi alteri, id *juris* volenti ab eo accipere, declarat velle se, non licitum sibi amplius fore ipsi resistere certum aliquid agenti, prout ei resistere *jure* antea poterat. *Juris* autem *translationem* in solâ non resistentia consistere, ex eo intelligitur,

gitur, quod ante *juris translationem*, is in quem transfertur, jus habebat jam tum in omnia; unde novum *jus* dare non potuit, sed *justa* transferentis resistentia, propter quam *jure* suo alter frui non potuit, extinguitur. Quicumque igitur *jus* acquirit in statu hominum naturali, id agit tantum ut securè & sine *justâ* molestiâ *jure* suo *primævo* frui possit. Exempli causâ, si quis fundum suum alteri vel venum vel dono dederit, sibi soli *jus* in eum fundum, non aliis item, adimit.

V. Requiritur autem ad *juris translationem* voluntas non modo transferentis, sed etiam acceptantis. Si utraque absit, *jus* manet. Non enim si quod meum est accipere recusanti dare voluerim, propterea simpliciter *jure* meo renunciavi, sive ad quemlibet id transtuli. Nam

*Ad translationem juris necessariam esse voluntatem acceptantis.*

36 LIBERTAS. Cap. II.  
causa propter quam uni dare  
volui, in eo uno est, in cæteris  
non item.

*Verba  
non  
transfe-  
riunt nisi  
de præ-  
senti.*

VI. Voluntatis autem in ju-  
re vel relinquendo, vel trans-  
ferendo, si signa nulla alia ex-  
stiterint præter verba, verba ea  
*de præsentis vel præteritis* esse  
oportet. Nam si *de futuro* sint,  
nihil transferunt. Qui enim,  
exempli causâ, de futuro sic di-  
cit, *cras dabo*, apertè significat  
se non dedisse. Toto itaque ho-  
die jus immotum est, manetque  
etiam crastino die, nisi interea  
actu dederit. Quod enim meum  
est, meum manet, nisi post de-  
derim. Quod si *de præsentis* lo-  
quar, puta hoc modo, *do*, vel  
*dedi*, habendum cras, illis ver-  
bis significatur, me *dedisse*, &  
jus habendi *cras*, transtulisse  
*hodie*.

*Verba de  
futuro, si  
alia signa*

VII. Veruntamen, quoniam  
verba sola ad voluntatis decla-  
ratio-

rationem signa sufficientia non sunt verba de futuro, si alia adfint signa voluntatis, valere possunt, tanquam dicta essent de præsentis. Siquidem enim propter alia signa constiterit, ipsum de futuro loquentem velle valere verba sua ad perfectam *juris sui translationem*, valere debent. Dependet enim *juris translatio*, non à verbis; sed ut dictum est articulo 4 hujus capituli, à declaratione voluntatis.

VIII. Si quis jus aliquod suum ad alterum transferat, neque id faciat propter bonum mutuo acceptum, vel propter pactum; ejusmodi translatio

**DONUM** vocatur, sive *Donatio libera*. In donatione autem liberâ, obligant ea verba sola, quæ de præsentis sunt, vel de præterito. Nam si de futuro sint, non obligant *ut verba*, propter rationem articulo proxime superiore

*voluntatis adfint, valere ad jus transferendum.*

*In libera donatione, verbis de futuro jus non transit.*

38 LIBERTAS. Cap. II.  
periore adductam. Oportet igitur ut ab aliis signis voluntatis nascatur obligatio. Quoniam autem quicquid fit *voluntariò*, propter *bonum* aliquod fit *volentis*, nullum signum voluntatis dandi assignari potest, præter aliquod *bonum* tali donatione acquisitum, vel acquirendum. Supponitur autem, nullum tale *bonum* acquisitum esse, neque pactum existere; quia sic non esset *donatio libera*. Restat igitur ut *bonum mutuum* sine pacto expectandum sit. Signum autem nullum dari potest, quare is qui verbis de futuro usus est, adversus eum qui ad mutuum beneficium non teneretur, sic vellet verba ejus intelligi, ut obligaretur ipse. Neque rationis est, ut qui aliis facile bene volunt, omni promisso præsentem affectum testante obligentur. Et propterea promissor



missor talis deliberare intelligendus est, & mutare affectum posse; quemadmodum & is cui promittitur, mutare meritum potest. Qui deliberat autem, eâ tenus liber est; neque donasse dicitur. Quodsi promittat sæpe, donet autem raro, levitatis condemnari debet, nec vocari Donans, sed *Dofon*.

IX. Duorum autem, vel plurimum *jura* sua mutuò *transferentium* actio vocatur **CONTRACTUS**. *Definitio contractus & pacti* In omni autem contractu, vel uterque statim præstat id de quo contractum est, ita ut alter alteri nihil concedat; vel alter præstat, alteri creditur; vel neuter præstat. Ubi uterque statim præstat, ibi *contractus* simul ac præstitum est, finitur. Ubi verò vel alteri vel utrique creditur, ibi is cui creditur, promittit se præstiturum postea, appellaturque hujusmodi promissum **PACTUM**. X.

*In pactis  
transit  
jus per  
verba de  
futuro.*

X. *Pactum* autem quod fit ab eo, cui creditur, cum eo qui jam præstitit, etiam si promissio facta sit verbis de futuro, non minus futuri temporis *jus* transfert, quam si facta esset verbis de præsentis vel præterito. Præstatio enim signum manifestissimum est, eum qui præstitit, ita intellexisse orationem alterius cui credebatur, tanquam volentis præstare condictione tempore; eoque signo cognovit is, sic se intelligi; quod quia non correxit, voluit fieri. *Promissa* igitur quæ fiunt propter *bonum* acceptum (quæ & pacta sunt) signa sunt voluntatis, hoc est, ultimi actus deliberandi, quo libertas non præstandi tollitur, & per consequens sunt obligatoria. Ubi enim libertas desinit, ibi incipit obligatio.

*Pacta  
mutua fi-  
dei, in*

XI. Pacta autem quæ fiunt in contractu ubi fides mutua est, neu-

neutro quicquam statim præstante, in statu naturæ, si justus ex utraque parte metus (b) oriatur, sunt invalida. Nam qui prior præstat, propter pravum ingenium maximæ partis hominum, commodo suo jure & injuriâ juxtâ studentium, cupidini se prodit illius quocum contrahit. Rationis enim non est, ut aliquis præstet prior, si verisimile non sit, alterum esse præstiturum post. Quod utrum verisimile sit necne, is qui metuit, judicabit: ut ostensum est capite præcedente, articulo 9. Hæc, inquam, ita se habent, in statu naturali. Cæterum in statu civili, ubi est qui utrumque cogere potest, is qui per contractum prior est ad præstandum, prior præstare debet; quoniam cum alter cogi potest, cessat ratio, propter quam, ne non præstaret, metuebat.

Oria-

*statu natura, fructu  
stra &  
invalida  
sunt, in  
civitate  
non item.  
Annot.  
pag. 42.*

Annot. (b) Oriatur, &c.] Nam nisi cau-  
 ad p. 41. sa metus nova existat, ex facto,  
 vel alio signo voluntatis non præ-  
 standi à parte alterâ, metus jus-  
 tus censerî non potest. Causa enim  
 quæ impedire non poterat, quin  
 pacisceretur, impedire non debet,  
 quin pactum præstet.

*Pacisci cum bel-  
 luis ne-  
 minem  
 posse: ne-  
 que cum  
 Deo, sine  
 revelatio-  
 ne.*

XII. Ex eo autem, quod in  
 omni donatione, & pactis omni-  
 bus, requiritur acceptatio juris  
 quod transfertur, sequitur pa-  
 cisci neminem posse cum eo,  
 qui acceptationem illam non si-  
 gnificat. Neque igitur pacisci  
 cum belluis, neque jus ullum  
 illis tribuere aut auferre possu-  
 mus, propter defectum sermo-  
 nis & intellectus. Neque pacta  
 inire quisquam cum divinâ ma-  
 jestate potest, neque illi voto  
 obligari, nisi quatenus visum  
 illi est per scripturas sacras sub-  
 stituere sibi aliquos homines,  
 qui

Cap. II. LIBERTAS. 43

qui auctoritatem habeant, *vota & pacta* ejusmodi expenden-  
di & acceptandi, tanquam il-  
lius vicem gerentes.

XIII. Qui igitur in statu *Neque*  
naturæ constituti sunt, ubi nul- *Deo vo-*  
lâ tenentur lege civili, (nisi il- *vere.*  
lis certissima revelatione volun-  
tas Dei, *votum vel pactum* suum  
accipientis, cognita sit,) frus-  
tra vovent. Siquidem enim id  
quod *vovent*, contra legem na-  
turæ sit, non tenentur *voto* ;  
quia illicitum præstare tenetur  
nemo ; si verò id quod vovent,  
lege aliquâ naturæ præceptum  
sit, *non voto*, sed ipsa tenentur  
*lege* ; si liberum antè *votum* sit,  
facere vel non facere, libertas  
manet ; propterea quod, ut  
obligemur *voto*, requiritur vo-  
luntas obligantis apertè signifi-  
cata, quæ in casu proposito sup-  
ponitur non haberi. *Obligantem*  
autem voco illum, cui aliquis  
tene-

tenetur vel obligatur: *obligatum* verò eum, qui tenetur.

*Paſta ul-  
tra ſum-  
mum co-  
natum  
non obli-  
gant.*

XIV. Paſta fiunt de actioni-  
bus illis ſolis, quæ cadunt ſub  
deliberationem. Paſtio enim  
non fit ſine voluntate paciſcen-  
tis. Voluntas autem ultimus  
actus eſt deliberantis. *Sunt er-  
go de poſſibilibus tantum, & fu-  
turis.* Nemo igitur paſto ſuo  
obligat ſe ad impoſſibile. Quo-  
niam autem paciſcitur sæpiſſi-  
mè eas res, quæ poſſibiles tum  
videntur cum promittimus,  
quas tamen poſt conſtat eſſe im-  
poſſibiles, non ideo omni obli-  
gatione liberamur. Ratio cujus  
rei ea eſt; quod is qui futurum  
incertum promittit, beneficium  
præſens ea lege accipit ut mu-  
tuum reddat. Voluntas enim  
ejus qui præſens beneficium  
præſtat, pro objecto ſimpliciter  
habet *bonum ſibi*, quanti erat  
res promiſſa; ipſam autem rem  
non

non simpliciter, sed si fieri potest. Verum si accidat neque id possibile esse, præstandum est quantum præstari potest. Obligant igitur *pacta* non ad ipsam rem pactam, sed ad summum cognatum: hoc enim solùm, non res ipsæ, in nostra potestate sunt.

XV. *Pactis* liberamur duabus <sup>Quibus</sup> rebus, vel si præstitum, vel si <sup>modis</sup> condonatum sit. Si præstitum; <sup>pactis li-</sup> beremur. quia ultra id nos non obligavimus. Si condonatum; quia is cui obligamur, condonando intelligitur facere, ut *jus* à nobis in eum translatum, ad nos denuo redeat: est enim condonatio, *donatio*, hoc est, per articulum 4. capitis hujus, juris translatio ad eum cui donatio facta est.

XVI. Quæri solet, An *pa-* <sup>Promissa</sup> *cta* ea quæ metu extorquentur, <sup>metu</sup> obligatoria sint necne. Exem- <sup>mortis ex-</sup> <sup>torta, in</sup> pli

*Statu naturali  
sua valida  
da non esse*

pli causa , si ad vitam à latrone redimendam , *pactus* ei fuero ; traditurum me illi mille aureos postero die , neque facturum quicquam quo comprehensus in jus duci possit , utrum tenear necne. Quamquam autem aliquando *pactum* ejusmodi invalidum censeri debeat , non tamen eo nomine invalidum erit , quod à metu processerit ; propterea quod inde sequeretur , *pacta* ea , quibus in vitam civilem homines congregantur , & leges condunt , invalida esse : ( procedit enim à metu mutuæ cædis , quòd alter alterius regimini se submittat : ) neque cum ratione eum facere , qui captivo *paciscenti* pretium redemptionis suæ fidem adhibet. Universaliter verum est , obligare pacta , quando acceptum est bonum , & promittere , & id quod promittitur , licitum est.



est. Licitum autem est & ad redimendam vitam promittere, & de meo dare quicquid voluero cuiquam, etiam latroni. Obligamur ergo pactis, à metu profectis, nisi lex civilis aliqua prohibeat, per quam id quod promittitur, fiat illicitum.

XVII. Qui uni facturum se vel omissurum aliquid pactus ante fuerit, & postea alteri paciscitur contrarium, facit, ut *pactum* non prius, sed posterioribus *pactis* *jus* suum in alterum transfulerat, faciendi vel non faciendi *jus* non amplius habet. Quare posterioribus *pactis* *jus* nullum transfert; & quod promissum est, sine jure promissum est. Tenetur igitur prioribus tantum *pactis*; quæ violare est illicitum.

*Pactum*  
*posterius*  
*priori*  
*contradic-*  
*torium,*  
*invali-*  
*dum est.*

XVIII. Mortem, vel vul-  
nera,

*Pactum*

*de non re-*  
*sistendo*  
*inferenti*  
*damnum*  
*corporis,*  
*invali-*  
*dum est.*

nera, vel aliud damnum corpo-  
 ris inferenti nemo *pactis* suis  
 quibuscunque obligatur non  
 resistere. Est enim in unoquo-  
 que gradus quidam timiditatis  
 summus, per quem, malum  
 quod inferitur, apprehendit ut  
 maximum, ideoque necessitate  
 naturali quantum potest, fugit,  
 intelligiturque aliter facere non  
 posse. Ad talem gradum metûs  
 cùm perventum fuerit, non est  
 expectandum, quin vel fugâ,  
 vel pugnâ sibi consulat. Cum  
 igitur nemo teneatur ad impos-  
 sibile, illi quibus *mors* (quod  
 maximum naturæ malum est,)  
 vel quibus vulnera, aut alia cor-  
 poris damna inferuntur, nec ad  
 ea ferenda constantes satis sunt,  
 ea ferre non obligantur. Præte-  
 rea, ei qui pacto tenetur, cre-  
 ditur: (pactorum enim vincu-  
 lum sola fides est:) qui verò  
 ad supplicium ducuntur, sive  
 capi-

capitale , five capitali mitius ,  
constringuntur vinculis , vel sa-  
tellitibus custodiuntur. Quod  
signum certissimum est , non vi-  
deri illos pactis ad non resisten-  
dum satis obligatos esse. Aliud  
est , si sic paciscor : Nisi fecero  
constituta die , interfice. Aliud ,  
si sic , Nisi fecero , interficien-  
ti non resistam. Primo modo ,  
paciscuntur omnes , si opus est ;  
opus autem est aliquando : se-  
cundo modo nemo , nec un-  
quam opus est. Nam in statu  
merè naturali , si occidere cu-  
pis , jus habes ex ipso statu ; ita  
ut opus non sit prius credere ,  
ut fallentem post interficias. In  
statu verò civili , ubi jus vitæ  
& necis , omnisque pœnæ cor-  
poralis penes civitatem est , il-  
lud ipsum jus interficiendi pri-  
vato concedi non potest. Ne-  
que ipsi civitati opus est , ut ali-  
quem puniat , postulare pacto ,  
C ut

ut patientiam præstet, sed tantum, ne quisquam defendat alios. Si in statu naturæ, velut inter duas civitates, fieret pactum de interficiendo ni fecerit, intelligitur præcessisse aliud pactum de non interficiendo ante præstitutum diem. Itaque eo die si præstitum non sit, redit ius belli, hoc est, status hostilis, in quo omnia licent, ideoque etiam resistere. Postremo, pacto non resistendi obligamur, duorum malorum præsentium eligere illud quod majus videbitur. Nam mors certa majus malum est, quàm pugna. Sed duorum malorum impossibile est non eligere minus. Tali ergo pacto teneremur ad impossibile, quod naturæ pactorum repugnat.

*Pactum de se accusando invalidum est.* XIX. Similiter neque tenetur quisquam pactis ullis ad se accusandum, vel alium cuiusdam-

Cap. II. LIBERTAS. 51

damnatione vita sibi acerba futura est. Itaque neque pater in filium, neque conjux in conjugem, neque filius in patrem, neque quisquam in eum sine quo ali non potest, testimonium dicere obligatur: frustra enim est testimonium, quod à natura corrumpi præsumitur. Quamvis autem pacto ad se accusandum aliquis non teneatur, in quæstione tamen publica ad respondendum cruciatu cogi potest. Responsiones autem illæ facti testimonium non sunt, sed investigandi veritatis adjumenta. Ita ut sive verum sive falsum cruciatus respondeat, sive non omnino respondeat, jure faciat.

XX. *Jusjurandum* oratio est promissioni adjecta, qua significat promissor, nisi præstiterit, renunciare sese misericordiæ divinæ. Quæ definitio ex ipsis

*Jurisjurandi definitio.*

colligitur verbis, quibus essentia *jurisjurandi* continetur, nimirum, *Ita me adjuvet Deus*, vel aliis æquipollentibus, ut apud Romanos: *Tu Jupiter macta eum qui fefellerit, ut ego hanc macta porcam.* Neque obstat, quod *Jusjurandum* non solum promissorium, sed aliquando affirmatorium dici possit: nam qui affirmationem *juramento* confirmat, promittit se vera respondere. Quamquam autem quibusdam in locis moris erat subditis, per Reges suos jurare, id ex eo natum est quòd Reges illi divinos sibi honores haberi volebant. Nam *Jusjurandum* ideò introductum est, ut major metus violandæ fidei, quàm is quo homines (quos facta nostra latere possunt) timeamus, divinæ potentiae consideratione atque religione incuteretur.

XXI. Ex quo sequitur, *Jusjurandum* concipi debere ea formula, qua utitur is qui accipit. Frustra enim adigitur aliquis ad *Jusjurandum* per Deum quem non credit, ideòque neque metuit. Etsi enim lumine naturali sciri possit Deum esse, nemo tamen per illum se jurare arbitratur alia formula, vel alio nomine, quàm quod suæ ipsius, hoc est ( ut existimat is qui jurat ) veræ religionis præceptis continetur.

*Jusjurandum concipiendum esse ea formula, qua utitur is qui accipit.*

XXII. Ex allata *Juris-jurandi* definitione intelligi potest, *pactum* nudum non minus obligare, quàm in quod juravimus. *Pactum* enim est, quo adstringimur; *juramentum* ad punitionem divinam attinet, quam provocare ineptum esset, si pacti violatio non esset per se illicita. Illicita autem non esset, nisi *pactum* esset obligatorium.

*Jusjurandum nihil superaddit obligationi que est ex pacto.*

Præterea qui renunciat misericordiae divinæ, non obligat se ad poenam: quia semper licitum est, poenam utcumque provocatam deprecari, atque divina, si concedatur, frui indulgentia. Effectus ergo *juramenti* is solus est, ut hominibus natura pronis ad violationem datæ fidei major Juratis causa sit metuendi.

*Juramentum non exigendum, nisi ubi pactorum violatio vel latere potest, vel non potest puniri nisi a Deo.*

XXIII. *Juramentum* exigere, ubi neque violatio pactorum, si qua fiat, latere potest, neque ei cui fit sponso, deest potestas poenas exigendi, est facere amplius aliquid quàm ad sui defensionem sit necesse; significatque animum cupiendi non tam ut sibi bene, quam ut illi male sit. *Juramentum* enim ex formula jurandi, pertinet ad iram Dei provocandam, hoc est, *omnipotentis* in eos qui fidem ideo violant, quia potentia

tia



tia sua pœnam humanam effugere se posse sentiunt, & omniscii in eos qui fidem violare ideò solent, quia oculos hominum latere se posse sperant.

---

C A P U T III.

*De Legibus Naturæ reliquis.*

- I. *Lex naturæ secunda. Pactis standum.*
- II. *Fides cum omnibus servanda sine exceptione.*
- III. *Injuria quid.*
- IV. *Injuria ei soli fieri potest, quocum contrahimus.*
- V. *Justitiæ distinctio in justitiam hominum & actionum.*
- VI. *Distinctio justitiæ in commutativam & distributivam examinata.*
- VII. *Volenti non fit injuria.*
- VIII. *Lex naturæ tertia, de ingratitude.*
- IX. *Lex naturæ quarta, ut quisque se præstet commodum.*
- X. *Lex naturæ quinta, de misericordia.*
- XI. *Lex naturæ sexta, quod pœnæ futurum tantum spectant.*
- XII. *Lex naturæ septima, contra contumeliam.*
- XIII. *Lex*

*natura octava*, contra Super-  
 biam. xiv. *Lex naturæ nona*,  
 de modestia. xv. *Lex naturæ de-*  
*cima*, de Æquitate, sive contra  
*acceptationem personarum*. xvi.  
*Lex naturæ undecima*, de ha-  
 bendis in communi. xvii. *Lex*  
*naturæ duodecima*, de sorte di-  
 videndis. xviii. *Lex naturæ*  
*decima tertia*, de primogenita  
 & prima occupatione. xix. *Lex*  
*naturæ decima quarta*, de inco-  
 lunitate mediatorum pacis. xx.  
*Lex naturæ decima quinta*, de  
 constituendo arbitro. xxi. *Lex*  
*naturæ decima sexta*, neminem  
 esse arbitrum causæ suæ. xxii.  
*Lex naturæ decima septima*,  
 Arbitros debere esse sine spe  
 præmii ab iis referendi quorum  
 causa judicatur. xxiii. *Lex na-*  
*turæ decima octava*, de testibus.  
 xxiv. *Lex naturæ decima nona*,  
 nullum cum arbitro pactum fie-  
 ri. xxv. *Lex naturæ vigesima*,  
 contra crapulam, & ea quæ ra-  
 tionis usum impediunt. xxvi.  
*Regula per quam statim cognos-*  
*ci potest, an, quod facturi su-*  
*mus, sit contra legem naturæ,*  
 nec

*nec ne. xxvii. Leges naturæ obligant in foro interno tantum. xxvii. Violantur leges naturæ quandoque, factæ legibus consentaneo. xxix. Leges naturæ sunt immutabiles. xxx. Qui leges naturæ conatur implere, justus est. xxxi. Lex naturalis eadem cum morali. xxxii. Unde fiat, quod quæ dicta sunt de lege naturali, non sint eadem quæ traduntur à Philosophis circa virtutes. xxxiii. Lex naturalis non est, propriè loquendo, lex, nisi quatenus traditur in scriptura sacra.*

I. **L**egum naturalium derivatarum altera est, *Pactis standum esse*, sive fidem observandam. Ostensum enim est capite præcedente, Legem naturæ præcipere tanquam rem conciliandæ paci necessariam, unumquemque *jura* quædam sua mutuò transferre, atque hoc vocari *pactum*, quoties futurum sit quod transfertur. Hoc au-

tem ad pacem conciliandam conducibile est, quatenus quæ paciscimur facienda vel omit-  
tenda, ea re ipsa facimus vel  
omittimus; frustra que essent  
pacta, nisi illis staretur. Quo-  
niam ergo *Pactis stare*, sive *fi-  
dem servare*, necessarium est ad  
pacem conciliandam, erit per  
articulum 2. cap. 2. præceptum  
*legis naturalis*.

*Fides  
cum om-  
nibus ser-  
vanda si-  
ne excep-  
tione.*

II. Neque personarum qui-  
buscum paciscimur ulla datur  
hac in re exceptio, puta, si illi fi-  
dem cum aliis nec servant, nec  
servandam putent, aut aliud  
quodlibet habeant vitium. Nam  
qui paciscitur, eo quòd pacif-  
citur, frustraneam eam esse ac-  
tionem negat. Et contra ratio-  
nem est, scientem frustra face-  
re. Idem si præstandum pactum  
non putet, eo quòd sic putat,  
pactionem eandem frustraneam  
esse affirmat. Qui ergo pacisci-  
tur

tur cum eo, quocum fidem servare se teneri non putat, simul *paſſionem* eſſe rem fruſtraneam, & non fruſtraneam, quod eſt abſurdum. Cum omni igitur homine, vel ſervanda eſt fides, vel non paciſcendum, hoc eſt, vel declaratum bellum, vel certa & fida habenda eſt Pax.

III. *Paſti* violatio, ſicut & *Injuria* quid. dati repetitio, (quæ ſemper ſita eſt in aliqua actione, vel omiſſione) vocatur INJURIA. Actio autem illa vel omiſſio, *injuria* dicitur; ut idem ſignificent *injuria*, & actio vel omiſſio *injulta*, atque utraque idem quod *paſti vel fidei violatio*. Videturque *injuriæ* nomen inde actioni vel omiſſioni tribui, quia *ſine jure* eſt, utpote quod ab eo qui agit vel omittit tranſlatum antea in alium fuerat. Et eſt ſimilitudo quædam inter id, quod in vita communi vocatur

*injuria*; & id, quod in scholis solet appellari *Absurdum*. Quemadmodum enim is qui argumentis cogitur ad negationem assertionis quam prius sustinuerat, dicitur redigi ad *absurdum*; eodem modo is qui præ animi impotentia facit vel omittit id, quod se non facturum, vel non omissurum pacto suo antè promiserat, *injuriam* facit: neque minùs in contradictionem incidit, quam qui in scholis reducitur ad absurdum. Nam futuram actionem pacifcendo, vult fieri; non faciendo, vult non fieri: quod est velle fieri & non fieri idem eodem tempore; quæ contradictio est. Est itaque *injuria*, *absurditas* quædam in conversatione, sicut *absurditas injuria* quædam est in disputatione.

*Injuria  
ei soli fie-  
p. g. 62.*

IV. Ex his sequitur, injuriam (a) nemini fieri posse, nisi ei

Cap. III. LIBERTAS. 61

ei quocum inter *pactum*, sive si potest;  
cui aliquid dono datum est, vel quocum  
cui *pacto* aliquid est promissum. contrahi-  
mus.

Ideoque *damnum* & *injuria*  
sæpissime disjunguntur. Nam  
si dominus servo, qui obedi-  
entiam sibi *pactus* est, imperet,  
ut pecuniam tertio numeret,  
vel beneficium conferat; is si  
non faciat, *damnum* quidem  
tertio, *injuriam* autem domi-  
no soli facit. Sic quoque in ci-  
vitate, si quis alicui noceat,  
quocum nihil *pactus* est, *dam-*  
*num* ei infert cui malum; *inju-*  
*riam* soli illi, qui totius civita-  
tis potestatem habet. Etenim  
si is *damnum* recipit, *injuriam*  
expostularet, is qui fecit, sic di-  
ceret, quid tu mihi? quare fa-  
cerem ego tuo potius quàm  
meo libitu, siquidem, quin tu  
tuo, non meo arbitratu facias,  
non impediò? in qua oratio-  
ne, ubi nulla intercesserunt  
*pacta*,

62 LIBERTAS. Cap. III.  
pacta, non video, quid sit  
quod possit reprehendi.

*Annot.*  
*ad p. 60.* (a) Injuriam nemini, &c.] Inju-  
stitia nomen significat relative ad  
legem, Injuriam tum ad legem,  
tum ad Personam certam. Nam  
injustum, omnibus injustum est;  
Injuria verò potest esse, nec ta-  
men mihi vel illi, sed alii; &  
quandoque nemini privato, sed  
civitati tantum; etiam nec homi-  
ni cuiquam nec civitati, sed soli  
Deo. Nam pacto, & juris trans-  
latione, fit, ut injuria in hunc  
vel illum fieri dicatur. Hinc est,  
(quod in omni civitate fieri vide-  
mus) quæ privati homines inter  
se verbo vel scripto contrahunt,  
exigi vel remitti arbitrio obli-  
gantis. Damna verò quæ inferun-  
tur contra leges civitatis, ut fur-  
tum, homicidium & similia, non  
ad voluntatem ejus cui damnum  
est illatum, sed arbitrio civita-  
tis, id est, juxta leges constitutas  
viudi-



*vindicari. Itaque injuria in hunc, nisi post juris in hunc translationem existere non potest.*

V. Nomina hæc, *Justum*, & *Injustum*, sicut & *Justitia* & *Injustitia*, æquivoca sunt: aliud enim significant cùm Personis, aliud cùm Actionibus tribuuntur. Cùm actionibus tribuuntur, idem significat *Justum*, quod jure factum; & *Injustum*, quod *Injuriâ*. Ille autem qui fecit *Justum* aliquid, ideo *Insons*, non *Justus* dicitur: eum autem qui fecit aliquid *Injustum*, non ideo *injustum*, sed *fontem* dicimus. Quando verò de personis usurpantur, *esse justum* significat idem quod justè faciendo delectari, justitiæ studere, vel conari facere in omni re id quod justum est. Et *esse injustum*, est negligere justitiam, vel eam non pacto suo, sed præsentì commodo mensurandam existimare.

*Justitia  
distinctio  
in justitiam  
hominum,  
& actionum.*

mare. Ita ut alia sit animi, instituti, sive hominis, alia unius actionis vel omissionis *justitia* & *injustitia*; possintque hominis *justi* actiones innumeræ *injustæ*, & *injusti justæ* esse. *Justus* autem homo dicendus est, qui *justa* facit propter præceptum Legis; *injusta* non nisi per infirmitatem; *Injustus* qui *justa* facit propter pœnam legi adjunctam; *injusta* per animi iniquitatem.

*Distinctio justitiæ in commutativam & distributivam examinatur.* VI. *Justitia* actionum distinguì vulgò solet in duas species, *commutativam* & *distributivam*; quarum priorem sitam esse ajunt in proportione Arithmeticâ, posteriorem in Geometricâ. Illamque versari in permutatione, venditione, emtione, mutatione, mutui redditione, locatione, conductione, cæterisque, si qui sunt, actibus inter se contrahentium; ubi si æquale

le pro æquali reddatur, nasci  
 inquit *justitiam commutativam*. Hanc verò circa dignita-  
 tem, & merita hominum, ita  
 ut si cuique tribuatur *ὅσῳ τὸ  
 ἀξίον*, majus ei qui dignior, mi-  
 nus ei qui minus dignus, idque  
 proportionatè, oriatur *justitia  
 distributiva*. Agnosco hîc dis-  
 tinctionem quandam æqualita-  
 tis: nempe ut una sit æqualitas  
 simpliciter, veluti quando com-  
 parantur inter se duæ res æqua-  
 lis pretii, ut libra argenti, cum  
 12 unciis ejusdem argenti: al-  
 tera æqualitas secundum quid,  
 ut cùm centum hominibus dis-  
 tribuendæ sint mille libræ, sex-  
 centæ dentur sexaginta homi-  
 nibus, & quadringentæ qua-  
 draginta; ubi non est æquali-  
 tas inter 600 & 400; sed cùm  
 eandem contingit æqualitatem  
 esse inter numerum eorum qui-  
 bus distribuuntur, unusquisque  
 eorum

eorum æqualem partem auferret ; unde dicitur, æqualitas eadem res est cum proportione Geometrica. Sed quid hæc ad justitiam ? nam neque si res nostras vendamus quanti possumus, injuria ulla fit emtori qui id voluit, & petiit ; neque si de meo distribuero plus merenti minus, modo id dedero quod pactus sum, neutri fit injuria. Id quod testatur ipse Servator noster Christus Deus in Evangelio. Non igitur est ea justitiæ distinctio, sed æqualitatis. Negari tamen fortè non potest quin justitia sit æqualitas aliqua ; nimirum quæ in eo tantum sita sit, ut cum æquales naturâ omnes simus, alter non arroget sibi plus *juris*, quàm alteri concedat, nisi id *juris* sibi pactis acquisitum sit. Atque hæc contra distinctionem illam *justitiæ*, quamquam ab omnibus penè receptam,

ceptam,

ceptam, dicta sint: ne quis *injuriam* aliud esse putet, quàm fidei, sive pactorum violationem; prout supra definitum est.

VII. Vetus est, *volenti non fit injuria*. Veritatem tamen dicti liceat ex principiis nostris derivare. Factum enim sit id, quod quis injuriam sibi putet volenti: ergo, volente eo, fit id quod per pactum non licuit. Sed volente eo fieri, id quod pacto non licebat, pactum *ipsum* (per articulum 15. capitis præcedentis) fit irritum; *jus* ergo faciendi redit; fit igitur *jure*; quare *injuria* non est.

VIII. Legis *naturalis* præceptum tertium est, *Ne eum qui fiducia tui tibi prior benefecerit, eam ob rem, deteriore conditione esse patiaris, sive ne accipiat quisquam beneficium, nisi animo nitendi ne dantem dati meritò pœniteat*. Nam absque hoc, contra

*Volenti non fit injuria.*

*Lex natura ser-  
tia, de  
ingrati-  
tudine.*

tra

tra rationem fecerit , si quis quod periturum videt beneficium , prior contulerit ; atque eo modo omnis sublata erit inter homines beneficentia & fiducia , unaque omnis benevolentia ; neque esset inter eos quidquam mutuæ opis , nec ullum gratiæ conciliandæ initium. Ex quo status belli necessario mansurus est , contra *Legem naturæ fundamentalem*. Quoniam verò Legis hujus violatio , non est fidei sive pactorum violatio : ( supponitur enim nulla inter eos intercessisse pacta : ) ideo neque *injuria* nominari solet ; sed , quia respiciunt se mutuo *beneficium & gratia* , INGRATITUDO appellatur.

*Lex naturæ quarta , ut quisque se præstet commo-  
dum.*

IX. Quartum præceptum naturæ est , *ut unusquisque se ceteris commodum præstet*. Quod ut rectè intelligatur , animadvertere oportet , esse in hominibus  
ad

ad societatem ineundam, diversitatem ingeniorum ortam à diversitate affectuum , haud dissimilem illi quæ reperitur in lapidibus ad ædificandum comportatis à diversitate materiæ & figuræ. Nam ut lapis qui præ figura aspera & angulosa, plus loci cæteris aufert quàm ipse implet , neque præ materiæ duritie comprimi vel secari facile potest , nec compaginari ædificium finit, tanquam *incommodus* abjicitur : ita homo qui præ ingenii asperitate , retentis superfluis sibi, necessaria aliis adimit, neque præ affectuum contumacia corrigi potest, cæteris *incommodus* molestusque dici solet. Quoniam jam unusquisque non *jure* modo, sed etiam *necessitate naturali* totis viribus in id incumbere supponitur, ut necessaria ad sui conservationem consequatur ; si quis velit pro  
 super-

superfluis contrà contendere, illius culpâ orietur bellum: propterea quòd illi soli nulla certandi incumbibat necessitas. Facit ergo contra *legem naturæ fundamentalem*. Unde sequitur, (quod ostendendum erat) præceptum naturæ esse, ut unusquisque se cæteris præstet commodum. Qui verò *Legem* hanc violat, *incommodus* & molestus dici potest. Cicero tamen *commodo* opponit *inhumanum*, tanquam ad hanc ipsam legem adspectans.

*Lex natura  
quinta, de  
misericordia,*

X. Legis naturæ quintum præceptum est, *oportere alterum alteri, sumta cautione futuri temporis, præteriti veniam, penitenti & pœnitenti, concedere. Venia* (præteriti) sive remissio offensæ, nihil aliud est quàm illi, qui cùm lacefferit ad *bellum*, facti pœnitens *pacem* orat, *pax* concessa. *Pax* autem concessa non



Cap. III. LIBERTAS. 71

non pœnitenti, hoc est, animum hostilem retinenti, vel futuri temporis cautionem non danti, hoc est, non pacem, sed opportunitatem captanti, non est *pax*, sed *metus*: neque igitur à natura præcipitur. Cæterum qui pœnitenti & de futuro cautionem adhibenti, nolit ignoscere, ei pax ipsa non placet; quod est contra *legem naturalem*.

XI. Sextum *Legis naturalis* præceptum est, *In ultione*, sive *Pœnis*, *spektandum esse, non malum præteritum, sed bonum futurum*: Hoc est, infligere pœnam nullo alio fine licitum esse, nisi ut ipse qui peccavit, corrigatur, vel alii supplicio ejus moniti fiant meliores. Hoc autem ex eo primùm confirmatur, quod unusquisque *lege naturali* teneatur alteri ignoscere; modo cautum prius sit de futuro tem-

*Lex natura sexta, quod pœna futurum tantum spectant.*

tempore, ut articulo præcedente ostensum est. Præterea, quia *ultio*, quatenus solum præteritum consideratur, nihil aliud est præter triumphum, & gloriam animi, quæ ad nullum finem dirigitur; (nam præteritum tantum contemplatur, finis autem futura res est:) quodque ad nullum finem dirigitur, *Vanum* est: *Ultio*, ut quæ futurum non spectat, à vana gloria proficitur, ideòque præter rationem est. At lædere alium præter rationem, introducit bellum, & est contra *legem naturæ fundamentalem*. Est igitur *legis naturæ* præceptum, In ultione non esse respiciendum, sed prospiciendum. Violatio autem Legis hujus, CRUDELITAS solet appellari.

*Lex natura  
ræ septi-  
ma, contra  
ira contra*

XII. Quoniam autem signa omnia odii & contemtionis, ad rixam & pugnam maximè om-

omnium provocant, adeo ut plerique vitam, nedum pacem amittere, quàm contumeliam pati malint; sequitur septimo loco, *lege naturali* præscriptum esse, *nequis vel factis, vel verbis, vel vultu, vel risu, alteri ostendat se illum vel odisse, vel contemnere.* Cujus legis violatio CONTUMELIA nominatur. Quamquam autem nihil frequentius sit, quàm potentiam erga minus potentes, & nominatim judicum adversus reos scommata atque opprobria, quæ neque ad rei crimen, neque ad judicis pertinent officium; hujusmodi tamen homines contra *legem faciunt naturalem*, & pro *contumeliosis* habendi sunt.

XIII. Quæstio uter duorum hominum dignior sit, non ad statum naturæ, sed ad statum civilem pertinet. Ostensum enim antea est, Cap. 1. articu-

lo 3. naturâ omnes homines æquales inter se esse , ideoque inæqualitatem quæ nunc est , puta à divitiis , à potentia , à nobilitate generis , profectam esse à *lege civili*. Scio , *Aristotelem*, libro primo Politicorum , tanquam fundamentum totius scientiæ politicæ affirmare , hominum alios à natura factos esse dignos qui imperent , alios qui serviant , tanquam Dominus & servus non consensu hominum , sed aptitudine , hoc est , scientia vel inscitia naturali distinguerentur. Quod fundamentum non modo contra rationem ( ut ostensum est supra ) sed etiam contra experientiam est. Nam neque penè quisquam ingenio ita stupido est , ut non rectius arbitretur sibi met se , quam aliis regendum tradere. Neque si contendant inter se sapientiores , & robustiores ,  
sunt

Cap. III. LIBERTAS. 75

sunt illi his semper aut sæpe superiores. Sive igitur natura homines æquales inter se sint, agnoscenda est æqualitas; sive inæquales, quia certaturi sunt de imperio, necessarium est ad *pacem consequendam, ut pro æqualibus habeantur, & propterea legis naturalis octavo loco præceptum est, Ut unusquisque naturâ unicuique æqualis habeatur.* Cui legi contraria est SUPERBIA.

XIV. Sicut necessarium erat ad uniuscujusque conservatio-  
nem, ut de quibusdam *juribus* suis cederet; ita non minus necessarium est ad eandem conservationem, ut *jura* quædam retineat, nimirum *Jus* corporis tuendi, *jus* fruendi aëre libero, aqua, & cæteris omnibus vitæ necessariis. Cum igitur à *pacem* ineuntibus multa *jura* retineantur

*Lex natura nona, de modestia.*

communia, multa etiam acquirantur propria, dictamen *legis naturalis* nonum oritur, nempe *ut quaecumque jura unusquisque sibi et ipsi postulat, eadem etiam unicuique concedat ceterorum.* Alioquin æqualitatem præcedente articulo agnitam frustraneam facit. Quid enim aliud est æqualitatem personarum agnoscere in societate ineunda, quàm æqualia ipsis tribuere, quos alioqui societatem inire ratio nulla exigit? *Æqualia autem æqualibus, idem est quod proportionalia proportionalibus tribuere.* Vocatur observatio hujus legis *Modestia*; violatio autem *πλεονεξία*: violantes latinis *immodici & immodesti* nuncupantur.

*Lex natura  
decima, de  
Æquitate,  
sive  
contra ac-*

XV. Decimo loco, imperatur *lege naturali, Ut unusquisque in jure aliis distribuendo utriusque parti æqualem se præbeat.*

Lege

Lege præcedente prohibitum est, ne nobis plus juris per naturam arrogemus, quàm cæteris concedimus. Possumus minus, si volumus; etenim id aliquando *molestiæ* est. Sed si quando *Jus* aliis distribuendum à nobis sit, prohibemur hac lege, ne uni plus vel minus indulgeamus quàm alteri. Nam qui uni præ altero indulgendo naturalem æqualitatem non observat, facit in eum qui posthabitus est *contumeliam*. Est autem supra ostensum, *contumeliam* esse contra *leges naturales*. Præcepti hujus observatio *ÆQUITAS*, violatio *acceptio personarum*, Græcis uno vocabulo *προσωποληψία* appellatur.

XVI. Ex lege præcedente colligitur undecima, *Quæ dividi non possunt communiter* (si fieri potest) *utenda esse*, idque (si quantitas rei permittat) *quantitas*

*Lex naturalis undecima, de habendis in communi.*

tum quisque velit. Sin quantitas rei non permittat, tum præfinitò, & proportionatè ad numerum utentium. Aliter enim nullo modo servari potest æqualitas illa; quam præcedente articulo à lege naturali imperatam esse demonstravimus.

*Lex natura  
dno-  
decima,  
de sorte  
dividen-  
dis.*

XVII. Item; si neque dividi, neque communiter haberi potest, lege naturali institutum est (quod sit præceptum duodecimum) ut ejus rei usus vel alternus sit, vel uni tantùm sorte adjudicandus, utque in alterno usu sorte quoque, quis ad utendum prior sit, judicetur. Nam hic quoque æqualitas spectanda est, alia autem inveniri præter sortem non potest.

*Lex natura  
decima ter-  
tia, de  
Primogenitura,  
& Prima  
occupatione.*

XVIII. Sors autem duplex est: vel *arbitraria*, vel *naturalis*. Arbitraria illa est, quæ fit consensu contendentium. Et si- ta est in casu mero, & fortè, quod



quod ajunt, fortunâ. Naturalis est, *Primogenitura*, (Græcè κληρονομία, quasi sorte tributum) & *Prima occupatio*. Itaque quæ neque dividi, neque communiter haberi possunt, cedunt Primo occupanti; item Primogenito, ea quæ patris fuerunt, nisi pater ipse *Jus* illud transfulerit priùs. Sit igitur ea *lex naturæ* decima tertia.

XIX. Legis naturalis decimum quartum præceptum est, *Pacis Mediatoribus præstandam esse Incolumitatem*. Ratio enim quæ jubet finem, jubet etiam media necessaria. Primum autem rationis dictamen, *Pax* est, cætera sunt ad *Pacem* media, sine quibus *Pax* esse non potest, sed nec sine *Mediatione Pax*, nec sine *Incolumitate* mediatio haberi potest; Est ergo dictamen rationis, hoc est, *lex naturæ*, *Pacis* mediatoribus præ-

*Lex naturæ decima quarta, de Incolumitate mediatorum pacis.*

standam esse incolumitatem.

*Lex natura decima quinta, de constituendo Arbitro.*

XX. Porrò, quoniam, etsi homines in omnes has, &, si quæ aliæ sunt, *naturæ leges* consentirent, easque studerent observare, dubia tamen, & controversiæ quotidie orientur, de legum harum ad facta applicatione: nimirum an quod *factum* sit, sit contra *legem* necne, (quæ quæstio juris dicitur:) ex quibus sequetur pugna inter partes, utrimque se læsos esse existimantes. Ad *Pacis* igitur conservationem (quia aliud in hoc casu remedium æquum excogitari non potest) necessarium est, ut ambo dissidentes in tertium aliquem consentiant; ejus sententiæ de re controversa statutos esse, *pactis mutuis* se obligent. Atque is in quem sic consensum est, *Arbitrator* vocatur. Est igitur *legis naturalis* præceptum decimum quin-

Cap. III. LIBERTAS. 81

quintum, *Oportere utrumque, de jure inter se disceptantium, submittere se alicujus tertii arbitrio.*

XXI. Ex eo autem quòd *Ar-* Lex nature decima sexta, Neminem esse arbitrum cause sue.  
*biter* sive *Judex* à disceptantibus electus sit ad determinandum controversiam, colligitur, oportere Arbitrum non esse unum ex ipsis disceptantibus. Nam unusquisque præsumitur, *bonum sibi* naturaliter, *Justum* propter *pacem* tantum, & per accidens quærere; idèoque non posse æqualitatem illam, à *lege naturali* præceptam, tam accuratè observare quàm faceret tertius. Continetur itaque in *lege nature* decimo sexto loco, *neminem judicem vel Arbitrum esse debere sue ipsius cause.*

XXII. Ex eodem sequitur Lex nature decima septima, Arbitros debere esse sive sive  
decimo septimo loco, *Neminem arbitrum esse oportere, cui commodi vel gloriæ spes aliqua apparet major ex victoriâ unius partis,*

*promissis ab iis referendi, quorum causa iudicatur.*

*Lex naturalis decima octava, de Testibus.*

*tis, quàm alterius.* Par enim ratio militat hic, atque in lege præcedente.

XXIII. Quando verò de ipso facto controversia oritur, nempe an factum sit necne, quod factum esse dicitur, *legis naturalis* est (per articulum 15.) ut Arbitræ æquè utrique, id est (quia contradictoria affirmant) neutri credat. Tertio igitur, vel tertio & quarto, vel pluribus credere oportet; ut de facto, quoties aliis signis sciri non potest, sententiam ferat. *Lex* igitur decima octava naturalis, *arbitris & iudicibus facti* injungit, *ut ubi signa certa facti non apparent, ibi secundum testes, qui utrique parti videntur æqui, sententiam regant.*

*Lex naturalis decima nona, Nullum cum arbitro.*

XXIV. Ex supra adducta *arbitri* definitione intelligi porrò potest, *nullum pactum vel promissum intercedere, inter ipsum*

*sum*

*sum & partes quorum arbiter pactum constitutus est, cujus vi teneatur fieri. in gratiam alterutrius partis pronunciare; neque cujus vi teneatur, ad id pronunciandum, quod æquum est, vel æquum esse censeat. Obligatur quidem arbiter sententiam illam ferre, quam censeat esse æquam per legem naturæ, quæ recensetur articulo 15. Cujus legis obligationi nihil est quod addi possit ex pacto. Frustra igitur esset pactum tale. Præterea si sententiam iniquam ferens, æquam eam esse contenderet, nisi pactum tale invalidum sit, maneret controversia post sententiam latam; quod est contra Arbitri constitutionem, qui ab eis ita electus est, ut invicem obligaverint se, pro ratâ habere sententiam, quam ille pronuncia- verit. Arbitrium ergo lex natura liberum jubet esse id, quod*

fit secundum præceptum ejus  
decimum nonum.

*Lex natu-  
ra vigesi-  
ma con-  
tra cra-  
pulam,  
& ea que  
rationis  
usum im-  
pediunt.*

XXV. Porrò quandoquidem  
*leges naturæ* nihil aliud sunt,  
præter dictata rectæ rationis,  
ita ut nisi quis rectè ratiocinan-  
di facultatem conservare con-  
tur, *Leges naturæ* observare  
non possit, manifestum est eum  
qui volens sciensque ea fecerit,  
quibus facultas rationalis des-  
truatur vel labefactetur, volen-  
tem scientemque *Legem natu-  
ræ* violare. Nihil enim interest,  
utrum præter officium faciat  
quis, an id faciat volens, quo-  
minus officium implere possit.  
Ratiocinandi autem facultatem  
destruunt vel labefactant homi-  
nes qui faciunt ea, quibus mens  
de statu suo naturali deturba-  
tur, id quod manifestissime con-  
tingit *Ebriis & crapulâ grava-  
tis*. Peccatur ergo vicesimo lo-  
co contra legem naturalem *E-  
brietate*.

XXVI.

XXVI. Dicit fortasse aliquis, qui viderit præcedentia *Regula;*  
*per quam*  
*statim*  
*cognosci*  
*potest, an*  
*quod fac-*  
*iuri su-*  
*mus, sit*  
*contra*  
*legem*  
*natura,*  
*neque.*  
 præcepta naturalia artificio quodam ab unico rationis, nos ad nostri conservationem & incolumitatem hortantis, dictamine derivata, adeo difficilem esse deductionem harum legum, ut expectandum non sit, eas vulgo cognitæ fore; neque ideo obligare. Etenim leges nisi cognitæ, non obligant, immò non sunt leges. Huic respondeo, verum esse, *spem, metum, iram, ambitionem, avaritiam, gloriam inanem,* & cæteras perturbationes animi impedire, ne quis leges naturæ pro eo tempore quo passiones istæ prævalent, cognoscere possit. Cæterum nemo est, qui non aliquando sedato animo est. Eo igitur tempore nihil illi quamquam indocto & rudi, scitu est facilius; unicâ scilicet hac regulâ, ut cum dubi-

dubitet, id quod facturum in alterum sit, *jure* facturum sit *naturali*, necne, putet se esse in illius alterius loco. Ibi statim perturbationes illæ, quæ instigabant ad faciendum, tanquam translatae in alteram trutinæ lancem, à faciendo dehortabuntur. Atque hæc regula non modo facilis, sed etiam dudum celebrata his verbis est, *Quod tibi fieri non vis, alteri ne feceris.*

*Leges natura obligant in foro interno.*

XXVII. Quoniam autem plerique homines, præ iniquo præsentis commodi appetitu, prædictas leges quantumvis agnitas observare minimè apti sunt; si forte aliqui, cæteris modestiores, illam æquitatem commoditatemque, quam ratio dicit, exercerent, cæteris non idem facientibus, nihil minùs quàm rationem sectarentur. Neque enim pacem, sed certum & maturius exitium sibi com-  
para-



pararent, cederentque observantes non observantibus in prædam. Non est igitur existimandum, natura, hoc est, ratione obligari homines ad exercitium (c) earum omnium, in eo statu hominum, in quo non exercentur ab aliis. Interea tamen obligamur ad animum eas observandi, quodcumque ad finem ad quem ordinantur, earum observatio conducere videbitur. Ideoque concludendum est, legem naturæ semper & ubique obligare in *Foro interno*, sive *conscientia*, non semper in *foro externo*: sed tum solummodo, cum securè id fieri possit.

(c) Exercitium earum omnium, &c.] Imò inter has Leges aliqua sunt, quorum in statu naturali ommissio, (modo id Pacis, vel sui conservandi causâ fiat.) Legis naturalis adimpletio potius videtur.

Annot.

Annot. tur, quàm violatio. Nam qui omnia facit contra omnia facientes, eripitque rapientibus, æquum facit. Contra autem, id facere quod in pace modus est & modesti hominis, in bello ignavia est, & sui proditio. Sunt autem leges aliquæ naturales, quarum ne in bello quidem exercitium desinit. Nam quid ebrietas, quidve crudelitas ( id est, vindicta quæ futurum bonum non respicit ) ad pacem vel conservationem cujusquam hominis conferre possit, non intellego. Breviter, in statu naturæ, Justum & Injustum non ex actionibus, sed ex consilio & conscientia agentium æstimandum est. Quod necessario, quod studio pacis, quod sui conservandi causâ fit, rectè fit. Alioquin omne damnum homini illatum, Legis naturalis violatio atque in Deum injuria est.

Violan- XXVIII. Quæ verò leges  
CON-

conscientiam obligant, violari *tur leges*  
 possunt facto, non solum iis *natura*  
 contrario, sed & consentaneo: *quando-*  
 siquidem qui facit, contrarium *que, fac-*  
 putet. Quamquam enim actio *to legibus*  
 ipsa secundum leges sit, con- *consentia-*  
 scientia tamen contra est. *neo.*

XXIX. *Leges natura immu-* *Leges*  
*tabiles & aeternae* sunt; quod ve- *natura*  
 rant, nunquam licitum esse po- *sunt im-*  
 test: quod jubent, nunquam il- *mutabi-*  
 licitum. Numquam enim *les.*  
*super-*  
*bia, ingratitude, pactorum vio-*  
*latio, (sive injuria) inhuma-*  
*nitas, contumelia* licitæ, nec  
 contrariæ his virtutes illicitæ  
 erunt, quatenus pro animi dis-  
 positionibus intelliguntur, hoc  
 est, quatenus *in foro conscientia*  
 spectantur, ubi solùm obligant,  
 & sunt leges. Actiones tamen  
 ita diversificari possunt circum-  
 stantiis, & lege civili, ut quæ  
 uno tempore æquæ, alio ini-  
 quæ; & quæ uno tempore cum  
 ratio-

ratione, alio contra rationem sint. Ratio tamen eadem neque finem mutat, quæ est *pax & defensio*, neque media; nempe animi virtutes eas, quas supra declaravimus, quæque nullâ vel consuetudine vel lege civili abrogari possunt.

*Qui leges  
naturæ  
conatur  
implere,  
justus est.*

XXX. Patet ex hætenus dictis, quàm faciles observatu sint *naturæ leges*, quippe quæ conatum solum ( sed verum & constantem ) requirunt, quem qui præstiterit, eum rectè possumus **JUSTUM** appellare. Nam qui toto conatu ad id tendit, ut omnes actiones suæ sint secundum *præcepta naturæ*, clarè ostendit, animum se habere leges eas omnes adimplendi, quod est omne id ad quod obligamur à natura rationali. Qui verò totum id præstitit, ad quod obligatus erat, *justus est*.

*Lex naturalis*

XXXI. *Legem naturalem*  
cam-

Cap. III. LIBERTAS. 91

eamdem esse cum *lege morali*, eadem  
consentiunt omnes scriptores. cum morali.  
Id quare fit verum, videamus.  
Sciendum igitur est, *bonum* &  
*malum* nomina esse rebus impo-  
sita ad significandum appetitum,  
vel aversionem eorum à quibus  
sic nominantur. Appetitus au-  
tem hominum pro diversis eo-  
rum temperamentis, consuetu-  
dinibus, opinionibusque, diver-  
si sunt; ut videre est in iis re-  
bus quas sensu percipimus, pu-  
ta gustu, tactu, olfactu: sed  
multo magis in iis rebus quæ  
pertinent ad actiones vitæ com-  
munes, ubi quod hic *laudat*, id  
est, appellat *bonum*, alter *vituperat*  
ut *malum*; immò sæpissimè  
idem homo diversis tempo-  
ribus idem & *laudat* & *culpat*.  
Hæc dum faciunt, necesse est  
oriri discordiam & pugnas.  
Sunt igitur tamdiu in statu bel-  
li, quàm *bonum* & *malum* præ  
appe-

92 LIBERTAS. Cap. III.  
appetuum præsentium diver-  
sitate, diversis mensuris me-  
tiuntur. Hunc statum facile om-  
nes, dum in eo sunt, agnos-  
cunt esse malum; & per conse-  
quens, *pacem esse bonam*. Qui  
igitur de bono præsentis conve-  
nire non poterant, conveniunt  
de futuro; quod quidem opus  
rationis est, nam *præsentia* sen-  
sibus, *futura* non nisi Ratione  
percipiuntur. Præcipiente ra-  
tione pacem esse bonam, se-  
quitur eadem ratione, omnia  
media ad pacem necessaria bo-  
na esse, ideòque *modestiam, æ-  
quitatem, fidem, humanitatem,  
misericordiam*, ( quas demon-  
stravimus ad pacem esse neces-  
sarias ) *bonos esse mores*, sive  
habitus, hoc est, *virtutes*. *Lex*  
ergo eo ipso, quod præcipit  
media ad pacem, præcipit *bo-  
nos mores*, sive *virtutes*. Voca-  
tur ergo *moralis*.

XXXII.

XXXII. Quia verò homines exuere non possunt appetitum illum irrationalem, quo bona præsentia ( quibus, arctâ consequentiâ, multa adhærent improvisa mala ) præ futuris appetuat, factum est, ut quam consentiant omnes in laude dictarum virtutum, tamen dissentiant adhuc de earum naturâ, in quo nempe unaquæque earum consistat. Quoties enim cuiquam displicet aliena bona actio, ei actioni imponitur nomen alicujus vitii vicini; similiter nequitiaæ quæ placent, ad virtutem aliquam referuntur. Unde evenit, eandem actionem ab his laudari & virtutem appellari, ab illis culpari & vitio verti. Neque huic rei remediï quicquam à Philosophis hætenus inventum est. Cùm enim non observarent, bonitatem actionum in eo sitam esse, quod

*Unde fiat, quod qua dicta sunt de lege naturali non sint eadem qua traduntur à Philosophis circa virtutes.*

quod in ordine ad pacem ; malitiam in eo , quod in ordine ad discordiam essent: *moralem Philosophiam* condiderunt , à *moralis lege* alienam , & sibi non constantem. Voluerunt enim , naturam *virtutum* in *mediocritate* quadam inter duo *extrema* sitam esse , vitia verò in ipsius *extremitatibus* : quod est aperte falsum , nam audere , laudatur , & nomine *fortitudinis* pro virtute habetur , quamquam extremum sit , si causa approbatur. Quantitas item rei quæ dono datur , sive magna , sive parva , sive media sit , non facit *liberalitatem* , sed donandi causa. Neque *injustitia* est , si cui de meo plus dederò quàm debitum est. Sunt igitur *leges naturales* summa *Philosophiæ moralis* : cujus præcepta hoc loco ea tantum tradidi , quæ pertinent ad conservationem nostram ,



tram, contra pericula quæ à discordiâ oriuntur. Sunt autem alia præcepta naturæ rationalis, ex quibus aliæ nascuntur virtutes, nam & *Temperantia* præceptum rationis est, quia intemperantia tendit ad morbos & interitum. Item fortitudo, hoc est, facultas valde resistendi in periculis præsentibus, quæque difficilius declinantur quàm superantur; quia medium est ad conservationem illius qui resistit.

XXXIII. *Natura* autem quas vocamus *leges*, cùm nihil aliud sint, quàm conclusiones quædam ratione intellectæ, de agendis & omittendis; lex autem, propriè atque accuratè loquendo, fit oratio ejus qui aliquid fieri vel non fieri aliis jure imperat: non sunt illæ propriè loquendo *leges*, quatenus à naturâ procedunt. Quatenus tamen

*Lex naturalis non est propriè loquendo lex, nisi quatenus traditur in Scriptura sacra.*

96 LIBERTAS: Cap. III:  
men eadem à Deo in scripturis  
sacris latae sunt, ut videbimus  
capite sequente, Legum nomi-  
ne propriissimè appellantur. Est  
enim *scriptura sacra* in omnia  
maximo jure imperantis Dei  
oratio.

---

C A P U T I V.

*Quod lex naturalis est lex  
divina.*

*Lex na-  
turalis &  
moralis,  
est lex  
divina.* I. **Q**Uæ *Naturalis*, & *Mo-  
ralis*, eadem & *Divina*  
*lex* appellari solet. Nec imme-  
ritò, tum quia *ratio*, quæ est  
ipsa *lex naturæ*, immediatè à  
Deo unicuique pro suarum ac-  
tionum Regula tributa est, tum  
quia vivendi præcepta quæ in-  
de derivantur, eadem sunt quæ  
à divina Majestate, pro *legibus*  
*Regni cælestis*, per Dominum  
nostrum *Jesum Christum*, & per  
sanctos *Prophetas*, & *Apostolos*  
pro-

promulgata sunt. Quæ igitur de *lege naturali* ratiocinando suprâ intellecta sunt, ea hoc capite ex scripturâ sacrâ confirmare conabimur.

II. In primis autem ea loca *Id quod generatim confirmatur ex scriptura.* indicabimus, in quibus legem divinam in recta ratione sitam esse declaratur. Psalm. 36. 30, 31. *Os justi meditabitur sapientiam, & lingua ejus loquetur justitiam. Lex Dei in corde ipsius.* Jerem. 31. 33. *Dabo legem meam in visceribus eorum, & in corde eorum scribam eam.* Psalm. 18. 8. *Lex Domini immaculata, convertens animam. Vers. 9. Præceptum Domini lucidum, illuminans oculos. Deut. 30. 11. Mandatum hoc, quod ego precipio tibi hodie, non supra te est, neque procul positum, &c. Vers. 14. Sed juxta te est sermo valde, in ore tuo, & in corde tuo.* Psalm. 118. v. 34. **E** *um,*

98 LIBERTAS. Cap. IV.  
tum, & scrutabor legem tuam.  
Vers. 105. *Lucerna pedibus meis  
tuum Verbum, & lumen semitis  
meis.* Prov. 9. 20. *Scientia san-  
ctorum, prudentia.* Joan. 1. 1.  
ipse Legis promulgator *Chri-  
stus* appellatur λόγος. Vers. 9.  
vocatur idem *Christus lux vera,  
illuminans omnem hominem ve-  
nientem in hunc mundum.* Quæ  
omnia, descriptiones sunt rectæ  
rationis, cujus dictamina leges  
esse naturales, antè ostensum  
est.

*Specia-  
tim, res-  
pectu le-  
gis natu-  
ræ fun-  
damenta-  
lis, de  
quærenda  
pace.* III. Quod autem ea, quam  
posuimus pro naturæ lege fun-  
damentali, nempe *quærendam  
esse pacem*, sit etiam summa le-  
gis divinæ, ex his locis mani-  
festum erit. Rom. 3. 17. *Justitia*  
(quæ est summa legis,) vo-  
catur *via ad pacem.* Psalm. 84  
vers. 11. *Justitia & Pax oscula-  
tæ sunt.* Matth. 5. 9. *Beati Paci-  
fici, quia filii Dei vocabuntur.* Et  
post-

Cap. IV. LIBERTAS. 99  
postquam sanctus Paulus ad  
Hebr. Cap. 6. versu ultimo,  
*Christum* ( legis de qua agitur,  
legislatores ) dixerat esse, *se-*  
*cundum ordinem Melchisedec*  
*Pontificem in æternum*, addit Ca-  
pite sequenti, versu primo,  
*Hic Melchisedec erat Rex Sa-*  
*lem, Sacerdos Dei summi, &c.*  
Vers. 2. *Primum quidem qui in-*  
*terpretatur Rex justitiæ; deinde*  
*autem & Rex Salem, quod est*  
*Rex pacis.* Ex quo constat;  
*Christum Regem* in regno suo  
*justitiam cum pace colligare.*  
Psalm. 33. 15. *Diverte à malo;*  
*& fac bonum; inquire Pacem;*  
*& persequere eam.* Isaiæ 9. 6.  
7. *Parvulus enim est natus no-*  
*bis, & filius datus est nobis; &*  
*factus est principatus super hu-*  
*merum ejus, & vocabitur no-*  
*men ejus, Admirabilis, Consilia-*  
*rius, Deus fortis, Pater futuri*  
*seculi, Princeps Pacis.* Isai. 52.  
E 2      7. *Quam*

7. *Quam pulchri super montes pedes prædicantis & annunciantis pacem, annunciantis bonum, prædicantis salutem, dicentis Sion, Regnabit Deus tuus.* Luc. 2. 14. in nativitate Christi vox laudantium Deum & dicentium, *Gloria Deo in altissimis, & in terrâ Pax hominibus bonæ voluntatis.* Et Isai. 53. 6. vocatur Evangelium, *disciplina pacis.* Isai. 59. 8. vocatur *justitia, via pacis.* *Viam pacis nescierunt, & non est iudicium in gressibus eorum.* Michæas 5. 5. loquens de Messia, sic ait, *Stabit & pascet in fortitudine Domini, &c. quia magnificabitur usque ad terminos terræ, & erit iste Pax.* Prov. 3. 1. *Fili mi, ne obliviscaris legis meæ; & præcepta mea cor tuum custodiat; longitudinem enim dierum, & annos vitæ, & pacem apponent tibi.*

Acta pri-  
væ Legis

IV. Quod attinet ad legem  
pri-

Cap. IV. LIBERTAS. IOI

primam, de *communitate omnium rerum abolendâ*, sive de introductione *Mei & Tui*, habemus primum, quam adversa sit paci communitas illa, ex verbis *Abrahæ* ad *Lotum*, Gen. 13. 8. *Ne quæso sit jurgium inter me & te, & inter pastores meos & pastores tuos. Ecce universa terra est coram te, recede à me obsecro. Et legem de distinctione Nostri & Alieni, confirmant omnia illa Scripturæ sacræ loca, quibus invasio in alienum prohibetur, ut, Non occides, non furaberis, non machaberis. Supponunt enim, Jus omnium in omnia sublatum esse.*

V. Eadem præcepta stabiliunt legem naturalem secundam de servanda fide. Quid enim aliud est, *Non invades in alienum*, quàm, *non invades in id, quod pacto tuo tuum esse desit?* Expresse autem, Psalm.

*Item secunda legis naturalis, de servandâ fide.*

14. vers. 5. quærenti, *Domine, quis habitabit in tabernaculo tuo?* responsum est, *qui jurat proximo suo, & non decipit.* Et Proverb. 6. 1. *Fili mi, si sponderis pro amico tuo, laqueatus es verbis oris tui.*

*Item tertia legis naturalis de gratitudine.*

VI. Tertiam legem, de gratitudine, asserunt hæc loca. Deut. 25. 4. *Non obturabis os bovis triturantis.* Id quod sanctus Paulus 1 Cor. 9. 9. de hominibus dictum interpretatur, non de bobus tantum. Prov. 17. 13. *Qui reddit mala pro bonis, non recedet malum à domo ejus.* Et Deut. 20. 10. 11. *Si quando accesseris ad expugnandam civitatem, offeras ei primum pacem: si receperit, & aperuerit tibi portas, cunctus populus qui in ea est, salvabitur, & serviet tibi sub tributo.* Prov. 3. 29. *Ne moliaris amico tuo malum, cum ille in te habeat fiduciam.*

VII.



VII. Quartæ de exhibendo se Item quarta legis naturalis, de exhibendo se commodo commodo, conformia sunt divina præcepta hæc. Exod. 23. 4. 5. Si occurreris bovi inimici tui aut asino erranti, reduç ad eum. Si videris asinum odientis te jacere sub onere, non pertransibis, sed sublevabis cum eo. vers. 9. Peregrino molestus non eris. Prov. 3. 30. Ne contendas adversus hominem frustra, cum ipse tibi nihil mali fecerit. Prov. 12. 26. Qui negligit damnum propter amicum, Justus est. 15. 18. Vir iracundus provocat rixas; qui patiens est, mitigat suscitatas. Proverb. 18. 24. Vir amabilis ad societatem, magis amicus erit quàm frater. Idem confirmatur Luc. 10. Parabola Samaritani, qui Judæi à latronibus vulnerati misertus est. Et præcepto Christi, Matth. 5. 39. Ego autem dico vobis, non resistere malo: sed si quis te percusserit in

*dextram maxillam tuam, præbe illi & alteram, &c.*

*Item  
quintæ  
legis na-  
turalis,  
de miseri-  
cordia.*

VIII. Quæ legem quintam probant, inter infinita alia loca hæc sunt: Matth. 9. 15. *Si enim dimiseritis hominibus peccata eorum, dimittet & vobis Pater vester cælestis peccata vestra: si autem non dimiseritis hominibus, nec Pater dimittet vobis peccata vestra, &c.* Matth. 18. 21. *Domine, quoties peccabit in me frater meus, & dimittam ei? usque septies? Dicit illi Jesus: Non dico tibi usque septies, sed usque septuagies septies; hoc est, toties quoties.*

*Item  
sextæ le-  
gis natu-  
ralis,  
quod pœ-  
ne futu-  
rum tan-  
tum spec-  
tent.*

IX. Ad sextam legem confirmandam pertinent omnia ea loca, quæ jubent fieri *miseri-  
cordiam*. Qualia sunt: Matth. 5. 7. *Beati misericordes: quoniam ipsi misericordiam consequentur.* Levit. 19. v. 18. *Non quæras ultionem, neque memor eris injuriæ*

*riæ*

*riæ civium tuorum.* Sunt autem, qui hanc legem non modo non confirmatam, sed & infirmatam scripturis putant, ex eo quod impiis post mortem, ubi nullus emendationi, neque exemplo locus est, pœna tamen maneat æterna. Solvunt objectionem hanc aliqui, dicendo, Deum nullâ obstrictum lege omnia referre ad gloriam suam, sed homini non licere idem facere. Quasi Deus gloriam quæreret, hoc est, placeret sibi, in morte peccatoris! Rectius respondetur, institutionem pœnæ æternæ fuisse ante peccatum, & respexisse hoc tantum, ut metuerent homines peccare in futurum.

X. Septimam comprobant <sup>Item</sup> verba Christi, Matth. 5. 22. <sup>septima</sup> *Ego autem dico vobis, quia om-* <sup>legis na-</sup> *nis qui irascitur fratri suo, reus* <sup>turalis,</sup> *erit iudicio; qui autem dixerit,* <sup>contra</sup> <sup>contumeliam,</sup>

*Fatue, reus erit Gehennæ ignis.*  
 Prov. 10. vers. 18. *Qui profert  
 contumeliam, insipiens est.* Pro-  
 verb. 14. 21. *Qui despicit pro-  
 ximum suum, peccat.* 15. 1. *Ser-  
 mo durus suscitatur furorem.* 12.  
 10. *Ejice derisorem; & exhibit  
 cum eo jurgium, cessabuntque  
 causa, & contumelie.*

*Idem  
 octava  
 legis na-  
 turalis,  
 contra  
 super-  
 biam.*

XI. Legem octavam de a-  
 gnoscenda æqualitate naturæ,  
 hoc est, de *humilitate*, stabi-  
 liunt hæc loca Matth. 5. 3.  
*Beati pauperes spiritu, quoniam  
 ipsorum est regnum cælorum.* Pro-  
 verb. 6. 16. 19. *Sex sunt quæ  
 odit Dominus, & septimum de-  
 testatur anima ejus: Oculos su-  
 blimes, &c.* Proverb. 16. 5.  
*Abominatio Domini est omnis ar-  
 rogans: etiamsi manus ad ma-  
 num fuerit, non est innocens.*  
 Prov. 11. vers. 2. *Ubi fuerit su-  
 perbia, ibi erit & contumelia;  
 ubi autem est humilitas, ibi &*  
*sa-*

*sapientia.* Item Isai. 40. 1. (*Ubi adventus Messiae annunciat, pro preparatione ad regnum ejus*) vox clamantis in deserto, hæc est: *Parate viam Domini, rectas facite in solitudine semitas Dei nostri. Omnis vallis exaltabitur, & omnis mons & collis humiliabitur.* Quod absque dubio non ad montes, sed ad homines refertur.

XII. *Æquitas* autem, quam posuimus nono loco, esse *legem naturæ*, quâ unicuique præcipitur cæteris eadem jura permittere, quæ sibi permitti cupit, quæque cæteras omnes leges in se complectitur, eadem est quam & Moses ponit Levit. 19. 18. *Diliges amicum tuum sicut te ipsum: & Servator noster, summam ait esse Legis moralis, Matth. 22. vers. 36. Magister, quod est mandatum magnum in lege? Ait illi Jesus:*

E 6 Di-

*Item nota legis naturalis de modestia.*

*Diliges Dominum Deum tuum, &c. hoc est maximum & primum mandatum; secundum autem simile est huic, Diliges proximum tuum, sicut te ipsum, in his duobus mandatis universa lex pendet, & Prophetæ. Diligere autem proximum sicut se ipsum, nihil aliud est, quàm ei omnia permittere quæ nobismet ipsis permittenda esse postulamus.*

*Item de-  
cimæ le-  
gis natu-  
ralis, con-  
tra accep-  
tionem  
persona-  
rum.*

XIII. Lege decima vetatur acceptio personarum; quemadmodum etiam locis sequentibus. Math. 5. 45. *Ut sitis filii Patris vestri, qui facit Solem suum oriri super justos & injustos. Coloss. 3. 11. Non est Gentilis & Judæus, Barbarus & Scythæ, servus & liber; sed omnia; & in omnibus Christus. Actor. 10. 34. In veritate comperi, quia non est personarum acceptor Deus. 2. Paralip. 19. 7. Non est apud Dominum nostrum iniquitas, ne-  
que*

que acceptio personarum. Ecclesiastic. 35. 16. Dominus iudex est, non apud illum gloria personæ. Rom. 2. 11. Non enim acceptio personarum apud Deum est.

XIV. Undecima lex, quæ jubet communiter habenda esse quæ dividi non possunt, nescio an expressè habeatur in sacris scripturis, necne; praxis autem passim occurrit in communi usu puteorum, viarum, fluminum, rerum sacrarum, &c. aliter enim fieri non poterat, ut homines viverent.

XV. Loco duodecimo legem naturæ esse diximus, ea quæ neque dividi, neque communiter possideri possunt, sorte tribuenda esse; id quod cum exemplo *Mosis* confirmatur, qui ex præcepto Dei, Num. 34. partes terræ promissionis tribubus sorte possidendas dedit:

tum

*Item undecima legis naturalis, de habendis communiter, quæ dividi non possunt.*

*Item duodecime legis naturalis, de sorte dividendis.*

110 LIBERTAS. Cap. IV.  
tùm Actor. I. exemplo *Apostolorum*, qui in numerum suum,  
( sic præfati, *Tu Domine ostende, quem elegeris, &c.* ) *Matthiam* præ *Iusto*, sorte adscripserunt. Idem colligitur ex *Prov. 16. 33. Sortes mittuntur.* Et, quæ decima tertia est lex, successio debebatur *Esavo*, scilicet *Primo-genito Isaaci*, ne ipse eam. ( *Genes. 25. 43.* ) vendidisset, vel pater aliter statueret.

*Item decima quinta legis naturalis, de constituendo arbitro.*

XVI. Sanctus Paulus, scribens ad Corinthios, Epist. I. Cap. 6. corripit illius civitatis Christianos, quod judiciis forensibus apud iudices infideles ( suos hostes ) inter se contenderent. Delictum esse inquires, quod non malint injuriam accipere & fraudem pati. Est enim illud contra legem illam, qua jubemur *mutuo commodi esse*. Sed si accidat controversiam esse de rebus necessariis, quid faciendum



Cap. IV. LIBERTAS. III

dum est? Itaque Apostolus  
vers. 5. sic loquitur: *Ad vere-*  
*cundiam vestram dico. Sic non*  
*est inter vos sapiens quisquam,*  
*qui potest judicare inter fratres*  
*suos?* Confirmat igitur illis ver-  
bis legem naturæ, quam nu-  
meravimus decimam quintam,  
nimirum ubi controversiæ vita-  
ri non possunt, constituendum  
esse ex consensu partium ali-  
quem arbitrum, eumque ter-  
tium, ita ut (quæ est lex deci-  
ma sexta) neuter litigantium  
judex sit in causâ propriâ.

XVII. Quod autem *judex* Item de-  
sive *arbiter* præmium pro sen- cima sep-  
tentiâ accipere non debeat, tima le-  
(quæ lex decima septima est) gis natu-  
constat. Exod. 23. 8. *Nec ac-* ralis, Ar-  
*cipies munera, quæ etiam excæ-* bitros  
*cant prudentes, & subvertunt* præmium  
*verba justorum. Et Ecclesiastic.* pro sen-  
*20. 31. Xenia & dona excæcant* tentiâ ac-  
*oculos judicum. Ex quo sequi-* cipere non  
*tur,* debere.

tur, neque obligari eum parti uni magis, quàm alteri; quæ est lex decima nona: confirmaturque etiam Deuter. 1. 17. *Nulla erit distantia personarum; ita parvum audietis ut magnum; & omnibus eis locis, quæ addicta sunt contra personarum acceptionem.*

*Item decima octava legis naturalis, de Testibus.*

XVIII. Quod in judicio *Facti, testes* adhibendi sint, (quæ est lex decima octava) non modo confirmat scriptura, sed requirit plures. Deuter. 17. 6. *In ore duorum aut trium testium peribit, qui interficietur.* Idem repetitur Deuter. 19. 15.

*Item vigesima legis naturalis, contra Ebrietatem.*

XIX. Ebrietas, quam ideò inter violationes *Legis naturalis* ultimo loco numeravimus; quia rectæ rationis usum impedit, prohibetur in scripturis sacris etiam propter eandem. Proverb. 20. 1. *Luxuriosa res vinum, & tumultuosa Ebrietas;*  
qui-

Cap. IV. LIBERTAS. 113

quicumque his delectatur, non erit sapiens. & Cap. 31. vers. 4. & 5. *Noli regibus dare vinum, ne forte bibant, & obliviscantur iudiciorum, & mutent causam filiorum pauperis. Ut autem sciamus malitiam hujus vitii consistere formaliter, non in quantitate vini quod bibitur, sed in eo quod iudicium & rationem labefactet, sequitur proximo versu, *Date siceram mœrentibus, & vinum his qui amaro sunt animo. Bibant & obliviscantur egestatis suæ, & doloris sui non recordentur amplius. Eadem ratione in prohibenda Ebrietate utitur Christus, Lucæ Cap. 21. vers. 34. *Attendite autem vobis, ne forte graventur corda vestra in crapula & ebrietate.***

XX. Quod diximus superiore capite, *legem naturæ esse æternam*, probatur ex Matth. 5. 18. *Amen dico vobis, donec transeat cælum*

*Item respectu ejus quod dictum est, Legem naturæ*

*esse aeternam.* *cælum & terra, jota unum, aut apex unus, non præteribit, à lege. Psal. 118. 160. in aeternum omnia judicia justitiæ tuæ.*

*Item, Leges natura pertinere ad conscientiam.* XXI. Diximus quoque, *natura Leges* pertinere ad conscientiam; hoc est, *Justum esse* qui omni conatu eas implere nititur. Et quamquam quis omnes actiones fecerit tales (quod attinget ad externam obedientiam) quales lex jubet, sed non ob legem ipsam, sed propter poenam adjunctam, vel gloriæ causâ; tamen eum *injustum esse*. Utrumque confirmatur scripturis sacris. Primum, *Isai. 55. 7. Derelinquat impius viam suam, & vir iniquus cogitationes suas, & revertatur ad Dominum, & miserebitur ejus. Ezech. 18. 31. Projicite à vobis omnes prævaricationes vestras, in quibus prævaricati estis, & facite vobis cor novum, & quare moriemini, domus*

Cap. I V. LIBERTAS. 115  
*mus Israël? Ex quibus, & similibus locis, satis intelligi potest, non puniturum Deum facta eorum, quorum cor rectum est. Secundum, ex Isaïæ cap. 29. versu 13. Et dixit Dominus, eò quod appropinquat populus iste ore suo, & labiis glorificat me, cor autem ejus longe est à me, ideo ecce addam, &c. Matth. 5. 20. Dico enim vobis; nisi abundaverit justitia vestra plus quam Scribarum, & Phariseorum, non intrabitis in regnum cælorum. Et in sequentibus explicat Servator noster, mandata Dei violari, non factis modo, sed etiam voluntate. Scribæ enim & Pharisei externis factis observabant legem quàm maximè; sed gloriæ tantum causa, alter eandem violaturi. Occurrunt præterea innumera passim scripturæ sacræ loca, quibus manifestissimè dicitur,*  
Deum

Deum voluntatem accipere pro facto ; idque tam in bonis , quàm in malis actionibus.

*Item Le-  
ges natu-  
rae faciles  
esse obser-  
vatu.*

XXII. Quod lex naturæ facilis observatu fit , declarat Christus , Matth. 11. v. 28 , 29 , 30. *Venite ad me omnes qui laboratis , &c. Tollite jugum meum super vos , & discite à me , quia mitis sum & humilis corde ; & invenietis requiem animabus vestris. Jugum enim meum suave est , & onus meum leve.*

*Denique  
respectu  
regulae  
per quam  
statim co-  
gnosci po-  
test , an  
aliquid  
sit contra  
legem  
naturæ,  
necne.*

XXIII. Regula denique illa , quâ dignoscere unumquemque posse dixi , utrum id quod factururus sit , contra legem naturæ sit , necne , nempe , *Quod tibi fieri non vis , alteri ne feceris* , totidem penè verbis enunciatur à nostro Servatore ; Matth. 6. 12. *Omnia ergo , quaecunque vultis ut faciant vobis homines , & vos facite illis.*

*Christi  
lex , est*

XXIV. Sicut lex naturæ omnis

nis divina est ; ita *lex Christi* è <sup>natura</sup> converso ( quæ tota explicatur <sup>lex.</sup>

Matthæi capitibus 5 , 6 , 7 . ) tota quoque ( excepto uno mandato de non ducendâ eâ quæ propter fornicationē est dimissa, quod pro divinæ legis positivæ explicatione adduxit Christus , contra Judæos , qui *legem Mosaicam* non rectè interpretabantur : ) naturæ doctrina est. Tota , dixi, *lex Christi* in dictis capitibus explicatur , non tota Christi doctrina. Nam doctrinæ Christianæ pars est *Fides*, quæ sub *Legis* nomine non comprehenditur. *Leges* enim feruntur de *actionibus* quæ voluntatem sequuntur nostram, non de *opinionibus*, neque de *fide*; quæ extra potestatem nostram existentes, voluntatem nostram non sequuntur.

## CAPUT V.

*De causis & generatione  
Civitatis.*

- I. *Leges naturales non sufficere ad Pacis conservationem.* II. *Leges naturæ, in statu naturæ sistere.* III. *Securitatem vivendi secundum leges naturæ consistere in concordiam multorum.* IV. *Concordiam multorum non esse satis constantem ad Pacem diuturnam.* V. *Cui brutorum quorundam animantium regimen solâ stet concordiam; hominum non item.* VI. *Requiri ad Pacem hominum, non modo consensionem, sed etiam unionem.* VII. *Quid sit unio.* VIII. *In unione, Jus omnium in unum transfertur.* IX. *Quid sit civitas.* X. *Quid sit persona civilis.* XI. *Quid sit summum habere imperium, & quid subditus.* XII. *Duo genera civitatum, naturale & institutum.*

*Leges  
naturales non*

- I. **M**anifestum est per se, actiones hominum à voluntate



voluntate, voluntatem à spe & *sufficere*,  
 metu proficisci, adeo ut quoties *ad Pacis*  
*Bonum majus*, vel *Malum mi-* *conserva-*  
*nus* videtur à violatione Legum *tionem.*  
 sibi proventurum, quàm ab ob-  
 servatione, volentes violant.  
 Spes igitur unicuique securita-  
 tis conservationisque suæ in eo  
 sita est, ut viribus artibusque  
 propriis, proximum suum, vel  
 palàm, vel ex insidiis præoccu-  
 pare possit. Ex quo intelligitur,  
*leges naturales* non statim, ut  
 cognitæ sunt, securitatem cui-  
 quam præstare ipsas observan-  
 di: & proinde, quamdiu cau-  
 tio ab invasione aliorum non  
 habeatur, cavendi sibi quibus-  
 cunque modis voluerit, unicui-  
 que manere *Jus primævum*, hoc  
 est, *Jus in omnia*, sive *Jus belli*;  
 sufficitque ad impletionem *legis*  
*naturalis*, ut quis paratus animo  
 sit ad pacem habendam, ubi ha-  
 beri potest.

## II. Tri-

*Lex natura in statu naturæ silere.* II. Tritum est, *inter armata silere leges*; & verum est, non modo de *legibus civilibus*, sed etiam de *lege naturali*, si non ad animum, sed ad actiones referatur, per Cap. 3. Artic. 27. & bellum tale intelligatur, ut sit omnium contra omnes, qualis est *status naturæ meræ*, quamquam in bello nationis contra nationem modus quidam custodiri solebat. Ideòque priscis temporibus vitæ institutum, & quasi œconomia quædam erat, quam vocabant *λυσεικλιω*, *Rapto vivere*; quæ neque contra legem naturæ erat, rebus sic stantibus, neque sine gloriâ illis qui eam fortiter, nec crudeliter exercebant. Mos erat illis, cætera rapientibus, & vitæ parcere, & à bobus aratoribus, omnique instrumento agriculturæ abstinere. Quod tamen non ita est accipiendum, tanquam

quam ad id adstringerentur lege naturæ, sed quod gloriæ suæ confulerent, & ne nimiâ crudelitate, metûs arguerentur.

III. Cum ergo ad pacem conservandam necessarium sit *legis naturalis* exercitium; & ad *legis naturalis* exercitium necessaria sit *securitas*, considerandum est quid sit quod talem securitatem præstare possit. Ad hanc rem excogitari aliud non potest, præterquam ut unusquisque auxilia idonea sibi comparat, quibus invasio alterius in alterum adeò periculosa reddatur, ut satius sibi esse uterque putet, manus cohibere quam conferere. Primum autem manifestum est, quod duorum vel trium consensio securitatem talem minimè præstare possit propterea quòd additio ex altera parte unius, vel paucorum hominum, sufficit ad certam &

*Securitam  
tem vi-  
vendi se-  
cundum  
leges na-  
turae,  
consistere  
in concor-  
dia mul-  
torum.*

F indu-

indubitata[m] victoriam, datque animum adversario ad aggrediendum. Necessarium itaque est ad securitatem quam quærimus obtinendam, ut numerus eorum qui in mutuam opem conspirant, tantus sit, ut paucorum hominum ad hostes accessio non sit ipsis conspicui momenti ad victoriam.

*Concordiam multorum non esse satistem ad pacem diuturnam.*

IV, Deinde, quantuscumque sit numerus eorum qui ad se defendendum coeunt, si tamen non consentiant inter se optima ratione quâ id fieri debeat, sed unusquisque suo modo suis viribus utatur, nihil efficietur; propterea quod distracti sententiis, impedimento invicem erunt; aut si in unam actionem spe victoriæ, vel prædæ, vel vindictæ, satis consentiant, postea tamen diversitate ingeniorum consiliorumque, vel simulatione & invidiâ, quibus

bus naturaliter homines inter se contendunt, ita divellentur, ut neque mutuam opem conferre, neque pacem inter se habere velint, nisi communi aliquo metu coërceantur. Ex quo sequitur, *consensionem plurium*, (quæ consistit in eo tantum, quod actiones suas, omnes ad eundem finem, & *bonum commune* dirigant) hoc est, societatem mutui tantum auxilii, non præstare consentientibus, sive sociis, securitatem quam quærimus, exercendi inter se ipsos *leges naturæ* supra dictas; sed oportere amplius quiddam fieri, ut qui semel ad pacem, & mutuum auxilium, causâ *communis boni* consenserint, ne postea, cum *bonum* suum aliquod *privatum* à *communi* discrepaverit, iterum dissentiant, metu prohibeantur.

V. Numerat Aristoteles in- Cur. bry.  
107M7D  
F 2 ter

quorundam animantium regimen solâ fœt concordia hominum raro item.

ter animalia, quæ Politica appellat, non modo *Hominem*, sed etiam multa alia, ut *Formicam*, *Apem*, &c. quæ, quamquam ratione destituantur, per quam pacta facere, & submittere se regimini possint, nihilominus, consentiendo, id est, eadem cupiendo, & eadem fugiendo, ita actiones suas dirigunt ad finem communem, ut coetus eorum nullis seditionibus sint obnoxii. Non sunt tamen coetus eorum *civitates*, neque idè ipsa animalia *politica* dicenda sunt; quippe quorum regimen consensio tantùm est; sive multæ voluntates ad unum objectum; non (ut in civitate opus est) una voluntas. Verum est, in creaturis illis solo sensu & appetitu viventibus *consensionem* animorum ita esse durabilem, ut nullâ aliâ re opus sit ad eam, & (ex consequenti)

ti)

ti) ad pacem inter se conservandam, præterquam naturali eorum appetitu. In hominibus autem aliter res se habet. Nam primò inter homines certamen est honoris & dignitatis: inter bestias non est: unde *odium* & *invidia*, ex quibus nascitur seditio & bellum, inter homines est, inter illas non est. Secundò, appetitus naturalis apum & similiarum creaturarum conformes sunt, & feruntur ad bonum commune, quod inter illas non differt à privato: homini autem nihil penè pro bono habetur, in quo non sit possessori aliquid præcipui & eximii præ eo quod possident cæteri. Tertio, animantia quæ rationem non habent, nullum defectum vident, vel videre se putant, in administratione suarum rerum publicarum: sed in

sunt qui præ cæteris sapere existimantes, conantur res novare; & diversi novatores, innovant diversis modis: id quod est distractio, & bellum civile. Quartò, animantia bruta, utcumque possint vocis suæ usum aliquem habere, ad significandum inter se affectus suos; carent tamen illâ verborum arte, quæ necessariò requiritur ad perturbationes animi concitandas, nimirum, qua Bonum, melius; Malum, pejus repræsentatur animo, quàm revera est: hominis autem lingua tuba quædam belli est & seditionis; diciturque *Pericles* suis quondam orationibus, tonuisse, fulgurâsse, & confudisse totam *Græciam*. Quintò, non distinguunt illa *injuriam* à *damno*. Inde accidit, ut dum bene ipsis sit, socios non culpent. Homines autem maximè reipublicæ

cæ



cæmolesti sunt, quibus maximè licet esse otiosi : non enim antè certare de dignitate publica solent, quam in certamine contra famem & frigus victoriam reportaverint. Postremò, consensio creaturarum illarum brutarum naturalis est; hominum pactitia tantùm, hoc est, artificiosa est, non igitur mirandum est, si hominibus ad vivendum in pace aliquid amplius opus sit. *Consensio* itaque, sive *societas* contracta sine potestate aliquâ communi, per quam metu pœnæ singuli regantur, non sufficit ad securitatem, quæ requiritur ad exercitium *justitiæ naturalis*.

VI. Quoniam igitur *conspirationis* plurium voluntatum ad eundem finem non sufficit ad conservationem pacis, & defensionem stabilem, requiritur ut circa ea quæ ad pacem & de-

*Requiri ad pacem hominum non modò consensionem, sed etiam unionem.*

fensionem sunt necessaria, *una* omnium sit *voluntas*. Hoc autem fieri non potest, nisi unusquisque *voluntatem* suam, alterius *unius*, nimirum unius *Hominis*, vel unius *Concilii voluntati* ita subjiciat, ut pro *voluntate* omnium & singulorum habendum sit, quicquid de iis rebus, quæ necessariae sunt ad pacem communem, ille *voluerit*. CONCILIUM autem voco, cœtum plurium hominum deliberantium de eo quod agendum, vel non agendum est; ad commune omnium bonum.

*Quid sit*  
*unio.* VII. *Voluntatem* hæc *submitto* omnium illorum, *unius hominis voluntati*, vel *unius Concilii*, tunc fit, quando unusquisque eorum unicuique cæterorum se pacto obligat ad non resistendum *voluntati* illius *hominis*, vel illius *Concilii* cui se *submitterit*, id est, ne usum  
 [opum

um & virium suarum ( quomam jus se ipsum contra vim defendendi retinere intelligitur ) contra alios quoscumque i deneger. Vocaturque UNIO. *voluntas* autem *Concilii*, ea intelligitur esse, quæ est *voluntas majoris partis* eorum hominum, ex quibus Concilium consistit.

VIII. Quamquam autem *voluntas* non sit ipsa voluntaria, In unione, jus omnium in unum transferitur sed tantum actionum voluntarium principium, ( non enim volumus velle, sed *facere* ) ideoque minimè cadat sub deliberationem & pacta; tamen qui subijcit *voluntatem* suam alterius voluntati, transfert in illum alterum *Jus virium & facultatum* suarum: ut cum cæteri idem fecerint, habeat is cui submittitur, tantas vires, ut terrore earum, singulorum voluntates ad unitatem & concordiam possit confirmare.

*Quid sit  
civitas.*

IX. *Unio* autem sic facta, appellatur *civitas*, sive *societas civilis*, atque etiam *persona civilis*: nam cum *una* sit omnium *voluntas*, pro *unâ personâ* habenda est; & nomine *uno* ab omnibus hominibus particularibus distinguenda & dignoscenda, habens jura sua, & res sibi proprias. Ita ut neque *civis* aliquis, neque omnes *simul*, ( si excipiamus eum *cujus* voluntas sit pro voluntate omnium ) pro *civitate censenda* sit. *CIVITAS* ergo ( ut eam definiamus ) est *persona una*, *cujus voluntas*, ex pactis plurium hominum, pro *voluntate* habenda est ipsorum omnium; ut singulorum viribus & facultatibus uti possit, ad pacem & defensionem communem.

*Quid sit  
persona  
civilis.*

X. Quanquam autem *civitas* omnis *persona civilis* sit; non tamen, è converso, omnis *persona*

*sona civilis est civitas: fieri enim potest ut cives plures, permitte civitate suâ, coëant in unam personam, certamen rerum agendarum causâ. Hæ jam personæ civiles erunt, ut sodalitates mercatorum, & conventus alii quamplurimi, civitates tamen non sunt, quia non subjecerunt se voluntati conventus simpliciter, & in omnibus, sed in certis rebus à civitate determinatis; atque ita ut cuilibet eorum contra ipsum Corpus sodalitatis, contendere iudicio licitum sit apud alios; quod civi contra civitatem licitum non est. Hujusmodi igitur societates sunt personæ civiles, civitati subordinatæ.*

XI. In omni civitate, Homo ille, vel Concilium illud, cujus voluntati singuli voluntatem suam (ita ut dictum est) subjecerunt, SUMMAM POTESTATEM, Quid sit summam habere imperium, & quid subditus.

132 LIBERTAS. Cap. V.  
 TEM, five SUMMUM IMPE-  
 RIUM, five DOMINIUM habe-  
 re dicitur. Quæ *Potestas & Jus*  
*imperandi* in eo consistit, quod  
 unusquisque civium omnem  
 suam vim & potentiam, in il-  
 lum *hominem*, vel *Concilium*  
 transfudit. Quod fecisse, (quia  
 vim suam in alium transferre  
 naturali modo nemo potest) ni-  
 hil aliud est, quàm de jure suo  
 resistendi decessisse. *Civium*  
 unusquisque, sicut etiam omnis  
*persona civilis subordinata*, ejus  
 qui *Summum imperium* habet,  
 SUBDITUS appellatur.

Duo ge- XII. Ex ante dictis satis of-  
 nera civi- tensum est, quo modo, & qui-  
 tatum, bus gradibus *multæ personæ na-*  
 naturale turales in unam personam civi-  
 & insti- lem, quam *civitatem* appellavi-  
 tium. mus, studio sese conservandi,  
 mutuo metu coaluere. Cæte-  
 rum qui se subjiciunt alteri pro-  
 pter metum, vel ipsi quem me-  
 tuunt

tuunt se subjiciunt, vel alicui alii, cui confidunt, ut ab eo protegantur. Priore modo faciunt bello victi, ne occidantur; posteriore, nondum victi, ne vincantur. Prior modus initium habet à *potentiâ naturali*, & dici potest *civitas origo naturalis*; posterior à *consilio & constitutione* coëuntium, quæ *origo ex instituto* est. Hinc est quod duo sint *genera civitatum*: alterum *naturale*, quale est *Paternum & Despoticum*; alterum *institutivum*, quod & *politicum* dici potest. In primo *Dominus* acquirit sibi *cives* sua voluntate; in altero *cives* arbitrio suo imponunt sibi met ipsis *Dominium*, sive is sit *unus homo*, sive *unus cætus* hominum, cum *summo imperio*. Dicemus autem primo loco de *civitate institutiva*; deinde de *naturali*.

## CAPUT VI.

*De jure ejus, sive Concilii, sive  
Hominis unius, qui in civi-  
tate cum summa potestate est.*

- I. Multitudini extra civitatem non potest attribui Jus aliquod, neque actio aliqua, in quam non sigillatim consenserunt.
- II. Initium civitatis est Jus majoris numeri consentientis.
- III. Unumquemque Jus retinere protegendi se arbitrio proprio, quamdiu securitati suæ non sit prospectum.
- IV. Potestatem coactivam necessariam esse ad securitatem.
- V. Quid sit Gladius Justitiæ.
- VI. Gladium Justitiæ penes eum esse qui habet summum imperium.
- VII. Gladium belli penes eundem esse.
- VIII. Judicia penes eundem esse.
- IX. Legislationem penes eundem esse.
- X. Magistratum & Ministrorum civitatis nominationem penes eundem esse.
- XI. Doctrinarum examinationem penes eundem esse.
- XII. Quicquid is fecerit, impu-



impune esse. XIII. Eidem à civibus imperium absolutum concessum esse : quantaque ei debeat obedientia. XIV. Eundem legibus civitatis non teneri. XV. Nemini proprium esse quicquam contra illum qui habet summum imperium. XVI.

Quid sit furtum, homicidium, adulterium & injuria, cognosci ex legibus civilibus. XVII. Opinio eorum qui civitatem constituere vellent, ubi non esset quiscquam cum potentiâ absolutâ. XVIII. Notæ Imperii summi. XIX. Si conferatur civitas cum homine, is qui habet summum Imperium, est ad civitatem in ea ratione, in qua est anima humana ad ipsum hominem. XX. Summum Imperium non posse jure dissolvi consensu eorum, quorum pactis est constitutum.

I. **C**ONSIDERANDA in primis est *Multitudo* ipsa hominum (coëuntium in unam civitatem suo ipsorum arbitrio) *Multitudo* (\*) quid sit; nimirum quòd non sit

*Multitudo* extra civitatem non potest attribui jus aliquod,

neque actio aliqua, in quam non sigillatim consenserunt.

*unum* aliquid, sed plures homines, quorum unusquisque suam habet sibi voluntatem, & suum circa omnia proponenda iudicium. Et siquidem per contractus particulares singuli suum sibi habeant *Jus & proprietatem*, ut alter *hoc*, alter *illud* dicat esse *suum*, nihil erit de quo tota multitudo, ut *persona* à singulo quoniam distincta, possit rectè dicere, hoc *meum* est, magis quam *alienum*. Neque est actio ulla, quæ multitudini attribui debet, ut *sua*; sed (si omnes vel plures consenserint) actio non erit, sed tot actiones, quot homines. Quamquam enim in magnâ aliquâ seditione vulgo dici soleat *populum* illius civitatis cepisse arma; verum tamen est de illis solis qui in armis sunt, vel qui iis consentiunt. *Civitas* enim, quæ *una persona* est, capere arma in

sc

se ipsam non potest. Quicquid igitur à multitudine factum est, intelligendum est factum esse ab unoquoque eorum ex quibus illa conflatur. Atque is qui in multitudine illa existens, tamen iis quæ facta sunt non consenserit, neque opem tulerit; non fuisse censendus est. Præterea in multitudine nondum in unam personam, eo modo quod dictum est, coalitâ, manet illa *natura status*, in quo *omnia omnium sunt*; neque locum habet illud *meum & tuum*; quod vocatur *dominium, & proprietas*; propterea quod nondum existat curitas illa, quam supra ad exercitium *legum naturalium* referri ostendimus.

( \* ) Multitudo, &c. ] *Do-* Annot.  
*ina de Civitatis in cives pote-* ad p. 135.  
*te, tota ferè dependet à cogni-*  
*tione*

Annot. *tione differentia, quæ est inter multitudinem hominum quæ regit; & eam quæ regitur. Ea enim civitatis natura est, ut civium multitudo sive aggregatum, non modo imperet, sed etiam imperanti subjiciatur; sed alio atque alio sensu. Quam differentiam in primo hoc Articulo satis explicatam esse credideram. Verum, ex multorum contra ea quæ sequuntur objectionibus, aliter esse sentio. Itaque uberioris explanationis causâ pauca hac adjicere visum est.*

*Multitudo, quia vox collectiva est, significare intelligitur res plures, ut hominum multitudo idem sit quod multi homines. Vox eadem quia numeri est singularis, unam rem significat, nempe unam multitudinem. At neutro modo intelligitur multitudo habere unam voluntatem à natura datam, sed alius aliam.*

*Neque*

*Neque ergo attribuenda illi est* Annot.

*una actio, quæcunque ea sit. Itaque promittere, pacisci, jus acquirere, jus transferre, facere, habere, possidere, & similia, multitudo non potest, nisi sigillatim sive viritim, ut sint promissa, pacta, jura, actiones, tot quot sunt homines. Quapropter multitudo, persona naturalis non est. Cæterum eadem multitudo, si viritim paciscantur, fore ut unius alicujus hominis voluntas, vel majoris partis ipsorum voluntates consentaneæ, pro voluntate omnium habeantur, tunc persona una fit: voluntate enim prædita est, ideoque actiones facere potest voluntarias, quales sunt, imperare, leges condere, jus acquirere & transferre, & cætera; & populus sæpius quam multitudo dicitur. Distinguendum itaque sic est; Per Populum vel multitudinem, quoties ipsam aliquid*

*Annot.* quid velle, imperare, vel facere dicimus, intelligitur civitas quæ imperat, vult & agit per voluntatem unius hominis, vel per voluntates plurium hominum consentaneas: quod nisi in conventis fieri nequit. Quoties autem à multitudine hominum, sive magna sive parva, aliquid fieri dicitur sine voluntate illius hominis vel conventus; id factum esse à populo subdito, id est, à multis simul civibus singularibus, neque ex una voluntate, sed ex pluribus provenire plurium hominum; qui cives sunt, & subditi, civitas non sunt.

*Initium civitatis est jus majoris numeri consentiens.*

II. Considerandum deinde est, unumquemque ex multitudine (quo constituendæ civitatis principium fiat) debere consentire cum cæteris, ut in iis rebus quæ à quopiam in cœtu proponentur, pro voluntate

te

te omnium habeatur id, quod voluerit eorum major pars. Alio enim modo multitudinis hominum, quorum ingenia & vota inter se tam variè differunt, nulla omnino erit voluntas. Quod si quis nōlit consentire, cæteri sine eo civitatem nihilominus inter se constituent. Ex quo fiet ut civitas in dissentientem Jus suum primævum retineat, hoc est, *jus belli*, ut in hostem.

III. Quoniam autem capite præcedente, articulo 6, requiri ad securitatem hominum diximus, non modo consensionem, sed etiam subjectionem voluntatum, circa eas res quæ ad Pacem & Defensionem sunt necessariæ; & in ea *unione*, sive *subjectione*, consistere naturam *civitatis*; videntur hoc loco est, ex iis rebus quæ in coetu hominum (quorum

*Unum-  
quemque  
jus reti-  
neri pro-  
tegendi se  
arbitrio  
proprio,  
quamdiu  
securitati  
ejus non  
est prof-  
pectum.*

rum voluntates omnes in majoris partis voluptate continentur ) proponi , discuti , & statui possunt, quænam res ad Pacem , & defensionem communem sint necessariae. Inprimis autem *paci necessarium* est , ut unusquisque in tantum protegatur contra cæterorum violentiam , ut possit securè vivere , hoc est , ne habeat causam justam metuendi à cæteris , quamdiu ipse alios injuriâ nullâ affecerit. Tutos quidem reddere homines à mutuis damnis , ita ut lædi , vel occidi injuriâ non possint , impossibile est ; neque ergo cadit in deliberationem. Sed ne sit metuendi causa justa , prospici potest. Securitas enim Finis est , propter quem homines se subjiciunt aliis : quæ si non habeatur , nemo intelligitur se aliis subjecisse , aut jus se arbitrio suo de-

fen-



fendendi amisisse. Neque antè intelligendus est quisquam se obstrinxisse ad quicquam, vel jus suum in omnia reliquisse, quàm securitati ejus sit prospectum.

IV. Ad securitatem hanc non sufficit, ut unusquisque eorum qui in civitatem coalituri sunt, cum cæteris paciscatur, vel verbis, vel scripto, de *non occidendo, non furando, & similibus Legibus observandis*. Manifesta enim omnibus est ingenii humani pravitas, & experienciâ nimis cognitum, quàm parùm, amotâ poenâ, conscientiâ promissorum homines in officio contineantur. Securitati itaque, non *pactis*, sed *pœnis* providendum est. Tunc autem satis provisum est, cum poenæ tantæ in singulas injurias constituuntur, ut apertè majus malum sit fecisse, quàm non

*Potestatem coercitivam necessariam esse ad securitatem.*

144 LIBERTAS. Cap. VI.  
non fecisse. Omnes enim ho-  
mines necessitate naturæ id eli-  
gunt, quod *sibimet ipsis appa-  
renter bonum* est.

*Quid sit  
gladius  
justitiæ.*

V. Jus autem pœnas sumen-  
di tunc intelligitur datum esse  
alicui, quando unusquisque pa-  
ciscitur, se non auxiliaturum  
esse ei qui pœnas daturus est.  
Vocabo autem *Jus* hoc *Gla-  
dium justitiæ*. Hujusmodi autem  
pacta satis plerumque obser-  
vant homines, nisi ubi ipsi vel  
illorum proximi puniendi sunt.

*Gladium  
justitiæ  
penes qui  
habet im-  
perium  
summum.*

VI. Quoniam ergo ad secu-  
ritatem singulorum, atque adeò  
ad pacem communem *necessa-  
rium* est, ut *Jus* utendi gladio  
ad pœnas, in aliquem *hominem*  
vel *concilium*, transferatur; is  
*homo*, vel illud *concilium*, ne-  
cessariò intelligitur *summum* in  
civitate *imperium* jure habere.  
Qui enim pœnas suo arbitrio  
jure sumit, jure omnes cogit  
ad

ad omnia, quæ ipse vult; quo imperium majus excogitari nullum potest.

VII. Frustra autem pacem inter se colunt, qui se contra externos tueri non possunt; neque possibile est iis se tutari contra externos, quorum vires unitæ non sint: ideoque *necessarium* est ad singulorum conservationem, ut sit *Concilium* aliquod *unum*, vel *homo unus* qui jus habeat armandi, congregandi, & uniendi tot cives in omni periculo, vel occasione, quot pro incerto numero & viribus hostium ad communem defensionem opus erit; rursusque cum hostibus quoties expediet pacem faciendi. Intelligendum ergo est: singulos cives, in *unum* vel *hominem* vel *concilium*, totum hoc *Jus belli & pacis* transtulisse:

Atque jus hoc (quod *Gladium*

G bellum

*Gladium belli penes eundem esse.*

146 LIBERTAS. Cap. VI.  
*belli* appellare possumus ) esse  
ejusdem *hominis* vel *concilii*, cu-  
jus est *Gladius justitiæ*. Nemo  
enim ad arma & ad belli sum-  
tus cives potest jure cogere ,  
nisi qui jure punire eum potest  
qui non obedierit. *Summo* ita-  
que *Imperio* uterque *Gladius* ,  
tam *belli* quam *justitiæ* , ex ipsa  
civitatis constitutione & essen-  
tialiter adhæret.

*Judicia*  
*penes*  
*eundem*  
*esse.*

VIII. Quoniam autem *jus*  
*gladii* nihil aliud est , quam ju-  
re posse , suo arbitrio , gladio  
uti ; sequitur , *Arbitrium* sive  
*judicium* de recto ejus usu ad  
eundem pertinere. Si enim *po-*  
*testas judicandi* penes unum es-  
set , & *potestas exsequendi* pe-  
nes alterum , nihil efficeretur :  
frustra enim judicaret , qui *man-*  
*data* exsequi non posset ; aut si  
exsequatur per *jus alterius* , non  
ipse *jus gladii* habere dicitur ,  
sed alter , cujus ille minister  
tan-

tantum est. Omne igitur *judicium in civitate* est illius qui *Gladios* habet, hoc est, ejus cujus est *imperium summum*.

IX. Porro, cum non minus, *Legislationem* imò multò magis ad pacem *pernes eundem* conducatur, prævenire ne rixæ *esse* oriantur, quam ortas compescere: controversiæ autem omnes nascantur ex eo, quod differunt inter se opiniones hominum de *meo & tuo, justo & injusto, utili & inutili, bono & malo, honesto & inhonesto*, & similibus, quæ quisque proprio æstimat *Summi imperii* judicio: ejusdem *Summi imperii* est, communes omnibus exhibere regulas, sive *mensuras*, & publicè eas declarare, quibus unusquisque sciat quid *suum, quid alienum, quid justum, quid injustum, quid honestum, quid inhonestum, quid bonum, quid malum*, appellandum sit: hoc est *summatim*,

quid *agendum* & quid *fugiendum* sit in vita communi. Regulæ autem, sive mensuræ illæ, vocari solent *leges civiles* sive *leges civitatis*, ut quæ ejus qui *summum* in civitate *imperium* obtinet, sunt *mandata*. Et LEGES CIVILES (ut eas definiamus) nihil aliud sunt, quam qui in civitate *summâ potestate* præditus est, de civium futuris actionibus *mandata*.

Magistratus & ministrorum civitatis nominationem penes eum esse.

X. Præterea cum civitatis negotia, *belli*, & *pacis*, ab uno *homine*, vel *concilio uno*, absque *ministris* & *magistratibus subordinatis* omnia administrari, impossibile sit; pertineatque ad pacem & defensionem, ut quibus de controversiis justè judicare, vicinorum consilia pervidere, bella prudenter gerere, utilitati civitatis undiquaque prospicere incumbit, rectè suis officiis fungantur, rationi consenta-

sentaneum est, ut ab eo dependant, & eligantur, qui habet *summum imperium* tam in bello, quàm in pace.

XI. Manifestum quoque est, actiones omnes voluntarias initium habere & necessariò dependere à voluntate; voluntatem autem faciendi vel non faciendi dependere ab opinione *boni vel mali, præmii vel pœnæ*, quam sibi quisque conceperit ex facto vel omisso sequuturam esse; ita ut actiones omnium à suis cujusque opinionibus regantur. Quare illatione necessaria & evidenti intelligitur, pacis communis interesse plurimum, ut nullæ opiniones vel doctrinæ civibus proponantur, quibus putent, vel se jure non posse, *legibus civitatis*, hoc est, *mandatis illius hominis, vel concilii*, cui *summum civitatis imperium* commissum est, obtem-

*Doctrinarum  
examinationem  
penes  
eundem  
esse.*

perare ; vel licitum sibi esse ei resistere ; vel majorem pœnam manere sibi neganti, quàm præstanti obsequium. Si enim unus imperet aliquid facere sub pœna mortis naturalis, alius vetet sub pœnâ mortis æternæ, uterque jure ; sequetur, non tantùm cives, etsi innocentes, puniri jure posse, sed penitus dissolvi civitatem. Neque enim servire quisquam duobus dominis potest, neque is cui obediendum esse credimus metu damnationis ; minùs dominus est, quàm is cui obeditur metu mortis temporalis, sed potius magis : Sequitur ergo, illum *unum* sive *hominem*, sive *curiam*, cui commissum est à civitate *summum imperium*, hoc quoque habere juris, ut (\*) & judicet quæ opinioniones & doctrinæ paci inimicæ sunt, & vetet ne doceantur.

Et



(\*) Et judicet quæ opinio- Annor. al p. 150.  
 nes, &c.] *Dogma fere nullum est, neque circa culum Dei, neque circa scientias humanas, unde dissensiones, deinde discordiæ, convitia, & paulatim bellum oriri non possit. Neque accidit hoc propter Dogmatis falsitatem, sed propter ingenium hominum, qui sapientes sibi visi, idem videri volunt omnibus. Verum hujusmodi dissensiones quamquam impediri non possunt, ne oriantur, attamen ne impediunt pacem publicam, Imperii summi exercitio coërceri possunt. De opinionibus itaque istiusmodi loquutus hoc loco non sum. Sunt doctrinæ quædam, quibus imbuti cives obedientiam civitati negari, & contra Principes summos summasque potestates pugnari, idque jure posse, imò oportere, arbitrantur. Quales sunt quæ sive directè &*

Annot.

*apertè, sive obscurius per consequentiam, hominibus aliis præter eos quibus imperium summum traditum est, obedientiam postulant. Spectare hoc ad potestatem, quam in aliena civitate Ecclesie Romanæ Principi multi attribuant, & ad potestatem etiam quam alicubi extra Ecclesiam Romanam Episcopi in civitate sua sibi postulant; denique ad libertatem quam prætextu Religionis sumunt sibi etiam cives infirmi, non dissimulo. Nam quod bellum civile in orbe Christiano unquam existit, quod ab hac radice ortum aut alium non fuerit? Doctrinarum igitur iudicium, utrum obedientie civili repugnent necne, & siquidem repugnent, potestatem prohibendi ne doceantur, imperio civili hic attribuo. Nam cum nemo sit, qui earum rerum quæ ad pacem & defensionem*

*nem.*

*nem civitatis pertinent, judicium civitati non concedat, & manifestum sit, opiniones quales jam recitavi, pertinere ad pacem civitatis, sequitur necessario, opinionum examen, an tales sint nec ne, ad civitatem, id est, ad eum penes quem est summum Civitatis imperium, referri oportere.*

Annoti

XII. Postremò, ex eo quod civium unusquisque voluntatem suam voluntati ejus subjecit, qui summum in civitate imperium habet, ita ut viribus propriis contra eum uti non possit; sequitur manifestè, impunè debere esse, quicquid ab eo factum erit. Nam ut punire naturaliter eum nemo potest, qui satis virium non habet; ita neque jure punire, qui satis virium non habet.

Quicquid is fecerit, impunè esse.

XIII. Ex his quæ dicta jam sunt,

G §.

Eisdem civibus

*imperium  
absolutum  
concessum esse  
quantum  
que si de-  
beatur  
obedien-  
tia.*

sunt, manifestissimum est, in  
omni civitate perfectâ ( hoc est,  
ubi nulli civium *Jus* est, viri-  
bus suis ad propriam conserva-  
tionem suo arbitrio utendi, si-  
ve ubi *gladii privati jus* exclu-  
ditur) esse *summum* in aliquo  
*Imperium*, quo majus ab homi-  
nibus jure conferri non potest,  
sive quo majus nemo mortali-  
um habere potest in se ipsum.  
Imperium autem quo majus ab  
hominibus in hominem trans-  
ferri non potest, vocamus (†)  
ABSOLUTUM. Quicumque enim  
voluntatem suam ita voluntati  
civitatis subjecit, ut quilibet  
possit *impunè facere, leges con-  
dere, lites judicare, pœnas sume-  
re, viribus & opibus omnium*  
suo arbitrio uti, atque hæc om-  
nia jure; sanè imperium ei ma-  
ximum quod concedi potest,  
concessit. Idem experienciâ per  
omnes civitates quæ sunt, vel  
fue-

Cap. VI. IMPERIUM. 155  
fuerunt unquam, confirmari  
potest. Quamquam enim quan-  
doque dubitetur, *quis homo*, vel  
*quod concilium*, *summum* in ci-  
vitate *imperium* habeat, existit-  
tamen semper & exercetur ta-  
le imperium, nisi tempore se-  
ditionis & belli civilis, & tunc  
duo fiunt *summa imperia* ex  
uno. Seditiosi verò qui contra  
absolutam potentiam differere  
solent, non tam tollere eam,  
quàm in alios transferre sata-  
gunt. Sublatâ enim hâc poten-  
tiâ, unâ tollitur civitas, & re-  
dit confusio omnium rerum.  
Cum jure absoluto summi Im-  
perantis, tanta connectitur ci-  
vium obedientia, quanta ad ci-  
vitatibus regimen necessario re-  
quiritur, id est, tanta ut jus il-  
lud frustra non sit concussum.  
Hujusmodi autem obedientiam,  
licet ea aliquibus de causis ali-  
quando negari jure possit, quia  
G 6 tamen

tamen præstari major non potest, SIMPLICEM vocabimus. Nascitur autem ad eam præstandam obligatio non immediatè ex eo pacto, in quo jus nostrum omne ad civitatem transfulimus; sed mediatè, nempe ex eo quod sine obedientia jus Imperii frustra esset, & per consequens omnino constituta civitas non fuisset. Aliud enim est, si dico, Jus tibi do quilibet imperandi; aliud, si dico, Faciam quicquid imperabis. Potestque tale esse mandatum, ut interfici malim quàm facere. Siquidem ergo teneri nemo potest, ut velit interfici, multo minus tenetur ad id quod morte est gravius. Si jubear ergo interficere me ipsum, non teneor. Nam etsi negavero, nec jus imperii frustra est, cum alii haberi possint qui id facere jussi non recusabunt, neque id recusabo

culo quod facere pactus sum. Similiter si is qui summum habet Imperium, se ipsum, imperantem dico, interficere alicui imperet, non tenetur: quia intelligi non potest, ut id pactus fuerit. Neque parentem, siue is innocens, siue nocens sit, & jure condemnatus; cum & alii sint qui id facere jussi volunt, & filius mori quàm vivere infamis atque exosus malit. Multi alii casus sunt, in quibus, cum mandata aliis quidem factu inhonesta sunt, aliis autem non sunt, obedientia ab his præstari, ab illis negari jure potest: atque id salvo jure, quod Imperanti concessum est absolutum. Nam illi in nullo casu, eos qui obedientiam negabunt, interficiendi jus adimitur. Cæterum qui sic interficiunt, etsi jure concessio ab eo qui habet; tamen eo jure aliter atque recte  
ratio

158 IMPERIUM. Cap. VI.  
ratio postulat utentes, peccant  
contra leges naturales, id est,  
contra Deum.

Annot.  
ad p. 154.

(†) ABSOLUTUM.] *Imperium absolutum status popularis aperte sibi postulat: nec repugnant cives. Nam in conventu multorum hominum civitatis faciem agnoscunt, & consilio res geri intelligunt etiam imperiti. Civitas tamen non minus est Monarchia, quam Democratia, habentque Reges absoluti Consiliarios suos, à quibus moneri & imperia sua in rebus omnibus majoris momenti expendi quidem, etsi non revocari, volunt. Sed civitatem in persona Regis contineri, minus manifestum est plerisque. Itaque contra imperium absolutum objiciunt primò, quod si quisquam tali jure esset, civium conditio misera esset. Sic enim cogitant, rapiet, spolia-*



*spoliabit, occidet. Et tantum non* Annot.  
*jam spoliatum & occisum se quis-*  
*que putat. Quare autem faceret?*  
*non quia potest; nam nisi vult,*  
*non faciet. An in unius vel pau-*  
*corum gratiam ceteros omnes spo-*  
*liare vult? Primò etsi jure, id est,*  
*sine injuriâ sibi illatâ, non tamen*  
*juste, id est, sine violatione legum*  
*naturalium & injuriâ in Deum*  
*faciet. Itaque à jure-jurando*  
*Principum securitas subditis ori-*  
*tur nonnulla. Deinde si justè id*  
*facere posset, vel si jus-jurandum*  
*nibili penderet, ratio quare spo-*  
*liare cives suos vellet, cum id si-*  
*bi bonum non sit, nulla apparet.*  
*Quin princeps aliquando inique*  
*faciendi animum habere possit,*  
*negandum non est. Sed fac te de-*  
*disse ei imperium non absolutum,*  
*sed quantum ad te ipsum ab in-*  
*juriiis aliorum defendendum sa-*  
*tis sit, quod ut des si salvus esse*  
*vis, necesse est; nonne eadem om-*  
nia

Annot.

*nia sunt timenda? Nam qui satis habet virium ad omnes protegendos, satis quoque habet ad omnes opprimendos. Nihil ergo hic duri est, præterquam quod res humanæ sine incommodo aliquo esse non possunt. Atque hoc ipsum incommodum à civibus, non ab imperio est. Nam si homines propriis singulorum imperiis regere se possent, hoc est, vivere secundum leges naturales, opus omnino civitate non esset, neque communi imperio coërceri.*

*Objiciunt secundò, imperium in orbe Christiano absolutum nullum esse. Quod certè non est verum. Nam omnes Monarchiæ, omnesque alii status civitatum tales sunt. Quamquam enim illi qui summum imperium habent, non omnia faciunt quæ vellent, & quæ civitati utilia esse sciunt, causa ejus rei non est defectus juris, sed consideratio civium, qui pri-*

*privatæ rei attenti, & earum rerum, quæ ad publicum spectant, ignari, ad officium quandoque sine periculo civitatis cogi non possunt. Itaque Principes ab exercitio juris sui abstinere aliquando, prudenterque de re aliquid, de jure autem nihil remittunt.*

Annot.

XIV. Neque sibi dare aliquid quisquam potest, quia jam habere supponitur quod dare sibi potest; neque sibi obligari. Nam cum idem esset *obligatus*, & *obligans*, obligans autem obligatum possit liberare, frustra esset sibi obligari, quia liberare se ipsum potest arbitrato suo; & qui hoc potest, jam actu liber est. Ex quo constat, *legibus civilibus* non teneri ipsam civitatem. Nam leges civiles sunt leges civitatis; quibus si obligaretur, ipsa obligaretur sibi. Neque obligari potest civitas civi. Quoniam enim hic illam,

*Eundem legibus civitatis non teneri.*

illam, si voluerit, potest obligatione liberare, & vult quoties ipsa vult, ( quia civis cujusque voluntas in omnibus rebus, comprehenditur in voluntate civitatis ) libera est civitas quando vult, hoc est, actu jam libera est. *Concilio* autem, sive *hominis* cui *summum imperium* commissum est, voluntas, est voluntas civitatis. Complectitur ergo voluntates singulorum civium: neque igitur tenetur is, cui *summum imperium* commissum est, *legibus civilibus*; hoc enim est obligari sibi, neque cuiquam civium.

Nemini  
 proprium  
 esse quicquam  
 contra illum qui  
 habet  
 summum  
 imperium.

XV. Quoniam autem, ut supra ostensum est, ante constitutionem civitatis *omnia omnium* sunt, neque est quod quis ita *suum* esse dicat, quod non alius quilibet idem eodem jure vendicet pro *suo*, ( ubi enim *omnia communia* sunt, nihil cui-

cuiquam *proprium* esse potest ) sequitur, *proprietatem* initium sumpsisse ( a ) cum ipsis civitatibus , atque esse id cuique *proprium*, quod sibi retinere potest per leges , & potentiam totius civitatis , hoc est , per eum cui *summum* ejus *imperium* delatum est. Ex quo intelligitur , singulos cives *suum* sibi *proprium* habere , in quod nemo concivium suorum jus habet , quia iisdem legibus tenentur ; non autem *proprium* ita habere quicumquam , in quod non habeat jus ille qui habet *imperium summum* , cujus mandata sunt ipsæ leges , cujus voluntate voluntas singulorum continetur , & qui à singulis constituitur iudex supremus. Quamquam autem multa sint , quæ civitas civibus permittit , ideoque aliquando contra habentem *summum imperium* lege agi possit :  
actio

actio tamen ea non est *juris civilis*, sed *æquitatis naturalis*; neque agitur de eo (b) quod jure possit is, qui *summum imperium* habet, sed de eo quod *voluit*; ideòque ipse erit *judex*, tanquam si *cognitâ æquitate*, non posset inique *judicare*.

Annot.  
ad p. 163.

(a) Proprietatem initium sumpsisse cum civitatibus, &c.] Quod ab aliquibus objectum est, bonorum proprietatem etiam ante constitutas civitates in partibus familiarum exstitisse; id, quoniam familiam civitatem parvam esse dixeram, frustra objectum est. Nam filii familias, proprietatem rerum suarum à patre concessam habent, distinctam quidem à cæteris filiis ejusdem familie, sed non à proprietate ipsius patris. Patres verò diversarum familiarum, qui nec pa-  
tri

Cap. VI. IMPERIUM. 165  
*tri nec domino communi subi-  
ciuntur, jus commune in omnia  
habent.*

(b) Neque agitur de eo Annot.  
ad p.164. quod jure possit, &c.] *Quoties  
actio legis civi contra summum  
Imperantem, id est, contra ci-  
vitatem conceditur; ea actione  
non queritur, an civitas rem de  
qua agitur, possidere jure possit,  
sed an legibus ante latis eam  
possidere voluerit. Est enim lex  
summi Imperantis voluntas de-  
clarata. Cum itaque pecuniam  
duobus nominibus civitas à ci-  
ve petere possit, nimirum ut tri-  
butum, vel ut debitum, in prio-  
re casu actio legis non concedi-  
tur: nam queri non potest: an  
civitas tributi exigendi jus ha-  
beat: in secundo conceditur, prop-  
terea quod nihil vult auferre ci-  
vitas à cive per calliditatem; &  
tamen,*

**Aunot.** *tamen, si opus est, omnia aperte. Itaque quod reprehendit quidam hunc locum, dicens, facile, ex hac doctrina, esse principibus ære alieno se liberare, ineptè reprehendit.*

*Quid sit furtum, homicidium, adulterium, & injuria, cognosci ex legibus civilibus.* XVI. *Furtum, Homicidium, Adulterium, atque injuriæ omnes legibus naturæ prohibentur. Cæterum quid in cive furtum, quid homicidium, quid adulterium, quid denique injuria appellandum sit, id non naturali, sed civili lege determinandum est. Non enim omnis ablatio rei, quam alter possidet, sed rei alienæ tantum, furtum est. Quid autem nostrum est, quid alienum, legis civilis quæstio est. Similiter non omnis occisio hominis Homicidium est, sed ejus tantum quem occidere vetat lex civilis; neque omnis concubitus adulterium*



Cap. VI. IMPERIUM. 167  
rium est, sed is tantum quem  
*leges civiles* prohibent. Deni-  
que promissi violatio *injuria*  
est, ubi ipsum promissum lici-  
tum est; ubi verò *jus* non est  
paciscendi, ibi nullum *jus* tran-  
sit; ideòque nulla sequitur *in-*  
*juria*, ut dictum est capite 2.  
artic. 17. Quæ autem pacisci  
possumus, & quæ non possu-  
mus, à *lege civili* pendent. Re-  
ctè igitur sanxit civitas *Lace-*  
*dæmoniorum*, impune fore ado-  
lescentibus, si quasdam res ita  
aliis auferrent, ut non depre-  
henderentur: nihil enim aliud  
erat, quàm legem facere, ut  
*suum*, non *alienum* esset, quod  
sic acquireretur. Rectè item  
ibique occiditur, quem bello  
vel necessitate propriæ defen-  
sionis occidimus. Similiter qui  
concubitus in una civitate *ma-*  
*trimonium* est, in aliâ *adulte-*  
*rium* judicabitur, & è conver-  
so.

so. Item ea pacta quæ faciunt *matrimonium* in uno cive, non idem faciunt in alio, quamquam ejusdem civitatis; propterea quod qui prohibetur à civitate, ( hoc est, ab eo vel *Homine* vel *Concilio*, cujus est *summum* in civitate *Imperium* ) quidpiam pacisci, non habet jus paciscendi. Neque ergo pactum ejus validum est; non sit ergo *matrimonium*. Ejus autem pactum, qui minimè prohibebatur, ideo validum est, & *matrimonium*. Neque addit quibuscunque pactis illicitis validitatem ullam, quòd facta fuerint cum jure-jurando, (\*) aut Sacramento. Nihil enim addunt hæc pactorum firmitati, ut dictum supra est cap. 2. articulo 22. Quid igitur *Furtum*, quid *Homicidium*, quid *Adulterium*, & in universum, quid sit *injuria*, cognoscitur ex lege  
*civi-*

civili, hoc est, ex mandatis  
ejus qui in civitate cum *summo*  
*imperio* est.

(\* ) Quod facta fuerint cum Annot.  
ad p. 168.  
jure-jurando aut Sacramento,  
&c. , *Utrum Matrimonium Sa-*  
*cramentum sit, ( quo sensu ea*  
*vox à Theologis usurpatur ) an*  
*non sit, non est hujus instituti*  
*disputare. Tantum dico, viri &*  
*mulieris ad cohabitationem con-*  
*tractum legitimum, id est, lege*  
*civili concessum, sive Sacramen-*  
*tum idem sit, sive non sit, certè*  
*esse matrimonium legitimum. Co-*  
*habitationem autem qualem aut*  
*inter quos civitas fieri prohibet,*  
*matrimonium non esse, cum sit*  
*de essentia matrimonii, ut sit*  
*contractus legitimus. Matrimo-*  
*nia fuerunt legitima permultis in*  
*locis, ut apud Judæos, Græcos,*  
*Romanos, quæ tamen solvi po-*

Annot. *terant, apud eos autem qui non permittunt hujusmodi contractus, nisi ea lege ut nunquam dissolvantur, matrimonium solvi quidem non potest; & ratio est quod civitas illud solubile fieri vetuit, non quod matrimonium sit Sacramentum. Itaque circa matrimonium nuptiarum ceremonias, quæ in Templo peragendæ sunt, peragere, conjugibus benedicere, vel, si ita dicendum est, eos consecrare, ad Ecclesiasticos fortasse solos pertinebit; cætera omnia, nempe qui, quando, quibus patris matrimonia fiant, penes leges civitatis sunt.*

Opinio  
eorsum  
qui civi-  
tatem  
constitue-  
re vel-  
lent, ubi  
non esset  
quisquam  
esse po-  
XVII. Adeò durum maxi-  
mæ parti hominum videtur esse  
summum hoc imperium & po-  
tentia absoluta, ut ipsa etiam  
nomina oderint. Id quod ac-  
cidit maximè per inscitiam hu-  
manæ naturæ & legum natura-  
lium,

lium, partim autem etiam per <sup>semia ab-</sup>  
 eorum culpam, qui cùm in ta- <sup>soluta.</sup>  
 li imperio constituti sint, po-  
 testate sua ad propriam libidi-  
 nem abutuntur. Ut fugiant igi-  
 tur hujusmodi *summam potesta-*  
*tem*, quidam eorum civitatem  
 satis rectè constitutam volunt,  
 si illi qui cives futuri sunt,  
 coëuntes, de certis articulis  
 propositis & in coetu agitati  
 probatisque consentiant, ju-  
 beantque eos observari, pœ-  
 nasque præscriptas de iis su-  
 mendas esse qui eos violave-  
 rint. Ad quam rem, atque  
 etiam ad propulsationem ex-  
 ternorum hostium, præscri-  
 bunt reditum certum & limita-  
 tum, ea lege, ut si non suffi-  
 ciat, redeundum sit ad novam  
 coetus conventionem. Quis non  
 videt in civitate sic constitutâ,  
 coetum illum qui hæc præscri-  
 psit, habuisse *potestatem abso-*

*Autam*? si manet igitur *cætus*, vel de tempore in tempus ad certum diem & locum conventus celebret, erit perpetua *potentia* illa. Sin penitus se dissolvant, vel unà dissolvitur civitas, atque ita revertuntur ad *statum belli*, vel relinquitur alicubi potestas puniendi eos qui leges transgredientur, quicunque demum & quotcunque illi fuerint; quod fieri non potest sine *potestate absolutâ*. Nam qui *jure* tantum sibi concessum virium habet, ut possit quotlibet cives pœnis coërcere, habet potentiam tantam, ut à civibus major contribui non possit.

*Nota Imperii summi.*

XVIII. Manifestum est igitur, esse in omni civitate aliquem *hominem unum*, vel *concilium* sive *curiam unam*, quæ potentiam in cives singulos *jure* habet tantam, quantam extra

tra civitatem unusquisque habet in se ipsum: id est, *summam* five *absolutam*, viribus civitatis, neque ullâ aliâ re limitandam. Si enim potestas ejus limitaretur, necesse est, ut id fiat à majori potestate: oportet enim eum qui limites præscribit, majorem potentiam habere, quam is qui limitibus cohibetur. Potentia itaque illa cohibens, vel sine limite est, vel iterum cohibetur ab aliâ majori; & sic tandem deveniatur ad potestatem, sine alio limite præter eum qui terminus ultimus est virium civium simul omnium. Eadem dicitur quoque *imperium summum*, & siquidem *concilio* id commissum sit, vocatur illud *concilium supremum*; si verò homini unidatum sit, vocatur ille homo, *supremus civitatis Dominus*. *Imperii autem summi notæ sunt*

174 IMPERIUM. Cap. VI.  
 hæ, *leges condere, & abrogare*; *Bellum & pacem decernere, controversias omnes per se, vel per judices à se constitutos cognoscere, & dijudicare; Magistratus, Ministros, Consiliarios omnes eligere.* Denique si quis fit qui unam quamcunque actionem jure agere potest, quæ nulli civi, neque civibus; præterquam ipsi soli licita est, is *summum imperium* in civitate obtinet. Nam ea quæ fieri neque à cive ullo, neque à pluribus civibus jure possunt, civitas sola potest facere. Is igitur qui ea facit, jure utitur civitatis, quod est *imperium summum.*

*Si conferratur civitas cum homine, is qui habet summum imperium, est ad ci-*

XIX. Qui civitatem & cives cum homine & membris ejus comparare solent, dicunt penè omnes, eum qui *summum imperium* obtinet in civitate, esse ad civitatem totam id quod caput



caput est ad totum hominem. vitalitatem in ea ratione, in qua est anima humana ad ipsi hominem.  
 Cæterum ex antedictis apparet, cum qui tali imperio præditus est, (sive *Homo* sit, sive *civitas*) habere ad civitatem, rationem non capitis, sed animæ. Per cap. 6. art. 1.  
 Nam anima est, per quam homo habet voluntatem, hoc est, potest velle & nolle. Ita per eum qui *summum* habet imperium, & non aliter, voluntatem habet, & potest velle & nolle civitas. Cum capite conferendus potius est cœtus consiliariorum, sive consiliarius unus, cujus solius consilio (si alicujus solius) is qui habet *summum imperium* in regendâ civitate, in rebus maximi momenti utitur. Capitis enim officium consulere est, sicut animæ imperare.

XX. Siquidem *imperium summum*, vi factorum, quæ cives sive subditi inter se singuli cum Suum imperium non posse jure dis-

solvi con-  
sensu eo-  
rum, quo-  
rum pac-  
tis est  
consensu-  
tum.

singulis mutuò ineunt; consti-  
tutum sit; pacta autem omnia,  
ut à voluntate contrahentium  
vim suam sortiantur, ita con-  
sensu eorundem vim suam per-  
dant, & dissolvantur? inferet  
forte aliquis, *summum imperium*  
consensu omnium simul subdi-  
torum posse tolli. Quod etsi ve-  
rum esset, non video tamen  
quid periculi inde *summis impe-*  
*rantibus* oriri jure posset. Quo-  
niam enim supponitur, unum-  
quemque unicuique se obligas-  
se, si quilibet unus civium id  
fieri nolit, cæteri omnes utcun-  
que consenserint, tenebuntur.  
Nec potest quisquam eorum si-  
ne *injuriâ* facere, quod pacto  
mecum inito non facere se obli-  
gavit. Non est autem putan-  
dum, accidere unquam, ut om-  
nes simul cives, ne uno quidem  
excepto, contra *summum impe-*  
*rium* consentiant. Non ergo  
pericu-

periculum est *summis imperantibus*, ne *jure* possit autoritate sua spoliari. Si tamen concederetur, jus eorum dependere à solo pacto, quod unusquisque inquit cum unoquoque suo concive, facile accidere posset ut imperio spoliarentur, prætextu *juris*. Subditis enim sive convocatis imperio civitatis, sive seditiosè concurrentibus, plurimi arbitrantur consensum omnium contineri in consensu majoris partis. Quod quidem falsum est. Non enim à natura est, quod consensus majoris partis habeatur pro consensu omnium, neque verum est in tumultibus; sed procedit ab institutione civili, & verum est tunc tantum, quando is *homo* vel *civitas* illa quæ summum habet imperium, cives convocans, propter numerum magnum electis esse vult potestatem loquendi

178 IMPERIUM. Cap. VI.  
pro eligentibus, & loquentium  
majorem partem, circa eas res  
quæ ab eo discutiendæ propo-  
nuntur, haberi pro omnibus.  
Non autem intelligitur is qui  
habet *summum imperium*, con-  
vocasse cives ad disputandum  
de ipsius jure, nisi pertæsus re-  
rum, disertis verbis, imperium  
abjiciat. Quoniam autem plu-  
rimi, per inscitiam, pro consen-  
su civitatis habent, non modo  
consensum majoris partis ci-  
vium, sed etiam valde paucor-  
um, si secum sentiant, posset  
iis videri, *imperium summum*  
jure abrogari modò id fiat in  
magno aliquo conventu civium  
per suffragia majoris numeri.  
Sed quamquam imperium, per  
pacta singulorum cum singulis  
constituatur, non tamen ab ea  
sola obligatione dependet im-  
perii jus. Accedit obligatio er-  
ga habentem imperium. Civis  
enim.

enim unusquisque cum unoquoque paciscens, sic dicit, *ego jus meum transfero in hunc, ut tu tuum transferas in eundem*. Unde jus quod unusquisque habebat utendi viribus suis ad proprium beneficium, totum translatum est in aliquem hominem vel consilium ad beneficium commune. Itaque intercedentibus pactis, quibus singulis singuli obligantur, & juris donatione, quam ratam habere obligantur imperanti, duplici obligatione civium munitur imperium, ea quæ est ad concives, & ea quæ est ad imperantem. Non ergo cives quotcunque fuerint, sine consensu etiam ipsius imperantis, eum spoliare imperio jure possunt.

## CAPUT VII.

*De tribus Civitatum speciebus ,  
Democratiâ , Aristocra-  
tiâ , Monarchiâ.*

- i. Civitatis tres esse tantum species , Democratiam , Aristocratiam , Monarchiam. ii. Oligarchiam non esse statum civitatis diversum ab Aristocratiâ , neque Anarchiam esse statum omnino. iii. Tyrannidem non esse statum civitatis diversum à legitimâ Monarchiâ. iv. Non dari statum civitatis mixtum ex speciebus dictis. v. Democratiam , nisi certa tempora & loca conveniendi constituentur , dissolvi. vi. In Democratiâ , temporum conveniendi intervalla oportet esse parva , vel summi imperii usum pro intervallis uni alicui esse concedendum. vii. In Democratiâ singuli cum singulis obedituros se populo paciscuntur , Populus ipse nemini obligatur. viii. Aristocra-

stocrazia quibus actibus constituta. IX. In Aristocratia, Optimates nihil paciscuntur; neque civi cuiquam, aut toti populo obligantur. X. Optimatibus necessaria est conditio conventuum. XI. Monarchia quibus actibus constituta. XII. Monarchia nemini ob receptum imperium patet obligatur. XIII. Monarchia semper in potentia proxima est ad exercendum omnes actus qui ad Imperium requiruntur. XIV. Quid genus peccati, & quorum hominum sit, quando civitas adversus cives, vel cives adversus civitatem officio suo non funguntur. XV. Monarcha factus sine temporis limitatione, potest successorem suum eligere. XVI. De Monarchis ad tempus. XVII. Monarcha, retento jure Imperii, non intelligitur ullo promisso transtulisse jus in media ad Imperium necessaria. XVIII. Quibus modis civis subjectione liberetur.

- I. **D**ictum jam est de civitate per institutionem in <sup>Civitas tres tantum esse</sup> gene-

*species :*  
*Democra-*  
*tiam, Ari-*  
*stocra-*  
*tiam,*  
*Monar-*  
*chiam.*

genere. Dicendum est de ejus speciebus. Differentia autem civitatum sumitur à differentiâ personarum, quibus commissum est *summum Imperium*. Committitur autem *summum Imperium*, vel *uni homini*, vel *Concilio* sive *curiæ uni* multorum hominum. Rursus *Concilium multorum hominum*, vel est omnium civium, (ita ut quilibet eorum jus habeat suffragii, possitque interesse rebus discutiendis, si voluerit) vel partis tantum est. Unde tres nascuntur civitatis species. Una ubi *summum imperium* est penes *Concilium*, in quo quilibet civis jus habet suffragii, & vocatur DEMOCRATIA. Altera, ubi *summum imperium* penes *Concilium* est, in quo non omnes, sed certa aliqua pars suffragium habet; & dicitur ARISTOCRATIA. Tertia, ubi *summum imperium* penes

nes



nes *unum* est, & appellatur MONARCHIA. In primâ, is qui rerum potitur, Δῆμος, POPULUS. In secundâ, OPTIMATES. In tertiâ, MONARCHA nominatur.

II. Quod autem introduxerunt antiqui rerum Politicarum scriptores tres alias species his oppositas, nempe *Democratia*, *Anarchiam*, sive confusionem; *Aristocratia* *Oligarchiam*, hoc est, imperium paucorum; *Monarchia* *Tyrannidem*, non sunt illæ tres aliæ species civitatis, sed tria nomina diversa, quæ illis indidêre ii, quibus vel regimen, vel regentes displicuerunt. Solent enim homines per nomina, non res tantum, sed & proprios affectus, puta *amorem*, *odium*, *iram*, &c. unâ significare; ex quo fit, ut quod ab altero *Democratia*, idem ab altero *Anarchia*; quod his *Aristocra-*

*oligarchiam non esse statum civitatis diversum ab Aristocratia, neque Anarchiam esse statum omnino.*

*tocratia*, illis *Oligarchia*, soleat nominari; & quem alius *Regem*, alius *Tyrannum* esse dicitur. Ita ut his nominibus non designentur *diversæ species* civitatis, sed civium *diversæ sententiæ* de imperante. Primum autem quis non videt, *Anarchiam* opponi æquè omnibus dictis speciebus? significat enim ea vox, nullum omnino regimen esse, hoc est ne civitatem quidem esse. Quomodo autem fieri potest, ut *non-civitas* sit *civitatis* species? Deinde, quæ differentia est inter *Oligarchiam*, qua significatur imperium *paucorum* vel *magnatum*, & *Aristocratiam*, quæ est imperium *optimatum* sive *meliorum*, præterquam quod homines inter se ita differunt, ut non eadem omnibus bona sint; quo fit ut qui aliis *optimi*, aliis *peffimi* videantur.

*Tyrannidem non*

III. Quod autem *regnum* & *Tyran-*

*Tyrannis* non sint diversæ species civitatis, haud facile persuadebitur propter affectus hominum, qui etsi civitatem subjecta esse mallent quàm pluribus, non tamen rectè eam gubernari putant, nisi gubernetur ad arbitrium suum. Sed quid differat, *Rex* à *Tyranno*, ratione investigandum est, non affectu. Primùm autem non in eo differunt, quod major sit potentia hujus quam illius; quia summo imperio majus dari non potest. Neque quod alter potentiam habeat præscriptam, alter non. Cujus enim potentia præscripta est, non est *Rex*, sed *subditus* præscribentis. Deinde neque modo acquirendi differunt; si quidem enim in civitate *Democraticâ*, vel *Aristocraticâ*, summum imperium civis aliquis vi occuparet, habito civium consensu, legitimus fit

*Monar-*

esse statum civitatis diversum à legitima Monarchia.

*Monarcha*; eo consensu non habito, *hostis* est, non *Tyrannus*. Differunt ergo solo imperii exercitio, ut *rex* sit qui rectè regit, *Tyrannus* qui aliter. Huc igitur res redit, ut cives *Regem* legitime in *summo imperio* constitutum, si imperium ipsis rectè videbitur exercere, tum *Regem*, aliter *Tyrannum* appellandum censeant. Non sunt igitur diversi civitatis status *Regnum* & *Tyrannis*, sed eidem *Monarchæ* nomen *Regis* pro honore, *Tyranni* pro convicio datur. Quæ autem passim contra *Tyrannos* dicta in libris reperiuntur, originem à Græcis & Romanis scriptoribus traxerunt, qui partim à *populo*, partim ab *optimatibus* regebantur, ideòque non modo *Tyrannos*, sed etiam *Reges* exosi sunt.

Non dari  
statum ci-  
vilitatis

IV. Sunt qui necessarium quidem esse putant, ut *summum impe-*

*impe-*

*imperium* alicubi in civitate ex-<sup>*mixtum*</sup> sistat; sed si illud penes <sup>*ex specie-*</sup> *unum* <sup>*bus dic-*</sup> esset, sive *hominem* sive *Concili-*<sup>*tis.*</sup> *lium*, sequeretur, inquit, cives omnes esse servos. Hanc conditionem fugientes, posse esse statum quendam civitatis arbitrantur, *mixtum* ex dictis tribus speciebus, diversum tamen à singulis, quam *mixtam* vocant *Monarchiam*, vel *mixtam Aristocratiam*, vel *mixtam Democratiam*, prout aliquatrium specierum præ cæteris emineat. Exempli causa, si nominatio Magistratum, & Arbitrium belli & pacis, penes *Regem* esset, judicia apud *Magnates*, pecuniarum contributio penes *populum*, & legum ferendarum potentia penes *omnes* simul: hujusmodi statum vocarent *Monarchiam mixtam*. Quodsi fieri posset, ut hujusmodi status existeret, nihilo magis

188 IMPERIUM. *Cap. VII.*  
magis civium libertati consul-  
tum esset. Quamdiu enim om-  
nes consentiunt inter se, sub-  
jectio singulorum civium tanta  
est, ut major esse non possit;  
sed si dissentiant, bellum civile  
reducitur, & jus *Gladii privati*,  
quod est omni subjectione pe-  
jus. Sed fieri hujusmodi *imperii*  
*summi* (a) divisionem non pos-  
se, satis demonstratum est capite  
præcedente, articulis 6, 7, 8,  
9, 10, 11, 12.

Annot. (a) Sed fieri hujusmodi sum-  
mi Imperii divisionem non pos-  
se, &c.] *Imperium dividi non*  
*oportere, plerique dicunt; sed*  
*temperari, & limite aliquo con-*  
*tineri volunt. Ita sane æquum*  
*est, sed illi tum cum temperari*  
*& limitari dicunt, si dividi intel-*  
*ligunt, inepte distinguunt. Vel-*  
*lem quidem ego, non modo Reges,*  
*sed etiam cætus illos qui sunt cum*  
*impe-*

*imperio summo, velle temperare sibi à maleficio, cogitantesque de officiis suis, intra legum naturalium & divinarum limites se ipsos continere. At illi qui sic distinguunt, summos imperantes ab aliis limitari & coerceri volunt: quod quia fieri non potest, quin illi limitatores potestatis partem aliquam qua id facere possint, habere debeant, dividitur Imperium, non temperatur.*

Annot.

V. Videamus jam in unaquaque civitatis specie constituendâ, quid faciant constituentes. Qui coierunt ad civitatem erigendam, penè eo ipso quod coierunt, *Democratia* sunt. Nam ex eo quod volentes convenerunt, intelliguntur obligati ad id, quod consensu majoris partis decernetur. Id quod quamdiu conventus durat, vel in certos dies & loca differtur, *Democratia* est. Nam

*Democratiam, nisi certa tempora & loca conveniendi constituentur, dissolvi.*

con-

conventus is, cujus voluntas est voluntas omnium civium, *summum imperium* habet. Et quia in conventu hoc, supponitur, unumquemque habere jus suffragii: sequitur eam esse *Democratiam*, per definitionem traditam articulo I. capitis hujus. Quod si discedant, solvanturque conventus; neque quicquam antè constitutum sit de tempore & loco se denuò congregandi, redit res ad *Anarchiam*, & statum illum in quo erat, antequam convenissent, hoc est, ad statum belli omnium contra omnes. *Populus* igitur *summum Imperium* non amplius retinet, quam dies & locus certus, cognitus & constitutus palam sit, ad quem convenire quicumque volent, possint. Nisi enim id cognitum & statutum sit, possunt vel diversis temporibus & locis, hoc est, in fac-

tio-



tiones, vel non omninò convenire. Neque est amplius  $\Delta\eta\mu\textcircled{C}$ , id est, *Populus*, sed multitudo dissoluta, cui nulla neque *actio* neque *jus* attribui potest. Duæ igitur res constituunt *Democratiam*, quarum una (nempe conditio perpetua conventuum)  $\Delta\eta\mu\textcircled{C}$ , altera (quæ est pluralitas suffragiorum)  $\pi\textcircled{C}$  *κράτ* sive potestatem constituit.

VI. Præterea, non sufficit *Populo ad summum imperium retinendum*, ut tempora & loca certa conveniendi cognita sint, nisi etiam vel temporum intervalla minùs inter se distent, quam ut interea quicquam possit intervenire, quo (propter defectum *summi imperii*): civitas in discrimen adducatur, vel saltem usum summi Imperii alicui homini *uni*, vel concilio *uni* pro tempore intermedio concedant.

*In Democratia, temporum conveniendi intervalla oportet esse parva, vel summi imperii usum pro intervallis uni alicui esse concedendum.*

dant. Hoc enim nisi fiat, non satis cautum est defensioni, & paci singulorum. Neque igitur civitas dicenda erit; quippe in quâ propter defectum securitatis redit unicuique jus seipsum proprio arbitratu defendendi.

In Democra-  
 tia  
 singuli  
 cum sin-  
 gulis obe-  
 diuros se  
 populo  
 paciscun-  
 tur; po-  
 pulus ip-  
 se nemini  
 obligatur.

VII. *Democratia* non constituitur per acta singulorum cum *Populo*, sed mutuis pactis singulorum cum singulis cæteris. Primum autem ex eo patet, quod prius debent in omni pacto existere personæ paciscentes, quàm ipsum pactum; sed ante constitutionem civitatis, *Populus* non existit, ut quæ non erat persona aliqua, sed multitudo personarum singularium; non potuit igitur inter *populum & civem* pactum ullum intercedere. Postquam autem civitas constituta est, civis cum *Populo* paciscitur, frustra est; quia *Populus* voluntate suâ volunta-

luntatem civis illius ( cui supponitur obligari ) complectitur, ideòque liberare se potest arbitrio suo ; & per consequens ; jam actu liber est. Secundum autem , quod singuli cum singulis paciscuntur , ex eo inferri potest , quod frustra esset constituta civitas , si cives nullis obstringerentur pactis , ad faciendam omittendamque ea quæ civitas facere & omittere imperaret. Quoniam ergo pacta talia intercedere in civitate constituendâ intelliguntur ut necessaria , nulla autem , ut jam ostensum est , intercedant inter *civem & populum* ; sequitur fieri ea inter cives singulos : scilicet ut unusquisque civium paciscatur voluntatem suam se subjec- turum esse voluntati majoris partis , eâ lege , ut reliqui quoque idem faciant ; tanquam si unusquisque sic diceret , *ego jus*

I

*meum*

194 IMPERIUM. Cap. VII.  
*meum ad populum transfero, in  
tuam gratiam; ut tu tuum, in  
gratiam meam, transferas ad  
eundem.*

*Aristo-  
cratia  
quibus  
actibus  
constituitur.*

VIII. *Aristocratia* sive *curia optimatum* cum summo imperio, originem habet à *Democratia*, quæ jus suum in illam transfert, Ubi intelligendum est, certos homines nominibus, vel genere, vel aliquâ aliâ notâ ab aliis dignoscendos proponi ad *populum*, & pluralitate suffragiorum eligi, in electos autem transferri jus omne totius *populi*, sive civitatis, ita ut quod jure *populus* prius poterat, id nunc jure possit *curia* electorum *optimatum*. Quo facto patet, *populum*, ut personam unam, *summo imperio* ad hos translato, non amplius existere.

*In Aristocratiâ,  
optimates  
nihil pa-*

IX. Sicut in *Democratiâ* *populus*, ita in *Aristocratiâ* *curia optimatum* omni obligatione libera

bera est. Quoniam enim cives ciscuntur;  
 non paciscentes cum populo, neque civi-  
 sed mutuis inter se pactis tene- busquam  
 bantur ad omnia quæ *populus* aut toti  
 faceret, tenebantur inde ad populo  
 factum *populi*, transferentis jus obligan-  
 civitatis in *Optimates*. Neque tur.  
 enim *curia Optimatum* potuit,  
 quamquam electa à populo, ad  
 quicquam ab eo obligari; nam  
 eâ erectâ *populus* simul dissolvi-  
 tur, ut proximè supra dictum  
 est, peritque ratio illa quam  
 habebat ut *Persona*. Quare pe-  
 rit quoque unâ & dissolvitur,  
 quæ facta erat ad *personam* obli-  
 gatio.

X. Hæc quoque cum *De-* Optima-  
*mocratia* communia habet *Ari-* tibus ne-  
*stocratia*. Primum quòd sine cessaria  
 constitutione certorum tem- est con-  
 porum, & locorum, ad quæ dictio  
*curia optimatum* possit conve- conven-  
 nire, non amplius sit *curia*,  
 neque persona una, sed disso-

luta multitudo, sine summo imperio. Secundum, quod tempora conventuum longis interval-  
lis, salvo summo imperio, nisi  
usus ejus in unum aliquem ho-  
minem transferatur, non possit  
disjungi. Rationes autem qua-  
re hoc contingit, eædem sunt,  
quas adduximus articulo quin-  
to.

*Monar-  
chia qui-  
bus atri-  
bus cons-  
tituta.*

XI. Ut *Aristocratia*, ita  
quoque *Monarchia* à potestate  
*populi* derivatur, scilicet *jus*  
suum, hoc est, *summum impe-*  
*rium*, in *unum hominem* transf-  
ferentis. Hic quoque intelli-  
gendum est, *unum* certum *ho-*  
*minem*, nomine, vel aliâ notâ  
à cæteris omnibus dignoscen-  
dum, proponi, atque in eum  
*jus omne populi* pluralitate suf-  
fragiorum transferri; ita ut  
quicquid potuerat *populus*, an-  
tequam eligeretur, id omne  
postea jure possit facere elec-  
tus,

Cap. VII. IMPERIUM. 197

tus. Quod cum factum est, *populus* non amplius est *persona* una, sed dissoluta multitudo, quippe quæ una erat virtute tantum *summi imperii*, quod jam à se in hunc transfulerunt.

XII. Neque ergo *Monarcha* Monarcha nemini ob receptum imperium ullis se pactis cuiquam ob receptum imperium obstringit. obligatur. Recipit enim imperium à *populo*; sed ut proximè supra ostensum est, *populus* statim atque id factum est, *persona* esse definit; pereunte autem *personâ*, perit omnis ad *personam* obligatio. Tenentur itaque *cives* ad obedientiam *Monarchæ* præstandam, pactis illis tantum, quibus mutuo se obligaverant ad ea omnia quæ *populus* censeret, facienda, hoc est, ad obediendum *Monarchæ*, si à *populo* constitueretur.

XIII. Differt autem *Monarchia*, Monarchia sent per in pos tum ab *Aristocratia*,  
I 3 tum

*sentia proxima est ad exercendum omnes actus, qui ad imperium requiruntur.* tum à *Democratia* in hoc, quod hîc ut deliberari & decerni, hoc est, ut imperium actu exerceri possit, temporibus quibusdam & locis condictis opus est; illic omni tempore & loco deliberatur & decernitur. *Populo* enim, ut & *optimatibus*, quia non sunt *unum naturale*, congressu opus est. *Monarcha*, qui unus natura est, semper in potentiâ proximâ est ad actus imperii exercendos.

*Quod genus peccati, & quorum hominum sit, quando civitas adversus cives, vel cives adversus civitatem officio suo non funguntur.* XIV. Quoniam ostensum est supra, articulis 7. 9. 12. eos qui *summum* in civitate *imperium* adepti sunt, nullis cuiquam pactis obligari; sequitur, eosdem nullam civibus posse facere *injuriam*. *Injuria* enim, per definitionem supra allatam capite tertio, articulo tertio, nihil aliud est quam pactorum violatio, ideòque ubi nulla pacta præcedunt, ibi nulla sequi potest



Cap.VII. IMPERIUM. 199  
potest *injuria*. Potest tamen &  
*populus*, & *curia Optimatum*, &  
*Monarcha*, multis modis pec-  
care contra cæteras leges na-  
turales, ut *crudelitate*, *iniqui-  
tate*, *contumeliâ*, aliisque vi-  
tiis, quæ sub hac strictâ & ac-  
curatâ *injuriæ* significatione  
non veniunt. Cæterum civis si  
obedientiam summo imperio  
non præstiterit, *injurius* & in  
cæteros concives omnes etiam  
propriè loquendo dicetur; prop-  
terea quod unusquisque cum  
unoquoque pactus est obedi-  
entiam præstare, atque etiam in  
*summum imperantem*; quod jus  
quod ei dederant, sine consen-  
su ejus resumunt. Et in *populo*  
quidem, vel *curiâ Optimatum*,  
si quid decretum sit contra *le-  
gem aliquam naturalem*; non  
peccat ipsa civitas, hoc est, per-  
sona civilis, sed cives illi quo-  
rum suffragiis decretum est. Pec-

catum enim sequitur voluntatem naturalem, & expressam, non politicam, quæ artificiosa est; quia si hoc esset, peccarent & illi quibus decretum displicuit. In *Monarchiâ* autem, *Monarcha* si quid decreverit contra *leges naturales*, ipse peccat: quia in ipso voluntas civilis eadem est cum naturali.

*Monarcha factus sine temporis limitatione, potest successivam rem suam eligere.*

XV. Populus qui *Monarcham* facturus est, potest ei summum imperium tradere, vel simpliciter sine temporis limitatione, vel pro tempore certo & determinato. Si simpliciter, intelligitur ita esse imperium ejus cui traditur, sicut erat *populi* qui tradidit. Quâ igitur ratione *populus jure* *Monarcham illum*, eâdem ille *Monarcham alium* facere potest; ita ut *Monarchæ* cui simpliciter traditum est imperium, competat

petat *jus* non modo *possessionis*, fed etiam *successionis*, ut possit suo arbitrio declarare successorem suum.

XVI. Quod si imperium pro tempore determinato tantum traditum sit, alia præter ipsam traditionem spectanda sunt. Primum, utrum *populus*, cum in eum imperium contulerit, reliquerit sibi *jus* ad tempora & loca præ finita cœundi, necne. Secundum, si reliquerit sibi potestatem illam, utrum reliquerit sibi potestatem conveniendi antequam tempus illud exspiraret, quod *Monarcha* ad habendum imperium summum præscripserat. Tertium, utrum convocari voluerit ad arbitrium *Monarchæ* illius temporarii, & non aliter. Supponamus jam *populum* tradidisse summum imperium alicui uni homini, habendum pro tempore tantum

*De Monarchis ad tempus.*

vitæ suæ ; quod cùm fecisset ,  
 putemus primo , è cœtu unum-  
 quemque ita discessisse , ut de  
 loco , ubi ( post mortem ejus )  
 ad novam electionem congregarentur , nihil omnino ordinatum sit. In hoc casu manifestum est , per articulum quintum hujus capituli , *populum* non esse amplius *personam* , sed multitudinem dissolutam , quorum cuilibet cum quibuslibet convenire diverso tempore , & loco quo libuerit , vel imperium sibi rapere si potuerit , æquo jure , nimirum naturali , licitum est. Quicumque igitur *Monarcha* tali conditione imperium habet , tenetur *lege naturali* , quæ habetur capite tertio , articulo octavo *de non reddendo malo pro bono* , cavere ne per mortem suam civitas dissolvatur , nimirum vel statuendo diem & locum certum , quo  
 cives

cives qui voluerint, convenire possint, vel successorem ipse nominando, prout sibi ad civium communem utilitatem conducere videbitur. Is igitur qui *summam potestatem* pro tempore vitæ accepit, eo modo quo dictum est, absolutè eam habet, & potest disponere de successione. Secundo, si ponatur *populus* ab electione *Monarchæ temporarii* ita discessisse, ut decretum prius factum sit de conveniendo ad diem & locum certum post mortem ejus, tunc mortuo *Monarcha*, consolidatur imperium in *populo*, nullo novo actu civium, sed jure priore. Toto enim medio tempore, *summum imperium* (ut *Dominium*) in *populo* erat, usus autem, sive *exercitium* ejus tantùm in *Monarchâ temporario*, ut *usufructuario*. Quod si *populus* electo *Monarchæ tempo-*

*rario* ita discesserit è curia , ut tempora & loca certa conveniendi habiturus sit , durante termino illi præscripto, ( quem admodum apud populum Romanum facti sunt olim *Dictatores* ) non habendus est talis pro *Monarcha* , sed primo populi ministro ; potestque *populus* , si videbitur , eum administratione sua privare , etiam ante tempus , ut fecit populus Romanus , qui *Minutio* Magistro Equitum æqualem dedit potestatem cum *Quinto Fabio Maximo* , quem antè fecerat *Dictatorem*. Ratio cujus rei ea est , quod cogitari non potest , eum sive hominem , sive cœtum , qui in potentiâ proximâ & immediatâ est ad agendum , ita imperium retinere , ut non possit actu imperare. Imperium enim nihil aliud est , quam jus imperandi quoties per naturam possi-

possibile est. Postremò, si *populus*, declarato *Monarchâ temporario*, ita discedat à curia, ut injussu declarati non sit licitum iterum convenire, intelligitur *populus* statim dissolvi; imperiumque ejus esse absolutè, quic sic declaratur: propterea quod non est in potestate civium, ut civitas renascatur, nisi velit is qui imperium solus habet. Neque refert quod potuerit promittere, se cives certis temporibus convocaturum, cum non exstet jam, nisi arbitrio ejus, *persona* cui promissum est. Quæ diximus de quatuor prædictis casibus *populi*, *Monarcham temporarium* eligentis, plenius explicabuntur, per comparisonem cum *Monarchâ absoluto*, cui nullus apparet hæres. *Populus enim Dominus civium* talis est, ut hæredem, nisi quem nominant ipse, habere

bere non possit. Præterea, intervalla inter tempora conventus civium, comparari possunt ad tempora dormiendi in *Monarchâ*. Utrobique enim *actus* imperandi cessant, *potentia* retinetur. Denique ita dissolvi conventum, ut non possit iterum convenire, mors populi est: sicut ita dormire, ut nunquam vigilare possit, mors hominis est. Quemadmodum igitur Rex cui hæres ullus est, dormiturus ita ut nunquam possit expergiscere, hoc est moriturus, si tradit alicui summum imperium exercendum donec evigilaverit, tradit ei quoque *populus*, qui Monarcham temporarium eligens simul aufert sibi potestatem conveniendi, tradit ipsi dominum civitatis. Porro, ut rex qui dormiturus in tempus aliquod, summum imperium alii dat administrandum,

dum,



dum, idem expergefactus recipit; sic *populus*, *Monarcha temporario electo*, retinens jus coëundi ad certum diem & locum, eo die recipit imperium suum. Et sicut rex qui Imperium administrandum alii dedit, ipso interea evigilante, potest idem revocare quando vult; ita *populus* qui per tempus *Monarchæ temporario* præscriptum jure convenit, potest eundem imperio, si velit, spoliare. Denique rex qui imperium administrandum alii tradit dum ipse dormit, nec evigilare potest, nisi is, cui traditum est, voluerit, unà perdidit imperium cum vita; sic *populus*, qui *Monarchæ temporario* imperium commisit, ita ut injussu ejus non possit iterum convenire, penitus dissolutus est, manetque imperium penes electum.

XVII. *Monarcha* si quid <sup>*Monarcha, re.*</sup> promi-

seno jure  
imperii,  
non intel-  
ligitur  
ullo pro-  
misso  
translu-  
bisse jus  
in media  
ad impe-  
rium ne-  
cessaria.

*promiserit* civi, vel pluribus si-  
mul civibus, propter quod per  
consequens, summum Impe-  
rium exerceri non potest, *Pro-*  
*missum* illud, sive *Paetum* jura-  
tò vel injuratò factum, irri-  
tum est. *Paetum* enim est juris  
translatio, quæ per ea quæ  
capite secundo, articulo 4. dic-  
ta sunt, requirit signa idonea  
voluntatis in transferente. Qui  
verò sufficienter significat vo-  
luntatem retinendi finem, suf-  
ficienter declarat, se non de-  
cedere de jure ad media ad  
eum finem necessaria. Jam verò  
qui promisit aliquod necessa-  
rium ad *summum imperium* ;  
ipsum tamen *imperium* retinet ;  
fatis idonea signa dat, se non  
aliter promississe, nisi quatenus  
*summum imperium* sine eo re-  
tineri potest. Quodcumque  
igitur apparuerit, id quod pro-  
missum est, præstari non posse,  
salvo:

salvo *summo imperio*, promissum pro non promisso, id est, invalidum censeri debet.

XVIII. Videmus quo modo <sup>Quibus</sup> cives naturâ dictante obliga- <sup>modis ci-</sup> runt se mutuis pactis ad obe- <sup>vis sub-</sup> diendum *summo imperio*. Vi- <sup>jectione</sup> dendum porrò est, quibus mo- <sup>liberatur</sup> dis fieri potest, ut obedientiæ hujusmodi vinculis liberentur. Primò autem id fit *abdicatione*, id est, si quis *jus imperii* non in alium transfert, sed abjicit, sive derelinquit: nam quod abjicitur, in medium æquè omnibus rapiendum projicitur: unde iterum jure naturali unusquisque civium suæ conservati-  
 onis suo providere arbitrio potest. Secundò, si civitas venerit in potestatem hostium, ita ut resisti eis non possit, intelligitur is qui priùs *summam* habebat *potestatem*, eam jam amisisse. Cives enim cùm om-  
 nem

nem conatum fecerint , ne in manus hostium venirent , pacta quæ inierunt singuli cum singulis de obedientiâ præstandâ adimplerunt. Et quæ promiserint postea victi , necis vitandæ causâ , ea quoque ut præstent , omni conatu laborandum est. Tertio , in *Monarchiâ* ( nam Δῆμος & *Curia optima-tum* deficere non possunt ) si successor nullus omnino appareat , omnes cives obligationibus suis liberantur. Nemo enim teneri intelligitur , qui , cui tenetur , nescit ; quia præstatio in tali casu esset impossibilis. Atque his tribus modis à subjectione civili , in libertatem omnium ad omnia , hoc est , naturalem & belluinam , ( nam status naturæ ad statum civilem , hoc est , libertas ad subjectionem , eam habet proportionem , quam cupiditas ad rationem ,

tionem ,

tionem, vel bellua ad Hominem) simul se recipiunt cuncti cives. Præterea vero, singuli cives liberari subjectione jure possunt, voluntate ejus, penes quem summum est imperium; nimirum si solum verterint: quod duobus modis accidere potest; vel permissione, ut si quis veniâ impetratâ aliò volens habitatum abit; vel jussu, ut *Exsul*. Utroque casu, liber erit legibus prioris civitatis, proptereâ quod obstringitur legibus posterioris.

## CAPUT VIII.

### *De jure Dominorum in servos.*

- I. Dominus & servus quid sint,
- II. *Distinctio servorum in eos qui fide habitâ, libertate fruuntur naturali, & Ergastulos sive eos qui carcere vel compedibus vincti serviunt.*
- III. *Obligatio servi*

servi nascitur ex concessâ ei à Domino libertate corporis. IV. Servi vincti Dominis non tenentur pacto. V. Servi non habent proprietatem in bonis contra Dominum. VI. Dominus servum potest vendere, vel testamento alienare. VII. Dominus in servum injurius esse non potest. VIII. Dominus Domini est Dominus servorum. IX. Quibus modis servi liberantur. X. Dominium in bestias juris naturalis est.

*Dominus  
& servus  
quid sint.*

I. **D**Uobus capitibus proxime superioribus dictum est de *civitate institutivâ*, nempe quæ multorum consensione, qui se invicem pactis & fide mutuò data obstrinxerunt, initiata est. Sequuntur jam quæ dicenda sunt de *civitate naturali*; quæ & *Acquisita* dici potest, quippe quæ acquiritur potentiâ & viribus naturalibus. Sciendum autem in primis est, quibus

quibus modis jus *Dominii* acquiri potest in *personas* hominum. Ubi tale jus acquisitum est, ibi *parvum* quoddam *regnum* est. *Regem* enim esse nihil aliud est quàm *Dominium* habere in *personas* multas, atque adeò *familia magna*, *regnum*; & *regnum parvum*, *familia* est. Ut redeamus iterum in statum naturalem, consideremusque homines tanquam si essent jamjam subito è terrâ (fungorum more) exorti & adulti, sine omni unius ad alterum obligatione, tres tantum modi sunt, quibus alter in alterius *personam Dominium* habere potest. Quorum primus est, si volentes (pacis & mutuæ defensionis causâ) in ditionem & *Dominium* alicujus hominis, vel cœtus hominum, ipsi sese pactis mutuis inter se initis tradiderint. Atque de hoc modo

modo dictum jam est. Secundus modus est, si quis bello captus, vel victus, aut viribus diffidens ( ut mortem declinet ) victori vel fortiori promittit, se ei *servitutum*, hoc est, omnia facturum quæ imperabit. In quo contractu bonum quidem quod victus, vel viribus inferior accipit, est vitæ condonatio, quæ jure belli in statu hominum naturali tolli poterat: bonum autem quod promittit, ministerium & obedientia est. Hujus ergo promissi vi debetur à victo victori ministerium, & obedientia absoluta, quantum fieri potest, nisi quæ repugnet legibus divinis. Nam qui mandatis cujusquam obedire, antè obligatur, quàm quid imperaturus sit sciat, tenetur ad omnia mandata simpliciter, & sine restrictione. Jam qui sic tenetur, **SERVUS**,  
is



is cui tenetur, DOMINUS appellatur. Tertiò, acquiritur jus in personam per generationem; de quo acquisitionis modo dicetur capite sequenti.

II. Non omnis bello captus, cuius vitæ parvitum est, pacisci cum domino intelligitur: quia non omni ita creditur, ut relinquatur ei tantum libertatis naturalis, ut vel aufugere, vel ministerium detrectare, vel machinari Domino malum aut damnum aliquod, si cupiat, possit. Et serviunt quidem hi, sed intra ergastula, vel compedibus vincti, ideoque vocabantur non modo *servi* communi nomine, sed etiam peculiari appellatione *ergastuli*; sicut & hodie diversa significant, *un serviteur*, & *un serf*, vel *un esclave*.

III. Obligatio igitur *servi*, adversus *Dominum*, non nascitur ex simplici vitæ condonatione, Distinc-  
tio servo-  
rum in  
eos qui  
fide ha-  
bitâ, li-  
bertate  
fruantur  
naturali,  
& ergas-  
tulos sive  
eos qui  
carcere  
vel com-  
pedibus  
vincti  
serviunt.

Obligatio  
servi nas-  
citur ex  
concessa

tione,

*ei à domi-  
no liber-  
tate cor-  
poris.* tione, sed ex eo quod non vinc-  
tum eum, vel incarceratum te-  
neat. Obligatio enim ex pacto  
oritur, pactum autem nisi fide  
habitâ nullum est, ut patet ex  
cap. 2. articulo 9. ubi defini-  
tur, Pactum esse promissum ejus  
cui creditur. Cum beneficio er-  
go vitæ condonatæ conjuncta  
est fiducia, qua *Dominus* eum in  
libertate corporali relinquit,  
ita ut nisi intervenissent obliga-  
tio, & vincula pactitia, non  
modo aufugere, sed etiam *Do-  
minum* conservatorem vitæ ejus  
vitâ spoliare possit.

*Servi  
vinci do-  
minis non  
sententur  
pacto.* IV. *Servi* itaque hujusmodi,  
qui carceribus, ergastulis, vin-  
culisve cohibentur, non com-  
prehenduntur definitione *servo-  
rum* supra traditâ, quia serviunt  
hi, non pacto, sed ne vapulent.  
Ideoque si aufugerint, vel *Do-  
minum* interfecerint, nihil faci-  
unt contra leges naturales.

Et;

Etenim vinculis ligare, signum est, illum qui ligat, supponere, ligatum nullâ aliâ obligatione satis teneri.

V. Non minus igitur juris & dominii habet Dominus in servum non vinctum, quàm in vinctum: summum enim habet in utrumque; potestque de servo non minus quàm de quâlibet aliâ re, sive inanimatâ, dicere, *Hoc meum est*. Ex quo sequitur, quicquid servi erat ante servitutem, id postea Domini esse, & quicquid servus acquisierit, id Domino acquisitum esse. Qui enim jure disponit de personâ hominis, de omnibus rebus disponit, de quibus disponere potuit persona. Nihil igitur est, quod servus possit ut suum retinere contra Dominum. Est tamen ei, Domini distributione, proprietas & Dominium in res suas, ita ut eas retinere

*Servi non habens proprietatem in bonis suis contra dominum.*

& defendere possit *servus* contra *conservum*; eo modo quo antè ostensum est, civi nihil esse propriè *suum*, contra voluntatem *civitatis*, sive ejus qui habet summum imperium; esse autem *sua* cuique civi contra concivem.

*Dominus servum potest vendere vel testamento alienare.*

VI. Quoniam ergo & *servus* ipse & ea quæ habet, omnia *Domini* sunt, disponere autem de suo unusquisque jure naturali potest eo modo quo voluerit, poterit *Dominus* *Dominium* suum in *servum* vendere, oppignorare, vel testamento transferre, arbitrio suo.

*Dominus in servum injurius esse non potest.*

VII. Præterea id quod antè de subditis in *civitate institutivâ* demonstratum est, nimirum, quod is qui summum civitatis imperium habet, nullam iis *injuriam* facere potest, verum quoque de *servis* est, propterea quod voluntatem suam, *Domi- ni*

ni voluntati subjecere. Quare quicquid iste fecerit, ipsis volentibus fit: volenti autem injuria fieri non potest.

VIII. Si vero accidat, ut *Dominus* sive captivitate, sive subjectione voluntariâ, *servus* vel *subditus* alterius fiat, ille aliter non modo ipsius, sed etiam *servorum* ejus, *Dominus* erit; horum quidem *Dominus* *supremus*, illius *immediatus*. Quoniam enim non modò *servus*, sed etiam ea quæ habet, *Dominus* sunt, ideo & *servi* illius hujus sunt; neque potest *Dominus* *medius* de iis aliter disponere, quàm *Domino* *supremo* visum fuerit. Et propterea in civitatibus, si quando *Dominis* in *servos* potentia absoluta fuerit, ea à jure naturæ orta esse censetur, & lege civili non constituta, sed præterita.

*Dominus domini, est dominus servorum.*

*Quibus modis*

IX. *Servus* iisdem modis *servi*

K 2

*vitute*

*servi libe-  
ratur.*

*vicute liberatur, quibus subditus in civitate institutivâ liberatur subjectione. Primo, si Dominus eum libertate donaverit. Nam quod jus in se servus Domino transtulit, idem potest Dominus servo rursus reddere. Atque libertatis donatio talis, MANUMISSIO dicitur. Quod simile est; ac si civitas civi permiserit in aliam civitatem se transferre. Secundo, si Dominus servum à se abigat; id quod in civitate exsilium est. Neque differt quoad effectum à manumissione; sed quoad modum. Libertas enim hîc in pœnam, illic in gratiam data est. Utrobique autem Dominio renunciatur. Tercio, servus si captus fuerit, veterem servitutem nova abolet. Nam sicut & res cæteræ omnes, ita quoque & servi bello acquiruntur, quos æquum est ut Dominus protegat, si suos esse velit.*

let.

let. Quartò, liberatur *servus* ignoratione successoris, puta moriente *Domino* sine testamento, & sine hærede. Nemo enim obligari intelligitur, nisi scire possit cui præstandum sit quod debetur. Postremò, *servus* qui in vincula conjicitur, vel quoquo modo libertate corporali privatur, alterâ illâ obligatione pactitiâ liberatur. Non enim existit pactum, nisi ubi pacifcenti creditur; nec violari potest fides, quæ non est habitâ. *Dominus* autem qui ipse alii servit, *servos* suos non potest ita liberare, quin semper sint in potestate *Domini supremi*. Nam ut supra ostensum est, sunt tales *servi*, non sui, sed *domini supremi*.

X. Eodem modo acquiritur *Dominium in* jus in animalia ratione carentia, *bestias*, quo in *personas* hominum; *juris naturalis* mirum viribus & potentiis *est*.

turalibus. Siquidem enim in statu naturali, propter bellum omnium in omnes, subjugare, vel etiam occidere Homines, cuique licitum fit, quoties id suo bono conducere videbitur; multo magis idem licitum erit adversus belluas, hoc est, arbitratu suo eas in servitutem subigere, quæ per ingenium cicurari & usui sibi esse possunt, cæteras bello perpetuo, ut noxias persequi & destruere. *Dominium* igitur in bestias originem habet à *jure naturæ*, non à *jure divino positivo*. Nam si non existisset tale jus ante promulgationem scripturæ sacrae, nemo jure potuisset bestias ad cibum jugulare, durissimâ sanè hominum conditione, quos bestiaë devorare sine injuriâ possent, illi bestias non possent. Siquidem ergo à jure naturali fit, quod bestia hominem occidat,

ab



Cap. VIII. IMPERIUM. 223  
ab eodem jure erit; quod ho-  
mo jugulet bestiam.<sup>500</sup>

---

C A P U T IX.

*De jure parentum in liberos, &  
de Regno Patrimoniali.*

- I. Dominium paternum non ori-  
tur à Generatione. II. Domi-  
nium in infantes ejus est, qui  
primus eos in potestate sua habet.  
III. Dominium in infantes ori-  
ginaliter matris est. IV. Infans  
expositus ejus est, à quo conser-  
vatur. V. Natus ex cive & ha-  
bente summum imperium, impe-  
rantis est. VI. In conjunctione  
Maris & foeminae, ita ut neuter  
alteri imperet, Nati Matris sunt,  
visi pacto vel lege civili aliter  
statuatur. VII. Liberi subjiciun-  
tur Patribus, non minus quam  
servi Dominis, & cives civita-  
ti. VIII. De Honore Parentum  
& Dominorum. IX. In quo con-  
sistat libertas, & differentia ci-  
vium & servorum. X. Idem est  
jus in cives in Regno Patrimo-  
niali, quod in institutivo. XI.

*Quaestio de jure successionis in sola Monarchia locum habet. XII. Monarcha potest summum imperium civitatis, testamento disponere. XIII. Vel donare vel vendere. XIV. Monarcha intestatus, semper intelligitur velle fore sibi Monarcham successorem. XV. Et aliquem ex suis liberis. XVI. Et masculinum potius quam feminam. XVII. Et filiorum natu maximum, quam minorem. XVIII. Et fratrem, si prole careat, pra omnibus aliis. XIX. Eodem modo quo succeditur in imperium, succeditur etiam in jus successionis.*

*Dominium patris non oritur à generatione.* I. **S**ocrates est homo, ergo & animal, recta argumentatio est, eademque evidentissima, propterea quod nihil opus est ad consequentiæ veritatem agnoscendam, nisi ut vox, *homo*, intelligatur, quia *animal* est in ipsa *hominis* definitione; suppletque unusquisque propositionem quæ desiderabatur, **REM.**

Cap. IX. IMPERIUM. 225

nempe hanc, *homo est animal*.  
Et hæc, *Sophoniscus Socratis pater est*, ergo & *Dominus*, recta forte illatio est, cæterum non evidentissima, quia *Dominus* non est in definitione *patris*; itaque opus est ad evidentiam, ut *patris* & *Domini* connexio explicetur. Qui hætenus *Dominium patris* in *liberos* asserere conati sunt, argumentum nullum attulere præter *generationem*; quasi per se evidens sit, quod à me genitum est meum esse; similiter facientes, ac si quis putet si triangulum sit, statim apparere; sine aliâ ratiocinatione angulos ejus esse æquales duobus rectis. Præterea, cum *Dominium*, hoc est, *imperium supremum* indivisibile sit, ita ut nemo duobus *Dominis* servire possit, ad *generationem* autem duæ personæ concurrant, *Mas* & *fœmina*, impossibile

K 5

bile est ut *Dominium* omnino acquiratur sola generatione. Quare origo *Dominii paterni* diligentius hoc loco quærenda est.

*Dominium in infantes, ejus est, qui primus eos in potestate sua habet.*

II. Redeundum igitur est ad statum naturalem, in quo propter æqualitatem naturæ, omnes homines naturæ ætatis inter se æquales habendi sunt: ibi *jure naturæ* victor victi *Dominus* est: *jure igitur naturæ Dominium infantis* ad eum primum pertinet, qui primus in potestate suâ ipsum habet. Manifestum autem est, *eum* qui modo nascitur, prius esse in potestate *matris*, quàm cujusquam alterius; ita ut illum vel educare, vel exponere, suo arbitrio & jure possit.

*Dominium in infantes originaliter matris est.*

III. Siquidem ergo educet (quoniam status naturæ status belli est) ea lege educare intelligitur, ne adultus, hostis fiat; hoc

hoc est, ea lege ut ipsi obediat. Cum enim necessitate naturali *velimus* omnes id quod *nobismet ipsis* apparet *bonum*; intelligi non potest, quemquam ita vitam dedisse cuiquam, ut possit simul, & vires ætate acquirere, & jure hostis esse. Hostis autem est quisque cuique, cui neque paret neque imperat. Atque hoc modo, in statu naturæ, omnis puerpera simul & *mater* fit & *Dominæ*. Quod verò quidam aiunt, non *matrem*, in hoc casu, sed *Patrem* fieri *Dominum*, propter præstantiam sexus, nihil est; nam & ratio in contrarium est, quia inæqualitas virium naturalium minor est, quam ut *mas* in *fæminam* imperium sine bello acquirere possit. Et consuetudo in contrarium non est; quia *fæminæ*, nimirum *Amazones*, quondam bella contra hostes gesserunt, & de *prole*

suâ suo libitu statuerunt; hodièque pluribus in locis *fœminæ* sunt cum *summo imperio*. Neque de harum *liberis* statuunt *mariti*, sed *ipsæ*; quod sanè *jure naturæ* faciunt, siquidem qui *summum* habent *imperium*, legibus *civilibus*, ut supra ostensum est, non tenentur. Adde quod in *statu naturæ* sciri non potest, *cujus patris filius* est, nisi *indicio matris*: ejus igitur est quem *mater* vult enim esse, & proinde *matris* est. Originale igitur in *liberos* *Dominium*, *matris* est; & apud homines non minus quam *cætera animantia*, *partus ventrem* sequitur.

*Infans  
expositus  
ejus est à  
quo con-  
servatur.*

IV. *A matre* autem ad alios transit *Dominium* diversis modis. Primo, si jus suum dereliquerit, sive abjecerit, *filium exponendo*. Is igitur qui *expositum* educaverit, idem habebit *Dominium*, quod habebat *mater* (non

( non generando, sed alendo )  
 dederat, exponendo tollit; qua-  
 re & obligatio, quæ orta est ex  
 vitæ donatione, per *expositionem*  
 sublata est. Ei autem qui ipsum  
 alendo conservavit, omnia de-  
 bet conservatus, & nomine  
 alumni, tanquam *matris*, & no-  
 mine *servi*, tanquam *Domino*.  
 Et si enim *mater* filium in statu  
 naturæ ubi omnia sunt omnium,  
 repetere possit, ( eodem scilicet  
 jure, quo quilibet alius ) tamen  
*filius* jure non potest ad matrem  
 se transferre.

V. Secundo, si *mater* bello *Natus ex*  
 capta sit, *natus* ex ea capientis *cive &*  
 est, propterea quod qui *Domini* *habente*  
*num* in *personam* habet, *Domini* *summum*  
*num* habet in omnia quæ sunt *impe-*  
 ejus: quare & in *filium*, ut ca- *rium, im-*  
 pite præcedente, articulo 5, *perantis.*  
 dictum est. Tertiò, si *mater* ci- *est.*  
 vis sit cujusunque civitatis, is  
 qui in ea civitate habet sum-  
 mum.

230 IMPERIUM. Cap. IX.  
mum imperium, *Dominium* ha-  
bebit ejus qui ab ea nascetur :  
nam & *matris* Dominus est ;  
quæ habenti summum Impe-  
rium in omnibus tenetur obe-  
dire. Quarto, si *mulier* viro se  
tradiderit in vitæ societatem, cæ  
lege ut imperium apud *virum*  
sit, qui nascitur ex ambobus, *pa-*  
*tris* est, propter imperium in  
*matrem*. Sed si *fœmina* imperium  
*habens*, filios ex subdito suscepe-  
rit, suscepti *matris* sunt. Aliter  
enim ; salvo imperio, mulier fi-  
lios habere non potest. Atque  
universaliter, si *maris* & *fœmi-*  
*næ* societas *unio* fit, ut alter al-  
terius imperio subjiciatur, *li-*  
*beri* sunt *imperantis*.

In con-  
junctione  
maris &  
femine,  
ita ut  
neuter al-  
teri impe-  
ret, nati  
matris

VI. Cæterum in statu na-  
turæ, siquidem *mas* & *fœmina*  
societatem contrahant, ita ut  
alter alterius imperio non sub-  
sit, *nati* ex iis *matris* sunt,  
propter rationes adductas su-  
pra



pra articulo tertio ; nisi aliter *sunt, nisi*  
 pactis provisum sit, pactis enim *pacto vel*  
*mater* de jure suo disponere po- *lege civili*  
 test prout velit, quemadmodum *aliter stat-*  
 factum est olim ab *Amazonibus*,  
 quæ ex vicinis susceptos libe-  
 ros, *mares* quidem illis remi-  
 serunt, *fœminas* sibi met ipsis  
 pacto retinuerunt. In civitate  
 vero, si contractus sit inter *ma-*  
*rem & fœminam* ad cohabitatio-  
 nem, liberi geniti, *patris* sunt;  
 quia in omnibus civitatibus,  
 scilicet constitutis à *Patribus*,  
 non à *matribus-familias*, im-  
 perium domesticum viri est:  
 vocatur autem talis contractus,  
 si fiat secundum leges civiles,  
 MATRIMONIUM; si verò con-  
 trahant concubinatum tantum,  
*fili* sunt vel *matris* vel *patris*,  
 variè, prout in diversis civi-  
 tatibus Leges civiles diversæ  
 sunt.

VII. Quoniam, per arti- *Liberi*  
 culum *subjiciuntur*

*ter Patri-*  
*bus, non*  
*minus*  
*quàm*  
*servi do-*  
*minis, &*  
*cives ci-*  
*vitati.*

culum tertium, *mater origina-*  
*liter liberorum Domina* est, &  
 ab illa *pater*, vel alius quis-  
 piam jure derivato; manifestum  
 est, non minus *liberos* illis esse  
 subjectos à quibus aluntur &  
 educantur, quam *servi Domi-*  
*nis*, vel *subditi* illi qui *sum-*  
*mmum* habet *imperium* in civita-  
 te; neque posse *parentem*, quam-  
 diu in ejus potestate est, *filio*  
 injurium esse. Etiam subjectio-  
 ne iisdem modis *Filius* libera-  
 tur, quibus *subditus* & *servus*.  
 Eadem enim res est *emancipa-*  
*tio cum manumissione*, & *abdi-*  
*catio cum exilio*.

*De hono-*  
*re paren-*  
*tum &*  
*domino-*  
*rum.*

VIII. *Patrem-familias eman-*  
*cipatus filius*, vel *manumissus*  
*servus*, privatum jam patriâ &  
 herili potestate minus metuunt,  
 & ( si quidem verus & inter-  
 nus spectetur *honor* ) minus *ho-*  
*norant* quàm antè. Est enim  
*honor* nihil aliud, quàm poten-  
 tiæ

tiaæ alienaæ æstimatio; ideoque cui minus potentiaæ est, minus semper est *honoris*. Non est autem putandum, *manumittentem manumissum, vel emancipantem emancipatum*, ita voluisse sibi æquare, ut ne beneficii quidem reus esset, sed in omnibus se gereret, tanquam si æqualis sibi esset. Intelligendum igitur semper est, eum qui liberatur subjectione, sive sit *servus*, sive *filius*, sive *colonia* aliqua, promittere saltem externa signa omnia, quibus superiores ab inferioribus solent *honorari*. Ex quo sequitur, præceptum illud de *parentibus honorandis* esse *legis naturalis*, non modo sub titulo *gratitudinis*, sed etiam *Pactionis*.

IX. Quænam ergo est, quæret aliquis, inter *liberum*, vel inter *civem*, & *servum* differentia? neque enim quod sciam, à

*In quo consistat libertas, & differentia civium à servorum.*

à quoquam scriptore explicatum est, quid sit *libertas*, & quid *servitus*. Vulgo omnia nostro arbitrato facere, atque id impunè, *libertas*; id non posse, *servitus* judicatur: quod in civitate, & cum pace humani generis fieri non potest; quia civitas sine imperio & jure coërcendi nulla est. **LIBERTAS**, ut eam definiamus; nihil aliud est quàm *absentia impedimentorum motus*; ut aqua vase conclusa ideò non est *libera*, quia vas impedimento est ne effluat; quæ fracto vase *liberatur*. Et est cuique *libertas* major vel minor, prout plus vel minus spatii est in quo versatur; ut majorem habeat *libertatem* qui in amplo carcere, quam qui in angusto custoditur. Et potest esse homo *liber* versus unam partem, nec tamen versus alteram; ut qui iter

iter faciens sepibus & mace-  
riis, ne vineas & segetes viæ  
vicinas conterat, hinc & inde  
cohibetur. Et hujusmodi qui-  
dem impedimenta externa &  
absoluta sunt: quo sensu om-  
nes *servi & subditi liberi* sunt,  
qui non sunt vincti, vel incar-  
cerati. Alia sunt arbitraria,  
quæ non absolute impediunt  
motum, sed per accidens, ni-  
mirum per electionem nostram,  
ut qui in nave est, non ita im-  
peditur quin se in mare præci-  
pitare possit, si velle possit. At-  
que hic quoque, quò quis plu-  
ribus viis movere se potest, eo  
majorem habet *libertatem*. At-  
que in hoc consistit *libertas* ci-  
vilis, nemo enim sive *subdi-  
tus*, sive *filius* familias, sive  
*servus*, ita *civitatis* vel *patriæ*  
vel *Domini* sui, utcunque se-  
veri, pœnis propositis impedi-  
tur, quin omnia facere, & ad  
omnia

omnia se convertere possit, quæ ad vitam & sanitatem tuendam sunt necessaria. Non igitur reperio quid sit, de quo vel *servus* quisquam conqueri possit eo nomine quod *libertate* careat, nisi miseria sit, ita cohiberi ne ipse sibi noceat, & vitam, quam bello, vel infortunio, vel demum inertia sua amiserat, unà cum omnibus alimentis, & omnibus rebus ad vitam & sanitatem necessariis, ea lege recipere ut regatur. Qui enim ita cohibetur pœnis propositis, ne omnia quæ vult faciat, non opprimitur *servitute*, sed regitur & sustentatur. Hoc autem (in omni civitate & familia, ubi servi existunt) *cives liberi*, & *fili* familias præ *servis* eximium habent, ut & ministeria civitatis, vel familiæ obeant honoratiora, & plus possideant rerum superfluarum.

Atque in hoc sita est differentia inter *civem liberum*, & *servum*, quod LIBER quidem is sit qui soli civitati, SERVUS autem qui etiam concivi servit. Libertas alia omnis, exemptio est à legibus civitatis, & propria imperantium.

X. *Pater-familias*, *liberi servique* ejus, virtute imperii patris, in unam personam civilem coaliti, *FAMILIA* dicitur. Eadem, si multiplicatione *prolis*, & *servorum* acquisitione, numerosa fiat, ita ut sine belli incertâ aleâ subjugari non possit, appellabitur *REGNUM PATRIMONIALE*. Quod quamquam vi acquisitum differat à *Monarchiâ institutivâ* origine & modo constituendi, constitutum tamen omnes easdem habet proprietates, & idem est utrobique imperii jus, ut non sit opus cuilibet de iis seorsum dicere. XI.

*Idem est jus in cives in regno patrimoniali, quod in institutivâ.*

70.

*Quaestio  
de jure  
successio-  
nis in sola  
Monar-  
chia lo-  
cum ha-  
bet.*

XI. Quo jure summa impe-  
ria constituta sunt, dictum est:  
breviter jam, quo jure conti-  
nuentur, dicendum est. Jus au-  
tem quo continuantur, illud  
est quod appellatur jus SUC-  
CESSIONIS.. Quoniam autem  
in *Democratia*, summum impe-  
rium apud *populum* est, quam-  
diu cives existunt, tamdiu pe-  
nes eandem est personam. Po-  
pulus enim *successorem* non ha-  
bet. Similiter in *Aristocratia*,  
moriens uno optimatum, ali-  
quis alius in ejus locum à cæ-  
teris substituitur; ideoque nisi  
simul deficient, quod suppono  
nunquam accidere, *successio* nul-  
la est. Quæstio igitur de jure  
*successionis* in solâ *Monarchia* ab-  
solutâ locum habet. Nam qui  
ad tempus tantum summum  
exercent imperium, non sunt  
ipsi *Monarchæ*; sed *ministri* ci-  
vitatatis.

XII,



XII. Primum autem, si *Monarcha* *successorem* sibi *testamento* instituerit, institutus *Monarcha* *potest* *summum* *imperium* *civitatis,* *testamen-* *to dispo-* *nere.* *succedet*; nam si à *populo* instituat, habebit omne jus in civitatem quod *populus* habebat; ut ostensum est Cap. 7. art. 11. Sed *populus* potuit ipsum eligere, ergo eodem jure ipse alium. Sed in *regno* etiam *Patrimoniali* eadem sunt jura, quæ in *institutivo*. Quare *Monarcha* omnis potest *successorem* sibi *testamento* facere.

XIII. Quod autem quis *testamento* transferre in alium potest, id eodem jure donare, vel vendere, vivens potest: cuiusque ergo is *summum imperium* tradiderit, sive dono, sive pretio, jure traditur. *Vel dona-* *re, vel* *vendere.*

XIV. Quod si neque *Testamento*, neque aliter, voluntatem suam de *successore* vivens *Monarcha* *intestatus,* *semper* *intelligi-* *tur, velle* *intelligitur, velle* *sumum,*

*fore sibi  
Monar-  
cham suc-  
cessorem.*

num, noluisse eum redire civitatem ad Anarchiam, sive statum belli, id est, ad perniciem civium: tum quia non potuit id facere sine violatione legum naturalium, quibus in foro conscientiae obligatus erat ad omnia quæ ad pacem necessariò conducunt: tum etiam quia si voluisset, non erat difficile id apertè declarasse. Deinde, quia jus transit secundam voluntatem patris; censendum est de *successore* per signa voluntatis ejus. Intelligitur ergo, voluisse eum, subditos suos sub regimine esse *Monarchico*, potius quàm alio, propterea quod & ipse eum statum exemplo suo, regnando commendavit antè, nec alio facto aut verbo post damnavit.

*Et ali-  
quem ex  
suis libe-  
ris.*

XV. Porrò quoniam naturali necessitate omnes homines bene illis esse malunt, per quos  
sibi

sibi honor & gloria est, quam aliis; honor autem & gloria unicuique post mortem per liberorum potius quàm per aliorum quorumcumque hominum potentiam contingit: colligitur, patrem melius velle liberis suis, quam quibuscumque aliis. Intelligitur itaque voluntas patris intestati ea fuisse ut *successor* ei aliquis esset ex liberis suis. Hoc tamen ita intelligendum est, si alia signa apertiora in contrarium non existant; cuius generis, post *successionis* plures, potest esse consuetudo: qui enim de *successione* tacet, intelligitur consuetudini Regni consentire.

XVI. Inter liberos, masculi foeminis præferuntur; principio quidem forte quod plerumque ( licet non semper ) aptiores sunt ad rerum magnarum, præsertim verò bellorum

*Et masculum potius quàm foeminam.*

L ad

administrationem; post autem, ubi in consuetudinem abiit, quod consuetudini non sit contradictum; ideòque voluntas *Patris* in eorum favorem, nisi consuetudo alia vel signum aliud apertius repugnet, interpretanda est.

*Et filio-  
rum natu  
maxi-  
mum,  
quarto  
minorem.*

XVII. *Filiorum* autem, quia æquales sunt; nec dividi imperium potest, is *succedat*, qui maximus natus est. Nam si differentia sit aliqua propter ætatem, dignior maximus est, nam naturâ judice annis provectior ( quia solet esse ) prudentior est. Alius autem iudex dari non potest. Si verò fratres omnes pro æqualibus habendi sint, forte fiet *successor*. Est autem sors naturalis, *primogenitura*; eâ vero jam præfertur natus maximus; neque est qui potestatem habeat iudicandi, utrum eo, an alio genere sortium res deci-

decidenda sit. Quæ autem ratio pro primogenito, eadem pro primogenita militat.

XVIII. Quod si liberi nulli sint, tunc ad fratres & sorores imperium transibit, propter eandem rationem, qua liberi succederent, si essent; nam naturâ proximi, benevolentiam proximi esse supponuntur; & in Fratres prius quam in sorores; item in majores natu prius quam in minores. Ratio enim hic eadem est, quæ in liberis.

*Et fratrem, si prole careat, præ omnibus aliis.*

XIX. Porro qua ratione succeditur ad imperium, eadem quoque succeditur ad jus successionis; nam primogenitus, si ante patrem moriatur, censetur, nisi pater aliter statuerit, jus suum successionis transfuisse ad liberos suos; ideoque nepotes & neptes priores ad succedendum erunt quam ipsorum avunculi. Hæc, inquam, om-

*Eodem modo quo succeditur in imperium, succeditur etiam in jus successionis.*

244 IMPERIUM. Cap. IX:  
nia ita se habent, si consuetudo loci ( cui pater non contradicendo censebitur consentire ) non impediatur.

---

C A P U T X.

*Specierum trium civitatis, quoad incommoda singularum, comparatio.*

- I. Comparatio status naturalis cum statu civili. II. Imperantis & civium eadem sunt commoda & incommoda. III. Commendatio Monarchiæ. IV. Regimen unius non esse eo nomine iniquum, quod unus plus possit ceteris omnibus. V. Rejectionis opinionis eorum qui dicunt, Dominum cum servis non posse esse civitatem. VI. Exactiones graviores esse sub populo imperante, quam sub Monarchâ. VII. Cives innocentes minus obnoxios esse pœnis sub Monarchâ, quam sub populo. VIII. Libertatem civium singularum non minores esse sub Monar-

Monarchâ, quàm sub populo.  
 ix. Non esse civibus incommodum, quod non omnes ad publicas deliberationes admittantur.  
 x. Deliberationes civiles magnis cœtibus male committuntur, propter plurimorum imperitiam.  
 xi. Propter eloquentiam. xii. Propter factionem. xiii. Propter instabilitatem Legum. xiv. Propter defectum taciturnitatis.  
 xv. Ea incommoda Democratice adherere, quatenus homines naturaliter delectantur existimatione ingenii. xvi. Incommoda civitatis ex rege puero. xvii. Monarchicæ præstantia signum, potestas Ducum castrensis. xviii. Optimus status civitatis est, ubi cives imperantis sunt hæreditas :  
 xix. Aristocratia tanto melior est, quanto Monarchiæ propior; pejor, quanto ab eâ remotior.

I. **D**emocrata, Aristocratia & Monarchia quid sint, dictum est. Utra autem ad civium pacem conservandam, & commoda eorum procuranda,

Comparatio status naturalis cum statu civili

aptior sit, earum comparatione videndum est. Primum autem commoda & incommoda civitatis in universum conferamus, ne quis forte satius esse ducat; vivere unumquemque arbitrio suo, quàm civitatem omnino constituere. Extra statum civitatis, unusquisque libertatem habet integerrimam quidem, sed infructuosam; propterea quod qui propter libertatem suam omnia agit arbitrio suo, propter libertatem aliorum omnia patitur arbitrio alieno. At civitate constitutâ, unusquisque civium tantum libertatis sibi retinet, quantum sufficit ad bene & tranquillè vivendum, tantum item aliis adimitur, ut non sint metuendi. Extra civitatem, unicuique ita jus est ad omnia, ut tamen nulla re frui possit. In civitate verò unusquisque finito jure securè fruitur. Extra civitate,

tate,



tatem, quilibet à quolibet jure spoliari & occidi potest. In civitate ab uno tantum; extra civitatem, propriis tantum viribus protegimur; in civitate, omnium. Extra civitatem, fructus ab industriâ nemini certus; in civitate omnibus. Denique extra civitatem, imperium affectuum, bellum, metus, paupertas, foeditas, solitudo, barbaries, ignorantia, feritas; in civitate, Imperium rationis, Pax, securitas, divitiæ, ornatus, societas, elegantia, scientiæ, benevolentia.

II. *Aristoteles*, Politicorum lib. 7. cap. 14. duo esse ait genera regiminum, quorum alterum ad *imperantis*, alterum ad *subditorum* commodum dirigitur. Quasi ubi cives durius tractantur, ibi *una*; ubi mitius, ibi *alia* species esset civitatis; quod ei minimè concedendum

*Imperantis & civium eadem sunt commoda & incommoda.*

est. Sunt enim *imperantis & subditorum*, eadem & communia commoda & incommoda omnia, quæ ex regimine oriuntur; incommoda quæ civi alicui, infortunio, stultitiâ, negligentîâ, ignaviâ, vel luxuriâ suâ accidunt, à Regentis incommodis separari possunt: sed non sunt illa Regiminis incommoda, ut quæ in qualibet civitate accidere possunt. Eadem si accidunt à primâ civitatis institutione, dicentur quidem Regiminis incommoda, sed ipsi imperanti eum civibus communia erunt, sicut communia etiam sunt eorum commoda. Primum autem & maximum commodum, Pax & defensio, idem utriusque est. Nam & is qui imperat, & is cui imperatur, ad vitæ suæ defensionem, viribus utitur simul omnium concivium. Et maximo incommodo quod in civitate

te

te contingere potest, nimirum cæde civium, quæ ab Anarchiâ oritur, & is qui summum imperium habet, & quilibet unus civium æquè obruitur. Secundò, si is qui summum imperium obtinet, pecuniarum tantum à civibus exegerit, ut, se & familias suas alere, & vires corporum suorum conservare non possint, incommodum non magis illorum est, quam impetrantis, qui quantiscunque divitiis sine corporibus civium, Imperium suum & divitias tueri non potest. Si verò tantum exegerit, quantum ad imperii administrationem sufficit, id commodum æquè est & ipsi & civibus ad communem pacem. & defensionem. Neque imaginabile est, quomodo divitiæ *publicæ* civibus *privatis* incommodo esse possint, modo privati non ita exhauriantur, ut per in-

dustriam suam necessaria ad corporis & animi vires sustentandas acquirere sit impossibile. Nam sic incommodum & ad ipsum imperantem pertineret, nec oriretur ab institutione vel ordinatione pravâ, ( quia in omni genere civitatis, cives opprimi possunt ) sed à bene ordinatæ civitatis pravâ administratione.

*Commen-  
datio Mo-  
narchia.*

III. Quod autem dictarum specierum civitatis, *Democratia*, & *Aristocratia*, & *Monarchia*, optima sit *Monarchia*, ex comparatione commodorum & incommodorum in singulis ostendendum est. Hæc igitur, quod *universum* ab uno Deo regitur; quod *Antiqui* statum *Monarchicum* cæteris prætulere, regimen Deorum uni *Jovi* adscribentes; quod principio rerum, nationumque, arbitria Principum pro legibus fuerint; quod

Cap. X. IMPERIUM. 250

quod imperium *Paternum* institutum à Deo in creatione, *Monarchicum* fuerit ; quod regimina cætera ex *Monarchia* per seditiones dissolutæ ruderibus artificio hominum (\*) post conglutinata sint ; quodque populus Dei sub regibus fuerit ; quamquam *Monarchiam* commendatiorem nobis exhibeant, tamen quia id non rationibus, sed exemplis & testimoniis faciunt, omitemus.

(\*) Artificio hominum con- ANNOS  
glutinata sint, &c.] *Videntur*  
*huc spectasse antiqui, qui fabulam*  
*nobis confinxerunt de Prometheo.*  
*Narrant, Prometheum surrepto*  
*à Sole igne, ex luto fecisse homi-*  
*nem ; atque ob id factam perpe-*  
*tua jecoris laceratione irato Jovi*  
*dedisse pœnas. Hoc est, ingenio*  
*humano ( id quod significatur per*  
*Prometheum ) leges, & justitiam*

à Monarchia per imitationem sumtas esse, quarum vi (tanquam igne à fonte suo naturali surrepto) multitudo (quasi lutum & fœx hominum) in unam personam civilem animata & conflata est, quæ Aristocratia vel Democratia appellatur. Inveni autem autores & fautores, qui cum securè atque otiosè sub imperio Regum naturali vivere potuissent, hanc pœnam dant, ut perpetuis curis, suspicionibus dissensionibusque alio loco expositi crucientur.

*Regimen unius non esse eo nomine iniquum, quod unus plus possit ceteris omnibus.*

IV. Sunt quibus unius Regimen eo nomine displicet, quia unius est; quasi iniquum esset inter tam multos tantâ potestate eminere unum aliquem, ut arbitrio suo possit de cæteris omnibus statuere. Hi sanè subtrahere se ab imperio unius Dei, si possent, vellent. Sed exceptionem hanc contra unum suggerit

gerit invidia, dum vident unum habere quod omnes cupiunt : idem iniquum esse censerent eadem ratione, si *pauci* imperarent, nisi ipsi vel essent, vel esse sperarent ex eorum numero ; nam si iniquum sit non esse jus æquale omnibus, iniquum etiam est regimen optimatum. Quoniam autem ostensum est, statum æqualitatis esse statum belli: ideoque inæqualitatem introductam esse consensu omnium, inæqualitas illa non est amplius habenda pro re iniquâ, ubi plus habet is, cui plus volentes dedimus. Incommoda igitur quæ sequuntur *unius hominis* imperium, sequuntur *hominem*, non *unitatem*. Videndum igitur est, utrum imperium *hominis*, an *hominum*, plura civibus adferat incommoda.

V. Sed primum amolienda est sententia eorum, qui ne-

gant

*Rejectione  
opinionis  
eorum*

qui dicunt, dominum cum servis non posse esse civitatem.

gant omnino, civitatem esse, quæ conflatur ex quantovis numero servorum sub communi Domino. Cap. 5. articulo 9. definitur *civitas* esse *persona* una facta ex pluribus hominibus, cujus voluntas, ex ipsorum pactis, pro ipsorum omnium voluntatibus habenda est, ut singulorum viribus & facultatibus uti possit, ad pacem & defensionem communem. *Persona* autem *una* est, per ejusdem capituli articulum eundem, quando plurium voluntates unius voluntate continentur. Sed voluntas uniuscujusque servi continetur in voluntate Domini, ut ostensum est capite 8, articulo 5, ita ut possit eorum viribus & facultatibus uti, prout voluerit. Sequitur ergo, civitatem esse quæ constituitur ex *Dominis* & pluribus *servis*. Neque potest ulla ratio in contrarium adduci,



duci, quæ non æque militet contra civitatem constitutam à *patre & liberis*. Nam apud *Dominum*, cui *liberi* non sunt, *servi liberorum* rationem subeunt. Sunt enim & honor & præsidium ejus: neque magis subjiciuntur *servi Dominis*, quam *liberi patribus*, ut supra ostensum est capite 8. articulo 5.

VI. Inter incommoda imperii summi unum est quod imperans præter pecunias ad sumtus publicos, hoc est, ad ministros publicos alendos, præsidia ædificanda & tuenda, bella gerenda, rem domesticam honorificè sustentandam necessarias, possit etiam, si velit, alias exigere per libidinem, quibus *filios, cognatos, gratiosos*, atque etiam *adulatores* ditare possit. Confitendum est, incommodum quidem hoc esse, sed ex numero eorum quæ in omni genere civitatis repe-

*Exactiones graviores esse sub populo imperante, quam sub Monarcha.*

256 IMPERIUM. Cap. X.  
reperiuntur; in *Monarchiâ* au-  
tem tolerabiliora, quàm in *De-*  
*mocratia*. Nam & si velit *Mo-*  
*narcha* illos locupletare, pauci  
sunt, quia unius sunt. Sed in  
*Democratiâ*, quot sunt *Dema-*  
*gogi*, id est, potentes apud po-  
pulum *oratores*, ( qui & simul  
plures sunt, & quotidie novi  
suboriuntur ) tot sunt qui *libe-*  
*ros*, *cognatos*, *amicos*, *adulato-*  
*resque* ditandos habent. Cu-  
piunt enim singuli, non modo  
familias suas divitiis potentes il-  
lustresque reddere, quantum  
possunt, sed etiam alios sui mu-  
niendi causâ beneficiis devinci-  
re. *Monarcha* ministros & ami-  
cos suos, quia non sunt nume-  
rosi, sine civium dispendio, de-  
ferendo scilicet illis belli pacif-  
que munia, magna ex parte ex-  
plere potest; in *Democratiâ*, ubi  
multi satiandi sunt, & semper  
novi, fieri id sine oppressione  
civium

civium non potest. *Monarcha* quamquam possit indignos promovere, sæpe tamen id facere non vult; *Oratores* autem in *Democratia* semper hoc omnes vellem intelliguntur, ideo quia opus est. Aliter enim potentia eorum qui id soli facerent ita cresceret, ut non modo sibi, sed & civitati formidanda esset.

VII. Summi imperii incommodum aliud est, metus ille Cives innocentes minus obnoxios esse panis sub Monarcha, quam sub populo. mortis perpetuus, in quo unumquemque versari necesse est dum reputat secum, posse eum qui imperat, non modo pœnas quas velit, in quæ velit peccata constituere, sed etiam cives innocentes, & qui nihil contra leges commiserunt, irâ & libidine jugulare. Atque magnum hoc reverâ in omni civitatis specie incommodum est, ubi fit: (incommodum enim ideo est quia fit, non quia

quia fieri potest : ) sed vitium est Regentis, non Regiminis : non enim *Neronis* facta *Monarchia* sunt omnia essentialia. Minus tamen sæpe damnantur cives immeritò , regnante *Homine* ; quàm *populo*. Nam Reges sæviunt in eos tantum , qui vel consiliis intempestivis molesti , vel verbis contumeliosis , vel voluntate adversi ipsis solis sunt. Faciunt autem ut potentiaè excessus , quem habere unus civis supra alium possit , innoxius sit. Itaque *Nerone* vel *Caligulâ* aliquo regnante , pati immerito nemo potest, nisi qui ipsi cogniti sunt , nimirum *Aulici* , vel munere aliquo conspicui ; neque omnes , sed illi soli , quibus est quod is habere cupit ; nam qui molesti aut contumeliosi in eum sunt , merito plectuntur. In *Monarchia* igitur , is qui latere vult , qualiscun-

cunque sit qui regnat, extra periculum est. Patiuntur enim soli ambitiosi, cæteri ab injuriis potentiorum defenduntur. Sed in *dominatione populari* tot possunt esse *Nerones*, quot sunt *Oratores* qui *populo* adulantur: tantum enim potest unusquisque eorum, quantum ipse *populus*; atque in subtrahendis à pœna iis, qui per libidinem & odia privata concives immeritò occiderunt, quasi tacito quodam inter se Pacto, *Hodie mihi, cras tibi*, alter alterius cupidini mutuò cedunt. Præterea potentiaë privataë terminus quidam est, ultra quem civitati perniciosa futura est, & propter quam *Monarchis* aliquando necessarium est providere, ne quid inde *Respublica* capiat detrimenti. Illam igitur potentiam, quando in divitiis sita erat, divitiarum diminutione dimi-

diminuerunt ; si quando vero confisteret in aura *populari*, ipsum potentem sine alio crimine sustulerunt. Idem in *Democratiis* fieri solet. Nam *ostracismo* exsulabant potentes *Athenienses* sine crimine, propter potentiam solam, & necabantur Romæ tanquam regnum affectaverint, qui plebis favorem captabant beneficiis. Pares in hoc *Democratia* & *Monarchia*, impares tamen fama fuerunt : quia fama à populo est ; & quod à multis fit, à multis laudatur. Ideoque invidiâ in virtutem eorum factum esse dicitur, si faciunt *Monarchæ*, quod si factum esset à populo, politia esset.

Libertatem singulorum non minorem esse sub *Monarcha*, quam sub populo.

VIII. Sunt qui ideo *Monarchiam* *Democratia* incommodiorem putent, quod illic minus libertatis sit quam *hic*. Si per *libertatem* intelligant exemptionem

ptionem à subjectione, quæ legibus, hoc est, mandatis debetur *populi*, neque in *Democratia*, neque in alio statu civitatis quocunque ulla omnino *libertas* est. Si *libertatem* in eo sitam esse intelligant; ut paucae sint leges, pauca vetita, & ea talia quæ nisi vetentur, non sit Pax, tunc nego plus esse *libertatis* in *Democratia* quam in *Monarchia*: potest enim non minus hæc quam illa cum tali libertate recte consistere. Etsi enim portis turribusque civitatis cujuscunque, characteribus quantumvis amplius *libertas* inscribatur, non est ea cujuscunque *civis*, sed *civitatis* libertas; neque meliori jure verbum illud civitati inscribitur, quæ à *populo*, quam quæ à *Monarcha* regitur. Sed quando cives privati, id est, subditi libertatem poscunt, nomine

mine libertatis non *libertatem*, sed *Dominium* poscunt? quod tamen præ inscitia minime animadvertunt. Si enim quam libertatem quisque sibi expetit, eandem prout lege naturæ præceptum est, aliis concederet, rediret ille status naturalis, in quo omnes jure possunt omnia; quem ut omni subjectione civili pejorem, si scirent, respuerent. Sed si quis liberum esse solum poscat, cæteris obstrictis, quid aliud quam *Dominium* poscit? Nam qui solutus est omni vinculo, victorum omnium, quotquot sunt, *Dominus* est. Non est ergo major libertas civium in statu *populari*, quam *Monarchico*. Id quod imponit, est *participatio* æqualis munerum publicorum, & Imperii. Nam ubi Imperium *populi* est, cives eatenus imperium singuli *participant*, qua-  
tenus



tenus *populi* imperantis partes sunt. Munera autem publica æqualiter participant, quatenus in magistratibus & ministris publicis eligendis æqualia habent suffragia. Atque hoc est quod voluit *Aristoteles*, ipse quoque consuetudine temporis libertatem pro imperio nominans. Lib. 6. *Politicorum*, cap. 2. *In statu populari libertas est ex suppositione. Quod vulgo dicunt, tanquam extra statum hunc liber esset nemo.* Ex quo obiter colligere licet, cives eos qui in *Monarchiâ* sublatam libertatem plorant, hoc tantum stomachari, quod non adhibeantur ad *Reipublicæ* gubernacula.

IX. Sed ob hoc ipsum fortasse aliquis *statum popularem* Non esse civibus incommo- maximo intervallo *Monarchiæ* dum, anteferendum esse dicet, quod quod non omnes ad illic, ubi scilicet negotia pu- publicas delibera- blica omnes tractant, pruden- tiones ad- tiam, mittantur.

264 IMPERIUM. *Cap. X.*  
tiam, scientiam, eloquentiam-  
que suam in deliberationibus  
circa res maximæ difficultatis  
& momenti publicè ostentan-  
di potestas omnibus facta sit; id  
quod propter naturæ humanæ  
innatam laudis cupiditatem, om-  
nibus iis qui vel talibus virtu-  
tibus antecellunt, vel sibi vi-  
dentur cæteris antecellere, om-  
nium rerum est jucundissimum:  
hic vero via illa ad laudem &  
dignitates obtinendas, maxi-  
mæ parti civium præclusa est.  
Quid autem est, si hoc non est  
incommodum? Dicam. Senten-  
tiam ejus quem contemnimus,  
nostræ prælatam videre; sa-  
pientiam nostram in conspectu  
nostro negligi; incerto certami-  
ne inanis gloriæ, certissimas  
suscipere inimicitias; (hoc enim  
declinari non potest, si ve-  
rimus, si vincamur;) odisse  
& odio esse ob dissimilitudinem  
opinio-

Cap. X. IMPERIUM. 265  
 opinionum ; concilia & vota  
 nostra ubi non est opus , sine  
 fructu omnibus patefacere ; rem  
 domesticam negligere : Hæc ,  
 inquam , incommoda sunt . Abes-  
 se verò à certamine ingenio-  
 rum , quamquam ea certamina  
 faciendis jucunda sint , non est  
 ideo illis incommodum , nisi  
 etiam viris fortibus incommo-  
 dum dicemus esse pugnâ prohi-  
 beri , propterea quod eâ dele-  
 ctantur .

X. Præterea multæ causæ *Delibera-*  
 sunt , quare minus rectè in ma- *tiones ci-*  
 gnis conventibus deliberatur , *viles ma-*  
 quam ubi consiliarii sunt pauci , *gnis ca-*  
 Quarum una est , quod ad re- *sibus ma-*  
 ctè deliberandum de omnibus *le com-*  
 quæ ad salutem civitatis condu- *mittun-*  
 cunt , cognitu necessaria sunt , *sur, prop-*  
 non modo ea quæ intus , sed *ter plu-*  
 etiam ea quæ foris sunt , intus *rimorum*  
 quidem quibus rebus , & unde *imperi-*  
 quæsitis , civitas alitur & defen- *tiarum.*  
 M                    datur ;

ditur ; quæ loca præfidiis habendis apta ; unde milites & habendi & alendi sint ; quis sit civibus animorum habitus versus principem , vel civitatis gubernatores , & multa similia. Foris autem , quanta & in quibus rebus sita sit potentia singularum civitatum vicinarum ; quid nobis ab illis commodi & incommodi proveniat ; qui affectus eorum & erga nos , & se invicem ; & quid quotidie apud eos consilii capiatur. Hæc autem quia paucissimi cognoscunt in numeroso cœtu hominum , maxima ex parte talium rerum imperitorum , ne dicam incapacium , quid numerus ille deliberantium ineptis sententiis contribuere ad consilia , aliud quam impedimentum potest.

*Propter  
eloquentiam.*

XI. Alia causa , quare magnus cœtus ad deliberationem minus idoneus sit , ea est , quod unus-

unusquisque eorum qui sententiam suam explicant, necesse habet perpetuâ & longâ uti oratione; eamque, existimationis causâ, audientibus, quantum potest, ornatam gratamque eloquentiâ reddere. Eloquentiæ autem munus est, *Bonum & malum, Utile & inutile, Honestum & inhonestum*, facere apparere majora vel minora, quam revera sunt, & *Justum* videri, quod *injustum* est, prout ad finem dicentis videbitur conducere. Hoc enim est persuadere; & quamquam ratiocinentur, non procedunt tamen à principiis veris, sed ab *εἰδοξοῖς*, id est, opinionibus jam vulgo receptis, quæ maxima ex parte erroneæ esse solent, neque orationem suam naturæ rerum, sed affectibus animorum convenientem esse student. Unde accidit, non recta

ratione, sed impetu animi sententias ferri. Neque est hoc *hominis*, sed ipsius *Eloquentiæ* vitium, cuius finis (ut magistri *Rhetoricæ* omnes docent) non veritas est, (nisi per accidens) sed victoria; & munus, non docere, sed suadere.

*Propter factiones.* XII. Tertia causa, quare in magno cœtu minus utiliter deliberatur, ea est, quod inde *factiones* in civitate oriantur, & ex *factionibus* seditio & bellum civile. Quando enim contrariis sententiis orationibusque pugnant æquales oratores, victus victorem, eosque una omnes qui illius sententiam sequuti sunt, tanquam consilium & sapientiam suam contempsissent, odit, studetque quomodo faciat, ut consilium adversarii exitum fortiat civitati damnosum; sic enim sibi restitutum, illi ademtum gloriam iri videt.

videt. Præterea ubi suffragia non sunt ita inæqualia, quin spes victis sit, posse se in conventu alio, accessione paucorum hominum sibi consentientium, partes habere superiores, ibi præcipui eorum cæteros convocant; seorsum deliberant, quomodo sententiam ante latam abrogare possint; statuunt inter se ad proximum conventum frequentes & primi adesse; disponunt quid quisque, & quo ordine dicere debeat, ut res denuo agitetur, & quod frequentibus adversariis ratum, id iisdem, aliqua ex parte, per negligentiam absentibus, fiat irritum. Atque hujusmodi industria diligentiaque, quâ utuntur ad *faciendum* populum, *factio* appellari solet. Quando autem *factio* suffragiis minor, viribus major vel non multo minor est, tunc quod

eloquentiâ & arte obtinere non potuere, id armis tentant, & bellum nascitur civile. Sed hæc, dicit aliquis, non necessario, nec sæpe accidunt. Idem dicere posset, Oratores non esse necessario cupidos gloriæ, & non sæpe in magnis rebus magnos oratores dissentire.

Propter  
instabili-  
tatem le-  
gum.

XIII. Sequitur ex his, ubi legum ferendarum potestas summa ad conventus tales defertur, leges instabiles esse, mutarique, non ad mutationem status rerum, neque ad mutationem animorum, sed prout major numerus hominum nunc ex hac, nunc ex illâ *factione* confluxerit ad *curiam*; ita ut leges ibi, tanquam super undas, huc illuc fluctuent.

Propter  
defectum  
taciturni-  
tatis.

XIV. Hoc etiam quarto loco deliberationes magnorum cœtum incommodi habent, quod civitatis consilia, quæ ta-  
cita



cita esse sæpissimè permagni interest, antè ad inimicos proferrantur, quam possint perducì ad effectum; & quid possit, quid non possit, quid velit, quid nolit, exploratum externis sit, non minus quam ipsi *imperanti* *populo*.

XV. Incommoda hæc quæ in deliberationibus magnorum conventuum reperiuntur, eatenus *Monarchiam Democratiâ* meliorem esse evincunt, quatenus in *Democratiâ* res maximi momenti, talibus conventibus discutiendæ sæpius committuntur, quam in *Monarchiâ*; nec enim aliter fieri facile potest. Nihil enim est propter quod non malit quisquam *rei familiaris* potius, quam *publicæ* vacare, præterquam quòd locum esse videt facundiæ suæ, qua possit ingenii & prudentiæ existimationem acquirere, & do-

*Ea incommoda Democratiâ adhaerere, quatenus homines naturaliter delectantur existimatione ingenii.*

mum reversus apud amicos; parentes, uxoresque, re bene gesta, triumphare; sicut olim *Marco Coriolano* omnis à factis bellicis jucunditas in eo sita erat, quod videret laudes suas placere matri. Quod si in *Democratia* populus deliberationes de bello & pace & de legibus ferendis ad unum tantum, vel valde paucos deferre vellet, contentus nominatione magistratum, & ministrorum publicorum, hoc est, autoritate sine ministerio, tunc fatendum est, *Democratiam* & *Monarchiam* hac in re æquales fore.

*Incommoda civitatis ex Rege puerro.*

XVI. Neque commoda vel incommoda, quæ magis in una quam in alia civitatis specie reperiuntur, ex eo procedunt, quod ipsum imperium, seu imperii negotia administranda melius uni quam pluribus, vel contra, pluribus quam paucioribus

com-

committuntur. Nam imperium *potentia*, administratio gubernandi *actus* est; *potentia* autem in omni civitatis specie æqualis est; soli *actus* differunt, hoc est, *motus* atque *actiones* civitatis, prout proveniunt à plurium vel pauciorum, peritorum vel imperitorum deliberationibus. Ex quo intelligitur, regiminis commoda & incommoda, non illum in quo residet civitatis auctoritas, sed imperii ministros sequi; ideoque nihil impedire, quin civitas recte gubernari possit, quamquam *Monarcha* femina vel puer vel infans sit, modo ii negotiis pares sint, qui ministeriis & muneribus publicis præfecti sunt. Atque id quod dicitur, *væ regno cujus Rex Puer est*, non significare *Monarchie* conditionem statu populari inferiorem esse, sed contra nimirum incommoditatem Regni

per accidens esse, quod *Rege puero* accidat quandoque, ut multis per ambitionem & vim in consilia publica sese intrudentibus, civitas administratur *Democratice*, atque ex eo nasci infelicitates illas, quæ *imperium populi* maxima ex parte comitantur.

*Monarchica præstantia signum, potestas Ducum castrensis.*

XVII. Signum autem quod *Monarchia* absolutissima, civitatis fit optimus omnium status, manifestissimum illud est, quod non solum Reges, sed etiam civitates illæ quæ *populo & optimatibus* subjectæ sunt, non nisi uni soli totum belli imperium deferunt, idque ita absolutum, ut nihil possit esse amplius: (in quo obiter notandum quoque hoc est, quod Rex nullus *Duci* plus imperii in exercitum concedere, quam ipse in cives omnes exercere jure possit.) *Monarchia* itaque omnium optimum

mum in castris regimen est. Quid autem aliud sunt plures respublicæ, quam totidem castra præfidiis & armis contra se invicem munita? quorum status (quia nulla communi potentia coercentur, utcunque incerta pax tanquam induciæ breves, intercedat) pro statu naturali; hoc est, pro statu belli habendus est?

XVIII. Postremò quoniam ad conservationem nostram, subditos nos esse alicui homini vel concilio necessarium erat, optimâ conditione illi subjicimur, cujus interest, ut salvi & sani simus. Atque hoc fit, quando imperantis hæreditas sumus; unusquisque enim sponte suâ hæreditatem suam conservare studet. Sunt autem civium non fundi & pecuniæ, sed corpora & animi vegeti, principum divitiæ: id quod facile concedetur

*Optimus status civitatis est, ubi cives imperantis sunt hæreditate*

tur ab iis qui animadvertunt, quam magnis pecuniis parvarum civitatum dominiã æstimantur, & quanto facilius homines pecuniam, quam pecunia homines acquirit. Neque exemplũ facile occurrit subditi alicujus à Principe suo, vitã vel bonis, sine culpa propria, per solam licentiam imperii spoliati.

*Aristo-  
cratia  
tantò me-  
lior est,  
quantò  
Monar-  
chia pro-  
pior; pe-  
jor, quan-  
tò ab ea  
remotior.*

XIX. Huc usque facta est comparatio inter statum *Monarchicum & Popularem*; de *Aristocratiã* tacitum est. De hac, ex iis quæ de illis dicta sunt, videtur concludi posse, quæ hæreditaria est, & quæ contenta Magistratum electione, deliberationes ad paucos, & maximè idoneos transmittit, & simpliciter quæ *Monarcharum* regimen maximè, *populi* minimè imitatur, eam civibus singulis & meliorem, cæteris & diuturniorem esse.

CAP.

CAPUT XI.

*Loca & exempla Scripturae sacrae  
de jure Regni, quae secunda  
videntur antedictis.*

- I. *Initium civitatis institutivae, à consensu populi. II. Judicia & Bella dependere ab arbitrio imperantium summorum. III. Eos qui summum imperium habent, jure puniri non posse. IV. Sine summo imperio non esse Civitatem, sed Anarchiam. v. Servos & Filios debere Dominis & Parentibus simplicem obedientiam. VI. Absolutum imperium evidentissimis tam Novi quam Veteris Testamenti locis comprobatum.*

I. **I**nitium civitatis instituti- Initium civitatis instituti-  
væ, five politicae, cap. 6. art. 2. à consensu multitudinis ita derivavimus, ut omnes consentire, vel pro hostibus censeri oportere appareat. Tale fuit ini-  
væ à consensu populi.

278 IMPERIUM. Cap. XI.  
initium Regni Dei super Ju-  
dæos institutum per Moysen. Si  
audieritis vocem meam, &c. eri-  
tis mihi in regnum Sacerdotale,  
&c. Venit Moyses, & convoca-  
tis majoribus natu populi, &c.  
responditque omnis populus simul:  
cuncta quæ loquutus est Dominus,  
faciemus. Tale quoque fuit ini-  
tium potestatis Moysis sub Deo,  
sive potestatis proregiæ. Cunc-  
tus populus videbat voces, &  
lampades, &c. dicentes Moysi:  
Loquere tu nobis, & audiemus.  
Simile erat initium regni Sau-  
lis. Videntes autem, quod Naas  
Rex filiorum Ammon venisset ad-  
versum vos, dixistis mihi; Ne-  
quaquam, sed rex imperabit no-  
bis, cum Dominus vester regna-  
ret in vobis. Nunc ergo præsto est  
rex vester, quem elegistis & pe-  
tivistis. I. Sam. 12. vers. 12. Con-  
sentientibus autem non omni-  
bus, sed majore parte, ( nam  
erant



Cap. XI. IMPERIUM. 279

erant *Filii Belial*, qui *dixerunt*,  
*Num salvare nos poterit iste; &*  
*despexerunt eum.* I. Sam. 10.  
vers. 27.) illi qui non consen-  
serunt, tanquam hostes ad ne-  
cem quærebantur. *Quis est* (ait  
populus ad Samuelem) *qui di-*  
*xit, Saul non regnabit super nos:*  
*date viros, & interficiemus eos?*  
I. Sam. 11. vers. 12.

II. Eodem capite 6. articu-  
lis 6. & 7. ostensum est, tum  
*Judicia*, tum *Bella*, ab arbitrio  
dependere ejus qui summum  
habet in civitate imperium; id  
est, in *Monarchiâ* unius *Monar-*  
*chæ*, sive *Regis*. Id autem con-  
firmatur *judicio* ipsius populi.  
*Erimus nos quoque sicut omnes*  
*gentes, & JUDICABIT nos rex*  
*noster, & egredietur ante nos, &*  
*pugnabit BELLA nostra pro no-*  
*bis.* I. Sam. 8. vers. 20. Et testi-  
monio *Regis Salomonis*, quod  
attinet ad *judicia*, & ad omnia  
de

*Judicia*  
& *Bella*  
depende-  
re ab ar-  
bitrio im-  
peran-  
tium sum-  
morum.

280 IMPERIUM. Cap. XI.  
de quibus disputari potest, an  
sint *bona* an *mala*. *Dabis ergo*  
*servo tuo cor docile, ut populum*  
*tuum* JUDICARE possit, & dif-  
cernere inter BONUM & MA-  
LUM. I. Reg. 3. vers. 9. Et Ab-  
salonis, *Non est qui te audiat*  
*constitutus à Rege*. 2. Sam. 15.  
vers. 3.

Eos qui  
summum  
imperium  
habent  
jure puni-  
ri non  
posse.

III. Quod Reges puniri à  
subditis non possint, sicut osten-  
sum est supra, cap. 6. art. 12.  
confirmat Rex David, qui cum  
quæreretur à Saule ad mortem;  
abstinuit tamen à cæde ejus,  
prohibuitque Abisaium dicens,  
*Ne interficias eum; quis enim ex-*  
*tendet manum suam in Christum*  
*Domini, & innocens erit?* I  
Sam. 22. vers. 9. Et cum præ-  
cidisset oram chlamydis ejus,  
*propitius (inquit) mihi sit Do-*  
*minus, ne faciam banc rem Do-*  
*mino meo, Christo Domini, ut*  
*mittam manum meam in eum*. I.  
Sam.

Sam. 24. vers. 7. Et *Amalekitam* qui *Saulem*, quamquam in ipsius gratiam, interfecerat, iussit tamen interfici. 2.Sam. 1. vers. 15.

IV. Quod habetur Judic. Sine summo Imperio non esse Civitatem, sed Anarchiam. cap. 17. vers. 6. *In diebus illis non erat Rex in Israël, sed unusquisque quod sibi rectum videbatur, hoc faciebat, tanquam ubi non sit Monarchia, ibi sit Anarchia, (seu confusio omnium rerum): adduci posset ad probandum excellentiam Regni supra omnes alias civitatis formas; nisi quod per vocem Rex, possit forte intelligi non modo unus homo, sed etiam una curia, modo summum in ea resideat imperium. Quod si sic accipitur, hoc tamen inde efficitur, ut sine summo & absoluto imperio (quod toto capite sexto probare conati sumus) cuilibet licebit quicquid libebit, sive quic-*

quicquid sibi rectum videbitur; quod stare non potest cum con-  
 servatione generis humani ,  
 ideòque imperium summum ex  
 lege naturæ in omni civitate  
 intelligitur existere alicubi.

*Servos &  
 filios de-  
 bere do-  
 minis &  
 parenti-  
 bus sim-  
 plicem  
 obedien-  
 tiam.*

V. *Servos Dominis simpli-  
 cem debere obedientiam dixi-  
 mus , cap. 8. art. 7. 8. & filios  
 patribus , cap. 9. art. 7. Idem  
 dicit sanctus Paulus. Nimirum  
 de servis , Servi , obedite per  
 OMNIA Dominis carnalibus, non  
 ad oculum servientes, quasi ho-  
 minibus placentes, sed in simpli-  
 citate cordis timentes Deum.  
 Col. 3. vers. 20. De Filiis;  
 Filii obedite parentibus per OM-  
 NIA; hoc enim placitum est in  
 Domino. Col. 3. vers. 22. Sicut  
 autem nos per simplicem obe-  
 dientiam intelligimus OMNIA  
 quæ non sunt contra leges  
 Dei, ita in locis illis sancti  
 Pauli citatis, post vocem OM-  
 NIA;*

NIA , subintelligendum est ,  
*præter ea quæ sunt contra leges  
 Dei.*

VI. Sed ne jus Principum Absolutum imperium evidentiſſimis tam novi quam veteris Testamenti locis comprobatur. minutatim persequar, ea jam producam quæ totam potestatem eorum (nempe deberi iis à subditis suis obedientiam simplicem & absolutam) simul stabiliunt. Et primum ex novo Testamento : *Super cathedram Moysis sederunt Scribæ & Pharisei.* OMNIA ergo quæcunque dixerint vobis, servate & facite. Matth. 22. vers. 2. Omnia, inquit, facite, hoc est, obedite simpliciter. Quare? quia sedent super cathedram Moysis, nimirum, principis civilis, non Aaronis Sacerdotis. Omnis anima potestatibus sublimioribus subdita sit; non est enim potestas nisi à Deo. Quæ autem sunt, à Deo ordinatæ sunt. Itaque qui resistit potestati, Dei ordinationi resistit.

*resistit. Qui autem resistunt, ipsi sibi damnationem acquirunt, &c. Rom. 13. vers. 1. &c. Quoniam ergo potestates quæ erant tempore sancti Pauli, à Deo ordinatæ fuerint, omnes autem Reges eo tempore requirebant à subditis suis integram obedientiam, sequitur, talem potestatem à Deo fuisse ordinatam. Subjecti igitur estote omni humanæ ordinationi propter Deum, sive Regni quasi præcellenti, sive ducibus tanquam ab eo missis ad vindictam malefactorum, laudem vero bonorum: quia sic est voluntas Dei. 1. Pet. 2. vers. 13. Rursus sanctus Paulus ad Titum; Admone illos, Principibus & potestatibus subditos esse, dicto obedire. Cap. 3. vers. 1. Quibus Principibus? nonne Principibus temporum illorum, qui obedientiam exigebant simplicem? Deinde, ut*

*venia;*

veniamus ad exemplum ipsius Christi, cui jure hæreditario à Davide derivato, debebatur regnum Judæorum, is cum more subditi viveret, tributum *Cæsari* & pendebat, & *Cæsaris* esse pronunciabat: *Reddite* (inquit) *quæ sunt Cæsaris, Cæsari, & quæ sunt Dei, Deo.* Matth. 22. vers. 21. Idem, cum placuisset ei Regem agere, obedientiam integram requirebat. *Ite* (inquit) *in castellum quod contra vos est, & statim invenietis asinam alligatam, & pullum cum ea; solvite & adducite mihi: & si quis aliquid dixerit, dicite, quod Dominus his opus habet.* Matth. 21. vers. 2. Fecit igitur hoc jure Domini, sive Regis Judæorum. Tollere vero subdito bona sua, eo nomine quod *Dominus opus habet*, Imperium absolutum est. Loca Testamenti veteris in eandem

dem

dem sententiam evidentissima hæc sunt. *Tu accede, & audi CUNCTA quæ dixerit Dominus Deus noster tibi, loquerisque ad nos, & nos audientes faciemus ea.* Deut. 5. vers.

27. At sub vocem illam *cuncta*, integra continetur obedientia. Rursus ad *Josuen*: *Responderuntque ad Josuen, atque dixerunt; OMNIA quæ præcepisti nobis, faciemus, & quocunque miseris, ibimus; sicut obedivimus in CUNCTIS Moysi, ita obediemus & tibi; tantum sit Dominus Deus tuus tecum. sicut fuit cum Moysse.*

*Qui contradixerit ori tuo, & non obedierit CUNCTIS sermonibus, quos præceperis ei, moriatur.* Josu. vers. 16. Et parabola *Rhamni*: *Dixeruntque omnia ligna ad Rhamnum, Veni & impera super nos; quæ respondit iis, Si vere me regem constituitis, venite, & sub umbra mea requies-*



quiescite ; *sin autem non vultis ,  
egrediatur ignis de Rhamno , &  
devoret cedros Libani.* Jud. 9.  
vers. 14. Quorum verborum  
sententia est , acquiescendum  
esse dictis eorum quos vere Re-  
ges in nos constituimus , ni ve-  
limus incendio belli civilis con-  
sumi. Particularius autem des-  
cribitur potentia regia à Deo  
ipso per Samuelem. *Prædic iis  
jus Regis , qui regnaturus est  
super eos , &c. Hoc erit jus Re-  
gis qui imperaturus est vobis :  
Filiis vestros tollet , & ponet in  
curribus suis , &c. Filias quo-  
que vestras faciet sibi unguenta-  
rias , &c. Oliveta optima tollet ,  
& dabit servis suis , &c.* 1. Sam.  
8. vers. 8. &c. Nonne est po-  
tentia hujusmodi absoluta ? ve-  
runtamen ab ipso Deo appel-  
latur JUS REGIS. Neque vide-  
tur quisquam , ne *Sacerdos* qui-  
dem *summus* apud Judæos , ab  
obe-

288 IMPERIUM. Cap. XI.  
obedientia hac exemptus fuisse. Ubi enim *Abiatharo Sacerdoti dixit Rex*, nimirum *Salomon*) *Vade in Anathot ad agrum tuum, equidem vir mortis es: sed hodie te non interficiam; quia portasti arcam Domini Dei coram David patre meo, & sustinisti laborem in omnibus, in quibus laboravit pater meus: & eiecit Salomon Abiatharum, ut non esset Sacerdos Domini: 1. Reg. 2. vers. 26.* Nullo argumento colligi potest, factum illud Deo displicuisse; neque enim reprehendi Salomonem, aut personam ejus eo tempore parum Deo acceptam fuisse legimus.

---

## C A P U T XII.

*De causis internis civitatem dissolventibus.*

1. Judicationem boni & mali ad singulos pertinere, *seditiosa opinio.*

*nio.* II. Peccare subditos obediendo Principibus suis, *seditiosa opinio.* III. Tyrannicidium esse licitum, *seditiosa opinio.* IV. Subjectos esse legibus civilibus etiam eos qui habent summum imperium, *seditiosa opinio.* V. Imperium summum posse dividi, *seditiosa opinio.* VI. Fidem & sanctitatem non studio & ratione acquiri; sed semper supernaturaliter infundi & inspirari, *seditiosa opinio.* VII. Civibus singulis esse rerum suarum proprietatem, si-ve dominium absolutum, *seditiosa opinio.* VIII. Ad seditionem disponit, *nescire differentiam inter populum & multitudinem.* IX. Ad seditionem disponit *exactio nimia pecuniarum, quamvis justa & necessaria.* X. *Ad seditionem disponit ambitio.* XI. *Ad seditionem disponit spes successus.* XII. *Virtus qua opus est ad seditiones excitandas, sola eloquentia est sine sapientiâ.* XIII. *Quomodo stultitia vulgi, & eloquentia ambitiosorum, con-*

*currunt ad rempublicam dissolvendam.*

*Judicium boni & mali ad singulos pertinere, seditiosa opinio.*

I. **H**Actenus quibus causis, & quibus pactis civitates constitutæ sint, & quæ sint imperantium in cives jura, dictum est. Jam quibus causis eadem dissolvantur, sive de causis seditionum, breviter dicendum est. Quemadmodum autem in motu corporum naturalium, considerata tria sunt, nimirum, *dispositio interna*, ut sint producendi motus susceptibilia: *Agens externum*, quo motus certus & determinatus actu producat; *Et ipsa actio*: Ita etiam in civitate, ubi cives tumultuantur, tria considerata occurrunt; primum *doctrinae & affectus* paci contrarii, quibus singulorum animi disponuntur; secundum, quales sunt qui jam dispositos ad successionem & arma sollicitant, convocant, dirigunt-

riguntque; tertium, modus quo id fit, sive ipsa *factio*. Doctrinarum autem quæ ad seditionem disponunt, una & prima hæc est; *Cognitionem de bono & malo pertinere ad singulos*. In statu quidem naturali, ubi jure æquali singuli vivunt, nec se per pacta sua aliorum imperio submiserunt, veram eam esse concedimus, imo cap. 1. art. 9. probavimus. Sed in statu civili, falsa est. Ostensum enim est, cap. 6. art. 9. Regulas *boni & mali, justi & injusti, honesti & inhonesti*, esse leges civiles, ideòque quod legislator præceperit, id pro *bono*; quod vetuerit, id pro *malo* habendum esse. Legislator autem semper is est, cujus est in civitate imperium summum, hoc est, in Monarchiâ Monarcha. Idem confirmavimus cap. 11. art. 6. ex verbis *Salomonis*. Siquidem enim

sequendum ut bonum, & fugiendum ut malum esset id quod singulis visum fuerit, quorum spectant verba ejus, *Dabis ser-vo tuo cor docile; ut populum tuum judicare possit, & discernere inter bonum & malum.* Quoniam ergo Regum est discernere inter *bonum & malum*, iniquæ sunt illæ, quamquam quotidianæ voces: *Regem esse, qui recte facit. Et Regibus non esse obtemperandum, nisi justa præceperint; & aliæ similes.* Ante imperia, *justum & injustum* non existere; ut quorum natura ad mandatum sit relativa; actioque omnis suâ naturâ adiaphora est. Quod *justa* vel *injusta* sit, à jure imperantis provenit. Reges igitur legitimi quæ imperant, *justa* faciunt imperando, quæ vetant vetando *injusta*. Privati autem homines dum cognitionem *boni & mali* ad se trahunt, cupiunt

cupiunt esse sicut Reges ; quod salva civitate fieri non potest. Omnium Dei præceptorum antiquissimum est , Gen. cap. 2. vers. 15. *De ligno scientiæ boni & mali ne comedas ; & antiquissima tentationum diabolicarum , cap. 3. vers. 5. Eritis sicut dii , scientes bonum & malum.* Et prima Dei cum homine expostulatio , vers. 11. *Quis indicavit tibi quod nudus esses , nisi quod ex ligno , de quo præceperam tibi ne comederes , comedisti ?* Quasi diceret , unde judicasti nuditatem , in qua visum est mihi te creare , inhonestam esse , nisi quod *cognitionem* Honesti & Inhonesti tute tibi arrogasti ?

II. Peccatum est quicquid quis fecerit contra conscientiam ; nam qui id faciunt , legem spernunt. Sed distinguendum est ; Peccatum meum est , quod faciens , peccatum meum

*Peccare subditos obediendo Principibus suis , seditiosa opinio.*

294 IMPERIUM. *Cap. XII.*  
esse puto ; quod vero peccatum alienum esse puto , possum quandoque sine peccato meo facere. Nam si jubeam facere quod peccatum jubentis est , modo qui jubet , jure Dominus meus sit , id si facio , non pecco : non enim si militavero jussu civitatis , putans bellum injustè susceptum esse , idcirco injustè fecero , sed potius si militare recusavero , cognitionem justì & injusti , quæ pertinet ad civitatem , mihi arrogans. Qui distinctionem hanc non observant , quotiescunque eis aliquid imperatum erit , quod illicitum vel est , vel videtur esse , incident in peccandi necessitatem. Nam facient contra conscientiam , si obediverint ; contra jus , si non obediverint. Si fecerint contra conscientiam , monstrant , se non metuere poenas futuri seculi ; si fecerint con-



contra jus, tollunt quantum in se est, societatem humanam, & vitam civilem seculi præsentis. Opinio igitur eorum qui docent, *peccare subditos, quoties mandata Principum suorum, quæ sibi injusta videntur esse, exsequuntur*; & erronea est, & inter eas numeranda quæ obedientiæ civili adversantur. Dependet autem ab originali illo errore quem supra præcedente articulo notavimus. Nam per judicium nostrum *boni & mali*, facimus ipsi, ut tam obedientia nostra, quam inobedientia sit peccatum.

III. Tertia doctrina seditiosa ab eâdem radice orta est, *Tyrannicidium esse licitum*. Imò hodie à nonnullis Theologis, & olim ab omnibus Sophistis, *Platone, Aristotele, Cicerone, Seneca, Plutarcho, cæterisque Græcæ & Romanæ Anarchiæ*

*Tyrannicidium esse licitum, seditiosa opinio*

fautoribus; non modo licitum, sed etiam maximâ laude dignum existimatum est. *Tyrannorum* autem nomine intelligunt non solum Monarchas, sed omnes eos qui imperium summum in quocunque genere civitatis administrant. Non enim Athenis *Pisistratus* tantum, qui solus imperium habuit, sed post eum Triginta-viri, qui simul dominati sunt, singuli *Tyranni* appellabantur. Sed is quem occidi, ut *Tyrannum*, volunt, vel jure imperat, vel absque jure; si absque jure, hostis est, & jure occiditur: sed dici debet hoc non *Tyrannicidium*, sed *hosticidium*; si jure imperium obtinet, locum habet interrogatio divina, *quis indicavit tibi, quod Tyrannus esset, nisi quod ex ligno de quo præceperam tibi, ne comederes, comedisti?* Quare enim appellas tu *Tyrannum*,

num, quem Deus Regem fecit; nisi tu privatus existens, cognitionem ad te trahas *boni & mali*? Quam pernicioſa verò civitatibus, præſertim vero *Monarchiis*, opinio hæc ſit, ex eo facile intelligitur, quod per eam quilibet *Rex*, ſive malus, ſive bonus, unius ſicarii & iudicio condemnandus, & manu jugulandus exponitur.

IV. Quarta ſocietati civili adverſa opinio eorum eſt, qui cenſent, *legibus civilibus ſubjectos eſſe etiam eos qui habent ſummum imperium*. Quam veram non eſſe ſatis oſtenſum eſt ſupra, c. 6. art. 14. ex eo quod civitas, neque ſibi ipſi, neque civi cuiquam obligari poteſt: non ſibi, quia nemo obligatur niſi alii; non civi, quia civium voluntates ſingulæ in voluntate civitatis continentur, ita ut ſi civitas ſe liberam à tali

*Subjectos eſſe legibus civilibus etiam eos qui habent ſummum imperium, ſeditioſa opinio.*

obligatione esse velit, etiam cives velint, & proinde libera fit. Quod autem de civitate verum est, id verum esse intelligitur de eo homine, vel coetu hominum, qui summam habet potestatem; illi enim civitas sunt, quæ nisi per summam eorum potestatem non existit. Quod autem opinio hæc cum essentia civitatis consistere non possit, ex eo patet, quod per eam *cognitio justii & injustii*, hoc est, quid sit, quid non sit, contra leges civiles, definire, ad singulos rediret. Cessabit ergo obedientia, quoties imperatum aliquod videbitur contra leges, atque unà omnis potestas coactiva, quod salvâ civitatis essentiâ fieri non potest. Magnos tamen habet error hic fautores, *Aristotelem* & alios, qui propter impotentiam humanam, civitatis potestatem summam,

nam, solis legibus deferendam esse arbitrantur. Videntur autem in naturam civitatis parum profunde inspexisse, qui potestatem coactivam, legum interpretationem, & legum latitudinem (quæ necessariæ civitati potestates sunt) ipsis legibus relinquendas esse existimaverint. Quamquam autem cives singuli cum ipsa civitate contendere judicio, & lege agere interdum possint, id tamen locum habet tunc solum, quando quæstio non est de eo quod civitas possit, sed de eo quod certâ quâdam lege voluit. Ut, cum de capite civis agitur quacunque lege, quæstio non est, an civitas jure suo absoluto vitam ejus tollere possit, sed an per legem illam tollendam esse voluerit. Voluit autem, si legem violavit, alioqui noluit. Quod igitur civitas suis ipsis

legibus obstricta sit, non satis argumenti est, quod actio legis competat civi adversus civitatem. In contrarium, patet, civitatem suis ipsius legibus non teneri, quia nemo obligatur sibi. Ponuntur ergo leges *Titio & Caio*, non civitati: utcunque ambitione jurisconsultorum factum sit, ut leges non ab autoritate civitatis, sed ab eorum prudentia dependere, imperitis videantur.

*Impe-  
rium  
summum  
posse di-  
vidi, se-  
ditiosa o-  
pinio.*

V. Quinto, *Imperium summum dividi posse*, exitiosissima civitatis doctrina est. Alii autem aliter dividunt. Sunt enim qui ita dividunt, ut summum imperium in iis rebus quæ ad pacem & commoda hujus vitæ pertinent, potestati civili concedant; in iis vero quæ ad salutem animæ spectant, in alios transferant. Contingit autem, quia justitia ad salutem maxi-  
mè

mè omnium rerum necessaria est, ut cives justitiam metientes, non sicut debent, per leges civiles, sed per mandata & doctrinas eorum qui respectu civitatis vel privati sunt, vel externi, superstizioso metu obedientiam Principibus debitam præstare nolint; ipso metu in id quod metuunt, incidentes. Quid autem perniciosius civitati esse potest, quam ut homines ne principibus, hoc est, ne legibus obediant, seu, ne justifint, æternorum cruciatuum intentione deterreantur? Sunt etiam qui summum imperium ita dividunt, ut potestatem summam Belli & Pacis, uni (quem *Monarcham* vocant) sed pecuniam imperandi jus, non illi, sed aliis tribuunt. Quoniam autem & belli & pacis nervi sunt pecuniæ, qui sic dividunt, aut non rem ipsam divi-

dividunt, sed imperium quidem illis dant, in quorum potestate est pecunia, nomen vero alteri; vel si dividunt, civitatem dissolvunt: neque enim bellum si opus est geri, neque pax publica sine pecunia conservari potest.

*Fidem & sanctitatem non studio & ratione acquiri, sed semper supernaturaliter infundi & inspirari, seditiosa opinio.*

VI. Vulgo docetur, *Fidem & sanctitatem non studio & ratione naturali acquiri, sed semper supernaturaliter hominibus infundi vel inspirari.* Quod si verum esset, non video quare rationem fidei nostræ reddere juberemur, aut cur is non sit Propheta, quisquis verè Christianus est; aut denique quare non unusquisque quid faciendum, & quid fugiendum sibi sit, ex propria potius inspiratione, quàm ex præceptis imperantium, aut recta ratione æstimeret. Reditur igitur ad *cognitionem privatam boni & mali, quæ*

con-



concedi non potest sine civitatum dissolutione. Opinio hæc adeo latè per orbem Christianum diffusa est, ut numerus Apostatarum à ratione naturali penè infinitus sit. Nata autem est ab insanis hominibus, qui Scripturarum lectione copiam verborum sacrorum nacti, ita ea concionando connectere soliti sunt, ut eorum oratio nihil significans, imperitis tamen hominibus divina videatur: cujus enim ratio nulla, oratio divina apparet, is necessariò divinitùs videbitur inspiratus.

VII. Septima civitatibus ad-  
 versa doctrina est, *Civibus sin-*  
*gulis earum rerum quas possident,*  
*absolutum esse Dominium.* Hoc  
 est, *proprietatem* talem, quæ jus  
 cæterorum omnium, non mo-  
 do concivium, sed etiam ipsius  
 civitatis in easdem res excludit.  
 Id quod verum non est. Nam  
 qui

*Civibus  
 singulis  
 esse rerum  
 suarum  
 proprietatem, si-  
 ve domi-  
 nium  
 absolutum, sedi-  
 tiosa opi-  
 nio.*

qui *Dominum* habent, *Dominium* non habent, ut probatum est c. 8. art. 5. Civitas autem civium omnium *Domina* est, ex constitutione. Ante susceptum jugum civile, nemini erat quicquam *juris proprii*, omnia omnibus *communia* erant; dic ergo, unde tibi *proprietas* hæc, nisi à civitate? Unde autem civitati, nisi quod unusquisque jus suum in civitatem transtulisset? Et tu ergo tuum jus civitati quoque concessisti. *Dominium* ergo & *proprietas* tua tanta est, & tamdiu durat, quanta & quamdiu ipsa vult. Sicut in familia filiorum singulorum *propria* sunt bona, quæ & quamdiu vult pater. Sed multo maxima pars hominum, qui prudentiam civilem profitentur, rationem aliter colligunt. *Æquales*, inquit, natura sumus; nulla causa est quare quis rem meam  
 mihi

mihî meliorem jure auferat, quam ego illi suam; scimus, ad defensionem publicam pecuniâ aliquando opus esse, sed qui eam exigunt, opus esse monstrent, & à volentibus, accipient. Nesciunt qui sic loquuntur, ea quæ fieri volunt, jam ab initio in ipsa civitatis constitutione facta esse; ideòque loquentem tanquam in multitudine dissoluta & nondum facta civitate, factam dissolvunt.

VIII. Ultimo loco Regimini civili adversatur, præsertim vero Monarchico, quod homines non satis distinguant inter *populum & multitudinem*. *Populus* est unum quid, unam habens voluntatem, & cui actio una attribui possit. Nullum horum de multitudine dici potest. *Populus* in omni civitate regnat; nam & in *Monarchiis* *populus* imperat, vult enim *populus* per voluntatem

*Ad seditionem disponit nescire differentiam inter populum & multitudinem.*

luntatem *unius hominis*. *Multitudo* vero cives sunt, hoc est, subditi. In *Democratia & Aristocratia*, cives sunt *multitudo*; sed *curia* est *populus*. Et in *Monarchia*, subditi sunt *multitudo*, & (quamquam paradoxum sit) *Rex* est *populus*. Vulgus hominum, & alii qui hæc ita esse minimè animadvertunt, de *magno numero* hominum semper loquuntur tanquam de *populo*, hoc est, de *civitate*; dicuntque rebellasse *civitatem* contra *regem* (quod est impossibile) & *populum* velle & nolle, quod volunt & nolunt molesti & musfitantes subditi, sub prætextu *populi*, *cives* contra *civitatem*, hoc est, *Multitudinem* contra *populum* animantes. Atque hæ ferè sunt opiniones, quibus imbuti cives faciles sunt ad tumultuandum; & si quidem majestas in omni civitate, ei vel eis confer-

confer-

conservanda sit, qui summum habet, vel habent imperium, his opinionibus crimen læsæ majestatis adhæret naturaliter.

IX. Animum humanum ægritudine afficit maximè omnium rerum *egestas*; sive earum rerum quæ ad vitam & dignitatem tuendam necessariæ sunt, *inopia*. Et quamquam nemo sit, qui nesciat, opes industriâ comparandas, & parcimoniâ conservandas esse, omnes tamen inopes culpam ab ignavia & luxuria propria in regimen civitatis, tanquam re privatâ publicis exactionibus detrita, transferre solent. Debent autem homines considerare; non modo laborandum esse iis quibus patrimonium non est, ut vivant, sed etiam pugnandum, ut laborent. Unusquisque Judæorum qui tempore *Esdra* muros *Hierusalem* ædificabant, unâ manu faciebatur

*Ad seditionem disponit exactio nimia parcuniarum, quamvis justa & necessaria.*

ciebat opus , alterâ tenebat gladium. In omni civitate cogitandum est , manum quæ gladium tenet , esse *Regem* , vel *curiam summam* , & ab industria civium , non minus alendam esse , illâ quâ quisque fortunam suam privatam fabricatur; *vectigalia* autem & *tributa* nihil aliud esse , præter mercedem eorum qui armati vigilant, ne industria singulorum incursum hostium impediatur; nec magis justam querimoniam esse eorum , qui paupertatem suam pensionibus publicis imputant , quam si dicerent , inopes se fieri propter solutionem debitorum. Sed nihil horum cogitat maxima pars hominum; patiuntur enim idem quod in morbo qui appellatur *Incubus* , qui ortus ab ingluvie, facit tamen homines putare se invadi , & magno pondere opprimi & suffocari. Quod autem

ii qui videntur sibi totâ civitatis mole oppressi, proni ad seditiones sint, quodque novis rebus delectentur quibus præsentēs nocent, satis per se manifestum est.

X. Altera animi ægritudo civitatibus noxia, eorum est, qui otio abundantes, carent dignitate. Ad honores & claritudinem naturâ quidem omnes contendunt, illi vero maximè qui minime rerum necessariorum sollicitudine distringuntur. Hos enim partim ad dissendendum inter se de republicâ, partim ad Historicorum, Oratorum, Politicorum, aliorumque librorum facilem lectionem otium cogit. Inde autem contingit, ut ad res maximi momenti administrandas, & ab ingenio, & à doctrina instructos se esse arbitrentur. Quoniam autem non omnes sunt, quod sibi

*Ad seditionem disponit ambitio.*

310 IMPERIUM. Cap. XII.  
sibi videntur esse, & si essent,  
non tamen omnes propter mul-  
titudinem ad munera publica  
adhiberi possent, necesse est  
multos præteriri. Hi igitur con-  
tumeliam sibi fieri existimantes,  
nihil magis in votis habere pos-  
sunt, tum invidiâ in sibi præ-  
latos, tum emergendi spe, quam  
ut consilia publica eventus in-  
felices fortiantur. Ideoque mi-  
rum non est, si rerum novarum  
occasiones cupidis animis ope-  
riantur.

*Ad sedi-  
tionem  
disponit  
spes suc-  
cessus.*

XI. Inter affectus seditiosos  
numeranda est etiam *spes vin-  
cendi*. Sint enim homines quan-  
tum quis voluerit, opinionibus  
paci & regimini civili repu-  
gnantibus imbuti, sint quan-  
tum fieri potest, injuriis & con-  
tumeliis, ab iis qui in authori-  
tate sunt, læsi, & laceffiti, si ta-  
men *vincendi spes* nulla, aut  
non satis magna appareat, nul-  
la



la sequetur seditio; dissimulabunt singuli, & gravia potius ferent quàm graviora. Ad hanc *spem* necessariò requiruntur quatuor, *numerus, instrumenta, mutua fiducia, & Duces*. Sine *numero* magno Magistratibus publicis resistere non seditio, sed desperatio est. Per *instrumenta* intelligo *arma & com-  
meatum*, quæ si absint, *numerus* nihil valet, sicut neque *arma* sine *mutuâ fiducia*, neque hæc omnia sine *unione, sub Duce* aliquo, cui obedire, non ut obligati quod se ipsius imperio submiserint, (supposuimus enim hoc ipso capite, hujusmodi homines nescire se obligari ultra id quod sibimet ipsis rectum & bonum visum fuerit,) sed propter existimationem virtutis, & prudentiæ militaris, vel similitudinem affectuum, sponte velint. Quatuor hæc si hominibus præ-

312 IMPERIUM. Cap. XII.  
præsentia molestè ferentibus ,  
& jus actionum suarum proprio  
iudicio metientibus , in propin-  
quo sint, ad seditionem & civi-  
tatis confusionem præterea ni-  
hil deest præter aliquem , qui  
*ipso acuat & concitet.*

*Virtus  
quæ opus  
est ad se-  
ditiones  
excitan-  
das, sola  
eloquen-  
tia est sine  
sapientia.* XII. *Catilinæ*, quo nemo un-  
quam magis ad seditiones fac-  
tus fuit, character apud *Sallus-  
tium* hic est, quod haberet elo-  
quentiæ satis, sapientiæ parum.  
Separat ille sapientiam ab elo-  
quentia, hanc homini ad turbas  
nato, ut necessariam attribuens,  
illam ut pacis dictatricem abju-  
dicans. *Eloquentia* autem du-  
plex est, altera sententiæ &  
conceptuum animi perspicua &  
elegans explicatrix, oriturque  
partim à rerum ipsarum con-  
templatione, partim à verbo-  
rum in propria & definita si-  
gnificatione acceptorum intel-  
ligentia; altera est affectuum  
ani-

animi ( quales sunt *spes, metus, ira, misericordia* ) commotrix, oriturque ex usu verborum metaphorico, & ad affectus accommodato. Illa ex veris principiis; hæc ex jam receptis opinionibus, qualescunque eæ sint, orationem texit. Illius ars Logica; hujus Rhetorica est. Illius finis veritas est; hujus victoria. Utraque suum usum habet, illa in deliberationibus; hæc in hortationibus. Illa enim à *sapientia* nunquam disjungitur; hæc verò ferè semper. Quod autem hujusmodi *eloquentia potens*, separata à rerum scientia, hoc est, à sapientia; verus character sit eorum qui populum ad res novas sollicitant & concitant, ex ipso opere quod faciendum habent, facile colligitur. Neque enim imbuere populum absurdis illis opinionibus paci & societati civili

O vili

314 IMPERIUM. Cap. XII.  
vili contrariis possent, nisi ipsi  
easdem tenerent; quod igno-  
rantia majoris est, quàm quæ  
possit cadere in hominem sa-  
pientem: quis enim qui nescit  
unde leges vim suam derivent?  
quæ sint *justi, injusti, honesti,*  
*inhonesti, boni, mali,* regulæ?  
quid pacem inter homines con-  
ciliet & conservet, quid def-  
truat? quid sit *suum,* quid *alie-*  
*num?* quid denique sibi fieri ve-  
lit (ut idem alteri faciat) vel  
mediocriter sapiens existiman-  
dus est? Quod autem auditores  
suos, ex stultis insanos reddere  
possunt; quod facere possunt ut  
quibus malè est, pejus, quibus  
rectè, malè esse videatur; quod  
spem amplificare, pericula ex-  
tenuare, præter rationem iidem  
possunt, id ab eloquentia ha-  
bent, non ad ea, quæ res sicut  
sunt, ita explicat, sed ab altera  
illa quæ commovendo animos,  
facit

facit apparere omnia, qualia ipsi animis prius commotis ea conceperunt.

XIII. Ad disponendum civium animos ad *seditiones*, multi etiam eorum qui bene erga civitatem affecti sunt, dum dictis opinionibus conformem doctrinam adolescentibus in scholis, & omni populo è cathedris insinuant, per inscitiam cooperantur. Qui vero dispositionem illam in actum perducere volunt, totum ambitionis laborem in eo ponunt, primum ut male affectos in *factionem* & *conspirationem* conjungant; deinde ut ipsi in *factione* plurimum polleant. In *factionem* conjungunt, dum internuncios se & interpretes faciunt consiliorum & actionum singulorum, nominantque personas & loca ad conveniendum, & de iis rebus, quibus regimen civitatis,

*Quomodo  
stultitia  
vulgi, &  
eloquen-  
tia ambi-  
tiosorum,  
concur-  
rans ad  
Republi-  
cā  
dissolven-  
dam.*

prout sibi videbitur commodum, reformetur, deliberandum. Ut vero in *factione* ipsi dominantur, *factio* in *factione* habenda est; scilicet seorsim cum paucioribus conventus secretos habere oportet, ubi ordinare possint, quid postea in conventu generali proponendum sit, & à quibus, & quid quisque eorum, & quo ordine debeat dicere, & quomodo potentissimos & existimatione apud *factionis* vulgus florentissimos ad suam sententiam possint trahere. Atque hoc modo cum *factionem* satis magnam habeant, in qua per eloquentiam dominantur, incitant eam ad res capessendas, atque ita rempublicam aliquando quidem opprimunt, nimirum, cum *factio* contraria nulla sit, plerumque vero lacerant, & bellum civile introducunt. Con-

cur-

currunt enim *stultitia* & *eloquentia* ad subversionem civitatis, eo modo quo conspirarunt quondam (ut est in fabula) filiaë *Peliæ* Regis *Theſſaliæ* cum *Medeâ*, contra patrem suum. Volentes illæ decrepito seni restituere adolescentiam; consilio *Medeæ* in frustra concisum igni coquendum imponunt, exspectantes frustra dum revivisceret. Eodem modo vulgus stultitiâ suâ, velut puellæ *Peliæ*, cupientes civitatem veterem renovare, ducti *eloquentia* ambitiosorum hominum tanquam veneficio *Medeæ*, eam *factionibus* divisam incendio sæpius consumunt quàm reformant.

---

C A P U T XIII.

*De officiis eorum qui summum imperium administrant.*

- I. *Distinguitur summi imperii jus ab exercitio.* II. *Salus populû*  
 O 3 *supre.*

*suprema lex. III. Imperantium est respicere ad utilitatem plurimum communem, non ad hujus vel illius propriam. IV. Per salutem intelligi omnia commoda. V. Queritur an Regum officium sit salutem animarum civium suorum providere, prout ipsis secundum conscientiam propriam optimum videbitur. VI. Salus populi in quo consistat. VII. Exploratores necessarios esse ad defensionem populi. VIII. Milites, arma, præsidia, pecuniam tempore pacis parata habere, necessarium etiam ad defensionem populi. IX. Recta institutio civium in doctrina civili, paci conservandæ necessaria. X. Onera publica æqualiter distribuere, paci conservandæ conducibile. XI. Æquitatis naturalis esse, ut pecuniæ taxentur, pro ratione eorum quæ quisque consumit, non quæ possidet. XII. Ad pacem conservandam conducere, ambitiosos premere. XIII. Et factiones dissolvere. XIV. Ad locupletandos cives conducere leges,*



ges, quibus artes lucrativæ foveantur, & quibus sumtus coercantur. xv. Non esse plura ex legibus definienda, quam postulat civium & civitatis commodum. xvi. Pœnas non majores sumendas quam quæ legibus præfinitæ sunt. xvii. Civibus contra judices corruptos jus reddendum.

I. **A**pparent ex hætenus distinctis in unoquoque civitatis genere *officia* civium & subditorum; & quid summi imperantes in eos possint. Ipsorum autem imperantium *officia*, & quo modo in subditos gerere se debeant, nondum dictum est. Distinguendum autem est inter summi imperii *jus* & *exercitium*. Possunt enim separari, ut puta, cùm is qui habet *jus*, vel non possit, vel nolit litibus judicandis, vel rebus deliberandis, ipse interesse. Reges enim aliquando per ætatem res

O 4

gere-

*Distin-  
guitur  
summi  
Imperii  
jus ab  
exercitio*

gerere non possunt, quandoque etiam etsi possunt, rectius tamen esse judicant, contenti electione ministrorum & consiliariorum, imparium per eos exercere. Ubi autem separantur *jus & exercitium*, ibi regimen civitatis simile est regimini mundi ordinario, quo Deus, primus omnium motor, effectus naturales producit per ordinem causarum secundarum. Ubi vero, qui jus regni obtinet, omnibus judiciis, consultationibus, actionibusque publicis ipse interesse vult, ibi administratio talis est, ac si Deus præter naturæ ordinem, se ipsum ad materiam omnem immediatè applicaret. De *officiis* igitur eorum qui summum imperium, sive proprio, sive alieno jure administrant, hoc capite summatim & breviter dicemus. Neque enim instituti  
mei

mei est, in ea descendere quæ Principes alii ab aliis diversa agere possint; hoc enim politicis practicis in singulis civitatibus relinquendum est.

II. Imperantium autem officia omnia hoc uno dicto continentur: *Salus populi suprema*

*lex.* Quamquam enim ii qui summum inter homines imperium obtinent, legibus propriè dictis, hoc est, hominum voluntati subjici non possunt; quia summum esse, & aliis subjici, contradictoria sunt, officii tamen eorum est rectæ rationi, quæ lex est naturalis, moralis, & divina, quantum possunt, in omnibus obedire. Quoniam autem imperia pacis causa constituta sunt, & pax propter salutem quæsitâ, qui in imperio positus, eo aliter quam ad salutem populi uteretur, faceret contra pacis rationes, hoc est,

contra legem naturalem. Sicut autem salus populi legem dicat, per quam Principes cognoscunt *officium*; ita etiam artem docet, per quam iidem comparant beneficium. Potentia enim civium; potentia est civitatis, id est, ejus qui summum in civitate habet imperium.

*Imperansium est respicere ad utilitatem plurium communem, non ad hujus vel illius propriam.* III. Per populum intelligitur hoc loco, non persona una civilis, nempe ipsa civitas quæ regit, sed multitudo civium qui reguntur. Civitas enim non sui, sed civium causa instituta est. Neque tamen *hujus & illius* ratio habenda est, non enim imperans, quatenus talis, civium saluti aliter prospicit, quàm per leges, quæ universales sunt; ideoque *officio* satisfecit, si toto conatu id egerit, ut per salutare constitutiones quamplurimis rectè sit, &

& quam diutissimè ; neque male cuiquam , nisi suâ culpâ , aut casu cui provideri non potuerat ; expedit autem aliquando salutem plurimorum , ut male iis sit qui mali sunt.

IV. Per salutem autem intelligi debet non sola vitæ qualitercumq; conservatio, sed quatenus fieri potest vita beata. Nam eo fine homines in civitates institutas sponte coiere , ut possent , quantum conditio fert humana , jucundissimè vivere. Facerent ergo ii qui summum imperium in eo genere civitatis administrandum in se susceperunt , contra legem naturæ , quia contra fiduciam eorum qui imperii administrationem eis commiserunt , si non studerent , quantum legibus fieri potest , ut cives bonis omnibus , non ad vitam modo , sed etiam ad delectationem abunde

*Per salutem intelligi omnia commoda*

instruantur. Qui vero armis imperia acquisiverunt, cupiunt omnes, ut subditi sui viribus tam animi quam corporis idonei sint ut ipsis serviant; quare contra finem & scopum proprium facerent si non conarentur, ut iis non modo ea quibus vivere, sed etiam quibus fortes esse possint, præbeantur.

Quæritur, an Regum officium sit, salutem animarum civium suorum providere, prout ipsi secundam conscientiam propriam optimum videbitur.

V. Inprimis autem ad salutem æternam plurimum interesse Principes omnes credunt, quales de Deo teneantur opiniones, qualisque ei cultus exhibeatur. Quo supposito, quæri potest utrum summi imperatores, & quicumque sunt, five unus five plures, qui summum civitatis imperium administrant, non peccent contra legem naturæ, si talem doctrinam, & talem cultum quem ipsi civibus ad salutem æternam necessariò condu-

conducere credunt, non faciant doceri & exhiberi, vel contrariam doceri vel exhiberi permittant? Manifestum est facere eos contra conscientiam, & velle, quantum in se est, æternam civium perditionem. Nam, si non vellent, rationem non video, quare committerent, (cum summi existentes cogi non possint,) ut ea docerentur & facerent, propter quæ damnandos eos esse credunt. Difficultatem autem hanc in medio relinquemus.

VI. Commoda civium quæ hanc tantum vitam spectant, in quatuor genera distribui possunt. *Salus populi in quo consistat.* 1. ut ab hostibus externis defendantur. 2. ut pax interna conservetur. 3. ut quantum cum securitate publica consistere potest, locupletentur. 4. ut libertate innoxia perfruantur. Amplius enim ad felicitatem  
 civi-

civilem, quam ut à bello externo & civili tuti, opibus industriâ partis frui possint, summi imperatores conferre non possunt.

*Exploratores necessarios esse ad defensionem populi.*

VII. Ad defensionem populi duo necessaria sunt; *Promoveri* & *Præmuniri*. Status enim civitatum inter se *naturalis*, id est, hostilis est. Neque si pugnare cessent, idcirco Pax dicenda est, sed respiratio, in qua hostis alter alterius motum vultumque observans, securitatem suam non ex pactis, sed ex viribus & consiliis adversarii æstimat. Atque id jure naturali, ut capit. 2. articulo 10. ex eo quod pacta in statu naturali quoties justus metus intercedit sunt invalida, ostensum est. Necessarium igitur est ad civitatis defensionem, primum, ut sit qui omnium eorum qui civitati nocere possunt, quantum fieri potest,



Cap. XIII. IMPERIUM. 327

potest, confilia & motus *exploret & præsentiât*. Sunt enim sibi *exploratores* ad eos qui summum imperium administrant, idem quod radii lucis ad animam humanam; Atque in visione politica, quàm in naturali rectius dicemus, species rerum externarum sensibiles intelligibilesque ad animam, (hoc est, eos qui summum imperium civitatis administrant) ab aliis non animadversas per aërem transportari; Ideoque non minus necessarii sunt ad salutem civitatis, quam lucis radii ad salutem hominis. Vel si comparentur aranearum telis, quæ extensæ undiquaque subtilissimis filis, motus externos ipsis intus in cavernulis suis residentibus significant; non magis ii qui imperant, quid ad subditorum suorum defensionem imperato opus est, sine *explo-*

*exploratoribus*, quam illæ quando exeundum, & quo accurrendum sit, sine filis suis scire possunt.

*Milites,  
arma,  
præsidia,  
pecuniam,  
tempore  
pacis parata habere, necessarium etiam ad defensionem populi.*

VIII. Deinde ad defensionem populi requiritur necessario ut sint *præmuniti*. Præmuniti autem est; militibus, armis, classe, propugnaculis, antequam instet periculum, comparatis, & pecunia jam comportata instrui. Nam milites conscribere, arma conquirere, post acceptam cladem, si non impossibile, saltem serum est. Similiter propugnacula & præsidia non antè locis opportunis constituere, quam fines invadantur, simile est rusticorum, ut dixit Demosthenes, qui ignari artis gladiatoriae, ab una parte corporis ad aliam, ictibus moniti clypeos transferunt. Qui vero pecuniam ad milites alendos, & cæteras exercituum impen-

*Cap. XIII. IMPERIUM.* 329  
impensas, tunc imperari satis  
opportunè putant, quando pe-  
riculum incipit apparere, illi  
certè non considerant quam  
difficile sit tam magnam pecu-  
niæ vim ab hominibus tenaci-  
bus subito corradere. Nam om-  
nes ferè, quod semel in bonis  
suis numeraverunt, ita suum &  
sibi proprium esse judicant, ut  
injuriam sibi fieri putent, quo-  
ties vel minimam ejus partem  
coguntur in publicum erogare.  
Ex eo autem quod à portoriis  
& rerum venalium vectigali ad  
ærarium accedit, pecunia satis  
magna ad civitatem armis de-  
fendendam subito confici non  
potest. Pecunia itaque belli cau-  
sâ, si civitatem salvam esse vo-  
lumus, tempore pacis conge-  
renda est. Cum ergo explorare  
hostium consilia, arma & præsi-  
dia tepere, pecuniam in prom-  
tu habere, imperantibus ad sa-  
lutem

litem civium necessaria sint; salutem autem civium omni conatu procurare lege naturæ principes teneantur, sequitur, non modo licitum eis esse, exploratores emittere, milites alere, propugnacula ædificare, & pecuniam in eas res exigere, sed etiam ea non facere, illicitum. Quibus etiam addi potest quicquid ad potentiam externorum à quibus metuunt, vel arte vel vi minuendam, conducere videbitur: obligantur enim rectores civitatum, mala quæ metuunt, curare pro viribus, ne contingant.

*Recta institutio civium in doctrina civili, paci conservanda necessaria.*

IX. Ad conservationem autem Pacis internæ, multa requiruntur, quia multa concurrunt ( ut capite præcedente ostensum est ) ad eam perturbandam. Ostendimus ibi alia esse quæ disponunt animos ad seditionem, alia quæ dispositos movent

vent

*Cap. XIII. IMPERIUM.* 331  
vent & excitant. Inter ea quæ  
disponunt, numeravimus primo  
loco quasdam pravas doctrinas.  
Has igitur eradicare ex animis  
civium, & contrarias insinuare,  
officium eorum est, qui summa  
imperia administrant. Quoniam  
autem opiniones non imperan-  
do, sed docendo; non terrore  
pœnarum, sed perspicuitate ra-  
tionum animis hominum inse-  
runtur, leges quibus huic malo,  
obviandum est, non in errantes,  
sed in ipsos errores constituen-  
dæ sunt. Errores illi quos præ-  
cedente capite cum quiete civi-  
tatis consistere non posse affir-  
mavimus, in animos rudium ir-  
repererunt partim è concionato-  
rum cathedris, partim à sermo-  
nibus quotidianis hominum  
propter rei familiaris laxitatem  
studiis vacantium; & in animos  
horum à doctoribus adolescen-  
tiæ suæ in Academiis publicis.  
Qua-

Quare etiam vice versa, si quis sanam doctrinam introducere voluerit, incipiendum ei est ab Academiis. Illis fundamenta doctrinae civilis vera, & verè demonstrata jacienda sunt, quibus imbuti adolescentes, plebem postea privatim & publicè instruere possint. Id autem tanto alacrius, & potentius facient, quanto ipsi de veritate eorum quæ docent & prædicant, certiores erunt. Siquidem enim propositiones propter consuetudinem audiendi, quamquam falsæ, nec magis intelligibiles, quam si quis vocabula sorte ex urna extracta copularet, hodie receptæ sunt, quanto magis imbibent homines, propter eandem causam, doctrinas veras, intellectui suo & rerum naturæ conformes? Officii igitur summorum imperantium esse arbitror, Elementa vera doctrinae  
civi-

civilis conscribi facere, & imperare ut in omnibus civitatis Academiis doceantur.

X. Secundo loco disponere cives ad seditionem ostendimus, ægritudinem animi ab egestate; quam quidem egestatem licet à luxuria vel ignavia propria profectam, imputant tamen iis qui regunt civitatem, tanquam pensionibus publicis exhausti & oppressi. Fieri tamen potest aliquando ut querimonia illa iusta sit, nimirum cum onera civitatis civibus inæqualiter imponuntur. Quod enim omnibus simul leve onus est, si multi se subtrahunt, cæteris grave, imò intolerabile erit. Neque homines tam onus ipsum, quam inæqualitatem graviter ferre solent. Maxima enim ambitione de immunitate certatur, & in eo certamine minus felices magis felicibus tanquam victi invident.

*Onera  
publica  
æqualiter  
distribuere,  
paci  
conser-  
vanda  
conducibile.*

334 IMPERIUM. *Cap. XIII.*  
 dent. Ad tollendam ergo ius-  
 tam querimoniam, quietis pu-  
 blicæ interest, & per conse-  
 quens ad officium pertinet im-  
 perantium, ut onera publica æ-  
 qualiter ferantur. Præterea, cum  
 id quod à civibus in publicum  
 confertur, nihil aliud sit præ-  
 ter emtæ pacis pretium, ratio-  
 nis est, ut ii qui æquè pacis  
 participant, æquas partes sol-  
 vant, vel pecunias, vel operas  
 reipublicæ contribuendo. Lex  
 autem naturalis est (per art. 15.  
 cap. 3.) unusquisque in jure  
 aliis distribuendo, omnibus æ-  
 qualem se præbeat; quare im-  
 perantes, ut onera civitatis ci-  
 vibus æqualiter imponant, lege  
 naturali obligantur.

*Æquitas naturalis esse, ut pecunia taxentur, pro ratio-* XI. Æqualitas autem hoc  
 loco intelligitur, non pecuniæ,  
 sed oneris, hoc est, æqualitas  
 rationis inter onera & benefi-  
 cia. Quamquam enim pace om-  
 nes



nes æqualiter fruuntur, non tamen beneficia à pace omnibus æqualia sunt. Nam alii plus, alii minus bonorum acquirunt. Et rursus alii plus, alii minus consumunt. Quæri igitur potest, an debeant cives in publicum contribuere, pro ratione eorum quæ lucrantur, an eorum quæ consumunt, hoc est, an personæ taxari debeant, ut pro ratione opum contribuant, an res ipsæ, ut contribuat quisque pro ratione eorum quæ consumit. Sed si consideremus ubi pecuniæ conferuntur pro ratione opum, ibi eos qui æqualia lucrati sunt, non æqualia possidere, propterea quod alter parta per parcimoniam conservat, alter per luxuriam dissipat, ideòque beneficio pacis æqualiter gaudentes, civitatis onera non æqualiter sustinere: & ex altera parte, ubi res ipsæ taxan-

*ne eorum  
quæ quis-  
que con-  
sumit,  
non quæ  
possidet.*

taxan-

taxantur, ibi unumquemque dum rem privatam consumit, partem civitati debitam pro ratione eorum non quæ habet, sed quæ beneficio civitatis habuit, eo ipso quod sua consumit, imperceptibiliter persolvit: dubium amplius non est quin prior ille modus pecunias imperandi contra æquitatem, & proinde contra officium imperantium sit, posterior autem rationi & officio eorum consentaneus.

*Ad pacem conservandam conducere, seditiosos premere.* XII. Tertio, officere paci publicæ diximus, ægritudinem animi quæ oritur ex *ambitione*. Sunt enim qui cum sibi præ cæteris sapere, & magis ad res gerendas idonei videantur, quam ii qui rempublicam in præsentia administrant; virtus sua quantum civitati prodesse queat, quando aliter ostendere non possunt, ostendunt nocent-

cendo. Quoniam autem tolli ex animis hominum ambitio & honorum aviditas non potest, officii imperantium non est, ut in id incumbant. Possunt autem præmiorum & pœnarum constanti applicatione facere, ut homines sciant, viam ad honores non esse per vituperationem regiminis præsentis, neque per factiones, & auram popularem; sed per contraria. Viri boni sunt, qui consulta patrum, qui leges juraque servant. Hos si honoribus ornari, factiosos vero ab iis qui summa imperia administrant; puniri & contemptui haberi, constanti tenore videremus, parendi quam obstandi major ambitio esset. Accidit tamen aliquando, ut, sicut equo propter ferociam, ita civi contumaci propter potentiam blandiendum sit. Sed ut illud sessoris,

P

ita

ita hoc imperatoris jam pene excussi est. Loquimur autem hic de iis quorum autoritas & potentia integra est. Horum officium esse, inquam, obediens cives fovere, factiosos quantum possunt imperio premere: neque enim alio modo potentia publica, nec enim sine ea civium quies conservari potest.

*Et factiones dissolvit vere.*

XIII. Si vero factiosos homines coercere, multo magis factiones ipsas dissolvere & dissipare ad officium pertinet imperantium. **FACTIONEM** autem voco; multitudinem civium, vel *partis* inter se, vel unius alicujus potentiam, absque ejus, vel eorum qui summum imperium obtinent, autoritate unitam. Est itaque *factio* tanquam civitas in civitate: sicut enim unione hominum in statu naturali fit civitas, ita civium unione novâ, fit factio. Secundum

dum hanc definitionem, multitudo civium qui externo cui-  
 cunque sive Principi, sive civi,  
 simpliciter obedituros se ob-  
 trinxerunt, vel qui pacta aut  
 foedus inter se mutuæ defensio-  
 nis contra omnes homines fe-  
 cerunt, non exceptis iis qui  
 summam potestatem habent in  
 civitate, *factio* est. Etiam gra-  
 tia apud plebem si tanta sit ut  
 per eam comparari exercitus  
 possit, nisi obsidibus, aut alio  
 pignore publice caveantur, *fac-*  
*tionem* continet. Atque idem de  
 divitiis privatis dicendum est,  
 si sint immodicæ; quia pecu-  
 niæ obediunt omnia. Siquidem  
 ergo verum sit, civitatum in-  
 ter se statum naturalem & ho-  
 stilem esse, Principes qui fac-  
 tionem permittunt, idem fa-  
 ciunt, ac si hostem intra mœ-  
 nia reciperent. Quod est con-  
 tra civium salutem, & prop-

terea etiam contra leges naturales.

Ad locupletandos cives conducere leges quibus artes lucrativæ foveantur, & quibus sumus coercantur.

XIV. Ad locupletandos cives necessaria duo sunt, *labor* & *parsimonia*; conducit etiam tertium, nempe terræ aquæque *proventus naturalis*; est autem & quartum, *militia*, quæ rem civium quandoque auget, sæpiùs vero attenuat; priora duo sola necessaria sunt. Potest enim civitas in insula maris constituta, non majore, quam ut habitationi locum præstet, sine semente, sine piscatura, solâ Mercaturâ & opificiis ditescere; sed non est dubium, si habeant territorium, quin ditiores eodem numero, vel æque divites majore numero esse possint. Quartum autem, nimirum *militia*, in numerum quidem olim venit artium lucrativarum, sub nomine *lustricæ*, sive *prædatoricæ*. Et genere humano  
ante

ante constitutionem civitatum per familias disperso, justa & honorifica habita est. Est enim nihil aliud prædatio, quàm quod parvis copiis geritur bellum. Et magnæ civitates nominatim *Romana & Atheniensis* spoliis belli, vectigalibus externis, & territorio armis acquisito, ita aliquando rempublicam auxerunt, ut tenuioribus civibus non modo nullam pecuniam publicam imperarint, sed etiam pecuniam & agros viritim dividerint. Hujusmodi autem divitiarum incrementa in rationes minimè referenda sunt. Est enim, quod ad lucrum spectat, militia sicut alea, qua plurimi rem suam labefactant, paucissimi ampliorem reddunt: Cum ergo tria tantum sint, *proventus terræ & aquæ, labor, & parsimonia*, quæ conducunt ad civium locupletationem, circa

ea tantum versabitur officium imperantium. Ad primum utiles erunt leges, quæ favent artibus quibus terræ & aquæ proventus reddantur meliores; quales sunt *Agricultura & Piscatura*. Ad secundum utiles sunt leges omnes quibus ignavia prohibeatur, industria exciteatur, *ars navigandi* (per quam commoda totius mundi solo penè labore emta in unam civitatem comportantur,) item *mechanica* (sub qua omnes excellentium opificiorum artes comprehendo,) & *scientiæ mathematicæ*, nauticæ & mechanicæ fontes, in honore habeantur. Ad tertium utiles sunt leges illæ, quibus sumtus tam in cibos quam in vestes, & universim in res omnes, quæ usu consumuntur, immodici prohibeantur. Quoniam autem leges tales ad fines supra dictos



tos utiles sunt, pertinet etiam ad officium imperantium eas sancire.

XV. Libertas civium non in eo sita est, ut legibus civitatis exempti sint, vel ut ii qui civitatis summam potestatem habent, non possint leges ferre quascunque volent. Sed quoniam omnes motus & actiones civium legibus nunquam circumscriptæ sunt, neque circumscribi propter varietatem possunt, necesse est, ut infinita pene sint, quæ neque jubentur, neque prohibentur; sed facere vel non facere suo quisque arbitrio potest. In his unusquisque dicitur suâ frui libertate, atque in hoc sensu libertas hoc loco intelligenda est, nempe pro juris naturalis parte ea, quæ civibus à legibus civilibus permessa, & relicta est. Sicut aqua ripis undiquaque conclusa sta-

*Non esse  
plura legibus de-  
finienda,  
quàm po-  
ssunt ci-  
vium &  
civitatis  
commo-  
dum.*

gnat & corrumpitur; undiquaque aperta expanditur, & quo plures exitus invenit, eo liberior fluit: ita quoque cives si nihil injussu legum facerent, torperent; sic omnia dissiparentur: & quo plura legibus indeterminata relinquuntur, eo majore fruuntur libertate. Utrūque extremum vitiosum est; non enim ad actiones hominum tollendas, sed dirigendas, inventæ leges sunt; sicut neque ripas ad sistendum cursum fluminis, sed ad dirigendum Natura ordinavit. Mensura hujus libertatis ex bono civium & civitatis capienda est. Quare contra officium eorum qui imperant, & legum ferendarum auctoritatem habent, in primis est, ut plures leges sint, quam ad bonum civium & civitatis necessario conducat. Nam cum de eo quod facere vel non face-

re

re debent, sæpius per rationem naturalem, quàm per scientiam legum homines deliberare soleant; ubi leges plures sunt, quàm ut earum facile meminisse possimus, & per eas prohibentur ea, quæ ratio per se non prohibet? necesse est ut per ignorantiam, sine ulla prava intentione, incidant tamen in leges, tanquam in laqueos, contra libertatem innoxiam, quam imperantes civibus conservare lege naturali obligantur.

XVI. *Libertatis* civitati innoxia, & singulis civibus ad beate vivendum necessaria, pars magna etiam est, ut poenæ nullæ timendæ sint, nisi quas prævidere, aut expectare possint. Præstat autem hoc, ubi vel nullæ omnino poenæ legibus definiuntur, vel majores definitis non exiguntur. Ubi nullæ definiuntur, ibi

*Pœnæ non majores sumendas quàm qua legibus præscripta sunt.*

is qui primus legem transgressus est, pœnam exspectat indefinitam, sive arbitrariam, supponiturque metus ejus infinitus, quia mali infiniti. Præcipit autem lex naturæ iis qui legibus civilibus non subjiciuntur, per ea quæ diximus cap. 3. articulo II. ideòque summis imperantibus in ultione, & pœnis sumendis, spectandum esse non malum præteritum, sed bonum futurum: peccantque pœnarum arbitrariarum aliam mensuram habentes, quàm utilitatem publicam. Ubi vero pœna definita est, sive lege præscripta, ut quando verbis disertis ponitur, *qui sic facit, sic patietur*; sive praxi, ut quando pœna, lege non præscripta, sed (arbitraria ab initio) determinata est postea per punitionem primi delinquentis, (æquè enim transgredientes æqualiter puni-

puniri jubet æquitas naturalis:) ibi poenam, quàm quæ lege definitur, majorem exigere, contra legem naturæ est. Finis enim punitionis est, voluntatem hominis non cogere, sed formare, & talem facere, qualem eam esse cupit is, qui poenam statuit. Et deliberatio nihil aliud est nisi commodorum & incommodorum facti quod aggredimur, tanquam in bilance ponderatio, ubi quod præponderat, necessario secundum inclinationem suam procedit. Siquidem ergo legislator poenam minorem crimini appendit, quàm ut libidini metus præponderet, libidinis supra metum poenæ excessus quo crimen committitur, legislatori attribuentus est, hoc est, summo imperanti; ideòque si punit majori poenâ, quàm ipse legibus

348 IMPERIUM. Cap. XIII.  
præfinivit, punit in alio quod  
peccavit ipse.

*Civibus  
contra  
judices  
corruptos  
jus red-  
dendum.*

XVII. Etiam ad innoxiam  
& necessariam civibus *liberta-*  
*tem* pertinet, ut quæ jura le-  
gibus sibi quisque concessa ha-  
bet, iis sine metu frui possit.  
Frustra enim est *suum* ab *alieno*  
legibus distingui, si falso judi-  
cio, latrocinio, vel furto rur-  
sus confundantur. Contingit  
autem falsa judicia, latrocinia,  
& furta fieri, ubi judices cor-  
rumpi possunt. Metus enim quo  
homines à male faciendo de-  
terrentur, non ab eo oritur  
quod pœnæ statuuntur, sed  
quod exiguntur. Futurum enim  
ex præterito æstimamus, quæ  
rarò fieri solent, raro expec-  
tantes. Si igitur judices mune-  
ribus, gratia, vel etiam mise-  
ricordia corrupti pœnas lege  
debitas sæpe remittant, atque eo  
modo improbis spem faciant  
impu-

Cap. XIII. IMPERIUM. 349  
impunitatis, bonis civibus à sicariis, latronibus, veteratoribusque obsessis, neque conversari inter se, neque omnino se movere liberum erit; imò civitas ipsa dissolvitur, & redit cuique jus se ipsum suo arbitratu protegendi. Præcipit igitur lex naturæ summis imperantibus, ut justitiam non modo ipsi exercent, sed etiam ut iudices à se positos, idem facere pœnis cogant, hoc est, querelis civium aurem præbeant, & delegent, quoties opus est, iudices extraordinem qui de ordinariis cognoscant.

---

## C A P U T X I V.

### *De Legibus & Peccatis.*

- I. *Lex quomodo differt à consilio.*
- II. *Quomodo differt à Pacto.*
- III. *Quomodo à jure.*
- IV. *Divisio legum in Divinas & Humanae*

Humanas, & Divinarum in  
 Naturales & Positivas; & na-  
 turalium in leges singulorum  
 hominum, & Gentium. v. Le-  
 gum Humanarum, id est, ci-  
 vilium divisio in sacras, & sæ-  
 culares. vi. In Distributivam  
 & Vindicativam. vii. Distri-  
 butivam & vindicativam non  
 esse species legum, sed partes.  
 viii. Omni legi pœna appensa  
 intelligitur. ix. Præcepta De-  
 calogi de parentibus honoran-  
 dis, de homicidio, adulterio, fur-  
 to, & falso testimonio, leges ci-  
 viles esse. x. Impossibile esse le-  
 ge civili quicquam jubere con-  
 tra legem naturæ. xi. Legi es-  
 sentiale esse, ut cognoscatur &  
 ipsa & legislator. xii. Unde  
 cognoscatur legislator. xiii. Ad  
 cognoscendam legem necessaria  
 sunt promulgatio & interpre-  
 tatio. xiv. Legis civilis divi-  
 sio in scriptam & non scriptam.  
 xv. Leges naturales non esse le-  
 ges scriptas; neque Responsa  
 Jurisprudentum, neque consue-  
 tudinem esse leges per se, sed  
 per consensum summæ potestatis.



xvi. Peccati nomen latissimè acceptum quid significet. xvii. Peccati Definitio. xviii. Differentia inter peccatum infirmitatis, & malitiam. xix. In quo genere peccati contineatur Atheismus. xx. Quid sit crimen læsæ Majestatis. xxi. Crimine læsæ Majestatis non leges civiles, sed naturales violari. xxii. Ideoque non jure Imperii, sed jure belli puniri. xxiii. Obedientiam non rectè distingui in activam & passivam.

I. **L** Ex ab iis qui vim verborum minus morosè pensitant, aliquando cum *consilio*, aliquando cum *pacto*, aliquando cum *jure* confunditur. Confundunt *legem* cum *consilio*, qui putant, Monarcharum officium esse *consiliarios* non modo audire, sed etiam iis obedire; tanquam si consilium capere, nisi etiam quod consultum est, fiat, frustra esset. *Distinctio inter*  
*con-*

*Lex quomodo differat à consilio.*

352 IMPERIUM. Cap. XIV.  
*consilium & legem* petenda est à  
differentia inter *consilium &*  
*mandatum*. Jam CONSILIUM est  
*præceptum*, in quo ratio quare  
paremus, sumitur *ab ipsa re* quæ  
præcipitur. MANDATUM au-  
tem est *præceptum* in quo pa-  
rendi ratio sumitur à *voluntate*  
*præcipientis*. Propriè enim non  
dicitur, *Sic volo, sic jubeo*, nisi  
stet pro ratione *voluntas*. Cùm  
vero legibus obediatur non pro-  
pter rem ipsam, sed propter vo-  
luntatem præcipientis; *lex* non  
*consilium*, sed *mandatum* est;  
definiturque hoc modo: LEX  
est *mandatum ejus personæ (sive*  
*hominis, sive curiæ) cujus præ-*  
*ceptum continet obedientiæ ratio-*  
*nem*. Ut præcepta Dei respectu  
hominum, civitatis respectu ci-  
vium, & universaliter omnium  
potentium, respectu eorum qui  
non possunt resistere, eorum le-  
ges dicendæ sint. Differunt er-  
go

go multifariam inter se *lex* & *consilium*. *Lex* enim ejus est, qui potestatem habet in eos quibus præcipit: *consilium*, ejus qui potestatem non habet. Facere id quod *lege* præcipitur, *officii*, quod *Consilio*, *arbitrii* est. *Consilium* diripitur ad finem *eius cui præcipitur*, *lex* autem ad finem *eius qui præcipit*. *Consilium* non nisi *volentibus* datur, *lex* etiam *volentibus*. Denique jus *consiliarii* tollitur arbitrio ejus cui *consilium* dat, jus *legislatoris* non tollitur arbitrio ejus cui imponitur *lex*.

II. *Legem* cum *pactō* confundunt ii, qui *leges* putant nihil aliud esse quam *ὁμολογήματα*, sive formulas vivendi, communi consensu hominum determinatas. Inter quos est *Aristoteles* qui *legem* hoc modo definit. Νόμος ἰστὶ λόγος ἁεισμητός καθ' ὁμολογίαν κοινῶ πόλεως;

Quomodo differat à pacto.

λεως , μηνύων πως δεῖ πράττειν  
 ἕκαστα , id est , *lex est oratio de-*  
*finita juxta consensum commu-*  
*nem civitatis , indicans quomo-*  
*do singula oportet agere.* Quæ  
 definitio non est *legis* simpli-  
 citer , sed *civilis*. Manifestum  
 enim est , *leges divinas* non esse  
 ortas à consensu hominum, ne-  
 que etiam *naturales* : nam si à  
 consensu hominum originem  
 haberent, etiam eorundem con-  
 sensu abrogari possent ; sunt  
 autem immutabiles. Neque ve-  
 rò est ea definitio legitima *le-*  
*gis civilis* ; civitas enim eo lo-  
 co sumitur , vel pro una per-  
 sona civili , unam habente vo-  
 luntatem , vel pro multitudine  
 hominum , quorum unicuique  
 sua voluntas privata libera est.  
 Si pro unâ personâ , illud *com-*  
*muni consensu* , non rectè po-  
 nitur ; non enim habet una  
 persona *consensum communem*.  
 Neque

Neque

Neque oportebat ponere *indicatus* quid factu opus esset, sed *jubens*. Civitas enim civibus quæ indicat, imperat. Intellexit ergo per civitatem, multitudinem hominum communi consensu (puta scripto suffragiis confirmato) formulas vivendi indicantem: hæ autem nihil aliud sunt præter mutua pacta, quæ non ante quemquam obligant, neque ideo leges sunt, quam constituto imperio summo, quod possit cogere, cautum ei sit erga cæteros qui aliter ea observaturi non sunt.

*Leges* itaque juxta definitionem hanc *Aristotelis*, nihil aliud sunt quam nuda & invalida pacta, quæ tum demum, cum sit qui potentiam civitatis jure exercet, *leges* fient vel non fient, illius arbitrio. Confundit ergo *pacta* cum *legibus*, quod non oportuit; est enim *pactum promissum*;

356 IMPERIUM. Cap. XIV.  
*missum; lex mandatum. In pa-*  
*ctis, Faciam dicitur; in legibus,*  
*Fac. Pacto (\*) obligamur;*  
*lege obligati tenemur. Pactum*  
*obligat per se; lex obligatum*  
*tenet virtute pacti universalis*  
*de præstanda obedientia. Ideo-*  
*que in pacto, priùs determina-*  
*tur quid faciendum est, quàm*  
*ad faciendum obligamur; sed*  
*in lege ante obligamur ad fa-*  
*ciendum, quid verò facien-*  
*dum sit, determinatur post. De-*  
*bebat igitur Aristoteles definire*  
*legem civilem hoc modo, Lex*  
*civilis est oratio definita per vò-*  
*luntatem civitatis, singula im-*  
*perans quæ oportet facere. Quæ*  
*eadem est cum eâ quam attuli-*  
*mus supra cap. 6. articulo 9.*  
*nimirum leges civiles esse ejus*  
*(sive hominis, sive curiæ) qui*  
*in civitate summa potestate præ-*  
*ditus est, de civium futuris ac-*  
*tionibus mandata.*

Pacto

(\*) Pacto obligamur, &c. ] Annot. ad p. 356.  
*Visum est aliquibus, idem esse*  
 Obligari & Obligatum teneri,  
 & proinde distinctionem in verbis  
 aliquam, in re nullam esse. Cla-  
 rius ergo hoc dico. Pacto obliga-  
 ri hominem, id est, propter pro-  
 missionem præstare debere. Lege  
 vero obligatum teneri, id est,  
 metu pœna quæ in Lege constitui-  
 tur, ad præstationem cogi.

III. *Legem cum jure con-* Quomodo  
*fundunt ii, qui quod jure divi-* a jure.  
*no permissum est, facere perse-*  
*verant, quamquam lege civita-*  
*sis prohibeatur. Quod lege di-*  
*vinâ prohibetur, lege civili*  
*permitti non potest, nec quod*  
*lege divina imperatur, prohi-*  
*beri potest lege civili. Verun-*  
*tamen quod jure divino per-*  
*mittitur, id est, quod jure di-*  
*vino fieri potest, nihil impe-*  
*dit, quo minus idem lege civi-*  
*li*

li prohibeatur. *Leges* enim inferiores libertatem à superioribus relictam restringere possunt, quamquam ampliare non possunt. Est autem *jus*, *libertas naturalis*, à legibus non constituta, sed relictà. Remotis enim *legibus*, *libertas* integra est; hanc primo restringit *naturalis lex*, & *divina*; residuam restringunt *leges civiles*; & quæ legi civili superest, restringi rursus potest à *constitutionibus* particularium urbium & societatum. Multum ergo interest inter *legem*, & *jus*; *lex* enim *vinculum*, *jus libertas* est, differuntque ut contraria.

Divisio  
legum in  
Divinas  
& Humanas;  
& Divinarum  
in  
Naturales  
& Positivitas;

IV. *Lex* omnis dividi potest; primum pro diversitate autorum in *Divinam* & *Humanam*. *Divina* autem pro duobus modis, quibus *Deus* voluntatem suam hominibus notam facit; duplex est: *Naturalis* (sive  
Moralis



*Moralis* ) & *Positiva. Naturalis* Naturalium in leges singulorum hominum & gentium.  
 ea est, quam Deus omnibus hominibus patefecit per *Verbum suum aeternum* ipsis innatum, nimirum *Rationem naturalem*. Atque hæc est ea lex, quam toto hoc libello explicare conatus sum. *Positiva* est, quam Deus nobis patefecit per *Verbum Propheticum*, quo locutus est ad homines tanquam homo; quales sunt leges quas tradidit *Judæis* circa politiam & cultum divinum; possuntque appellari *leges divinæ civiles*, quia civitati *Israëlitarum* populi sui peculiaris peculiare erant. Rursus *naturalis* dividi potest, in *naturalem hominum*, quæ sola obtinuit dici *lex nature*, & *naturalem civitatum*, quæ dici potest *lex Gentium*, vulgo autem *jus Gentium* appellatur. Præcepta utriusque eadem sunt: sed quia civitates semel

semel institutæ induunt proprietates hominum personales, *lex* quam loquentes de hominum singulorum officio, *naturalem* dicimus, applicata totis civitatibus, nationibus, sive gentibus, vocatur *jus Gentium*. Et quæ *Legis & juris naturalis* Elementa hæctenus tradita sunt, translata ad *civitates & gentes* integras, pro *legum, & juris Gentium* Elementis sumi possunt.

*Legum  
humana-  
rum, id  
est, civi-  
lium, di-  
vino in  
sacras &  
seculari-  
res.*

V. *Humana lex* omnis *civilis* est. Nam extra civitates status hominū hostilis est, in quo quia alter alteri non subicitur, leges præter dictamina rationis naturalis, quæ *lex divina* est, nullæ sunt. In civitate verò, sola civitas, hoc est, homo, vel curia cui summum civitatis imperium committitur, legislator est, civitatis autem leges civiles sunt. *Civiles leges* possunt dividi

di pro diversitate subjectæ materiæ in *sacras & seculares*. *Sacræ* sunt quæ pertinent ad Religionem, hoc est, ad ceremonias & cultum Dei, (nimirum quæ & quo ritu personæ, res; loca, consecranda sunt, quæ opiniones circa numen divinum publicè docendæ, & quibus verbis ritibusque supplicationes faciendæ sunt, & similia) & nulla lege divinâ positivâ definiuntur. Nam *leges civiles sacræ* sunt *humanae* (quæ & *Ecclesiasticæ* dicuntur) circa *res sacras*; *seculares* autem generali nomine *civiles* appellari solent.

VI. Rursus *lex civilis* pro duobus legislatoris officiis, quorum alterum est *judicare*, alterum *cogere* ut judiciis acquiescant, duas habet partes, alteram *distributivam*, alteram *vindicativam*, sive *pœnariam*. *Distributi-*

*In Distributivam, & Vindicativam.*

Q

*buti-*

*butiva* est, qua jus suum cuique distribuitur, hoc est, quæ regulas omnium rerum constituit, quibus sciamus quid nobis, quid aliis proprium sit, ita ut nos nostris uti & frui alii non impediant, neque nos impediamus illos ne utantur & fruantur suis; & quid cuique licitum sit facere vel omittere, quid illicitum. *Vindicativa* est, qua, quæ poenæ sumendæ sunt de iis qui legem violant, definitur.

*Distributivam & Vindicativam non esse species legum, sed partes.*

VII. *Distributiva* autem & *vindicativa* non sunt duæ legum species, sed ejusdem legis duæ partes. Siquidem enim lex nihil amplius dicat, quàm, verbi gratia, *tuum esto, quod tu tuo reti cepisti in mari*, frustra est. Quamquam enim alter eripiat tibi quod cepisti, non impedit quin adhuc tuum sit; nam in statu naturæ, ubi omnia omnium

nium

nium sunt communia, idem est & *tuum* & *alienum*; ita, quod lex definit esse *tuum*; *tuum* erat etiam ante legem, & post legem *tuum* esse non definit, quamquam ab alio possessum. Nihil ergo lex agit, nisi ita intelligatur, ut sic *tuum* sit, ut omnes alii prohibeantur, ne impediant quominus omnitempore eo possis tuo arbitratu secure uti & frui. Hoc enim est quod requiritur ad proprietatem bonorum, non ut quis iis possit uti, sed possit solus, quod fit prohibendo alios ne sint impedimento. Sed frustra etiam prohibent, qui metum poenarum non incutiunt: frustra ergo lex est nisi utramque partem contineat, & illam quæ prohibet injurias fieri, & illam quæ facientes punit. Harum prima, quæ *distributiva* dicitur, *prohibitoria* est, & loquitur ad

omnes; secunda, quæ *vindictiva* vel *pœnaria* appellatur, mandatoria est, & loquitur tantum ad ministros publicos.

*Omni legi pœna appensa intelligitur.*

VIII. Ex quo etiam intelligitur, *omni legi civili annexam esse pœnam*, vel explicitè vel implicitè. Nam ubi pœna neque scripto, neque exemplo alicujus qui pœnas legis transgressa jam dedit, definitur, ibi subintelligitur pœnam arbitrariam esse, nimirum, ex arbitrio pendere legislatoris, hoc est, summi imperantis; frustra enim est lex, quæ impunè violari potest.

*Præcepta Decalogi, de parentibus honorandis, de homicidio, adulterio, furto, & falso testimonio, leges civiles esse.*

IX. Quoniam autem à legibus civilibus oritur, tum quod unusquisque jus *suum* sibi proprium & ab *alieno* distinctum habeat, tum etiam quod prohibetur aliena invadere; sequitur, præcepta hæc, *Honorem parentibus, legibus definitum non denegabis: Hominem quem ve-*

*rant.*

*tant leges occidere, non occides :  
 Legibus vetitum concubitum fu-  
 gies : Rem alienam Domino in-  
 vito non auferes : Leges & judi-  
 cia falso testimonio non frustrabe-  
 re, esse leges civiles. Leges na-  
 turales eadem præcipiunt, sed  
 implicitè : nam lex naturalis,  
 ( ut cap. 3. art. 2. dictum est )  
 jubet observari *pacta*, ideoque  
 etiam obedientiam præstare,  
 quando obedientiam pacti fue-  
 rint, & alieno abstinere, quan-  
 do quid sit alienum, lege civi-  
 li definitum fuerit : cives autem  
 omnes ( per cap. 6. art. 13. )  
 obedientiam præstare mandatis  
 ejus qui habet summam potesta-  
 tem, hoc est, legibus civilibus,  
 ex ipsa civitatis constitutione  
*paciscuntur* : etiam ante quam  
 violari possunt. Nam lex natu-  
 ralis obligabat in statu naturali,  
 ubi primò ( quia natura omnia*

omnibus dedit) nihil alienum erat, & proinde alienum invadere, impossibile; deinde ubi omnia communia erant, quare etiam concubitus omnes liciti; tertio, ubi status belli erat, ideoque licitum occidere; quarto, ubi omnia proprio cujusque judicio definita erant, ideoque honores etiam paterni; postremo ubi nulla judicia publica erant, & propterea nullus usus testimonii dicendi, neque veri neque falsi.

*Impossibile esse lege civili quicquam jubere contra legem naturæ.*

X. Cum ergo obligatio ad leges illas observandas antiquior sit quam ipsarum legum promulgatio, utpotè contenta in ipsa civitatis constitutione, virtute legis naturalis quæ prohibet violari pacta, lex naturalis omnes leges civiles jubet observari. Nam ubi obligamur ad obedientiam antequam sciamus quid imperabitur, ibi universa-  
liter



liter & in omnibus obedire obligamur. Ex quo sequitur, legem civilem nullam, quæ non sit lata in contumeliam Dei (cujus respectu ipsæ civitates non sunt sui juris, nec dicuntur leges ferre) contra legem naturalem esse posse. Nam etsi naturæ lex prohibet furtum, adulterium, &c. si tamen lex civilis jubeat invadere aliquid, non est illud furtum, adulterium, &c. Nam Lacedæmonii olim cum permitterent pueris certa lege surripere bona aliena, ea bona non aliena, sed propria surripientis esse jusserunt; ideoque tales surreptiones non erant furta: similiter ethnicorum copulationes sexuum, secundum leges suas conjugia erant legitima.

XI. Ad essentiam legis necessarium est, ut civibus duo *Legi essentiale esse, ut cognoscantur*

*sur & ip-  
sa & le-  
gislator.*

mo, vel quæ curia summam potestatem, hoc est, legum ferendarum jus habet. Secundum, quid ipsa lex dicat. Is enim qui nunquam cognovit, aut cui, aut ad quid tenetur, obedire non potest, & perinde est, ac si non teneretur. Non dico necessarium esse ad essentiam legis, ut vel hoc vel illud perpetuò cognitum sit, sed tantum ut cognitum semel fuerit: quod si postea civis obliviscatur, vel juris quod is habet qui legem fert, vel ipsius legis, id non impedit quominus teneatur obedire, cum potuerit meminisse, si voluntatem obediendi, prout naturalis lex jubet, habuisset.

*Unde  
cognosca-  
tur legis-  
lator.*

XII. *Cognitio legislatoris* dependet ab ipso cive; nam sine consensu & pacto suo proprio, vel expresso vel subaudito jus legislationis conferri in neminem

nem potuit. Expresso, quando cives ab initio formam regendæ civitatis inter se constituunt, vel quando promisso suo submitunt se alicujus imperio; vel saltem subaudito, ut quando utuntur beneficio imperii, & legum alicujus, ad protectionem & conservationem sui adversus alios. Cujus enim imperio concives nostros obedire postulamus bono nostro, illius imperium legitimum esse, eâ ipsâ postulatione confitemur. Ideoque ignorantia potestatis legum ferendarum obtendi nunquam potest; unusquisque enim quod ipse fecit, fecisse se cognovit.

XIII. *Cognitio legum* dependet à legislatore, qui eas promulgare debet; aliter enim non sunt leges. Est enim lex legislatoris mandatum; mandatum autem est declaratio voluntatis;

*Ad cognoscendam legem necessaria sunt promulgatio & interpretatio.*

non ergo lex est, nisi voluntas legislatoris. declaretur; id quod fit *promulgatione*. In *promulgatione* autem duo constare debent, quorum alterum est, ut is vel ii qui legem promulgant, vel habeant ipsi jus legislationis, vel id faciant autoritate ejus vel eorum qui habent. Alterum est ipsa legis sententia. Primum autem quod leges promulgatae procedant ab eo qui summum habet imperium, constare, hoc est sciri accuratè & philosophicè loquendo non potest, nisi ab iis qui ab ore ipsius imperantis eas accipiunt; cæteri credunt; sed credendi rationes tantæ sunt, ut non credere vix sit possibile. Et in civitate quidem *Democratica*, ubi legibus ferendis unusquisque interesse, si velit, potest, qui absens fuerit, præsentibus credere debet. Sed in *Monarchiis & Aristocratiis*,

Cap. XIV. IMPERIUM. 37E

*tis*, quia paucis mandata *Monarchæ & Optimatum* præsentibus & coram audire conceditur, illis paucis necesse erat potestatem facere, ea cæteris promulgandi. Et sic *Edicta & Decreta* Principum esse credimus, quæ pro talibus vel scripto, vel voce eorum quorum id munus est, nobis proponuntur. Sed tamen cum credendi causas habeamus has, vidisse quod princeps, vel curia summa talibus *consiliariis, scribis, præconibus, sigillis, & similibus* argumentis ad voluntatem suam declarandam constanter usus sit; quod nunquam auctoritatem illis detraxerit; quod de iis qui hujusmodi promulgationi non credentes legem transgressi sunt, poenæ sumtæ fuerint; non modo qui sic credens obediverit *edictis & decretis* per illos editis, ubique terrarum excusatur, sed

etiam qui non credens non obedi-  
 verit, punitur. Nam permit-  
 tere ut hæc constanter fiant, sa-  
 tis manifestum signum, & de-  
 claratio voluntatis ejus qui im-  
 perat, satis perspicua est; modo  
 nihil in *lege*, edicto seu *decreto*  
 contineatur, quod summæ po-  
 testati ipsius imperantis dero-  
 get. Non est enim putandum;  
 eum velle potestati suæ à qui-  
 buscunque ministris suis quic-  
 quam detrahi, dum voluntatem  
 retinet imperandi. *Sententia* ve-  
 ro *legum*, ubi de ea dubitatur,  
 petenda est ab iis quibus à sum-  
 ma potestate commissa est *Cau-  
 sarum cognitio*, sive *judicia*. *Ju-  
 dicare* enim nihil aliud est quam  
*leges* singulis casibus *interpre-  
 tando* applicare. Quibus autem  
 id munus commissum est, eo-  
 dem modo cognoscitur, quo  
 cognoscimus qui sint ii, quibus  
 commissa est autoritas *leges*  
 promulgandi. XIV.

XIV. Rursus lex *civilis*, pro duplici modo promulgandi, Legis cū vilis di- viso in scriptam & Non scriptam duorum generum est: *Scripta*, & *non scripta*. Per *scriptam* intelligo eam quæ voce sive signo aliquo alio voluntatis legislatoris indiget ut fiat lex. Legum enim genus omne & naturâ & tempore coævum est generi humano, & propterea inventione literarum & scribendi arte antiquius. Non ergo *legi scriptæ* necessaria est *scriptio*, sed vox; hæc sola ad *essentiam*, illa ad *recognitionem legis* adhibita est. Nam ante inventas literas ad memoriam adjuvandam, *leges* in metra redactas cantitari solitas esse legimus. *Non scripta* est ea, quæ non alia indiget promulgatione præter vocem naturæ, sive rationem naturalem, quales sunt *leges naturales*. Lex enim naturalis, quam à civili distinguatur, quatenus

tenus voluntati præcipit, tamen quod ad actiones attinet, civilis est; exempli gratia, hæc, *Non concupisces*, quæ pertinet tantum ad animum, lex naturalis tantum est; hæc verò, *Non invades*, & naturalis, & civilis est. Cum enim regulas præscribere universales, quibus omnes futuræ lites quæ forte infinitæ sunt, dijudicari possint, impossibile sit, intelligitur, in omni casu *legibus scriptis prætermisso* sequendam esse *legem æquitatis naturalis*, quæ jubet æqualia æqualibus distribuere: atque hoc, vi *legis civilis*, quæ poenas etiam de iis exigit qui scientes & volentes, *leges naturales* facto transgrediuntur.

*Leges naturales non esse leges scriptas: neque responsa iura*

XV. His intellectis, apparet primum, *leges naturales*, quanquam in libris Philosophorum descriptæ fuerint, non esse ob eam rem vocandas *leges scriptas*.

scrip-



scriptas ; neque scripta jurispru-  
 dentum, esse leges, ob defec-  
 tum autoritatis summæ ; neque  
 etiam *Responsa prudentum*, id  
 est, *judicium*, nisi quatenus con-  
 sensu summæ potestatis in con-  
 suetudinem abierint ; tunc autem  
 inter *leges scriptas* habenda esse ;  
 non propter consuetudinem ip-  
 sam, ( quæ vi sua legem non  
 constituit ) sed propter volun-  
 tatem summi imperantis ; quæ  
 ex eo arguitur, quod *senten-*  
*tiam*, sive æquam sive iniquam,  
 in consuetudinem ire perpeffus  
 est.

XVI. *Peccatum* significatio-  
 ne latissimâ comprehendit om-  
 nē *factum, dictum, & volitum*  
 contra rectam rationem. Unus-  
 quisque enim media ad finem  
 quem sibimet ipsi proponit, ra-  
 tiocinando quærit ; si ergo rec-  
 tē ratiocinetur, ( hoc est, inci-  
 piens à principiis evidentissimis  
 texat

*Peccati  
 nomen la-  
 tissimè ac-  
 ceptum,  
 quid sig-  
 nificet.*

tenus voluntati præcipit, tamen quod ad actiones attinet, civilis est; exempli gratia, hæc, *Non concupisces*, quæ pertinet tantum ad animum, lex naturalis tantum est; hæc verò, *Non invades*, & naturalis, & civilis est. Cum enim regulas præscribere universales, quibus omnes futuræ lites quæ forte infinitæ sunt, dijudicari possint, impossibile sit, intelligitur, in omni casu *legibus scriptis* prætermisso sequendam esse *legem æquitatis naturalis*, quæ jubet æqualia æqualibus distribuere: atque hoc, vi *legis civilis*, quæ poenas etiam de iis exigit qui scientes & volentes, *leges naturales* facto transgrediuntur.

*Leges naturales non esse leges scriptas: neque responsa iurum* XV. His intellectis, apparet primum, *leges naturales*, quanquam in libris Philosophorum descriptæ fuerint, non esse ob eam rem vocandas *leges scriptas*.

Cap. XIV. IMPERIUM. 375

scriptas ; neque scripta jurispru-  
dentum, esse leges, ob defec-  
tum autoritatis summæ ; neque  
etiam *Responsa prudentum*, id  
est, *judicium*, nisi quatenus con-  
sensu summæ potestatis in con-  
suetudinem abierint ; tunc autem  
inter *leges scriptas* habenda esse ;  
non propter consuetudinem ip-  
sam, ( quæ vi sua legem non  
constituit ) sed propter volun-  
tatem summi imperantis ; quæ  
ex eo arguitur, quod *senten-*  
*tiam*, sive æquam sive iniquam,  
in consuetudinem ire perpessus  
est.

XVI. *Peccatum* significatio-  
ne latissimâ comprehendit om-  
ne *factum, dictum, & volitum*  
contra rectam rationem. Unus-  
quisque enim media ad finem  
quem sibimet ipsi proponit, ra-  
tiocinando quærit ; si ergo rec-  
tè ratiocinetur, ( hoc est, inci-  
piens à principiis evidentissimis  
textat

*ris-pru-*  
*dentum,*  
*neque*  
*consuetu-*  
*dinem ef-*  
*se leges*  
*per se, sed*  
*per con-*  
*sensum*  
*summæ*  
*potestatis.*

*Peccati*  
*nomen la-*  
*tissimè ac-*  
*ceptum,*  
*quid sig-*  
*nificet.*

textat discursum ex consequentibus continuò necessariis) progredietur itinere directissimo, aliter deviabit; id est, *faciet, dicet, vel conabitur* aliquid contra finem proprium: quod cum fecerit, dicetur ratiocinando quidem *errasse*, actione verò & voluntate *peccasse*; nam *peccatum* ita sequitur *erratum*, sicut *voluntas intellectum*. Atque hæc est vocis acceptio generalissima, qua continetur omne *factum imprudens*, sive contra legem, ut, alienam domum evertere; sive non contra legem, ut propriam, super arenam ædificare.

*Peccati  
definitio.*

XVII. Ubi vero de *legibus* sermo est, ibi *peccati* nomen arctius est, significatque non omne factum contra rectam rationem, sed illud tantum quod *culpatur*, atque ob eam causam *malum culpæ* appellatur.

Nec

Nec tamen si quid culpetur, *peccatum* statim, aut *culpa* dicenda est, sed si cum ratione culpetur. Quærendum igitur est, quid sit cum *ratione culpa-re*, & quid contra rationem. Ea est natura hominis, ut unusquisque id quod ipse sibi cupit fieri, *bonum*, quod fugit, *malum* vocet: itaque diversitate affectuum contingit, ut quod alter *bonum*, alter *malum*; & idem homo quod nunc *bonum*, mox *malum*, & eandem rem, in se ipso *bonam*, in alio *malam* esse dicat. *Bonum* enim & *malum* delectatione & molestiâ nostrâ, (vel eâ quæ nunc est, vel quæ expectatur) omnes æstimamus. Quoniam jam prosperè facta inimicorum (quia honorem, rem, & potentiam eorum augment) & æqualium (propter certamen honorum) *molesta* omnibus, adeoque *mala* & videntur,

tur,

tur, & sunt; soleantque homines, *malos putare*, hoc est, *culpam attribuere* iis, unde sibi *malum* advenit, fieri non potest, ut quæ facta culpanda, quæ non culpanda sint, consensu singulorum quibus non eadem placent & displicent, definiatur. Possunt quidem convenire in generalia quædam, veluti *furtum*, *adulterium*, & similia, esse *peccata*; tanquam dicerent *mala* omnes vocare ea quibus nomina imponunt, quæ in malam partem accipi solent. Sed non quærimus an furtum sit peccatum; quærimus quid furtum dicendum sit, & sic de cæteris similibus. Siquidem igitur quid ratione culpandum sit, in tanta diversitate consentium, non sit mensurandum per rationem unius, magis quàm alterius, propter æqualitatem naturæ humanæ; neque ratio  
ulla

ulla existat præter rationes *singulorum*, & *rationem civitatis*; sequitur quid sit *ratione culpandum*, definiendum esse à civitate; ut *culpa*, hoc est, **PECCATUM** sit, quod quis fecerit, omiserit, dixerit, vel voluerit contra *rationem civitatis*, id est contra *leges*.

XVIII. Facere autem alius potest contra *leges* per infirmitatem humanam, etiamsi eas implere cupiat, tamen ejus factum, ut contra *leges* rectè culpatur & *peccatum* dicitur. Sunt autem qui *leges* negligunt, quotiesque *lucris* impunitatisque spes apparet, nullâ *factorum* & *datæ fidei conscientiam* retinentur, quin eas violent. Horum non modò facta, sed etiam *ingenia adversa legibus* sunt. Qui per infirmitatem tantum peccant, etiam quando peccant, *viri boni* sunt;

*Differentia inter peccatum infirmitatis & malitiam.*

hi vero etiam quando non peccant, *mali* sunt. Quamquam autem utrumque, & actio & animus, legibus repugnet, differentibus tamen appellationibus, repugnantiae illae distinguuntur. Nam actionis irregularitas ἀδίκημα, *injuste factum*; animi, ἀδικία & κακία, *injustitia & malitia*: Illa perturbatae mentis *infirmetas*; haec animi sedati *pravitas*.

In quo  
genere  
peccati  
contineatur  
Atheismus.

XIX. Si quidem autem peccatum non sit, quod non sit contra aliquam legem; neque lex ulla sit, quae non sit mandatum ejus qui summum habet imperium; neque quisquam summum imperium habeat, quod non sit ei nostro consensu delatum: quo modo peccare dicetur is qui vel non existere Deum, vel non gubernare mundum affirmaverit, vel aliam contumeliam in ipsum evomue-



vomuerit? Dicit enim, *se voluntatem suam Dei voluntati nunquam subjecisse, ut quem ne esse quidem opinatus fuerit. Et quamquam opinio sua erronea esset, ideoque etiam peccatum; numerandam tamen esse inter peccata imprudentiæ, sive ignorantiae, quæ puniri jure non possunt.*

Oratio hæc eo usque admittenda esse videtur, ut hujusmodi peccatum, quamquam sit maximum damnosissimumque, referri tamen debeat (\*) ad peccata imprudentiæ; sed ut per imprudentiam aut ignorantiam excusandum sit, absurdum est.

Annot.

P. 382.

Punitur enim Atheus sive à Deo immediatè, sive à Regibus sub Deo constitutis; non ut subditus punitur à Rege, propterea quod leges non observaverit; sed ut hostis ab hoste, quod leges noluerit accipere; hoc est, jure belli, ut

Gigan-

Gigantes θεομάχοι. Hostes enim inter se sunt, quicumque neque communi imperanti, neque alter alteri subjiciuntur.

Annot. ad p. 381. (\* ) Referrī tamen debeat ad peccata imprudentiæ ] *Quod Atheismum non ad injustitiam, sed ad imprudentiam retulerim, à pluribus reprehensum est : imò à nonnullis in eam partem acceptum, tanquam Atheis non satis acrem adversarium me ostenderim. Objiciunt præterea, quod cum Deum esse ratione naturali sciri posse dixerim alicubi, confiteri deberem, peccare eos, saltem contra legem naturæ, itaque non imprudentiæ tantum, sed etiam injustitiæ reos esse. Ego vero ita Atheis inimicus sum, ut legem aliquam juxta quam condemnare eos injustitiæ possem, & diligentissimè quæsserim & vehementer cupiverim ; sed cum nul-*

*nullam invenerim, quæsi vi proxime, quo nomine, tantopere Deo exosi, homines ab ipso appellarentur. Deus autem de Atheo sic loquitur, Dixit insipiens in corde suo: non est Deus. Itaque peccatum eorum in eo genere collocavi, in quod genus ab ipso Deo relatum fuerat. Deinde Atheos hostes Dei esse ostendo; Nomen autem hostis, quàm injusti, aliquando atrocius esse puto. Postremo justè & à Deo, & à summis imperantibus eo nomine puniri posse confirmo, itaque peccatum hoc nullo modo excuso neque extenuo. Quod autem Deum esse ratione naturali sciri posse dixerim, ita accipiendum est, non tanquam omnes id scire posse putaverim; nisi quoniam ratione naturali quam proportionem habeat Sphæra ad Cylindrum, invenit Archimedes, ex eo sequi putant, quemlibet ex vulgo idem*

inve-

Annot.

**Aunot.** *invenire potuisse. Dico igitur etsi ab aliquibus Deum esse, lumine rationis sciri possit; tamen homines in voluptatibus, vel divitiis, vel honoribus, perquirendis continuò occupatos, item homines qui rectè ratiocinari non solent, vel non valent, vel non curant, denique insipientes, in quo numero Athei sunt, scire id non posse.*

*Quid sit  
crimen  
lese Ma-  
jestatis.*

**XX.** Quoniam à vi pacti quo cives singuli singulis ad obedientiam civitati, hoc est, summo imperanti, sive is unus homo, sive una curia sit, absolutam & universalem (qualem sup. capite & articulo definivimus) præstandam obligantur, derivatur obligatio ad singulas leges civiles observandas, ita ut illud pactum contineat in se leges omnes simul; manifestum est civem qui pacto generali obedi-

obedientiæ renunciaverit, omnibus simul legibus renunciare. Quod malum tanto gravius est quolibet peccato uno, quanto peccare *semper*, gravius est quam *semel*. Atque hoc est peccatum illud quod vocatur CRIMEN LÆSÆ MAJESTATIS, & est factum vel dictum quo civis, seu subditus, declarat non esse sibi amplius voluntatem, ei homini vel curiæ cui commissum est summum civitatis imperium, obediendi. Et factò quidem, hujusmodi voluntatem declarat civis, quando vim infert vel inferre conatur personis eorum qui vel summum imperium habent, vel habentium mandata exsequuntur, quales sunt proditores, Regicidæ, & qui arma contra civitatem gerunt, vel ad hostes durante bello transfugiunt. Dicto autem voluntatem eandem ostendunt qui

R

dirc-

directè negant, se, aut cives cæteros, ad talem obedientiam obligari, vel in toto, ut qui diceret, non esse iis obediendum (salvâ obedientiâ, quam debemus Deo) simpliciter, absolute & universaliter, vel in parte, ut si quis diceret, non esse iis jus suo arbitrio bellum gerendi, pacem faciendi, milites conscribendi, pecunias exigendi, magistratus & ministros publicos eligendi, leges ferendi, controversias determinandi, poenas statuendi, vel aliud aliquod sine quo consistere civitas non potest. Atque hæc & similia dicta & facta, crimina læsæ majestatis, ex vi legis, non civilis, sed naturalis sunt. Potest autem esse ut aliquid, quod factum ante legem civilem latam non erat crimen læsæ majestatis, sit tamen, si fiat post. Ut si lege declaretur, pro  
signo

figno obedientiæ civilis renun-  
 ciatæ habendum esse ( hoc est  
 pro crimine læsæ Majestatis ) si  
 quis vel monetam cudere, vel  
 sigilla civitatis adulteraverit; is  
 qui postea id fecerit, reus ma-  
 jestatis non minus est quam ille  
 alter, minùs tamen peccat, quia  
 non omnes leges simul, sed  
 unam tantum legem violat;   
 nam lex vocando crimen ma-  
 jestatis, id quod naturâ non ita  
 est, nomen quidem invidiosum,  
 & fortè pœnam majorem in-  
 reum jure statuit, sed ut pecca-  
 tum ipsum gravius sit, non effi-  
 cit.

XXI. Peccatum autem id, <sup>Crimine læsæ Ma-  
 jestatis non leges  
 civiles, sed natu-  
 rales vio-  
 lari.</sup>  
 quod per legem naturalem cri-  
 men læsæ majestatis est, legis  
 naturalis transgressio est, non  
 civilis. Cùm enim obligatio ad  
 obedientiam civilem, cujus vi  
 leges civiles validæ sunt, omni  
 lege civili prior sit, sitque cri-

men læsæ majestatis naturaliter nihil aliud, quam obligationis illius violatio; sequitur, crimine læsæ majestatis violari legem quæ præcessit legem civilem: nempe naturalem, qua prohibemur violare pacta & fidem datam. Quod si quis Princeps summus legem civilem in hanc formulam conciperet, *non rebellabis*; nihil efficeret. Nam nisi prius obligentur cives ad obedientiam, hoc est, ad non rebellandum, omnis lex invalida est; obligatio autem, quæ obligat ad id, ad quod antè obligati erant, superflua est.

*Ideoque non jure imperii, sed jure belli puniri*

XXII. Sequitur ex hoc, puniri *rebeldes, proditores, & cæteros læsæ majestatis convictos, non jure civili, sed naturali, hoc est, non ut cives malos, sed ut civitatis hostes, nec jure imperii sive domini, sed jure belli.*

XXIII.



XXIII. Sunt qui facta contra legem civilem, quando pœna ipsâ lege definitur, expiari putant, si pœnam volentes subeant, neque reos esse coram Deo violatæ legis naturalis (quamquam violando civiles leges, violamus quoque naturales, quæ jubent civiles observari) eos qui pœnam solverunt, quam lex exigebat. Tanquam lege non vetaretur factum, sed pœna pretii loco proponeretur, quo licentia facienda ea quæ lege prohibentur, venundaretur. Per eandem rationem possent inferri etiam, nullam omnino legis transgressionem peccatum esse, sed quam suo periculo libertatem quisque emerit, eam jure habere. Sciendum autem est, verba legis duplici sensu intelligi posse. Altero, ut duas partes (prout dicendum est supra articulo 7.) contineat,

*Obedientiam non rectè distinguimus in Activam & Passivam.*

tineat, nempe prohibentem absolute, ut, *Non facies*; & vindicantem, ut, *Qui facit, pœnas dabit*. Altero, ut unum contineat conditionale, ut, *Non facies, nisi pœnas velis solvere*. Et sic lex non simpliciter, sed conditionaliter prohibet. Si primo modo intelligitur, qui facit, peccat, quia quod lege vetitum est, facit. Si secundo, non peccat, quia facere, vetitum non est implenti conditionem. Nam in primo sensu omnes facere prohibentur; in secundo ii soli, qui se pœnæ subtrahunt. In primo sensu, legis pars vindicativa non Reum obligat, sed magistratum pœnas exigere; in secundo obligatur ad pœnas exigendas ipse qui pœnas debet; ad quas solvendas si capitales, aut alioqui graves sint, obligari non potest. Utro verò sensu lex accipienda sit, ab arbitrio

Cap. XIV. IMPERIUM. 391  
bitrio dependet ejus, qui summum habet imperium. Ubi ergo de sententia legis dubitatur, quia certi sumus non peccare qui non faciunt, peccatum erit, si facimus, utcumque lex postea explicari possit. Nam quod dubitas an sit peccatum necne, id facere, cum abstinere liberum sit, contemptio legum est; ideoque per cap. 3. art. 28. peccatum contra legem naturalem. Inanis igitur est distinctio illa *obediencie in Activam & Passivam*, quasi pœnis humano arbitrio positæ expiari possit, quod peccatum est contra legem naturalem, quæ est lex Dei; aut quasi non peccent, qui peccant suo damno.

## CAPUT XV.

*De Regno Dei per naturam.*

- I. *Propositio sequentium.* II. *In quos dicatur Deus regnare.* III. *Verbum Dei triplex: Ratio, Revelatio, Prophetia.* IV. *Regnum Dei duplex, Naturale & Propheticum.* V. *Jus quo regnat Deus, situm est in Omnipotentia ejus.* VI. *Idem ex Scriptura sacra.* VII. *Obligationem obedientie Deo præstandæ procedere ab imbecillitate humana.* VIII. *Leges Dei in Regno naturali esse eas, quæ 2. & 3. Cap. suprâ recitatae sunt.* IX. *Honor & cultus quid sunt.* X. *Cultum consistere vel in attributis, vel in Actionibus.* XI. *Et esse alium Naturalem, alium Arbitrarium.* XII. *Alium jassum, alium spontaneum.* XIII. *Quis sit cultus finis seu scopus.* XIV. *Quanam sint leges naturales circa Dei Attribute.* XV. *Quanam sint actiones quibus exhibetur*

*betur cultus naturaliter. xvi. In regno Dei naturali, civitatē posse cultum Dei instituire arbitrio suo. xvii. Regnante Deo per naturam solam, legum omnium interpretem esse civitatem, id est, eum hominem vel curiam, quæ habet sub Deo civitatis imperium summum. xviii. Dubitationes quædam sublata. xix. In Regno Dei naturali, quid sit peccatum, & quid crimen læsæ Majestatis Divinæ.*

I. **Q**UOD status naturæ, hoc <sup>Propositiō</sup> est libertatis absolutæ, <sup>sequentiū</sup> qualis est eorum, qui neque <sup>sum</sup> Regnant neque Regnantur; Anarchia sit & status-hostilis; Quod præcepta quibus talis status evitatur, sint *leges naturæ*; Quod civitas existere sine summo imperio non possit; Quod iis qui summum imperium obtinent, obediendum sit simpliciter, id est, in omnibus quæ mandatis Dei non repu-  
R 5                      gnant:

gnant: in antecedentibus, & ratione, & sacræ Scripturæ testimoniis comprobatum est. Deest ad integræ civilis officii cognitionem hoc unicum, ut sciamus quæ sint leges sive mandata Dei. Aliter enim sciri non potest, utrum ea quæ jubemur facere autoritate imperii civilis, sint contra leges Dei, necne. Ex quo contingere necesse est, ut vel nimiâ obedientiâ erga civitatem contumaces simus erga majestatem divinam; vel metu peccandi in Deum incurramus in contumaciam erga civitatem. Ut utrumque hunc scopulum effugiamus, necessaria est cognitio legum Divinarum. Quoniam verò legum cognitio dependet à cognitione regni, dicendum est in sequentibus de Regno Dei.

In quos  
Deus di-  
catur re-  
gnare.

II. Psal. 96. v. 1. Dominus  
regnavit, exultet terra, dicit  
Psal-

Cap. XV. RELIGIO. 395  
Pſalmiſta. Et rurfus idem Pſalmiſta, Pſal. 98. v. 1. *Dominus regnavit, irafcantur populi; qui fedet ſuper Cherubin; moveatur terra.* Scilicet velint nolint homines, Deus eſt Rex univerſæ terræ; neque ſi ſint qui *Exiſtentiam* ejus, vel *Providentiam* negaverint, ideo ſolio ſuo excutitur. Quamquam autem Deus homines univerſos ita per potentiam regat, ut nemo poſſit quidquam facere quod ille factum nolit, non eſt tamen hoc, propriè & accuratè loquendo, Regnare. Regnare enim dicitur non qui *agendo*, ſed qui *loquendo*, id eſt, *Præceptis*, & *minis* regit. In regno igitur Dei pro ſubditis habemus, non corpora inanimata, neque irrationalia, licet potentia divinae ſubjiciantur; quia *præcepta* & *minas* Dei non intelligunt; neque etiam *Atheos*, quia Deum

R 6 eſſe

396 RELIGIO. Cap. XV.  
esse non credunt; neque eos  
qui Deum esse credentes, eum  
tamen inferiora hæc regere non  
credunt: nam & hi quamquam  
regantur à potentia Dei, præ-  
cepta ejus nulla agnoscunt, ne-  
que minas metuunt. Soli igitur  
in Regno Dei censendi sunt,  
qui ipsum & rectorem omnium  
rerum esse, & præcepta homi-  
nibus dedisse, & pœnas in trans-  
gressores statuisse agnoscunt.  
Cæteros non subditos, sed ho-  
stes Dei appellare debemus.

*Verbum  
Dei tri-  
plex: Ra-  
tio, Re-  
velatio &  
Prophe-  
tia.*

III. Regere autem præcep-  
tis non dicitur, nisi qui regen-  
dis præcepta sua apertè decla-  
rat. Nam præcepta regentium  
leges sunt iis qui reguntur. Le-  
ges autem non, nisi quæ perspi-  
cuè promulgantur, ita ut om-  
nis tollatur ignorantiae excusa-  
tio. Leges suas homines qui-  
dem verbo sive voce promul-  
gant, nec alio modo volunta-  
tem



tem suam universaliter significare possunt. Dei autem *leges* triplici modo declarantur. Primò *per tacita recta rationis dictamina*. Secundò, *per revelationem immediatam*, quæ intelligitur fieri per *vocem supernaturalem*, vel per *visionem*, vel *somnium*, vel *inspirationem* seu *afflatum divinum*. Tertiò, *per vocem alicujus hominis*, quem Deus per vera miracula edita, et fide dignum, cæteris commendavit. Is autem cujus voce sic utitur Deus ad voluntatem suam aliis significandam, vocatur **PROPHETA**. Tres hi modi dici possunt triplex *Verbum Dei*, nimirum, *Verbum rationale*, *Verbum sensibile*, & *Verbum Propheticum*. Quibus respondent tres modi quibus audire Deum dicimur, *Ratiocinatio recta*; *Sensus*, & *Fides*. *Verbum Dei sensibile* ad paucos factum.

factum est, neque Deus per Revelationem hominibus loquutus est, nisi viritim, & diversis diversa; neque ullæ leges Regni hoc modo populo ulli promulgatæ fuerunt.

Regnum  
Dei du-  
plex, na-  
turale &  
Propheti-  
cum.

IV. Pro differentiâ autem quæ est inter *Verbum Dei Rationale & Propheticum*, Deo Regnum duplex attributum est: *Naturale*, in quo regit per dictamina rectæ Rationis; quodque universale est, in omnes qui divinam agnoscunt potentiam, propter naturam rationalem omnibus communem; & *Propheticum*, in quo regit etiam per *Verbum propheticum*; quod peculiare est, propterea quod non omnibus dedit leges positivas, sed populo peculiari, & certis quibusdâ hominibus à se electis.

Jus quo  
regnat  
Deus se-  
cum est

V. In *Regno naturali* regnandi & puniendi eos qui leges suas violant, jus Deo est à sola

sola potentia irresistibili. Jus enim in omni-  
 omne in alios vel à *Natura* est, potentia  
 vel à *Pactò*. Quomodo jus re- ejus.  
 gnandi ex *Pactò* oritur, osten-  
 sum est capite 6. A *Natura* au-  
 tem idem jus derivatur, eo ipso  
 quod à natura non fit sublatum.  
 Cum enim per naturam jus esset  
 omnibus in omnia, unicuique  
 erat jus in omnes regnandi ipsi  
 naturæ coævum; causa autem  
 quare inter homines id aboli-  
 tum fuerit, alia non erat præ-  
 ter mutuum metum, ut supra ca-  
 pite secundo, articulo 3. osten-  
 sum est; dictante scilicet ratio-  
 ne decedendum esse à jure illo  
 propter conservationem huma-  
 ni generis; quia æqualitatem  
 hominum inter se quoad vires  
 & potentias naturales necessa-  
 rio consequeretur bellum; cum  
 bello autem generis humani  
 pernicies conjuncta est. Quod si  
 quis cæteros potentiâ in tantum  
 anteis-

anteisset, ut resistere ei ne omnes quidem conjunctis viribus potuissent, ratio quare de jure sibi à natura concessa decederet, nulla omnino fuisset. Manifestet igitur ipsi jus dominii in cæteros omnes propter potentiae excessum, qua & se & illos conservare potuisset. His igitur quorum potentiae resisti non potest, & per consequens Deo omnipotenti, jus dominandi ab ipsa potentia derivatur. Et quotiescunque Deus peccatorem punit, vel etiam interficit, etsi ideo puniat quia peccaverat, non tamen dicendum est, non potuisse eum eundem juste affligere, vel etiam occidere, etsi non peccasset. Neque si voluntas Dei in puniendo, peccatum antecedens respicere possit, idè sequitur quod affligendi vel occidendi jus non à potentia divina dependeat, sed à peccato hominis.

VI.

VI. Quæstio ista disputatio- *Idem ex*  
 nibus antiquorum nobilitata, *Scriptura*  
*sacra.*  
*quare bonis mala, & malis bona*  
*contingunt*, eadem est cum hac  
 nostra, quo jure Deus bona &  
 mala hominibus dispenset. Et dif-  
 ficultate suâ non solum vulgi,  
 sed etiam Philosophorum, &  
 quod majus est, sanctorum ho-  
 minum, de divina providentia  
 fidem vacillare fecit. Psal. 72. v.  
 1, 2. *Quam bonus* (inquit Da-  
 vid) *Israëlis Deus his qui recto*  
*sunt corde; mei autem penè mori*  
*sunt pedes, penè effusi sunt gres-*  
*sus mei, quia zelavi super ini-*  
*quos, pacem peccatorum videns.*  
 Et Job, quam acriter cum Deo  
 expostulabat, quod justus cum  
 esset, tantis tamen calamitatibus  
 affligeretur? Solvit difficulta-  
 tem hanc, in casu Job, ipse  
 Deus vivâ voce, & jus suum  
 argumentis non à peccato ejus,  
 sed à potentia propria desumptis  
 confir-

confirmavit. Ita enim disputarunt inter se *Job*, & amici ejus, ut hi illum reum facerent, propterea quod puniretur; ille horum accusationem argumentis ab innocentia sua redargueret. Atqui Deus cum & illum & hos audivisset, expostulationem illius refutat, non injustitiæ aut peccati alicujus ipsum damnando, sed propriam potentiam explicando. *Job*. 38. vers. 3. & sequentibus. *Ubi* (inquit) *eras tu, quando ponebam fundamenta terræ?* &c. De amicis autem *Job* 42. 7. *iratum se* ait contra eos quod non locuti fuerint rectum coram eo, sicut servus ejus *Job*. Sententiæ huic consentanea est ea quam dixit Servator noster in casu ejus qui cæcus natus erat, eum interrogantibus discipulis an ipse peccasset, quod nasceretur cæcus, an parentes, respondit, *Joh*. 9. vers. 3. *Ne-*  
*que*

que hic peccavit, neque parentes ejus; sed ut manifestarentur opera Dei in illo. Quamquam autem dictum sit, Rom. 5. 12.

Mortem intrasse in hunc mundum per peccatum, non sequitur quin Deus jure suo potuerit homines & morbis & morti obnoxios fecisse, etiamsi nunquam peccassent, quemadmodum cætera animalia mortalia fecit & morbosa, etiamsi peccare non possunt.

VII. Quod si jus Regnandi habeat Deus ab omnipotentia sua, manifestum est, obligationem ad præstandam ipsi obedientiam, incumbere hominibus propter (\*) imbecillitatem. *Obligatio* enim quæ ex pacto oritur, de qua dictum est capite secundo, hinc ubi jus imperandi, nullo intercedente pacto, à natura oritur, locum habere non potest. Sunt autem *obligationis*

*Obligacionem obedientia Deo præstanda procedere ab imbecillitate humana.*

*tionis naturalis* duæ species ;  
 Una ubi libertas impedimentis  
 corporeis tollitur ; juxta quam  
 coelum & terram & creaturas  
 omnes communibus suæ crea-  
 tionis legibus obedire dicimus.  
 Altera ubi tollitur spe & metu ;  
 juxta quam, infirmior potentio-  
 ri cui resistere se posse desperat,  
 non potest non obedire. A se-  
 cundo hoc obligationis genere  
 nascitur, hoc est, à metu, sive  
 imbecillitatis propriæ ( respectu  
 divinæ potentiae ) conscientia,  
 quod in Regno Dei naturali,  
 ad obediendum Deo oblige-  
 mur ; distante scilicet ratione,  
 omnibus Dei potentiam & pro-  
 videntiam agnoscentibus non  
*esse calcitrandum contra stimu-  
 lum.*

Annot.  
 ad pag.  
 anteccd.

(\*) Propter imbecillitatem ]  
*Si cui durum hoc videbitur, il-  
 lum rogo ut tacitâ cogitatione con-  
 sidera-*



*siderare velit, si essent duo omnipotentes, uter utri obedire obligaretur. Confitebitur, credo, neutrum neutri obligari. Hoc si verum est, verum quoque est quod posui, homines ideo Deo subiectos esse, quia omnipotentes non sunt. Etenim Servator noster Paulum admonens (qui eo tempore Ecclesie hostis erat) ne contra stimulum calcitraret, obedientiam ab illo, eo nomine videtur exegisse, quod ad resistendum satis virium non haberet.*

Annoc.

VIII. Quoniam *Verbum Dei* Leges Dei  
 per naturam solam regnantis, in regno naturali  
 aliud non supponitur præter esse eas,  
 rectam rationem; leges autem que 2. & 3. cap. supra recitatae sunt  
 Regum ab eorum *Verbo* solo  
 cognosci possunt, manifestum  
 est, leges Dei per solam natu-  
 ram regnantis, solas esse *leges*  
*naturales*; nempe illas quas cap.  
 2. & 3 enumeravimus, & à ra-  
 tionis

406 RELIGIO. Cap. XV.  
tionis dictatis deduximus, *Humilitatem, Æquitatem, Justitiam, Misericordiam, cæterasque virtutes morales pacis conciliatrices*, quæ pertinent ad officia hominum erga se invicem; & illas quas ratio recta dictaverit præterea, circa honorem & cultum divinæ majestatis. Quæ sint illæ *leges naturales, sive virtutes morales*, non est opus repetere. Quos honores autem, & quem cultum divinum, id est, quas *leges sacras* eadem dicitet *ratio naturalis*, videndum est.

*Honor & cultus quid sint.*

IX. HONOR, proprie loquendo, nihil aliud est quam opinio alienæ *potentiæ conjunctæ cum bonitate*. Et *honorare* aliquem, idem est quod magni æstimare. Et sic Honor non in *Honorato*, sed in *Honorante* est. *Honorem* autem in opinione fitum consequuntur necessariò tres

tres affectus : *Amor*, qui ad *Bonitatem*; *Spes* & *Timor*, qui ad *potentiam* referuntur. Ex his autem oriuntur actiones externæ, quibus potentes placari, & propitii fieri solent, & quæ sunt ipsius honoris effectus, ideoque & signa naturalia. Sed nomen *Honor* translatum est etiam ad effectus illos honoris externos; quo sensu, *Honorare* cum dicimur, de cujus potentia testamur, verbis vel factis, nos egregiè sentire; ut *Honor* idem sit quod *Cultus*. CULTUS autem est actus externus Honoris interni signum. Et quos officiis placare si irati sint, vel utcunque propitios nobis reddere studemus, eos *colere* dicimur.

X. Signa animi omnia, vel *verba* sunt vel *facta*; ideoque *Cultus* omnis, vel *verbis* vel *factis* constat. Utraque autem ad tria genera referuntur; quorum

*Cultum consistere vel in attributis, vel in actionibus.*

rum primum, *Laus* est sive *prædicatio bonitatis*; secundum *prædicatio potentie presentis*, quod est *Magnificare*, *μεγάλωσις*; tertium *prædicatio felicitatis* sive *potentie in futurum* etiam securæ; quæ *μακαρισμός* dicitur. Honorum, inquam, unumquodque genus, non in *Verbis* modo, sed etiam in *Factis* spectari potest. *Verbis* autem *laudamus* celebramusque tunc, quando fit per propositionem, sive *dogmaticè*, hoc est, per *attributa*, sive *nomina*, quod *enunciativè & categoricè* laudare vel celebrare dici potest; ut cum dicimus illum quem honoramus esse *liberalem*, *fortem*, *sapientem*. *Factis* vero, quando fit *per consequens*, sive *per hypothesin*, ut *gratiarum actione*, quæ *bonitatem*; *obedienciã*, quæ *potentiam*; *congratulatione*, quæ *felicitatem* supponit.

XI. Sive

XI. Sive autem *verbis*, sive *factis*, aliquem celebrare velimus, inveniemus alia quæ honorem apud omnes significant, qualia sunt inter *attributa*, nomina *virtutum* & *potentiarum* generalia; quæ in malam partem accipi non possunt. Ut *Bonus*, *Pulcher*, *Fortis*, *Justus*, & similia. Inter *actiones* autem *Obedientia*, *Gratiarum actio*, *Preces*, aliaque ejus generis, quibus agnitio potentiaë & virtutis semper subintelligitur. Alia quæ honorem apud quosdam significant, apud alios vero contumeliam, vel neutrum; qualia sunt in *Attributis* nomina quæ ad virtutes vel vitia, honesta vel inhonesta, pro diversitate opinionum diversè referuntur, ut quod occiderit inimicum, quod fugerit, quod sit Philosophus, quod Orator, & similia, quæ apud alios in honore,

*Et esse  
alium natura-  
lem,  
alium  
Arbitra-  
rium.*

nore, aliis contemptui habentur: in *factis*, ea quæ dependent à consuetudine loci, vel præscriptis legum civilium; ut inter salutandum caput nudare, calceos deponere, corpus inclinare, stantem, prostratum, vel genibus innixum aliquid petere, ceremoniarum formulæ, & similia. *Cultus* autem ille qui apud omnes & semper honorificus est, *naturalis*, alter vero qui loca & mores sequitur, *arbitrarius* dici potest.

*Alium  
iustum,  
aliud  
spontaneum.*

XII. Porrò *Cultus* esse potest *imperatus*; scilicet jussu ejus qui colitur; & potest esse *spontaneus*, nimirum talis qualis videbitur colenti, si *imperatus*, actiones quæ adhibentur, non significant honorem ut *tales*, sed ut *imperatæ*: significant enim *obedientiam* immediatè, *obedientia potentiam*; ita ut *cultus imperatus* consistat *obedientiâ*,

tiâ,

tiâ, *spontaneus* solâ naturâ actionum fit honorificus; quæ si honoris significativæ sint apud spectantes, *cultus*, aliter *contumelia* est. Rursus *cultus* vel *publicus*, vel *privatus* esse potest. *Publicus* autem *spontaneus* esse respectu colentium singulorum non potest; respectu civitatis potest. Cum enim quod spontaneè fit, arbitrio fiat facientis, non esset *cultus* unus qui exhiberetur, sed tot *cultus* quot colentes, nisi unius imperio arbitria omnium unirentur. *Privatus* autem *spontaneus* esse potest, si exhibeatur secretò: quod enim palam fit, vel legibus, vel verecundiâ coërcitum est, quod naturæ *spontanei* adversatur.

XIII. Ut autem quis sit *colendi* alios *scopus* & *finis* cognoscatur, consideranda causa est, quare homines cultu gaudeant.

*Quis sit cultus finis seu scopus.*

Sumendum autem est, quod alias ostendimus, *Gaudium* in eo situm esse quod quis virtutem, vim, scientiam, formam, amicos, divitias, aut quamcumque aliam *potentiam* suam, vel tanquam suam, contempletur, neque aliud esse præter *Gloriam*, seu triumphum animi putantis se honorari, hoc est, amari, & timeri; hoc est, servitia & auxilia hominum præstò habere. Quoniam verò homines, quem honorari, id est, pro potente haberi, ab aliis vident, potentem esse credunt, contingit honorem cultu propagari; & potentiae existimatione, potentiam acquiri veram. *Finis* ergo ejus qui se coli vel jubet, vel patitur, is est, ut quamplurimos, eo modo sibi vel amore vel metu obedientes reddat.

*Quenam  
sint leges  
naturales*

XIV. Ut sciamus autem, quem *cultum* Dei assignet *ratio*  
nati-



*naturalis*, incipiamus ab *attribu-* circa Dei  
attribu-  
*butis*. Ubi imprimis manifestum ta.  
est, attribuendam ei esse *exis-*  
*tentiam*. Voluntas enim hono-  
randa eum, quem non putamus  
esse, nulla esse potest. Deinde  
Philosophos qui ipsum mun-  
dum, vel mundi animam ( id  
est partem ) dixerunt esse  
Deum, indignè de Deo loquu-  
tos esse: non enim quicquam ei  
attribuunt, sed omnino esse ne-  
gant: nam per nomen illud,  
*Deus*, intelligitur *mundi causæ*,  
dicentes autem *mundum esse*  
*Deum*, dicunt *nullam esse ejus*  
*causam*, hoc est, *Deum non esse*.  
Similiter eos qui mundum non  
creatum, sed æternum esse asse-  
runt, quoniam æterni causa esse  
non potest, *causam mundi esse*,  
id est, *Deum esse* negare. Indig-  
ne item de Deo sentire, qui  
otium ipsi attribuentes, mundi  
generisque humani regimen ei-

dem auferunt. Nam ut omnipotentem esse fateantur, si tamen inferiora hæc non curet, locum habet apud eos tritum illud, *quod supra nos, nihil ad nos*; cumque non sit, propter quod eum ament, aut timeant, illis certe est tanquam non existeret. Præterea in *attributis* quæ significant *magnitudinem & potentiam*; ea quæ finitum, seu determinatum aliquod significant, minime signa esse animi honorantis; non enim Deum dignè honoramus, si minus ei *potentiæ* aut *magnitudinis* attribuimus quàm possumus. Finitum autem omne minus est quam possumus; finito enim majus semper assignari & attribui facillimè potest. Non igitur Deo tribuetur *figura*, omnis enim *figura finita*; neque dicetur concipi, siue comprehendere imaginatione, vel quacunque

que facultate animæ nostræ ; quicquid enim concipimus , *finitum* est. Et quamquam vox hæc *infinitum* significet conceptum animi , non tamen sequitur conceptum nobis aliquem esse *rei infinitæ* : quando enim dicimus aliquid esse *infinitum* , non aliquid in re significamus , sed impotentiam in animo nostro ; tanquam si diceremus nescire nos , an & ubi terminetur. Neque dici de Deo honorifice , quod *idea ejus* animo nostro *insit* , *idea* enim conceptus noster est , conceptus autem nisi *finiti* non est. Neque quod habeat *partes* , aut quod sit *totum* aliquid , quæ attributa quoque *finitorum* sunt. Neque quod in *loco* aliquo sit ; *in loco* enim non est , nisi quod undiquaque *fines* & terminos habeat magnitudinis. Neque quod *moveatur* aut *quiescat* , utrumque enim sup-

ponit *esse in loco*. Neque plures esse Deos, quia nec plura infinita. Porro circa *attributa Felicitatis*, indigna Deo ea esse quæ significant *dolorem* ( nisi intelligantur, non pro affectu, sed per metonymiam pro effectu ) qualia sunt *pœnitentia, ira, misericordia*: vel *egestatem*, ut *appetitus, spes, concupiscentia*: & *amor ille, qui & cupido* dicitur; signa enim *indigentia* sunt, cum intelligi non possit, ut quis *appetat, speret, cupiatve*, nisi ea quibus *caret, indigetque: vel facultatem passivam*; *pati* enim potentia limitatæ est, & quæ dependet ab alio. Quando igitur attribuimus Deo *voluntatem*, non est intelligenda similis nostræ; qui *appetitus rationalis* dicitur. Deus enim si *appetat, indiget*; quod contumelia est dicere; sed supponendum est aliquid analogum quod

quod concipere non possumus. Similiter quando attribuimus ei *visionem* & cæteros *sensuum actus*, vel *scientiam* & *intellectum*, quæ in nobis nihil aliud sunt, quàm suscitatus à rebus externis, organa prementibus animi tumultus, non est putandum aliquid tale accidere Deo; signum enim est potentiae ab alio *dependentis*, id quod non est beatissimum. Illum igitur qui nolit attribuere Deo alia nomina, quam jubet ratio, oportet uti nominibus, quæ vel negativa sunt, ut *infinitus*, *æternus*, *incomprehensibilis*, vel superlativa, ut *optimus*, *maximus*, *fortissimus*, &c. vel indefinita, ut *bonus*, *justus*, *fortis*, *creator*, *rex*, & similia; eo sensu, ut non velimus, quid sit, dicere, (quod esset cum limitibus nostræ phantasiæ circumscribere;) sed propriam admirationem, &

ob dientiam confiteri, quod humilitatis est, & proprium animi honorantis, quantum potest. Unicum enim ratio dicitur *naturæ* significativum Dei nomen, *existens*, sive simpliciter, quod est, unumque *relationis* ad nos, nempe *Deus*, quò continetur & *Rex*, & *Dominus*, & *Pater*.

*Quenam sint actiones quibus cultus exhibetur naturaliter.* XV. Circa *actiones externas* quibus Deus colendus est (quemadmodum & circa *attributa*) generalissimum rationis præceptum est, ut sint signa animi honorantis; sub quo continentur, Primò; *preces*. *Qui fingit sacros auro vel marmore vultus, Non facit ille Deos; qui rogat, ille facit.* Sunt enim *preces* signa spei; spes vero *potentiæ & bonitatis* divinæ agnitio est.

Secundo, *Gratiarum actio*, quæ ejusdem affectus signum est, nisi quod beneficium *antedant preces, gratiæ consequantur*.  
Ter-

Tertio, *Dona*, id est, *oblaciones & sacrificia*; sunt enim *Gratiarum actiones*.

Quarto, *Non jurare per alium*. Est enim juramentum hominis contra se ipsum, si fallat; iræ imprecatio ejus, qui & scire, utrum fefellerit, necne, & punire quamvis potentem potest. Id quod solius Dei est. Siquidem enim Homo aliquis esset, cui neque abscondi subditorum suorum *malitia*, neque resistere potentia humana posset, sufficeret fides data, sine juramento; quæ violata posset ab Homine vindicari; neque igitur juramento esset opus.

Quinto, *De Deo consideratè loqui*. Signum enim *Timoris* est; Timor autem *Potentia* confessio est. Sequitur ex præcepto hoc: *non esse utendum Dei nomine temere, aut frustra*; utrumque enim inconsideratum est.

*Non esse jurandum ubi non est opus ; est enim frustra. Opus autem non est ; nisi inter civitates , ad vitandum , vel tollendum certamen per vim , quod oriri necesse est , ubi promissis fides deest , vel in civitate ad iudiciorum certitudinem. Item non esse disputandum de divina natura.* Suppositum enim est , in regno Dei naturali solâ ratione omnia inquiri , hoc est , ex principiis scientiæ naturalis. His autem tantum abest , ut sciamus naturam Dei , ut ne quidem nostri corporis , aut cujusque creaturæ proprietatis satis assequi possimus. Ex hujusmodi igitur disputationibus nihil provenit , præterquam quod ad modulum conceptionum nostrarum nomina divinæ majestati temere imponamus. Sequitur quoque ( quod attinet ad jus Regni Dei ) inconsideratam  
&



& temerariam loquutionem esse eorum qui dicunt, *Hoc vel illud non consistere cum justitiâ divinâ*. Nam & homines contumeliæ ducunt si filii sui jus eorum disputent, aut justitiam aliter quàm imperatis suis metiantur.

Sextò, in *Precibus, Gratiarum actionibus, Sacrificiisque quidquid exhibetur, oportere esse in suo genere optimum, & honoris significativum*; nimirum orationem esse non subitam, aut levem, aut plebeiam, sed pulchram & bene compositam. Nam etsi absurdum erat, quod *Ethnici Deum sub imagine colerent*, non tamen à ratione alienum erat, quod carminibus, & musicâ in sacris uterentur. Item *Victimas pulchras, & Donaria magnifica, & quæ aguntur, vel submissionis vel gratitudinis significativa, vel bene-*

beneficiorum acceptorum memorativa esse; proficiscuntur enim hæc omnia à studio honorandi.

Septimò, *Deum non solum secretò, sed palam & publice in conspectu hominum coli oportere.* Etenim cultus eo maxime placet, ut dictum est suprà, articulo 13. quod gignat honorem in aliis. Nisi ergo alii videant, quod in cultu gratissimum est, perit. Postremò, summo conatu *observandas esse leges naturales.* Etenim Domini imperium parvi pendere, superat omnes alias contumelias; sicut & è contrario, omnibus sacrificiis acceptior est obedientia. Atque hæc sunt legum naturalium circa cultum Dei præcipuæ, earum (inquam) quas dictat ratio hominibus singulis. Totis autem civitatibus, quarum unaquæque una est Persona,

na, eadem Ratio naturalis præterea imperat *Cultus Publici uniformitatem*. Nam quæ actiones fiunt à singulis secundum rationem privatam, cæ civitatis actiones non sunt, neque ergo civitatis cultus: quod autem fit à civitate, fieri intelligitur ejus, vel eorum qui summum habent imperium, ideoque consensu civium simul omnium, id est, *uniformiter*.

XVI. *Leges naturales* circa cultum divinum, quæ præcedente articulo numerantur, signa honoris naturalia tantum exhiberi præcipiunt. Considerandum autem est, duo esse genera signorum; alterum *Naturalium*, alterum *Positivorum*, sive ex constituto expresso, vel tacito. Quoniam jam in omni linguâ, *Nominum* sive *Appellationum* usus ex constituto oritur, etiam ex constituto poterit

*In regno Dei naturali, civitatem posse cultum Dei instituere arbitrio suo*

terit mutari. Quod enim dependet & vim suam derivat à voluntate hominum, eorundem consentientium voluntate mutari, vel aboleri potest. *Nomina* ergo quæ ex constituto hominum obtinuerunt Deo *attribui*, eorundem constituto cessare possunt: quod autem constituto hominum potest fieri, id constituere civitati licet. Jure ergo civitas ( hoc est ii, qui totius civitatis potestatem habent ) quæ *nomina* sive *appellationes* Deo *honorificæ* sint, quæ non sint, hoc est, quæ doctrinæ de natura & operationibus Dei publicè tenendæ, vel profitendæ sunt, judicabit. Actiones autem significant non ex constituto hominum, sed naturaliter, sicut effectus sunt signa suarum causarum; quarum quædam semper signa sunt contentus eorum, coram quibus fiunt,

fiunt, nimirum quibus ostentatur corporis immundities, & quæcunque pudet facere coram iis quos reveremur. Aliæ semper signa sunt honoris, ut, accedere, & alloqui decenter, & humiliter, cedere de via, vel de alio quocunque commodo. Nihil in his mutare civitas potest. Sed infinitæ aliæ sunt, quæ, quod attinet ad honorem aut contumeliam, adiaphoræ sunt; eæ verò in signa honoris à civitate & institui possunt, & institutæ revera honorificæ sunt. Ex quo intelligi potest, civitati obediendum esse, quicquid iusserit pro signo honorandi Deū, id est, pro cultu usurpari, modo id in signum honoris institui possit; quia honoris signum est, quod iussu civitatis pro tali usurpatur.

XVII. Regnante Deo per *Regnante*  
solam naturam, quæ sint leges *Deo per*  
*naturam*  
ejus,

*solam, legum omnium interpretem esse civitatem, id est, eum hominem, vel curiam, quæ habet sub Deo civitatis imperium summum.*

ejus, tam sacræ quam seculares, diximus jam. Quoniam autem nemo est, quin falli ratiocinando possit, contingatque circa plerasque actiones, homines discordi sententiâ esse; quæri ulterius potest, quemnam, *rectæ rationis*, hoc est, legum suarum *interpretem* Deus esse voluerit. Et de *legibus* quidem *secularibus*, id est, de iis quæ pertinent ad justitiam, & mores hominum versus homines, ex antè dictis de civitatis constitutione, rationi consentaneum esse demonstravimus, *judicia* omnia esse penes civitatem; *judicia* autem nihil aliud esse, quam legum interpretationes: & per consequens *legum interpretes* ubique esse civitates, hoc est, eos qui civitatum habent imperium summum. De *legibus* autem *sacris* considerandum est, quod supra

pra

pra cap. 5. art. 13. demonstra-  
vimus, singulos cives tantum  
juris in eum vel eos qui impe-  
rium habent civitatis, quan-  
tum transferre potuerunt, trans-  
tulisse. Potuerunt autem trans-  
ferre jus decernendi de modo  
quo Deus honorandus sit; ergo  
& transtulerunt. Quod autem  
id potuerint, ex eo manifestum  
est, quod modus honorandi  
Deum ante constitutam civi-  
tatem, ab uniuscujusque *ratione*  
*privatâ* petendus erat: unus-  
quisque autem *rationem priva-*  
*tam, rationi totius civitatis* sub-  
mittere potest. Præterea si sin-  
guli propriam rationem in co-  
lendo Deo sequerentur, in tan-  
ta diversitate colentium, alter  
alterius cultum indecorum, vel  
etiam impium judicaret; neque  
alter alteri Deum honorare vi-  
deretur; non esset ergo *cultus*,  
ne is quidem qui maximè cum  
ratio-

ratione congrueret , propterea quod natura *cultus* in eo consistit , ut sit *signum honoris interni* : signum autem non est nisi quo aliquid innotescit aliis ; neque ergo signum honoris est , nisi quod aliis sic videtur. Rursum signum verum est , quod consensu hominum fit signum , ergo etiam honorificum est , quod consensu hominum , id est , jussu civitatis fit signum honoris : non est ergo contra voluntatem Dei , per solam rationem declaratam , exhibere ipsi signa honoris quæ imperabit civitas. Possunt ergo cives jus decernendi de modo colendi Deum , in eum vel eos transferre , qui civitatis habent imperium summum. Imò debent ; alioquin enim , omnes absurdæ opinioniones de natura Dei , ceremoniæque omnes ridiculæ , quæ apud ulla gentes existêre ,



re, in eadem simul civitate  
 conspicerentur; ex quo con-  
 tingeret unicuique credere,  
 cæteros omnes Deum contu-  
 meliâ afficere. Itaque de nemi-  
 ne rectè dici posset, quod Deum  
 coleret: nemo enim Deum co-  
 lit, id est, honorat externe,  
 nisi is qui ea facit, quibus aliis  
 appareat honorare. Concludi  
 itaque potest, *legum naturalium,*  
*tam sacrarum, quam secularium,*  
 regnante Deo per solam natu-  
 ram, *interpretationem,* depen-  
 dere ab autoritate civitatis, hoc  
 est, ejus hominis, vel curiæ,  
 cui concessum est summum ci-  
 vitatis imperium; & Deum;  
 quicquid imperat, per ejus vo-  
 cem imperare. Et, è converso,  
 quod ab iis imperatur & circa  
 modum honorandi Deum, &  
 circa secularia, imperari à Deo.

XVIII. In contrarium au-  
 tem interrogare quis poterit,  
 Pri-

*Dubita-  
 tiones  
 quadam  
 sublatæ.*

Primo, an non sequatur, obediendum civitati esse, si directè imperat, Deum contumeliâ afficere, vel prohibeat colere? Dico, non sequi, neque esse obediendum; nam contumeliâ afficere, aut non omnino colere, à nemine intelligi potest pro modo colendi: neque etiam habuit quisquam ante civitatem constitutam, eorum, qui Deum regnare agnoverunt, jus negandi honorem ipsi inde debitum: neque ergo jus talia imperandi in civitatem transferre potuit. Deinde, si quæeratur, an obediendum civitati sit, si impèret aliquid dici, vel fieri, quod non est directè in Dei contumeliam, sed ex quo per ratiocinationem consequentiæ contumeliosæ possunt derivari; veluti si imperetur Deum colere sub imagine, coram iis, qui id fieri honorificum esse putant?

tant? Certè faciendum (\*) est. Cultus enim instituitur in signum honoris : sic autem colere, signum honoris est, & honorem Dei propagat apud eos quibus pro signo habetur. Vel si imperetur Deo nomen attribuere; quod non intelligimus quid significet, aut quomodo cum hoc ipso nomine, *Deo*, cohæreat; id quoque faciendum est; quia quæ facimus honoris causâ, nec intelligimus aliter se habere, si pro signis honoris accipiuntur, signa honoris sunt, ideòque, si ea facere recusamus, recusamus Dei honorem propagare. Idem sentiendum est de omnibus *attributis & actionibus* circa cultum Dei mere rationalem, quæ cadere in controversiam, vel disputari possunt. Quamquam enim hujusmodi imperata possunt esse interdum contra rectam rationem

tionem

tionē, ideòque peccata in iis qui imperant, non tamen sunt cōtra rectam rationem, neque peccata in subditis, quorum in rebus controversis recta ratio est ea quæ submittitur rationi civitatis. Postremò, si is homo vel curia cui commissa est summa potestas civitatis, jubeat se coli *attributis & actionibus* illis, quibus colendus est Deus; quæri potest an obediendum sit. Multa sunt quæ & Deo & hominibus communiter attribui possunt; nam & homines *laudari, & magnificari* possunt; multæque actiones, quibus & Deus & homines coli possunt. Sed *attributorum & actionum* significationes tantum spectandæ sunt. *Attributis* ergo quibus significamus sentire nos, hominem aliquem ita imperium habere, ut à Deo non dependeat, vel esse immortalem, vel potentiæ  
 infi-

infinitæ, & similibus, quamquam jubeant Reges, abstinendum est; sicut & *actionibus* idem significantibus, ut precari absentem, rogare ea quæ solus Deus dare potest, ut pluvias, & serenitatem; offerre ei quæ solus Deus accipere potest, ut holocausta; vel cultum exhibere, quo major exhiberi potest, ut sacrificium. Hæc enim eo tendunt, ne Deus regnare existimetur, contra id quod ab initio supponitur. Cæterum genuflexio, prostratio, vel alius quicumque actus corporis adhiberi licitè potest, etiam in cultu civili: possunt enim significare agnitionem potestatis civilis tantum. Cultus enim divinus à civili, non motu, situ, habitu, aut gestu corporis distinguitur, sed sententiæ de eo qui colitur declaratione; ut si prosternamus nos ante aliquem

T

quem

434 RELIGIO. Cap. XV.  
quem animo declarandi eo signo quod habemus eum pro Deo, cultus divinus est: si idem facimus in signum agnitionis imperii civilis, cultus civilis est. Neque distinguitur *cultus divinus* à *civili* per ullam actionem quæ intelligi solita est sub nominibus *λατρεία* & *δουλεία*, quorum prius servorum officium, posterius sortem denotans, nomina sunt ejusdem numero actionis.

Annot. (\*) Certè faciendum est. ]  
ad p.431. *Diximus capituli presentis articulo 14. qui Deo terminos attribuit, facere eos contra legem de cultu Dei naturalem. Jam qui Deum colunt sub imagine, terminos illi statuunt, faciunt ergo quod faciendum non est, & locus hic priori videtur esse contrarius. Sciendum igitur est primò, non illos qui imperio coacti sic colunt,*  
Deo

Deo terminos assignare ; sed qui Aunoc.  
 imperant : nam qui inviti colunt , revera colunt , sed eo in loco stant vel procumbunt in quo loco stare vel procumbere à legitimo imperante jussi sunt. Secundo, faciendum esse dico , non semper & ubique , sed supposito nullam aliam esse colendi Deum regulam præter dictamina humanæ rationis ; nam tunc voluntas civitatis pro ratione est. At in Regno Dei per Pactum, sive antiquum, sive novum , ubi expresse prohibetur Idololatria , etsi civitas sic colere jubeat , tamen faciendum non est. Quæ si consideraverit , qui repugnantiam putavit esse aliquam inter articulum hunc & decimum quartum , ita putare desinet.

XIX. Ex iis quæ dicta sunt ; colligitur , Regnante Deo per solam rationem naturalem, pec-

care subditos, primò, si violant leges morales illas, quæ explicatæ sunt cap. 2. & 3. Secundo, si violant leges sive mandata civitatis in iis rebus quæ pertinent ad justitiam. Tertio, si non colant Deum *κατὰ τὰ νόμιμα*. Quartò, si non confiteantur coram hominibus verbis & factis, unum esse Deum Optimum, Maximum, Beatissimum, totius mundi, mundanorumque Regum Regem supremum: Hoc est, si Deum non colunt. Quartum hoc peccatum in Regno Dei naturali, per ea quæ dicta sunt capite præcedente, articulo 2. *læsã divinã Majestatis crimen* est. Est enim negatio divinæ potestatis, sive *Atheismus*. Procedunt enim Peccata hic similiter ac si supponeremus aliquem hominem esse supremum Regem, qui absens regnaret per

Prore-



Proregem, contra quem peccarent quidem illi, qui Proregi non obedirent in omnibus, excepto si regnum sibi ipsi arrogaret, vel alii tradere voluerit; illi verò qui ita absolutè eidem obedirent, ut illud non exciperent, Rei majestatis dicerentur.

---

C A P U T X V I.

*De Regno Dei per pactum  
vetus.*

- I. *Veram religionem (superstitione exterarum nationum occupante) instituit Deus per Abrahamum.*
- II. *Pactum inter Deum & Adamum, prohibita est disputatio de mandatis superiorum.*
- III. *Pactum inter Deum & Abrahamum formula.*
- IV. *In pacto illo continetur agnitio non simpliciter, sed ejus qui apparuit Abrahamo.*
- V. *Leges quibus Abrahamus tenebatur, aliae non*

*erant præter leges naturæ, & legem Circumcisionis. VI. Abrahamus verbi Dei, & legum omnium apud suos interpretæ erat. VII. Subditi Abrahami peccare non potuerunt ipsi obediendo. VIII. Pactum Dei cum populo Hebræo ad montem Sinai. IX. Inde regimen Dei nomen Regni sortitum est. X. Quænam leges Judæis à Deo impostæ sint. XI. Quid sit, & quomodo cognoscendum Verbum Dei. XII. Quodnam fuerit Verbum Dei scriptum apud Judæos. XIII. Potestatem interpretandi Verbum Dei, & summam potestatem civilem conjunctas fuisse in Mose, dum viveret. XIV. Easdem conjunctas fuisse in summo Sacerdote, vivente Josua. XV. Easdem conjunctas fuisse in summis Sacerdotibus usque ad Saulem Regem. XVI. Easdem conjunctas fuisse in Regibus usque ad captivitatem. XVII. Easdem fuisse in Sacerdotibus post captivitatem. XVIII. Apud Judæos, negatio providentiæ divinæ & Idololatriæ, sola erant*

*erant crimina læsæ Majestatis  
divinæ; in cæteris omnibus,  
Principibus suis parere debe-  
bant.*

I. **H** Abet hoc humanum *Veram*  
Genus, ab imbecillita- *religio-*  
tis propriæ conscientîâ, & ad- *nem (su-*  
miratione eventuum natura- *perstio-*  
lium, ut plerique credant esse *ne cæteras*  
omnium rerum visibilium. *nationes*  
Opificem invisibilem Deum, quem *occupan-*  
etiam metuunt sentientes non *te) in. sti-*  
esse sibi satis tutelæ in se ipsis. *tuit Deus*  
*per Abra-*  
Cæterùm, ut eum rectè cole- *hamum.*  
rent, imperfectus usus rationis,  
& affectuum vehementia, ob-  
titêre. Metus autem invisibi-  
lium, quando à recta ratione  
separatur, superstio est. Ho-  
minibus itaque sine speciali Dei  
auxilio, utrumque scopulum  
effugere *Atheismum & supersti-*  
*tionem*, penè erat impossibile:  
hæc enim à metu sine rectâ ra-  
tione, ille à *rationis opinione*

440 RELIGIO. Cap. XVI.  
sine metu proficiscitur. Maxi-  
mam itaque partem hominum  
facile occupavit *Idololatria* ; &  
coluerunt Deum omnes pene  
Gentes sub *imaginibus* & *figuris*  
rerum finitarum , spectraque si-  
ve phantasmata , forte ex metu  
dæmonia apellantes , coluere.  
Placuit autem divinæ majestati  
( ut in *Historia sacra* scriptum  
legimus ) ex genere humano  
unum per quem ad verum sui  
cultum homines perduceret ,  
evocare *Abrahamum* ; illi se su-  
pernaturaliter revelare ; & cum  
illo atque illius semine celebra-  
rimum illud inire Pactum , quod  
appellatur *Pactum* , & *Fædus* , &  
*Testamentum Antiquum* . Is igitur  
Religionis veræ caput est ;  
is post diluvium unum esse Deum  
*Creatorem Universi* primus do-  
cuit . Et ab eo *Regnum Dei* per  
*Pacta* initium sumit . *Joseph.*  
*Antiq. Jud. lib. 1. cap. 7.*

II. Ini-

II. Initio mundi regnavit quidem Deus, non solùm naturaliter, sed etiam per pactum, super *Adamum & Evam*; ut videatur nullam voluisse obedientiam præstari sibi, præter illam quam dictaret ratio naturalis, nisi per pactum, id est, ex ipso forum hominum consensu.

*Pactum inter Deum & Adamum, prohibita est disputatio de mandatis superiorum.*

Quoniam autem pactum hoc statim irritum factum est, neque unquam post renovatum, non est inde *Regni Dei* (de quo hoc loco agimus) deducenda origo. Hoc tamen obiter notandum, præcepto illo de non comedendo de arbore *scientiæ boni & mali*, (sive *judicatio de Bono & Malo* prohibita sit, sive esus fructus alicujus arborei) Deum postulasse præceptis suis obedientiam simplicissimam, sine disputatione, an *Bonum* vel *Malum* esset quod præciperetur; fructus enim arboris, si

T S

man-

442 RELIGIO. Cap. XVI.  
mandatum absit, nihil habet in  
natura sua, quo eius ejus mora-  
liter *malus*, hoc est, *peccatum*,  
esse possit.

*Pacti in-  
ter Deum  
& Abra-  
hamum  
formula.*

III. Pactum autem inter  
Deum & Abrahamum hac for-  
mulâ initum est. Gen. 17. vers.  
7, 8. *Statuam pactum meum in-  
ter me & te, & inter semen tuum  
post te in generationibus tuis fœ-  
dere sempiterno, ut sim Deus tuus  
& seminis tui post te in sempiter-  
num. Daboque tibi & semini tuo  
terram peregrinationis tuæ, om-  
nem terram Chanaan in possessio-  
nem æternam. Quo verò Abra-  
hamus & semen ejus memoriam  
fœderis hujus conservare pos-  
set, necessaria erat signi institu-  
tio. Adjecta ergo est pacto Cir-  
cumcisio, sed tamen ut signum  
tantum, vers. 10. *Hoc est pactum  
meum quod observabis inter me  
& te, & semen tuum post te: Cir-  
cumcidetur ex vobis omne mascu-  
linum,**

linum, & circumcidetis carnem præputii vestri, ut sit in signum Fœderis inter me & vos. Pactum ergo est, ut *Abrahamus* agnoscat, Deum esse Deum ipsius & seminis ejus, hoc est, illi submittat se regendum; & ut Deus det *Abrahamo* hæreditatem terræ illius in qua tunc habitabat, sed ut peregrinus; utque *Abrahamus* in signum memoriale hujus pacti curaret se & semen ejus masculinum circumcidi.

IV. Cum verò *Abrahamus* etiam ante pactum Deum agnovisset mundi creatorem, & regem, (neque enim de *existentia*, neque de *Providentia Dei* unquam dubitavit:) quomodo superfluum non erat, quod obedientiam sibi naturâ debitam voluerit Deus pretio & per contractum acquirere, promittendo scilicet *Abrahamo* Regnum terræ *Chanaan*, hac le-

*In Pacto illo coninetur agnicio Dei, non simpliciter, sed ejus, qui apparuit Abrahamo.*

444 RELIGIO. Cap. XVI.  
ge, ut acciperet eum pro Deo suo, cum jure naturali id jam ante esset? Illis itaque verbis, *ut sim Deus tuus & seminis tui post te*, non intelligitur satisfieri huic pacto ab Abrahamo, scilicet agnitione potestatis, & dominii, quod Deus habet in homines naturaliter, hoc est, agnoscendo Deum indefinitè, quod *rationis naturalis* est, sed oportere eum agnoscere definitè illum, qui dixerat ipsi, Gen. 12. vers. 34. *Egrederere de Terra tua*, &c. Gen. 13. vers. 14. *Leva oculos*, &c. Qui apparuit ei, Gen. 18. v. 1. sub specie trium virorum Cœlestium: & Gen. 15. vers. 1. per visionem: & vers. 3. per somnium, quod *Fidei est*. Qua specie apparuerit Deus Abrahamo, quali sono eum alloquutus sit, non explicatur; constat tamen, credidisse Abrahamum, vocem illam fuisse



Cap. XVI. RELIGIO. 445  
 fuisse vocem Dei, & revelatio-  
 nem veram, & voluisse à suis  
 coli illum, qui sic eum alloquu-  
 tus erat, pro Deo universi crea-  
 tore; fidemque ejus in eo sitam  
 fuisse, non quod crediderit  
*Deum esse*, aut in promissis *ve-*  
*racem esse*, id quod credunt om-  
 nes, sed quod non dubitaverit  
 Deum fuisse illum, cujus vo-  
 cem & promissa audierat. Et  
*Deum Abrahami* significare,  
 non simpliciter *Deum*, sed  
*Deum illi apparentem*, quem-  
 admodum cultus quem *Abra-*  
*hamus* debebat Deo, eo nomi-  
 ne non erat cultus *rationis*, sed  
*religionis & fidei*; nec quem *ra-*  
*tio*, sed quem Deus *supernatu-*  
*raliter* revelaverat.

V. Leges autem *Abrahamo* Leges  
 à Deo, vel ab *Abrahamo* fami- quibus  
 liæ suæ positas, tunc vel post, Abra-  
 seculares, vel sacras, (excepto mus tene-  
 mandato de *circumcisione*, quod batur,  
 in alie non  
 erant

*præter  
leges na-  
turæ, &  
legem cir-  
cumcissi-  
onis.*

in ipso *Pactō* continetur ) nul-  
las legimus. Ex quo manifestum est, non fuisse alias leges, aut cultum quibus *Abrahamus* tenebatur, præter leges naturales, & cultum rationalem, & circumcisionem.

*Abrahamus, verbi Dei, & legum, omnium, apud suos interpret erat.*

VI. Erat autem *legum omnium interpret*, tam sacrarum, quàm secularium, apud suos *Abrahamus*, non modò naturaliter, quatenus legibus uteretur naturalibus tantùm, sed etiam ex ipsa pacti formula, quâ promittitur ab *Abrahamo* obedientia, non pro se tantùm, sed etiam pro semine suo. Quod frustra fuisset nisi filii ejus illius mandatis obedire tenerentur. Atque quod dicit Deus, Gen. 18. vers. 18. *Benedicendæ sunt in illo omnes nationes terræ: scio enim quod præcepturus sit filiis suis & domui suæ post se, ut custodiant viam Domini, & faciant judi-*

*judicium & justitiam: quomodo intelligi potest, nisi filii & domus ejus teneri ad obedientiam illius mandatis præstandam supponerentur?*

VII. Sequitur hinc, subditos *Abrahami* ipsi obediendo peccare non potuisse, modò *Abrahamus* non imperasset *Dei existentiam* vel *Providentiam* negare, vel facere aliquid, quod esset expresse contra honorem *Dei*. In cæteris rebus omnibus *Verbum Dei* ex illius solius ore petendum erat, ut *legum omnium & verborum Dei interpretis*. Deus enim *Abrahami* quis fuerit & quomodo colendus, ab *Abrahamo* solo doceri poterant. Qui vero post *Abrahami* mortem subditi erant imperio *Isaaci* aut *Jacobi*, sine peccato per eandem rationem ipsis in omnibus parvêre, quamdiu pro *Deo & Rege suo agnoscerent* &

*Subditi Abrahami peccare non potuerunt, ipsi obediendo.*

448 RELIGIO. Cap. XVI.  
& profiterentur *Deum Abrahami*. Prius enim *Deo* simpliciter se submiserant, quàm *Abrahamo*; prius autem *Abrahamo*, quàm *Deo Abrahami*; & rursus prius *Deo Abrahami*, quàm *Isaaco*. In subditis itaque *Abrahami*, unicum erat *crimen læsæ majestatis divinæ*, negare Deum; sed in posteris eorum, læsæ majestatis crimen hoc quoque erat, *negare Deum Abrahami*, hoc est, colere Deum aliter quàm ab *Abrahamo* est institutum, nimirum sub imaginibus (c) manufactis, prout fecerunt cæteræ nationes, quæ propter eam causam appellabantur *Idololatrae*. Atque hucusque subditi circa mandata principum suorum, quid faciendum & quid fugiendum erat, satis faciliè dignoscere potuerunt.

Annot. (c) Sub Imaginibus manu-

nu-

nu-factis ] *Vide cap. 15. art. 14.* Annoti  
 ubi cultum talem irrationalem  
 esse ostendimus. At si jussu civita-  
 tis fiat, cui verbum Dei scriptum  
 non est cognitum neque receptum,  
 cultum talem cap. 15. art. 18.  
 ostendimus esse rationalem. Cate-  
 rum ubi Deus regnat per pactum,  
 in quo, ne sic colant, expresse ca-  
 vetur, ut per pactum Abrahami;  
 ibi sive injussu sive jussu civitatis  
 fiat, male fit.

VIII. Ut pergamus jam, <sup>Pactum</sup>  
 ductum sequendo scripturæ sa- <sup>Dei cum</sup>  
 cræ, idem <sup>populo</sup> Pactum renovatum <sup>Hebrao-</sup>  
 est, Gen. 26. vers. 3, 4. cum <sup>ad mon-</sup>  
<sup>tem Sinai.</sup> ~~Isaaco~~; & Gen. 28. vers. 14. cum  
~~Jacobo~~, ubi Deus se appellat  
 non simpliciter Deum, quem  
 natura esse dicit; sed distinctè,  
 Deum Abrahami & Isaaci: &  
 post, idem Pactum renovaturus  
 per Moysen cum toto populo  
 Israëlis, Exod. 3. vers. 6. Ego,  
 inquit, sum Deus patris tui,  
 Deus

*Deus Abraham, Deus Isaac, & Deus Jacob.* Deinde cum populus ille constitisset in deserto prope montem *Sinai*, non modo liberrimus, sed etiam subjectionis humanæ propter memoriam recentem servitutis Ægyptiacæ inimicissimus, *Pactum* illud antiquum propositum est omnibus redintegrandum, hac formula, *Exod. 19. vers. 5. Si ergo audieritis vocem meam & custodieritis Pactum meum* (nimirum *Pactum* initum cum *Abrahamo, Isaaco, & Jacobo*) *eritis mihi in peculium ex cunctis populis; mea est enim omnis terra, & vos eritis mihi in Regnum Sacerdotale, & gens sancta.* Respondit autem omnis populus simul, *vers. 8. Cuncta quæ loquutus est Dominus, faciemus.*

*Inde regimen Dei, nomen regni sortis est.*

IX. In hoc Fœdere animadvertenda est inter alia, appellatio *Regni* non ante usurpata.

pata. Quamquam enim Deus & per *naturam*, & per *Pactum* cum *Abrahamo* esset ipsorum Rex, debebant tamen ei obedientiam & cultum naturalem tantum, quatenus subditi ipsius; religiosum verò qualem instituit *Abrahamus*, quatenus subditi *Abrahami*, *Isaaci*, vel *Jacobi* suorum Principum naturalium; ipsi enim *Verbum Dei* nullum acceperant præter illud naturale verbum rectæ rationis, neque *pactum* inter Deum & ipsos ullum intercesserat, nisi quatenus voluntates eorum includerentur in voluntate *Abrahami*, ut Principis sui. Jam verò per pactum initum ad montem *Sinai*, consensu habito singulorum, fit *regnum Dei* super eos *institutivum*. Ab hoc tempore initium habet celeberrimum illud in scripturis sacris, & scriptis Theologorum *Regnum Dei*:

*Dei* : atque huc spectat, quod cum *Israëlitæ* Regem exposcerent, dixit *Deus Samueli*, 1. Sam. 8. vers. 7. *Non te abjecerunt, sed me, ne regnem super eos; & quod dixit Samuel Israëlitis*, 1. Sam. 12. vers. 12. *Dixistis, Rex imperabit nobis, cum Dominus Deus vester regnaret in vobis, & quod dicitur Jerem. 31. vers. 31. Pactum, quod pepigi, &c. cum ego dominatus sum eorum; atque etiam doctrina Judæ Galilæi; cujus mentio fit apud Joseph. Ant. Jud. lib. 18. cap. 2. his verbis: Quartæ autem studium sapientiæ sectantium vitæ primus autor fuit Judas Galilæus. Hi cetera cum Pharisæis consentiunt, nisi quod constantissimo libertatis amore flagrant, credentes solum Deum, Dominum habendum ac Principem, & facilius vel exquisitissima pœnarum genera lauri, unâ cum co-*  
*gratis*



gnatis suis ac carissimis, quàm mortalem aliquem appellare Dominum.

X. Jure regni per *Pactum* Quenam leges Ju-  
daeis à  
Deo im-  
positæ  
sint. sic constituto, videndum proximo loco est, quasnam eis Deus proposuerit *leges*. Eæ verò omnibus notæ sunt, nimirum *Decalogus*, & illæ aliæ tam *judiciales*, quàm *ceremoniales*, quæ habentur à vicesimo capite *Exodi* usque ad finem *Pentateuchi*, & obitum *Mosis*. *Legum* autem in universum per manum *Mosis* traditarum, aliæ sunt quæ naturaliter obligant, ut quæ à *Deo*, quatenus *Deo nature*, latæ sunt, & vim suam obtinuerunt etiam ante *Abrahamum*. Aliæ quæ obligant ex vi *pacti* initi cum *Abrahamo*, ut pote latæ à *Deo*, quatenus *Deo Abrahami*, quæ vim suam habuerunt ante *Mosen*, propter *Pactum* illud prius. Aliæ verò obli-

obligant ex *pactō* illo solo quod postremum, initum est cum ipso populo, utpote latæ à *Deo* quatenus *Rege peculiari Israëlitarum*. Primi generis sunt omnia præcepta *Decalogi* quæ pertinent ad mores, qualia sunt, *Parentes honorabis; non occides; non mæchaberis; non furaberis; non dices falsum testimonium; non concupisces*. Sunt enim leges naturales. Præterea præceptum *de non assumendo Dei nomine in vanum*; est enim pars cultus naturalis, ut ostensum est capite præcedente, articulo 15. Item secundum, *de non adorando per imaginem* à se ipsis factam; est enim & hoc religionis naturalis, ut eodem articulo ostenditur. Secundi generis est præceptum *Decalogi* primum, *de non habendis diis alienis*; in eo enim consistit essentia *pacti Abrahami*, per quod *Deus* nihil aliud exigit,

exigit, quam ut ipse Deus ip-  
 sius esset & seminis ejus. Item  
 præceptum *de sanctificando sab-  
 bato*. Est enim instituta septi-  
 mi diei sanctificatio in memo-  
 riam creationis Hexemeræ, ut  
 apparet ex his verbis, Exod.  
 31. v. 17. *Pactum est* (subauditur  
*sabbatum*) *sempiternum inter me  
 & filios Israël, signumque perpetuum*  
*: sex enim diebus fecit Do-*  
*minus cælum & terram, & in*  
*septimo die ab opere cessavit.* Ter-  
 tiæ generis sunt leges politicae,  
 judiciales, ceremonialesque, quæ  
 spectabant ad Judæos solos. Pri-  
 mi & secundi generis leges in  
 tabulis lapideis scriptæ, nempe  
*Decalogus*, in ipsa *Arca* conser-  
 vabantur: cæteræ scriptæ in  
 totius legis volumine reponen-  
 bantur in *arca latere*. Deut. 3.  
 v. 26. hæ enim retenta fide  
*Abrahami* poterant mutari, illæ  
 non poterant.

Quid sit,  
& quo-  
modo cog-  
noscen-  
dum Ver-  
bum Dei.

XI. *Leges Dei omnes sunt Verbum Dei*, sed non è con-  
verso omne *Verbum Dei* est *lex*.  
*Ego sum Dominus Deus tuus qui eduxit te de terra Ægypti*. *Verbum Dei* est, *lex* non est. Ne-  
que omne id quod ad *Verbum Dei* declarandum ; unà cum ipso enunciatur, aut scribitur, statim *Verbum Dei* est. Nam, *hæc dicit Dominus*, non est Domini vox, sed præconis, siye Prophetæ. Id omne & solum *Verbum Dei* est, quod Deum loquutum esse pronuntiavit Prophetæ verus. Scripta autem Prophetarum comprehenduntia tam quæ Deus, quam quæ ipse Prophetæ dicit, ideo *Verbum Dei* appellantur ; quia *Verbum Dei* continent. Quoniam autem *Verbum Dei* id omne & solum est, quod pro tali exhibetur à vero Prophetæ, sciri quid sit *Verbum Dei*, antè non potest,

test, quam cognoscatur quis sit  
 Propheta verus; nec *Verbo Dei*  
 credi, quàm credatur Prophe-  
 tæ. *Mosi* à populo *Israëlitico*  
 creditum est propter duas res:  
*miracula, & fidem*; utcunque  
 enim magna & evidentissima  
 miracula operatus fuerat, non  
 tamen ei credidissent, saltem  
 non credendum erat, si ad  
 alium cultum eos ex *Ægypto*  
 evocasset, quàm ad cultum  
 Dei *Abrahami, Isaaci, & Ja-*  
*cobi*, patrum suorum. Fuisset  
 enim contra *Pactum* ab illis  
 cum Deo initum. Similiter  
 duæ res sunt, nimirum *præ-*  
*dictio futurorum supernaturalis*;  
 quod est ingens miraculum, &  
*fides in Deum Abrahami libe-*  
*ratores eorum ex Ægypto*, quas  
 Deus omnibus *Judæis* pro no-  
 tis veri Prophetæ habendas  
 proposuit. Cui alterutra harum  
 deest, is propheta verus non est,

458 RELIGIO. Cap. XVI.  
nec pro verbo Dei habendum  
est, quod pro tali obtendit. Si  
desit fides, reprobatur his ver-  
bis: Deut. 13. vers. 1, 2, 3, 4, 5.  
*Si surrexerit in medio tui Pro-  
pheta, aut qui somnium vidisse  
se dicat, & prædixerit signum  
atque portentum, & evenerit quod  
loquutus est, & dixerit tibi: ea-  
mus, & sequamur Deos alienos,  
&c. Propheta ille, aut fictor som-  
niorum interficietur. Si prædic-  
tio eventuum desit, rejicitur  
his verbis; Deut. 18. vers. 21.  
22. Quod si tacita cogitatione  
responderis, quomodo possum in-  
telligere, quod Verbum Dominus  
non est loquutus? Hoc habebis sig-  
num. Quod in nomine Domini  
Propheta ille prædixerit, & non  
evenerit, hoc Dominus non est  
loquutus, sed per tumorem animi  
sui Propheta confinxit. Jam quod  
Verbum Dei sit id quod per ve-  
rum Prophetam pro tali enun-  
ciatur,*

ciatur, & quod verus Prophe-  
ta apud Judæos fuerit, cujus fi-  
des vera erat, & cujus prædic-  
tionibus eventus respondebant,  
extra controversiam est. Sed  
quid sit sequi Deos alienos, &  
utrum eventus, qui prædictio-  
nibus respondere affirmantur,  
eis verè respondeant, necne;  
multas controversias pati po-  
test, præsertim in prædictioni-  
bus quæ obscure atque ænig-  
maticè eventum præsignificant,  
quales sunt prædictiones pro-  
phetarum ferè omnium, ut qui  
non palam, sicut Moses, sed  
*per ænigmata & figuras Domi-  
num vident.* Num. 12. vers. 8.  
De his autem judicari aliter non  
potest; quam per *Rationem na-  
turalem*; dependet enim judica-  
tio illa ex interpretatione Pro-  
phetæ, & comparatione ejus-  
dem cum eventu.

XII. Pro Verbo Dei scripto

V 2

habe-

*Quod  
nam fue-*

*vit ver-*  
*bum Dei*  
*scriptum.*

habebant *Judæi* librum legis to-  
 tius, qui appellabatur *Deutero-*  
*nomium*; usque autem ad capti-  
 vitem, quantum ex Historia  
 sacra colligi potest, illum solum;  
 nam liber hic traditus est ab ip-  
 so *Mose* Sacerdotibus asservan-  
 dus & reponendus in latere Ar-  
 cæ Fœderis, & à Regibus des-  
 cribendus, Deut. 3. vers. 9. 26.  
 idemque longo post tempore  
 autoritate Regis *Josæ* pro *Verbo*  
*Dei* recognitus; 2 Reg. 23.  
 vers. 1. Cæteri verò libri Tes-  
 tamenti veteris quando fuerint  
 in canonem primùm recepti,  
 non apparet. Quod autem at-  
 tinet ad Prophetas, *Isaiam* &  
 cæteros, cum prædicerent non  
 nisi ea, quæ vel in captivitate,  
 vel post captivitatem futura e-  
 rant, eorum scripta non potue-  
 runt pro Prophetis illico ha-  
 beri, propter legem suprâ cita-  
 tam ex Deut. 18. vers. 21. 22.

quâ



quâ jubebantur *Israëlitæ*, ne pro Propheta haberent, nisi eum cujus prædictionibus eventus responderent. Atque hinc fortè est, quod *Judæi*, quos interfecerunt, cum prophetarent, eorum scripta post, propter eventum prædictionum, pro Prophetis, hoc est pro verbo Dei habuerunt.

XIII. Cognito, quæ fuerint sub *Pactō vetere leges*, & quod *Verbum Divinum* ab initio receptum; considerandum deinceps est, penes quem, vel quos, de scriptis Prophetarum post surgentium, an recipienda essent pro *Verbo Dei*, id est, an eventus prædictionibus responderent, necne, judicandi, & apud quem, vel quos *leges jam receptas & Verbum Dei scriptum interpretandi* resideret autoritas; id quod per singula tempora, & mutationes Rei-

*Potes-  
tem inter-  
pretandi  
Verbum  
Dei, &  
summano  
potesta-  
tem civi-  
lem con-  
junctas  
fuisse in  
Mose  
dum vi-  
veret.*

462 RELIGIO. Cap. XVI.  
publicæ Israëliticæ investigan-  
dum est.

Manifestum autem est, po-  
testatem hanc, vivente *Mose*,  
totam fuisse penes ipsum. Nam  
si ipse *interpres legum & Verbi*  
non esset, oportet ut munus il-  
lud pertinuerit vel ad *singulos*  
privatim, vel ad congregatio-  
nem sive *Synagogam* plurium,  
vel ad *summum Sacerdotem*, vel  
ad alios *Prophetas*. Primo, mu-  
nus illud minimè fuisse privato-  
rum hominum, aut congrega-  
tionis ex illis compositæ, ex eo  
constat, quod non adhibiti, imò  
prohibiti fuerint gravissimis mi-  
nis, ne aliter quàm per *Mosen*,  
*Deum audirent*. Nam scriptum  
est, *Sacerdotes autem & populus*  
*ne transeant terminos, nec ascen-*  
*dant ad Dominum, ne forte in-*  
*terficiat illos: descenditque Moses*  
*ad populum, & omnia narravit*  
*eis. Exod. 19. 24, 25.* Deinde  
quod

quod neque singuli, neque congregatio debeat prætendere, quod Deus per illos loquutus sit, & per consequens, quod ipsi *Verbum Dei interpretandi jus* habeant, ortâ occasione ex seditione *Core, Dathan, Abiron*, & ducentorum & quinquaginta Synagogæ procerum, manifestè & expresse declaratur. Nam contententibus illis, Dominum non minus loqui per ipsos, quam per Mosen, sic arguunt: *sufficiat vobis: quia omnis multitudo sanctorum est, & in ipsis est Dominus; cur elevamini super populum Domini?* Num. 16. v. 3. Quid autem de hac controversia statuerit Dominus, ex eo intelligitur, quod *descenderunt (Core, Dathan & Abiron) vivi in infernum, & ignis egressus à Domino interfecit ducentos quinquaginta viros,* ibid. v. 33. & 35.

Secundò, Autoritatem illam non fuisse penes Aaronem summum Sacerdotem, manifestum est ex simili controversia inter ipsum unà cum *Maria* sorore; & *Mosen*. Quæstio enim erat an *Deus* per *Mosen* solum loquutus fuerit, an etiam per ipsos, hoc est, an solus *Moses*, an etiam ipsi *Verbi Dei interpretes* essent. Sic enim dixerunt: *Num per Mosen loquutus est Dominus? non & nobis similiter loquutus est?* Num. 12. v. 2. *Deus* autem hos increpavit, distinxitque inter *Mosen* & alios *Prophetas*. *Siquis* (inquiens) fuerit inter vos *Propheta*, in visione apparebo ei, vel per somnium loquar ad illum; at non talis servus meus *Moses*, &c. Ore enim ad os loquor ei, & non per ænigmata & figuras *Dominum* videt; quare ergo non timuistis? &c. ibid. v. 6. 7. 8. Postremò, quod inter-

Cap. XVI. RELIGIO. 465  
*interpretatio Verbi Dei*, vivente  
*Mose*, non fuerit penes Pro-  
 phetas alios quoscunque, ex eo  
 colligitur, quod jam citavimus  
 de excellentia ejus super omnes  
 alios; & ex ratione naturali,  
 quandoquidem ejusdem Pro-  
 phetæ est, mandata Dei & fer-  
 re & explicare; aliud autem  
*verbum Dei* tunc non erat præ-  
 ter illud, quod per *Mosen* an-  
 nunciatum est. Et ex eo etiam  
 quod Propheta eo tempore alius  
 exstiterit nemo, qui ad popu-  
 lum prophetaverit, præter 70  
 seniores, qui per *spiritum Mosis*  
 prophetaverunt. Atque id quo-  
 que injuriâ factum credebat *Jo-*  
*sua*, *Mosis* tunc minister, post  
 successor, donec consentiente  
*Mose* factum sciret. Id quod  
 ex ipso textu Scripturæ mani-  
 festum est. *Descendit Dominus*  
*per nubem, &c. auferens de spi-*  
*ritu, qui erat in Mose, & dans*  
 V S. sep-

466 RELIGIO. Cap. XVI.  
*septuaginta viris. Num. 11. v.*  
25. Postquam autem nuncia-  
tum esset, quod prophetarent,  
dixit *Josua ad Mosen: Domine*  
*mi, prohibe eos. Moses autem*  
respondit, *quid emularis pro*  
*me? &c.* Cum ergo *Moses* so-  
lus *Verbi Dei nuncius* esset, ne-  
que erat *munus interpretandi*  
penes *privatos*, nec penes *Sy-*  
*nagogam*, nec penes *Sacerdo-*  
*tem*, nec penes *alios Prophetas*;  
restat, *interpretem Verbi Dei*  
unum fuisse *Mosen*, qui summam  
etiam potestatem habebat in re-  
bus civilibus. Certamen autem  
*Core*, & cæterorum conjurato-  
rum contra *Mosen & Aaronem*;  
& *Aaronis* cum sorore contra  
*Mosen*, suscitatum fuisse non  
propter animarum suarum salu-  
tem, sed propter ambitionem,  
& regnum in populum.

Easdem  
conjunc-  
tas fuisse XIV. Tempore *Josue* inter-  
pretatio legum & *Verbi Dei* erat  
penes

penes *Eleazarum* summum Sa- in siem-  
mo Sacer-  
dote, vi-  
vente Jo-  
suâ.  
cerdotem, eundemque Regem  
sub Deo absolutum. Id quod  
colligitur primò ex ipso pacto,  
in quo Respublica *Isrâëlitarum*  
appellatur *Regnum Sacerdotale*,  
vel, ut recitatur 1 Pet. 2. 9. Sa-  
cerdotium Regale: quod nullo  
modo dici poterat, nisi per in-  
stitutionem & pactum populi  
potestas Regia intelligeretur  
esse penes *Sacerdotem*. Neque  
repugnat antè dictis, ubi non  
*Aaron* sed *Moses* regnum sub  
Deo habuit: cum necessarium  
sit ubi unus homo instituit Rei-  
publicæ futuræ formam, illum  
unum, Regnum pro suo tem-  
pore moderari ( sive *Monar-*  
*chia*, sive *Aristocratia*, sive  
*Democratia* sit ) quod instituit;  
& habere potentiam omnem in  
præsens, quam aliis tributurus  
sit in futurum. Habuisse autem  
*Eleazarum* Sacerdotem non

468 RELIGIO. Cap. XVI.  
modo *Sacerdotium*, sed etiam  
*imperium summum*, expresse ha-  
betur per ipsam *Josua* ad ad-  
ministrationem rerum voca-  
tionem. Sic enim scriptum est:  
*Tolle Josuam filium Nun, &c. qui*  
*stabit coram Eleazaro Sacerdote,*  
*& omni multitudine, & dabis ei*  
*praecepta cunctis videntibus, &*  
*partem gloriae tuae, ut audiat eum*  
*omnis Synagoga filiorum Israël.*  
*Pro hoc, si quid agendum est, E-*  
*leazar Sacerdos consulat Domi-*  
*num; Ad verbum ejus egredie-*  
*tur, & ingredietur ipse, & om-*  
*nes filii Israël cum eo. Num. 27.*  
*v. 18, 19, 20, 21. Ubi consu-*  
*lere Deum, quicquid agendum*  
*sit, hoc est, Verbum Dei inter-*  
*pretari, & in nomine Dei im-*  
*perare in omnibus, pertinet ad*  
*Eleazarum; Egredi autem & in-*  
*gredi ad verbum ejus, hoc est,*  
*ei obedire, pertinet & ad Jo-*  
*suam & ad omnem populum. No-*  
*tan-*



tandum quoque est, vocem illam, *partem gloriae tuae*, aperte significare, non habuisse *Josua* potestatem æqualem ei, quam habuerat *Moses*. Interim manifestum est, etiam tempore *Josua* potestatem summam civilem, & autoritatem interpretandi verbum Dei, fuisse ambas in eadem persona.

XV. Post mortem *Josua* sequantur tēpora *Judicum* usque ad *Saulem* Regem; in manifestum est jus regni à Deo instituti mansisse apud *Sacerdotem*. Erat enim *regnum* ex pacto *Sacerdotale*, id est, regnum Dei per *Sacerdotem*; atque tale esse debuit, usque dum forma illa à populo ipso, consentiente Deo, mutaretur: id quod non est factum antequam petentibus Regem consensisset Deus, dixissetque *Samueli*: *Audi populum in omnibus, quæ loquuntur tibi:*  
non.

*Easdem conjunctas fuisse in summo Sacerdote usque ad Saulem Regem.*

*non enim te, sed me abjecerunt, ne regnem super eos.* I Sam. 8. v. 7. Potestas itaque civilis summa debebatur *jure*, ex institutione Dei, Sacerdoti summo. Facto autem potestas illa in Prophetis erat, quibus (à Deo extraordinarie suscitatis) Israelitæ (gens Prophetarum avida) propter existimationem prophetiæ protegendos se & judicandos subjecerunt. Ratio hujus rei erat, quod institutione Regni Dei sacerdotalis, etsi pœnæ statutæ fuerint & Magistratus qui judicarent; jus tamen pœnas sumendi dependebat ab arbitrio privato. Et penes dissolutam multitudinem & singulos erat, punire vel non punire, prout à privato zelo excitarentur. Ideoque Moses imperio proprio morte multavit neminem; sed quando interficiendus aliquis esset, unus vel plures,

res, in eum vel eos, ( autoritate divina , dicendoque, *Hoc dicit Dominus* ) multitudinem concitavit. Erat autem conforme hoc naturæ regni Dei peculiaris. Ibi enim verè regnat Deus, ubi legibus, non hominum, sed Dei metu obeditur. Et si quidem homines tales essent, quales esse debent, optimus is esset civitatis status. Sed hominibus quales sunt regendis, necessaria est potentia ( qua & jus comprehendo & vires ) cogendi. Et propterea etiam ab initio per *Mosen* præscripsit Deus leges futuris Regibus; Deut. 17. v. 14. & Moses ultimus ad populum verbis prædixit, *Novi quod post mortem meam inique agetis & declinabitis citò de via, quam præcepi vobis.* Deut. 31. 29. Cum ergo secundum hanc prædictionem surrexerit alia generatio, quæ non

nove-

noverat Dominum & opera, quæ fecerat cum Israel, fecerunt filii Israel malum in conspectu Dei, & servierunt Baalim: Jud. 2. 10, 11. scilicet abjecerunt regimen Dei, hoc est, Sacerdotis per quem Deus regebat, & postea cum ab hostibus vincerentur & servitute premerentur, Dei voluntatem non amplius à Sacerdote, sed à Prophetis expectavêre. Hi igitur judicabant Israël de facto, jure autem obedientia eorum debita erat Sacerdoti summo. Quamquam igitur Regnum Sacerdotale post mortem Moïsis & Josuæ sine viribus erat, non erat tamen sine jure. Quod autem ad eundem Sacerdotem pertineret interpretatio Verbi Dei, ex eo manifestum est, quod Deus post tabernaculum, & arcam fœderis consecratam, non amplius loquutus sit in monte Sinai, sed in tabernaculo.

bernaculo Fœderis, à propitiatorio quod erat inter Cherubinos, quò præter Sacerdotem nemini accedere licebat. Siquidem igitur *jus Regni* spectetur, simul erat *summum imperium civile*, & *Verbum Dei interpretandi autoritas* in Sacerdote; si vero *factum* consideres, simul erant in Prophetis qui Israëlitas judicabant. Nam, ut *Judices*, autoritatem habebant civilem; ut *Prophetae*, interpretabantur verbum Dei; atque ita omni modo hucusque duæ illæ potestates inseparabiles existere.

XVI. Constitutis Regibus, *Easdem conjunctas fuisse in Regibus usque ad captivitatem.* dubium non est, quin *Autoritas civilis* penes Reges esset. Cum enim Regnum Dei per Sacerdotem, petentibus Israëlitis & consentiente Deo, finitum esset; quod notat etiam Hieronymus loquens de libris *Samue-*

474 RELIGIO. Cap. XVI.  
*Samuelis* : Samuel ( inquit )  
mortuo *Heli* , & occiso *Saul* ,  
veterem legem abolitam mon-  
strat. Porro in *Sadoc* atque *Da-*  
*vid* novi Sacerdotii & novi  
imperii Sacramenta testantur,  
jus , quo Reges gubernabant ,  
in ipsa populi concessione fun-  
datum fuisse. Sacerdos id tan-  
tum jure poterat quod Deus  
juberet , Rex autem jure pote-  
rat quicquid poterat jure unus-  
quisque in se. Illi enim *Israë-*  
*litæ* , jus de omnibus *judicandi* ,  
& pro omnibus *Bellum gerendi*  
concesserunt ; in quibus duo-  
bus continetur quidquid juris  
ab nomine in hominem trans-  
ferri potest. *Judicabit* ( in-  
quiunt ) *nos Rex noster* , & e-  
gredietur ante nos & pugnabit  
*bella nostra pro nobis*. 1. Sam. 8.  
v. 23. *Judicia* ergo penes Re-  
ges erant. *Judicare* autem ni-  
hil aliud est, quam *leges ad fac-*  
ta

ta interpretando applicare ; ad eosdem ergo pertinebat *legum interpretatio*. Et quia præter *legem Mosaicam*, aliud Verbum Dei scriptum usque ad captivitatem non agnoscebatur, penes Regem etiam erat autoritas *interpretandi Verbum Dei*. Imò siquidem Verbum Dei pro lege recipiendum sit, quamquam fuisset aliud Verbum Dei scriptum præter *legem Mosaicam*, cum interpretatio legum esset penes Reges, interpretatio ejus debebat esse penes eosdem. Quando *Deuteronomium* (in quo continebatur *lex Mosaica*) longo tempore perditum, rursus inventum erat, consulere quidem Dominum Sacerdotes *de libro illo*; non autem autoritate sua, sed præcipiente *Josia*, nec immediate, sed per *Holdam* Prophetissam. Ex quo apparet, autoritatem admit-

admit-

476 RELIGIO. Cap. XVI:  
admittendi *libros* pro *Verbo Dei*,  
non fuisse penes *Sacerdotem*.  
Neque tamen sequitur, auto-  
ritatem illam fuisse penes Pro-  
phetissam; quia de Prophetis,  
utrum pro veris habendi essent,  
necne, judicabant alii. Quor-  
sum enim dedit Deus notas &  
signa omni populo, quibus  
Prophetæ veri à falsis distin-  
guerentur, nimirum prædictio-  
num eventum, & conformita-  
tem cum Religione à Mose in-  
stituta, si illis notis uti non li-  
ceret? Autoritas ergo admit-  
tendi libros pro *Verbo Dei*;  
penes Regem erat, adeoque li-  
ber ille legis approbatus & re-  
ceptus fuit autoritate *Josiaë* Re-  
gis, ut apparet ex 4. Reg. 22.  
& 23. ubi narratur, convocaf-  
se eum Regni ordines, nempe  
*Senes, Sacerdotes, Prophetas,*  
& *omnem populum*; & coram  
ipsis *librum legisse, & verba fæ-*  
*deris*



*deris ejus suscitasse*, hoc est, fecisse, ut *Fœdus* illud agnitum fuerit. pro *fœdere Mosaico*, id est, pro *Verbo Dei*, & denuo receptum & confirmatum ab Israëlitis. Erat ergo etiam temporibus Regum potestas civilis, & potestas *discernendi Verbum Dei* à verbo hominum; & *Verbum Dei interpretandi*, omnis penes ipsos. Prophetæ missi erant non cum autoritate, sed formâ & jure præconum seu prædicatorum, de quibus auditores judicabant: siquidem, qui ipsius facilia perspicuè docentibus non auscultarent, punirentur, non sequitur ex eo, obligatos fuisse Reges omnia sequi, quæ illi Dei nomine sequenda dicerent. Quanquam enim interfectus fuerit *Josia* bonus Rex Judæ, quod sermonibus Dei ex ore *Necho* Regis Ægypti non obediuerit, id est, quod

478 RELIGIO. *Cap. XVI.*  
quod bonum consilium, quamquam ab hoste videretur proficisci, respuerit, non tamen dicet quisquam, fuisse *Josiam* ullo vinculo *legum divinarum* vel *humanarum* obligatum credere *Pharaoni Nechao* Regi *Ægypti*, quod diceret, *Deum sibi loquutum esse*. Quod autem objicere quis possit, Reges propter defectum doctrinæ rarò satis idoneos esse ad libros antiquos, quibus Verbum Dei continetur, interpretandum; atque ob eam rem non æquum esse, munus illud ab eorum autoritate dependere; objicere idem possit contra Sacerdotes & omnes mortales; possunt enim errare; licetque essent Sacerdotes cæteris hominibus naturâ & artibus melius instructi, sunt tamen Reges satis idonei ad tales interpretes sub se constituendos. Atque ita, quamquam  
Reges

Reges non interpretentur ipsi Verbum Dei ; tamen interpretandi munus ab eorum auctoritate dependere potest ; & qui ideo auctoritatem illam Regibus abjudicant, quòd ipsum munus exercere non possint, idem faciunt, ac si dicerent, non debere auctoritatem docendi Geometriam à Regibus dependere, nisi ipsi fuerint Geometræ. Reges orasse pro populo, populo benedixisse, templum consecrassè, Sacerdotibus præcepisse ; Sacerdotes officio suo amovisse, alios constituisse legimus. Sacrificia quidem non obtulerunt, quia id Aaroni & filiis hereditarium erat. Manifestum autem est, fuisse Sacerdotium, sicut vivente *Mose*, ita per omne tempus à *Saule* Rege ad captivitatem Babylo-nicam, non magisterium, sed ministerium.

*Easdem  
fuisse in  
Sacerdo-  
tibus post  
captivita-  
tem.* XVII. Post reditum à ser-  
vitate Babylonica, renovato &  
signato *fœdere* restitutum est *re-  
gnum Sacerdotale*, quale erat à  
morte *Josue* ad initium Regum;  
nisi quod non habetur expresse,  
quod *Esdra* (cujus auspiciis *Ju-  
dæi* reduces statum suum ordi-  
nabant) aut cuiquam alii præ-  
terquam ipsi Deo jus tradide-  
rint imperii. Videtur potius re-  
formatio illa nihil aliud esse,  
quam singulorum de iis quæ in  
libro legis scripta erant, obser-  
vandis vota & promissa nuda.  
Veruntamen fortè non ex po-  
puli intentione) ex *pactò*, quod  
tum renovabant, (nam pactum  
erat idem cum eo quod factum  
est ad montem Sinai) erat ille  
status *Regnum Sacerdotale*, hoc  
est, suprema autoritas civilis &  
sacra unica erat in Sacerdoti-  
bus. Utcunque autem ambitio-  
ne eorum, qui de Sacerdotio  
conten-

contenderunt, & interventu Principum externorum, ita turbatum postea sit usque ad tempora Servatoris nostri *Jesu Christi*, ut ex historiis temporum illorum sciri non possit, ubi autoritas illa resideret; constat tamen, non fuisse illis temporibus potestatem *interpretandi Verbum Dei* à summa potestate civili separatam.

XVIII. Ex his facile cognitu est, quid Judæis per omne tempus ab *Abrahamo* ad *Christum* circa mandata principum suorum faciendum erat. Sicut enim in Regnis merè humanis, magistratui subordinato obediendum est in omnibus, præferquam cum mandata ejus continent in se crimen læsæ majestatis, ita in regno Dei, Principibus *Abrahamo*, *Isaaco*, *Jacobo*, *Mosi*, *Sacerdoti*, *Regi* cuique pro tempore suo obediendum

*Apud Ju-  
daeos no-  
gatio Pro-  
videntiæ  
divinae,  
& idolo-  
latría, so-  
la erant  
crimina  
læsæ Ma-  
jestatis  
divinae: in  
ceteris  
omnibus,  
Principi-  
bus suis  
parere de-  
bebant.*

dum in omnibus erat ; nisi ubi mandata eorum continebant *crimen læsæ majestatis Divinæ*. Crimen vero læsæ majestatis divinæ erat , primo , *negatio providentiæ divinæ* : erat enim hoc , negare *Deum esse Regem per naturam*. Deinde *Idololatria* , sive cultus deorum , non *aliorum* , ( unus enim est Deus ) sed *alienorum* , hoc est , cultus , quamquam unius Dei , sub aliis nominibus , attributis , ritibusque , quam qui ab *Abrahamo & Mose* instituti erant. Erat enim hoc *negare Deum Abrahami esse eorum Regem per pactum cum Abrahamo & ipsis initum*. In cæteris rebus omnibus obediendum erat , & siquidem Rex vel Sacerdos habens summum imperium jussisset aliud aliquid contra leges ; peccatum erat illud ejus , qui summum habebat imperium , non subditi ; cujus  
 offi-

Cap. XVII. RELIGIO. 483  
officium est mandata superiorum non disputare, sed exsequi.

---

C A P U T XVII.

*De Regno Dei per Pactum  
novum.*

- I.** *Vaticinia de Christi dignitate.*  
**II.** *Vaticinia de Christi humilitate & passione.* **III.** *Jesum esse ILLUM CHRISTUM.* **IV.** *Regnum Dei per pactum novum non esse Regnum Christi, ut Christi, sed ut Dei.* **V.** *Regnum Dei per pactum novum, caeleste esse, & incipere à die judicii.* **VI.** *Regimen Christi in hoc mundo non fuisse imperium, sed consilium, sive regimen per doctrinam & persuasionem.* **VII.** *Pacti novi promissa utrinque quanam sint.* **VIII.** *Leges à Christo nulla addita præter institutionem Sacramentorum.* **IX.** *Pœnitentini, Bapuzamini, Serva mandata, & similes formulæ non sunt leges.* **X.** *Pertinet ad auctoritatem civilem defini-*

*re, quid sit peccatum injustitiæ.*  
 XI. *Pertinet ad auctoritatem civilem definire, quid conducat ad pacem & defensionem civitatis.* XII. *Pertinet ad auctoritatem civilem judicare (quando opus est) quæ definitiones, & quæ illationes, veræ sunt.* XIII. *Pertinet ad officium Christi docere moralia, non ut theorematæ, sed ut leges; remittere peccata; & docere omnia, quorum non est scientia propriè dicta.* XIV. *Distinctio Temporalium à Spiritualibus.* XV. *Verbum Dei quotupliciter intelligatur.* XVI. *Non omnia quæ habentur in Scriptura sacra pertinere ad Canonem fidei Christianæ.* XVII. *Verbum legitimi interpretis sacrarum Scripturarum esse Verbum Dei.* XVIII. *Autoritas interpretandi Scripturas eadem est, quæ determinandi fidei controversias.* XIX. *Ecclesiæ plures significationes.* XX. *Quid sit Ecclesia, cui attribuuntur jura, actiones, & similia personalia.* XXI. *Civitas Christiana idem quod Ecclesia Christiana.* XXII.

*Plures*



*Plures civitates non constituunt unam Ecclesiam. xxiii. Ecclesiastici qui. xxiv. Electionem Ecclesiasticorum spectare ad Ecclesiam, consecrationem ad Pastores. xxv. Potestatem peccata pœnitentibus remittendi, non pœnitentium retinendi, spectare ad Pastores; sed de pœnitentia judicandi, ad Ecclesiam. xxvi. Excommunicatio quid, & in quos cadere non potest. xxvii. Interpretationem Scripturæ dependere ab autoritate civitatis. xxviii. Christianam civitatem Scripturas interpretari debere per Pastores Ecclesiasticos.*

I. **D**E Jesu Christo Salvatore *Vicinia de Christi dignitate.*  
 nostro, qui Regnum Dei per pactum novum restitutus erat, partim dignitatem ejus Regalem, partim humilitatem & passionem prænunciantes, multæ in Testamento veteri existant Prophetiæ non obscuræ. De dignitate inter alias hæc; benedicens Deus Abrahamo promit-

tit ei filium Isaac, additque :  
*Et Reges populorum orientur ex  
 eo. Gen. 17. vers. 16. Jacobus  
 benedicens filio suo Judæ : Non  
 auferetur (inquit) sceptrum de  
 Juda. Gen. 49. vers. 10. Deus  
 ad Moſem; Prophetam (inquit)  
 ſuſcitabo eis ex medio fratrum  
 ſuorum ſimilem tui, & ponam  
 verba mea in ore ejus; loquetur-  
 que ad eos omnia quæ præcepero  
 illi. Qui autem verba ejus, quæ  
 loquetur, in nomine meo audire  
 noluerit, ego ultor exiſtam. Deut.  
 18. vers. 18. Iſaias : Dabit Do-  
 minus ipſe vobis ſignum. Ecce  
 virgo concipiet & pariet filium,  
 & vocabitur nomen ejus Ema-  
 nuel. Iſa. 7. vers. 14. Idem :  
 Parvulus natus eſt nobis, & filius  
 datus eſt nobis, & factus eſt Prin-  
 cipatus ſuper humerum ejus : &  
 vocabitur nomen ejus Admirabi-  
 lis, Conſiliarius, Deus fortis,  
 Pater futuri ſæculi, Princeps pa-  
 cis.*

Cap. XVII. RELIGIO. 487  
cis. Isa. 9. 6. Rursus: Egre-  
ditur virga de Radice Jesse, & flos  
de Radice ejus ascendet: requies-  
cet super eum Spiritus sapientiæ,  
&c. Non secundum visionem ocu-  
lorum judicabit; neque secundum  
auditum aurium arguet, sed ju-  
dicabit in Justitia pauperes, &c.  
& percutiet terram virgâ oris sui,  
& spiritu labiorum interficiet im-  
pium. Isa. 11. vers. 1, 2, 3, 4,  
5. Præterea ejusdem Isaiaë capi-  
tibus 51, 52, 53, 54, 56, 60,  
61, 62, penè nihil aliud conti-  
netur, præter descriptionem  
adventus & operum futuri  
Christi. Jeremias: Ecce dies ve-  
niet, dicit Dominus, & feriam  
domui Israel & domui Judæ fæ-  
dus novum, &c. Jer. 31. vers.  
31. Baruch: Hic est Deus nos-  
ter, &c. Post hæc in terris visus  
est, & cum hominibus conversa-  
tus est. Bar. 3. v. 36. 38. Eze-  
chiël. Suscitabo super eas pasto-  
rem

rem unum qui pascat eas, servum meum David, & faciam cum eis Pactum pacis. Ezech. 34. vers. 23. Daniel: *Aspiciebam ergo in visione noctis, & ecce cum nubibus cœli quasi filius hominis veniebat, & usque ad antiquum dierum pervenit, & dedit ei potestatem & honorem & regnum, & omnes populi, & tribus & linguæ ipsi servient, potestas ejus potestas æterna.* Dan. 7. v. 13. Aggæus: *Adbuc unum modicum est, & ego commovebo cœlum & terram, & mare & aridum, & movebo omnes gentes, & veniet desideratus cunctis gentibus.* Agg. 2. vers. 7. 8. Zacharias sub visione Jesu magni Sacerdotis: *Adducam servum meum Orientem, &c.* Zachar. 3. vers. 8. & rursus: *Ecce vir Oriens nomen ejus.* Zach. 6. vers. 12. Et rursus: *Exulta satis filia Sion, jubila filia Jerusalem,*  
*Ecce*

*Ecce Rex tuus & salvator.* Zach. 9. v. 9. His aliisque vaticiniis permoti, exspectarunt Judæi *Christum*, Regem à Deo mittendum, qui ipsos redimeret, & præterea omnibus gentibus imperaret: Imo in totum imperium Romanum vaticinium emanaverat (quod etiam in favorem inceptorum suorum, & si falso interpretatus est imperator Vespasianus) *Ex Judæa venturum, qui rerum potiretur.*

II. Vaticinia autem de *humilitate & passione Christi*, inter alia hæc sunt. Jesaïæ: *Linguae nostras ipse tulit, & dolores nostros ipse portavit: & nos putavimus eum quasi leprosum, & percussum à Deo & humiliatum.* Jesa. 53. v. 4. Et mox: *Oblatus quia ipse voluit, & non aperuit os suum, sicut ovis ad occisionem ducetur, & quasi agnus coram tondente se, obmutescet.*

*Vaticinia de Christi humilitate & passione.*

&c. v. 7. Et rursus: *Abscissus est de terra viventium, propter scelus populi percussus eum, &c. v. 8. Et ideo disperdiam ei plurimos, & fortium dividet spolia, pro eo, quod tradidit in mortem animam suam & cum sceleratis reputatus est, & ipse peccata multorum tulit, & pro transgressoribus rogavit.* vers. 12. Et Zachariæ: *Ipsè pauper ascensens super asinam, & super pulum filium asinæ.* Zach. 9. v. 9.

• *Jesum esse illum Christum.* III. Imperante Tiberio Cæsare prædicare cœpit servator noster JESUS Galilæus, filius (ut putabatur) *Josephi*, annuncians populo Judæorum *Regnum Dei* ab ipsis expectatum appropinquasse; & esse se *Regem*, id est, CHRISTUM ILLUM; *Legem* explicans: *Apostolos duodecim, & discipulos septuaginta*, secundum numerum Principum tribuum, & septuaginta.

ginta Seniorum, ( ad similitudinem *Mosis* ) in ministerium assumens; *viam salutis* per se & per illos *docens*, Templum purgans, signa ingentia faciens, & ea omnia adimplens, quæ Prophetæ de futuro *Christo* vaticinati fuerant. Hunc Pharisæis ( quorum doctrinam falsam, & simulatam sanctitatem reprehenderat ) & per eos populo invisum, regni affectati accusatum, & crucifixum, descriptâ ejus Genealogiâ, natiuitate, vitâ, doctrinâ, morte & resurrectione, comparandoque ea quæ fecit, cum iis quæ prædicta fuerunt, verum fuisse CHRISTUM, & *Regem à Deo* promissum, & ad renovandum inter ipsos & Deum *Pactum novum* à Deo Patre missum, & ostendunt Evangelistæ, & Christiani omnes consentiunt.

IV. Ex eo, quod CHRISTUS <sup>Regnum</sup>  
 X. 6. à <sup>Dei per</sup>

*Pactum  
novum,  
non esse  
regnum  
Christi, ut  
Christi,  
sed ut  
Dei.*

à Deo Patre missus fuerit ad percutiendum *fœdus* inter ipsum & populum, manifestum est, etsi *Christus* Patri suo æqualis sit quoad naturam, minorem tamen fuisse quoad jus Regni. Etenim manus tale propriè loquendo, non Regium est, sed Pro-regium, quale erat regimen Mosis. Regnum enim non ejus, sed *Patris* erat: id quod *CHRISTUS* significavit ipse, cum ut subditus baptizaretur, & apertè professus est, quando orare docuit: *Pater noster, &c. adveniat Regnum tuum.* Et ubi dixit: *Non bibam, &c. usque in diem illum, cum bibam illud vobiscum novum in Regno Patris mei.* Matth. 26. vers. 29. & Sanctus Paulus: *Sicut in Adam omnes moriuntur, ita in Christo omnes vivificabuntur; unusquisque autem in suo ordine; primitiæ Christus; deinde*



de ii qui sunt Christi, qui in adventu ejus crediderunt; deinde finis, cum tradiderit Regnum Deo & Patri. I. Cor. 15: v. 22, 23, 24. Idem tamen appellatur etiam Regnum Christi. Nam & mater filiorum Zebedæi rogavit CHRISTUM dicens: *Dic, sedeant hi duo filii mei unus ad dextram tuam & unus ad sinistram in Regno tuo.* Matth. 20. v. 21. Et latro in cruce: *Domine, memento mei, cum veneris in Regnum tuum.* Luc. 23. v. 42. Et Sanctus Paulus: *Hoc enim scitote intelligentes, quod omnis fornicator &c. non habet hæreditatem in Regno Christi & Dei,* Eph. 5. v. 5. Alibi; *Testificor coram Deo & Jesu Christo qui judicaturus est vivos & mortuos per adventum ipsius & Regnum ejus.* 2. Tim. 4. vers. 1. *Et, liberavit me Dominus ab omni opere malo, & salvum faciet in Regnum:*

*Regnum suum caeleste*, vers. 18. Neque mirandum est idem regnum utrisque tribui; quum uterque *Pater & Filius*, idem sit *Deus*; & *Pactum novum* de Regno Dei non sit propositum in nomine PATRIS, sed in nomine PATRIS, FILII, & SPIRITUS SANCTI, ut *unius Dei*.

*Regnum Dei per pactum novum caeleste esse. & incipere à die iudicii.*

V. Regnum autem Dei, cuius restituendi causa CHRISTUS à Deo Patre missus est, non antè initium sumit, quàm ab adventu ejus secundo, nimirum à die iudicii, cum venturus est in maiestate comitantibus Angelis. Promissum enim est Apostolis, in Regno Dei, iudicaturos se duodecim tribus Israël. *Vos qui sequuti estis me in regeneratione, cum sederit filius hominis in sede maiestatis suae, sedebitis & vos iudicantes duodecim tribus Israël.* Matth. 19. vers. 29. Id quod praestandum

dum non est, nisi in die iudicii :  
nondum ergo est CHRISTUS in  
sede Majestatis suæ. Neque  
tempus quo CHRISTUS in ter-  
ris versatus est, regnum dicitur,  
sed *regeneratio*, hoc est, reno-  
vatio, sive restitutio Regni Dei,  
& evocatio eorum qui in re-  
gnum futurum recipiendi erant.  
Et ubi dicitur, *Cum venerit fi-  
lius hominis in majestate sua, &  
omnes Angeli cum eo, tunc sede-  
bit super sedem majestatis suæ, &  
congregabuntur ante eum omnes  
Gentes, & separabit eos ab invi-  
cem, sicut Pastor segregat oves ab  
hædis; Matth. 25. v. 21.* mani-  
festè colligitur, nullam futuram  
separationem, quoad locum,  
subditorum Dei ab ipsius hosti-  
bus; sed permixtim victuros esse  
usque in adventum CHRISTI  
futurum. Id quod confirmatur  
etiam per comparisonem Re-  
gni Cœlorum cum tritico ziza-  
niis.

niis mixto ; & cum reti omne  
 genus piscium comprehendente.  
 At regnum propriè dici non  
 potest multitudo hominum ex  
 subditis & hostibus simul pro-  
 miscuè habitantibus. Præterea  
*Apostoli* , cùm Servatorem nos-  
 trum interrogarent , an in eo  
 tempore , quo ascenderet in  
 cœlum , restitutus esset Re-  
 gnum Israël , aperte testaban-  
 tur , putare se tunc , cum CHRIS-  
 TUS ascenderet , Regnum Dei  
 nondum advenisse. Porrò Ver-  
 ba CHRISTI , *Non est regnum  
 meum de hoc mundo. Et : non  
 bibam &c. donec Regnum Dei  
 veniat. Et : Non misit Deus fi-  
 lium suum in hunc mundum , ut  
 judicet mundum , sed ut salvetur  
 mundus per illum. Et : si quis  
 non audierit verba mea , & non  
 custodierit , ego non judico eum :  
 non enim veni , ut judicem mun-  
 dum , sed salvificem mundum.*  
 Et :

Et : *Homo , quis me constituit judicem , aut divisorem inter vos ? & ipsa appellatio Regni cœlestis idem testatur. Idem colligitur ex verbis Prophetæ Jeremiæ loquentis de Regno Dei per Pactum novum : Non docebit vir ultra proximum suum , & vir fratrem suum , dicens , cognosce Dominum ; omnes enim cognoscent me à minimo eorum usque ad maximum , ait Dominus. Jerem. 31. v. 34.* Id quod de Regno hujus mundi intelligi non potest. Regnum igitur Dei cujus constituendi causa CHRISTUS in hunc mundum venit ; de quo Prophetæ vaticinati sunt ; & de quo orantes dicimus ; *Adveniat Regnum tuum* , ( si subditos ab hostibus loco separatos , si judicia , si majestatem habere debet , prout est prædictum , ) ab eo tempore incipiet , in quo Deus oves ab hœdis separat it ;

in

in quo Apostoli judicabunt 12 Tribus Israël; in quo CHRISTUS veniet in Majestate & gloria; in quo denique omnes cognoscent Deum, ita ut non opus sit doceri, id est, in secundo CHRISTI adventu, sive die judicii ultimi. Quod si regnum Dei restitutum jam esset, nulla ratio reddi posset, quare CHRISTUS, completo opere propter quod missus est, iterum veniret, aut quare sic precaremur: Adveniat Regnum tuum.

*Regimen christi in hoc mundo non fuisse imperium, sed consilium, sive regimen per doctrinam & persuasionem.*

VI. Quamquam autem Regnum Dei per CHRISTUM Fœdere novo constituendum, cœleste fuerit, non est ideo putandum, eos, qui in CHRISTUM credentes Pactum illud inirent, non fore etiam in terris ita regendos, ut in fide sua & obedientia pacto promissa perseverarent. Frustra enim fuisset regnum cœleste, & promissa patria,

tria, nisi in ipsam perducendi  
 essemus. Perduci autem non  
 possunt, nisi qui in via diri-  
 guntur. *Moses* cum instituisset  
*Regnum Sacerdotale*, ipse per to-  
 tum tempus peregrinationis us-  
 que ad ingressum terræ promif-  
 sæ, etsi non esset Sacerdos,  
 populum tamen rexit, & con-  
 duxit. Eadem ratione Serva-  
 toris nostri est, (quem simi-  
 lem *Mosi* ea in re Deus esse vo-  
 luit) quatenus, à Patre missi,  
 Cœlestis civitatis futuros cives,  
 etiam in hac vita ita regere, ut  
 in illam pervenire & ingredi  
 possint, etiamsi Regnum non  
 ejus propriè, sed Patris fuerit.  
 Sed Regimen quo fideles suos  
 in hac vita CHRISTUS regit,  
 non est propriè *Regnum*, sive  
*imperium*; sed *munus Pastori-*  
*tium* sive *jus docendi*, id est,  
 non dedit ei Deus Pater potes-  
 tatem *judicandi*, de *meo* & *tuo*,  
 sicut

sicut Regibus terræ ; nec potestatem cogendi per pœnas ; neque leges ferendi ; sed mundo ostendendi , & docendi viam & scientiam salutis , hoc est , prædicandi & explicandi , quid faciendum iis est , qui in regnum cœlorum intraturi sunt. Quod non habuerit CHRISTUS potestatem à Patre ad iudicandum in quæstionibus *Mei & Tui*, hoc est, in omnibus quæstionibus juris, inter eos , qui non crediderunt ; satis ostendunt verba illa CHRISTI supra citata : *Homo , quis me constituit iudicem aut divisorem inter vos ?* Et ratione confirmatur ; cum enim CHRISTUS missus fuerit ad *Pactum* inter Deum & homines percutiendum , neque obligatur quisquam ad obedientiam præstandam ante pactum initum, si iudicasset de quæstionibus juris , nemo sententiæ ejus teneretur obedire. Sed  
 cogni-



cognitionem juris non fuisse CHRISTO commissam in hoc mundo, neque inter fideles, neque inter infideles, ex eo apparet, quod jus illud sine controversia pertineat ad *Principes*, quamdiu auctoritati eorum à Deo non derogatur: non autem derogatur ante diem iudicii, ut apparet ex verbis sancti Pauli loquentis de die iudicii: *Deinde finis* ( inquit ) *cum tradiderit regnum Deo & Patri, cum evacuaverit omnem Principatum & potestatem, & virtutem.* I Cor. 15. v. 24. Secundo, verba Servatoris nostri, *Jacobum & Johannem*, ubi dixissent, *Vis dicamus ut ignis descendat de cælo & consumat illos?* ( nimirum Samaritanos, qui euntem in *Jerusalem* noluerunt hospitio accipere ) increpantis dicentisque: *Filius hominis non venit animas perdere sed salvare*  
 re;

re ; & illa : ecce mitto vos , ut oves in medio luporum. Excute pulverem , & similia , & verba illa : Non misit Deus filium suum in hunc mundum , ut judicet mundum , sed ut salvetur mundus per illum. Et illa , Si quis audierit verba mea & non custodierit , ego non judico eum , non enim veni , ut judicem mundum , &c. ostendunt non fuisse datam ei potestatem quemquam condemnandi , aut puniendi. Legitur quidem : Pater non judicat quemquam , sed omne iudicium dedit Filio ; illud verò cum intelligi possit & debeat de die iudicii futuri , antecedentibus non repugnat. Quòd denique missus non sit ad leges novas ferendas , neque ergo fuerit ex officio & missione legislator propriè dictus , sicuti neque Moses , sed lator & promulgator legum paternarum ( Deus enim ,

non *Moses* neque *CHRISTUS*, ex pacto Rex erat) ex eo colligitur, quod dixerit: *Non veni solvere*, nimirum leges antea à Deo latas per *Mosen*, quas statim interpretatur) *sed adimplere*. Et: *Qui solverit unum de mandatis illis minimis & docuerit sic homines, minimus vocabitur in Regno cælorum*. Non ergo habuit *CHRISTUS* à Patre sibi commissam autoritatem Regiam aut imperatoriam in mundo, sed consiliariam & doctrinalem tantum; id quod significat ipse tum ubi vocat *Apostolos* non venatores, sed piscatores hominum; tum ubi comparat regnum Dei grano sinapis & fermento abscondito in farina.

VII. Promisit Deus primum *Abrahamo* semen numerosum, possessionem terræ *Chanaan*, & benedictionem gentium in semi-

*Pacti novi promissa utrimque quam sint.*

504 RELIGIO. Cap. XVII.  
semine ejus , ea lege , ut ipse &  
semen ejus ei servirent ; deinde  
semini *Abrahami* secundum car-  
nem *Regnum Sacerdotale* , Re-  
gimen liberrimum, in quo nul-  
li humano imperio subjicien-  
di erant , ea lege ut servirent  
Deo *Abrahami* eo ritu , quem  
doceret *Moses* ; Postremò & il-  
lis & omnibus gentibus *Reg-  
num Cæleste* , & æternum , ea  
lege ut servirent Deo *Abraha-  
mi* eo ritu , quem doceret  
CHRISTUS. *Paçto enim novo* ,  
hoc est, *Christiano* , conven-  
tum est ex parte Hominum, ut  
*Deo servirent Abrahami*, eo ri-  
tu , quem doceret JESUS: ex par-  
te Dei , ut remitteret illis pecca-  
ta , & in *Regnum Cæleste* ipsos  
introduceret. De regno *Cælesti* ;  
quale fuerit , diximus supra ar-  
ticulo quinto. Appellari au-  
tem solet , quandoque *Regnum  
Cælorum* , quandoque *Regnum  
Gle-*

*Gloria*, quandoque *vita aeterna*. Quod requiritur ex parte Hominum, nempe *servire Deo*, prout docuerit CHRISTUS, duo continet, *obedientiam Deo præstandam*, ( hoc enim est *servire Deo* ) & *Fidem* in JESUM, nempe, ut credamus, JESUM esse ILLUM CHRISTUM; à Deo promissum; ea enim sola causa est, quare illius potius quam alterius sequenda sit doctrina. *Obedientiæ* autem loco in sacris Scripturis sæpissimè ponitur *pœnitentia*, propterea quod CHRISTUS ubique docet, voluntatem apud Deum pro facto haberi: *pœnitentia* autem obedientis animi signum est infallibile. His intellectis, eas esse *fœderis Christiani* conditiones; quas diximus; nempe ex parte Dei, dare hominibus Remissionem peccatorum & vitam æternam; ex parte hominum,

Y                      pœni-

506 RELIGIO. Cap. XVII.  
pœnitere, & credere in JESUM  
CHRISTUM : ex multis locis  
Scripturæ sacrae evidentissimè  
apparebit. Primò verba illa :  
*Appropinquavit Regnum Dei ,  
pœnitementi & credite Evangelio ;  
Marc. I. v. 15.* continent pactum  
totum. Similiter illa : *Quo-  
niam sic scriptum est , & sic o-  
portebat Christum pati & resur-  
gere à mortuis tertia die , & præ-  
dicari in nomine ejus Pœniten-  
tiam , & Remissionem peccato-  
rum in omnes Gentes , incipien-  
tibus ab Jerosolyma. Luc. 24.  
vers. 46. 47. & ista : Pœnitemi-  
ni & convertimini , ut deleantur  
peccata vestra , ut cum venerint  
tempora refrigerii , &c. Act. 3.  
vers. 19.* Aliquando vero alte-  
ra pars proponitur expresse, al-  
tera subintelligitur, ut hic :  
*Qui credit in filium habet vitam  
æternam ; qui incredulus est fi-  
lio , non videbit vitam , sed ira  
Dei*

*Dei manet super eum.* Joh. 3. v. 36. Ubi *Fides* exprimitur, *Pœnitentia* tacetur. Et in Prædicatione CHRITI, *Pœnitentini: appropinquavit enim Regnum Dei.* Matth. 4. vers. 17. Ubi *Pœnitentia* exprimitur, subauditur *fides*. Sed manifestissime, & formalissimè *contractus novi*, partes ibi explicantur, ubi Princeps quidam regnum Dei tanquam licitans, servatorem nostrum interrogat: *Magister bone, quid faciens vitam æternam possidebo?* Luc. 18. vers. 18. Proponit autem primo CHRISTUS partem pretii unam, nempe observationem præceptorum, sive *obedientiam*, quam cum præstitisse se respondisset, adjungit alteram, *Unum*, inquit, *deest; omnia, quæcunque habes vende, & da pauperibus, & habebis Thesaurum in cælo, & veni sequere me.* v. 22.

Hoc *fidei* erat. Is itaque non satis credens CHRISTO & thesauris cœlestibus tristis abiit. Continetur autem idem pactum his verbis: *Qui crediderit & baptizatus fuerit, salvus erit; qui verò non crediderit, condemnabitur.* Marc. 16. v. 15. 16. Ubi *Fides* exprimitur, *Pœnitentia* in baptizatis supponitur. Et his, *Nisi quis renatus fuerit ex aqua & Spiritu Sancto, non potest introire in Regnum Dei.* Joh. 3. vers. 5. Ubi *renasci ex aqua* idem est quod *regeneratio*, id est *conversio ad CHRISTUM.* Quod autem duobus locis proximè citatis, aliisque requiratur *Baptismus*, intelligendum est, sicut *circumcisio* erat, ad *pactum vetus*; ita esse *Baptismum* ad *pactum novum.* Cum ergo illa non ad *essentiam*, sed ad *memoriam pacti veteris*, ut *ceremonia*, & *signum* pertinuerit ( quod in deser-



Cap. XVII. RELIGIO. 509  
 deserto omiffum est ) fimiliter  
 etiam hæc , non ad effentiam  
 initi fœderis novi , fed ad me-  
 moriam & fignum adhibita eft;  
 & modo voluntas adfit , per  
 neceffitatem omitti quoad ac-  
 tum potefl; *Pœnitentia* autem  
 & *Fides* , quæ de effentia *pacti*  
 funt , femper requiruntur.

VIII. In *Regno Dei* poft *Leges à*  
 hanc vitam *leges* futuræ nullæ *Chriſto*  
 funt ; tum quia neque legibus *nullæ ad-*  
 locus eſt , ubi peccato non eſt ; *diæ, præ-*  
 tum etiam quia *leges à Deo* *ter inſti-*  
 nobis datæ funt , non ut in cœ- *tutionem*  
 lo , fed ad cœlum dirigamur. *Sacra-*  
*mentio-*  
*rum.*

Quas igitur *leges CHRISTUS* ,  
 ( non ipſe fanxit , nam autori-  
 tatem legiſlativam , ut ſupra ar-  
 ticulo ſexto oſtenſum eſt , affu-  
 mere ſibi noluit , ſed ) pro pa-  
 ternis propoſuit , id nunc in-  
 quiramus. Habemus autem lo-  
 cum ſcripturæ ubi *leges Dei* uſ-  
 que ad id tempus traditas , om-

510 RERIGIO. Cap.XVII.  
nes contrahit in præcepta duo:  
*Diliges Dominum Deum tuum*  
*in toto corde, & in tota anima*  
*tua, & in tota mente tua: hoc*  
*est maximum & primum man-*  
*datum. Secundum autem simile*  
*est huic: Diliges proximum tuum*  
*sicut te ipsum: in his duobus man-*  
*datis universa lex pendet, &*  
*Propheta. Matth. 22. vers. 37,*  
*38, 39, 40. Horum quidem*  
*primum datum antè est per Mo-*  
*sen totidem verbis. Deut. 6. v.*  
*5. Secundum autem etiam ante*  
*Mosen: est enim lex naturalis,*  
*initium habens cum ipsa natu-*  
*ra rationali. Est autem utrum-*  
*que simul omnium legum sum-*  
*ma; nam continentur omnes le-*  
*ges cultus divini naturalis in*  
*his verbis, diliges Deum: &*  
*omnes leges cultus divini, ex*  
*pacto veteri debiti, in eo, quod*  
*dicitur: diliges Deum tuum, hoc*  
*est, Deum quatenus Regem*  
*pecu-*

peculiariter *Abrahami* & *seminis* ejus : & omnes leges naturales & civiles his verbis : *diliges proximum tuum , sicut te ipsum*. Nam qui diligit Deum, & proximum, animum habet obediendi, & divinis & humanis legibus. Amplius autem quam animum obediendi Deus nihil exigit. Habemus alium locum, ubi **CHRISTUS** *leges interpreta-* tur, nempe quintum, sextum, & septimum Sancti Matthæi capita integra. Eæ verò leges omnes habentur vel in *decalogo*, vel in *lege morali*, vel continentur in *fide Abrahami*, ut continetur in *fide Abrahami* illa de non repudianda uxore: illud enim, *erunt duo in carne una*, neque à **CHRISTO** primo, neque à *Mose*, sed ab *Abrahamo* traditum est, qui primus mundi creationem prædicavit. Leges igitur quas **CHRISTUS**

in altero loco contrahit, in altero explicat, aliæ non sunt quam illæ, ad quas tenentur omnes mortales qui agnoscunt Deum *Abrahami*. Præter has nullam legem à CHRISTO traditam legimus præter institutionem Sacramentorum *Baptismi & Eucharistia*.

*Pœnitentini, baptizantini, serva mandata, & similes formula non sunt leges.*

IX. Quid ergo dicetur de præceptis hujusmodi: *Pœnitentini. Baptizantini. Serva mandata. Credite Evangelio. Venite ad me. Vende omnia quæ habes, da pauperibus, sequere me; & similibus?* Dicendum est, non esse *leges*, sed vocationem ad *fidem*, quale est illud *Jesaiæ*, *Venite, emite absque argento & absque ulla commutatione vinum & lac.* Isa. 55. v. 1. Neque si vocati non veniunt, propterea peccant contra ullam legem, sed contra prudentiam tantum; neque punietur *infidelitas*, sed peccata

peccata priora. Quare Sanctus *Johannes* de incredulo dicit : *ira Dei manet super illum* ; non dicit : *ira Dei veniet super illum*. Et : *Qui non credit, jam judicatus est, quia non credit* ; non dicit : *judicabitur, sed jam judicatus est*. Imo non satis concipi animo potest, remissionem peccatorum, beneficium esse à fide, nisi etiam è contrariò intelligatur, punitionem peccatorum, damnum esse ab infidelitate.

X. Ex eo, quod Servator noster Principum subditis & civitatum civibus, nullas leges præscripsit distributivas, hoc est, regulas nullas dedit, quibus civis scire, & dignoscere possit, quid sit *suum* sibi proprium, quid *alienum*, neque quibus formulis, verbis, circumstantiisve dari, tradi, invadi, possideri rem oporteat, ut accipien-

*Perinet ad auctoritatem civilem definire, quid sit peccatum injustitie.*

*piensis, invadentis, vel possidentis* jure existimetur, intelligendum necessariò est, non tantum apud infideles inter quos ipse CHRISTUS judicem se & *distributorem* esse negavit, sed etiam apud Christianos, cives singulos regulas illas accipere debere à civitate, hoc est, ab eo homine vel eâ curiâ, quæ civitatis summum habet imperium. Sequitur ergo legibus illis: *non Occides, non Mæchabere, non Furabere, Parentes honorabis*, nihil aliud præcepisse, quam ut cives & subditi suis principibus & summis Imperantibus in quæstionibus omnibus, circa *meum, tuum, suum, alienum*, absolute obedirent. Etenim præcepto: *Non occides*, non omnis occisio prohibetur; nam qui dixit: *non occides*, idem dixit: *occidatur is, qui fecerit opus in sabbato*. Exod. 35. v. 2. Neque  
om-

omnis occisio causa inaudita; dixit enim: *occidat unusquisque fratrem & amicum & proximum suum*: Exod. 32. v. 27. & occisa sunt tria & viginti millia hominum. Neque omnis occisio hominis innocentis; vovit enim Jephthe, *quicumque fuerit egressus, &c. eum holocaustum offeram Domino*: Jud. 11. v. 31. & votum ejus Deo acceptum est. Quid ergo prohibetur? Hoc tantum, ne quis occidat quemquam, quem occidere non sit ipsi jus, id est, nemo occidat, nisi id facere *suum* sit. Juret ergo lex CHRISTI, circa occisionem, & proinde etiam circa omnem læsionem hominis & circa poenas statuendas, soli civitati obedire. Similiter præcepto, *non Mœchabere*, non prohibetur omnis concubitus, sed tantum cum *aliena*; quæ vero *aliena* est, judicatio ad civita-

tem pertinet, & per regulas  
 quas præscribet civitas, deter-  
 minanda est. Imperatur ergo  
 præcepto hoc mari & foeminæ,  
 servare fidem, quam dederint  
 mutuò, ex præscripto civitatis.  
 Pariter præcepto, *non Furabe-  
 re*, non prohibetur omnis rei  
 invasio, aut clandestina ablatio,  
 sed alienæ tantum; jubetur er-  
 go civis hoc unum, ne invadat  
 aut surripiat quicquam, quod  
 invadi aut surripi prohibet civi-  
 tas; & in universum non voca-  
 re quicquam *homicidium*, *adul-  
 terium*, vel *furtum*, nisi quod  
 fiat contra leges civiles. Postre-  
 mo, cum jusserit CHRISTUS  
 parentes honorare, nec præ-  
 scripsit quibus ritibus, quibus  
 appellationibus, quali obedien-  
 tia honorandi sunt, intelli-  
 gitur honorandos esse voluntate  
 quidem & internè, ut, filiorum  
 suorum reges & dominos, ex-  
 terne



ternè verò non ulterius, quàm permittit civitas, quæ *suum cuique* (sicut & res alias) *honorem* assignabit: Cum autem natura justitiæ in eo consistat, ut *suum* cuique tribuatur, manifestum est, ad civitatem pertinere etiam Christianam, quid sit justitia, & quid injustitia, sive peccatum contra justitiam, determinare. Quod autem ad civitatem pertinet, id pertinere censendum est ad eum vel eos, qui habent summum civitatis imperium.

XI. Porro quoniam Servator noster civibus nullas indicavit leges circa civitatis regimen, præter leges naturæ, hoc est, præter mandatum obedientiæ civilis, non potest civis quisquam privatim determinare, quis sit amicus, vel quis hostis publicus, quando bellum, quando foedus, quando

*Pertinet ad auctoritatem civilem definire, quid conducatur ad pacem & defensionem civitatis.*

pax, quando induciæ ineundæ sint; neque qui cives, quæ & quorum hominum autoritas, quæ doctrinæ, qui mores, quæ orationes, quæ combinationes & quorum hominum, salutis civitatis vel commodæ vel adversæ sint. Hæc ergo & similia omnia, à civitate, id est, à summis imperantibus, si opus sit, discenda sunt.

*Pertinet ad auctoritatem civilem, judicare (quando opus est) quæ definitiones, & quæ illustrationes vere sint.*

XII. Præterea, hæc omnia, propugnacula, domos, templa ædificare; pondera ingentia movere, ferre, tollere; maria tutò transmittere; machinas ad omnem vitæ usum construere; orbis terrarum faciem, siderum cursus, anni tempestates, temporum rationes, & denique naturam rerum cognoscere; jura naturalia & civilia callere; scientiæque omnes, quæ Philosophiæ nomine comprehenduntur, partim ad vivendum, partim

tim

tim ad bene vivendum necessariae sunt. Horum scientia (quia CHRISTUS eam non tradidit) ratiocinatione, id est, texendo consequentias initio sumto ab experienciis, addiscenda est. Sed ratiocinationes hominum, interdum rectae, interdum erroneae sunt: & proinde id quod concluditur & tenetur pro veritate, quandoque veritas, quandoque error est. Errores autem, etiam circa Philosophicæ hæc, aliquando nocent publicè, magnarumque seditionum & injuriarum occasionem præbent. Oportet igitur, quoties repugnans bono publico, & paci communi controversia de his rebus oritur, esse aliquem qui de ratiocinatione, id est, an quod infertur, rectè inferatur, necne, sententiam ferat, ut controversia finiatur. Nullæ autem in hanc rem datæ regulæ sunt

520 RELIGIO. Cap. XVII.  
sunt à CHRISTO ; neque enim  
venit in hunc mundum ut do-  
ceret *logicam*. Reliquum igitur  
est, iudices talium controversia-  
rum eosdem esse, quos Deus  
per naturam prius instituerat,  
nimirum, eos, qui à summo Im-  
perante in unaquaque civitate  
constituuntur. Porrò si contro-  
versia, de eorum, quæ in usu  
communi sunt, nominum sive  
appellationum significatione  
accurata, & propria, i. e. de  
definitionibus suscitetur, ita  
ut ad pacem civitatis, vel ad ju-  
ris distributionem opus sit, ut  
determinetur, pertinebit deter-  
minatio ad civitatem; nam hu-  
jusmodi definitiones ex obser-  
vatione diversorum conce-  
ptuum, ad quos significandos  
appellationes illæ diversis tem-  
poribus & causis adhibentur,  
homines ratiocinando expif-  
cantur. Decisio autem quæstio-  
nis,

nis, an quis rectè ratiocinatus fuerit, civitatis est. Exempli causa; si mulier partum ediderit formæ insolitæ, vetet autem lex hominem occidere, nascitur quæstio an partus sit homo. Quæritur ergo, quid sit homo? Nemo dubitat, quin judicabit civitas, idque nulla habita ratione definitionis Aristotelicæ, quod Homo sit Animal rationale. Atque hæc (nimirum *jus, politia, & scientiæ naturales*) subjecta sunt de quibus CHRISTUS præcepta tradere, aut quicquam docere, præter hoc unum, ut in omnibus circa illa controversiis cives singuli civitatis suæ legibus & sententiis obedi-  
rent, ad officium suum pertinere negat. Hoc tamen meminisse oportet, eundem CHRISTUM ut Deum potuisse jure non modo docere, sed etiam imperare quæ voluit.

*Pertinet  
ad offi-  
cium  
Christi  
docere  
moralia,  
non ut  
theore-  
mata, sed  
ut leges,  
remittere  
peccata,  
& doce-  
re omnia  
quorum  
non est  
scientia  
proprie  
dicta.*

XIII. Officii Servatoris nostri summa erat, viam docere, & media omnia ad salutem & vitam æternam; mediorum autem ad salutem unum est, *justitia & obedientia civilis*, & *observatio omnium legum naturalium*. Doceri autem possunt hæc duobus modis; altero, ut theoremata per rationem naturalem; deducendo jus & leges naturales à principiis contractibusque humanis; atque doctrina ea sic tradita, examini potestatum civilium subjecta est: altero, ut leges, per auctoritatem divinam, ostendendo, talem esse voluntatem Dei; atque hoc modo docere, ad eum solum pertinet, cui voluntas Dei supernaturaliter cognita est, hoc est, ad CHRISTUM. Secundo, ad officium CHRISTI pertinebat condonare peccatis; nam id ad homi-

hominum , qui jam peccaverant , salutem necessarium erat , neque ab alio fieri potuit. Non enim pœnitentiam sequitur remissio peccatorum naturaliter , ( ut debita ) sed dependet ( ut gratuita ) à voluntate Dei supernaturaliter revelanda. Tercio , ad Christi officium pertinebat , docere ea mandata Dei omnia , sive circa cultum , sive circa dogmata fidei , quæ ratione naturali sciri non possunt , sed revelatione tantum ; qualia sunt ipsum esse Christum ; Regnum suum non esse terrestre , sed cœleste ; esse præmia & pœnas post hanc vitam ; animam esse immortalem ; Sacramenta tot & talia fore ; & similia.

XIV. Ex iis , quæ dicta sunt in articulis proxime præcedentibus , non est difficile distinguere inter *spiritualia* & *temporalia*. Cum enim per *spiritualia* ,

*Distinctio temporalium à spiritualibus.*

*lia*, ea intelligantur quæ fundamentum habent in autoritate & officio CHRISTI, neque nisi ea CHRISTUS docuisset, sciri possent; sintque cætera omnia temporalia; sequitur, definitionem & sententiæ lationem, circa *justum & injustum*, cognitionem controversiarum omnium circa *media pacis vel defensionis publicæ*, & examen doctrinarum librorumque in omni *scientia rationali*, *Juris esse temporalis*. Quæ verò à CHRISTI verbo & autoritate tantum dependentia, *mysteria fidei* sunt, eorum judicationem *juris esse spiritualis*. Definire autem, quid sit *spirituale*, quid *temporale*, quoniam Servator noster distinctionem illam non tradidit, rationis inquisitio est, pertinetque ad *jus temporale*. Quamquam enim Sanctus Paulus multis in locis distinguat inter *spiritua-*

*ritua-*



*ritualia & carnalia*, vocetque *spiritualia*, ea, quæ sunt *Spiritus*, nimirum *sapientiam*, *sermonem scientiæ*, *fidem*, *facultatem sanandi morbos*, *operationem miraculorum*, *prophetiam*, *discretionem spirituum*, *scientiam linguarum*, *interpretationem sermonum*, Rom. 8. 5. 1. Cor. 12. 8. 9. omnia per *Spiritum Sanctum* supernaturaliter inspirata, & ea quæ *animalis homo* non potest intelligere, sed ille tantum, qui cognovit sensum Christi: 2. Cor. 2. 14, 15, 16. bona verò fortunæ *carnalia* vocet, Rom. 15. 27. & eos, qui homines sunt, *carnales*: 1. Cor. 3. 1, 2, 3. non tamen defini- vit, neque regulas dedit, quibus sciamus quid à ratione naturali, quid à supernaturali in- spiratione proficiscatur.

XV. Cum igitur constet, Servatorem nostrum judicandi deter-

*Verbum  
Dei quo-  
tripliciter  
intelliga-  
tur.*

526 RELIGIO. Cap. XVII.  
determinandique controversias  
omnes circa *temporalia*, sum-  
mam auctoritatem commisisse,  
vel potius non abstulisse Prin-  
cipibus, iisque qui in singulis  
civitatibus summum obtinent  
imperium. Videndum dein-  
ceps est, cui commiserit simi-  
lem auctoritatem circa *spiritua-*  
*lia*. Id quia sciri non potest  
nisi ex *Verbo Dei*, & *Ecclesie*  
*traditione*, inquirendum proxi-  
mo loco est; quid sit *Verbum*  
*Dei*; quid illud *interpretari*;  
quid *Ecclesia* sit, & quid *Ec-*  
*clesie voluntas* & *mandatum*.  
Ut omittamus, quod *Verbum*  
*Dei* in Scriptura sacra ponatur  
aliquando pro *Filio Dei*: accipi-  
tur ea vox tripliciter. Primò  
propriissimè pro eo, quod Deus  
loquutus est; sic *Verbum Dei*  
est quidquid loquutus est Deus  
ad *Abrahamum* & *Patriarchas*,  
Mo-

*Mosen & Prophetas* ; vel *Ser-*  
*vator noster ad discipulos , &*  
*alios quoscunque. Secundo ,*  
*quicquid dictum est ab homi-*  
*nibus jussu vel impulsu Spiri-*  
*tus Sancti ; quo sensu agnos-*  
*cimus , Scripturas sacras esse*  
*Verbum Dei. Tertio quidem in*  
*novo testamento frequentissimè*  
*Verbum Dei significat doctri-*  
*nam Evangelicam , sive ver-*  
*bum de Deo , sive verbum de*  
*Regno Dei per CHRISTUM. Ut*  
*ubi dicitur CHRISTUS prædi-*  
*casse Evangelium Regni Matth.*  
*4. v. 23. Ubi Apostoli dicun-*  
*tur prædicare Verbum Dei. Act.*  
*13. v. 46. Ubi Verbum Dei*  
*appellatur Verbum vitæ. Act.*  
*5. v. 20. Verbum Evangelii.*  
*Act. 15. vers. 7. Verbum Fidei,*  
*Rom. 10. vers. 8. Verbum veri-*  
*tatis , (addita interpretatione)*  
*id est , Evangelium salutis ,*  
*Ephes.*

Ephes. 1. 13. Et ubi appellatur *Verbum Apostolorum*. Dicit enim Sanctus Paulus: *Si quis non obedit verbo nostro, &c. 2. Theff. 3. v. 14.* Quæ loca intelligi aliter non possunt quam de *doctrina Evangelica*. Similiter ubi dicitur *Verbum Dei diffeminari, crescere, & multiplicari, Act. 12. v. 24. & cap. 13. v. 49.* id de ipsa voce Dei, vel Apostolorum concipere difficile est; de doctrina facile. Atque in hac tertia acceptione, *Verbum Dei*, est omnis quæ hodie è cathedris docetur, & in Theologorum libris continetur *doctrina de fide Christiana*.

XVI. Jam Scriptura sacra, ut quam agnoscimus à Deo inspiratam, tota *Verbum Dei* est in secunda acceptione. Et innumera ejusdem loca in prima. Et cum maxima pars ejus versetur in *Regni cælestis* vel prædictione,

*Non omnia, quæ habentur in Scriptura sacra, pertinere ad canonem fidei Christianæ.*

ne,

ne, vel præfiguratione ante CHRISTI incarnationem, vel in Evangelizatione & explicatione, post etiam in tertia significatione, ubi *Verbum Dei* sumitur pro *Verbo de Deo*, id est; pro *Evangelio*, Scriptura sacra est *Verbum Dei*, ideoque etiam *canon & regula omnis doctrinæ Evangelicæ*. Quoniam autem in iisdem scripturis multa leguntur *Politica, Historica, Moralia, Physica, & alia*, quæ nihil omnino spectant ad *Mysteria fidei*, ea loca etsi veram doctrinam contineant, & Canon sint talium doctrinarum, non tamen Canon esse possunt mysteriorum Religionis Christianæ.

XVII. Et quidem *Verbi Dei*, non vox, & litera, doctrinæ Christianæ Canon est, sed sententia vera & genuina; non enim regitur animus per Scrip-

*Verbum legitimi interpretis scripturarum esse Verbum Dei.*

Z turas

530 RELIGIO. Cap. XVII.  
 turas nisi intellectas. Scripturis  
 igitur, ut fiant Canon, inter-  
 prete opus est. Sequitur autem  
 hinc duorum alterum, aut ver-  
 bum interpretis esse Verbum  
 Dei, aut Canonem doctrinæ  
 Christianæ non esse Verbum  
 Dei. Horum posterius falsum  
 esse necesse est. Doctrina enim,  
 quæ nulla ratione humana, sed  
 per revelationem divinam tan-  
 tum sciri potest, regula esse  
 non potest nisi divina. Quem  
 enim fatemur scire non posse,  
 an doctrina aliqua vera sit nec-  
 ne, ejus sententiam in ead-  
 em doctrina pro regula habe-  
 re impossibile est. Prius igitur  
 verum est: *verbum interpretis*  
 Scripturarum, esse *Verbum Dei.*

*Autori-  
 sas inter-  
 pretandi  
 Scriptu-  
 ras ea-  
 dem est,  
 que de-*

XVIII. Interpres autem is,  
 cujus sententiæ tantum honoris  
 defertur, ut habeatur pro *Ver-  
 bo Dei*, non est quilibet qui ex  
 lingua Hebræa & Græca vertit  
 scriptu-

scripturam auditoribus suis Latinis, Latinè; Gallis, Gallicè; & cæteris singulis vernaculè; non enim est hoc interpretari. Est enim ea universim sermonis natura, ut quamquam inter signa quibus conceptus nostros aliis patefacimus, principem locum mereatur, non tamen id munus explere solus sine ope multarum circumstantiarum possit. Habet enim viva vox præsentis interpretes, nimirum tempus, locum, vultum, gestum, consilium loquentis, atque etiam ipsum, qui loquitur, animum suum aliis verbis, quoties opus est, explicantem. Hæc interpretationis adjumenta in scriptis veteris ævi desiderata revocare, neque ingenii quotidiani, neque sine eruditione & rerum antiquarum summa peritia omnino ingenii est. Non sufficit

*serminatio  
di fidei  
contro-  
versias.*

igitur ad interpretationem scripturarum, ut quis linguam calleat, qua loquuntur. Neque interpres Scripturæ canonicus unusquisque est, qui commentarios in eas scribit. Possunt enim homines errare, possunt etiam eam vel ad ambitionem suam inflectere, vel in servitutum præjudiciis suis trahere etiam repugnantem: unde sequitur, habendam esse sententiam erroneam pro *Verbo Dei*. Etiam, si autem accidere hoc non posset, tamen statim ut commentatores hi discesserint, commentarii eorum explicationibus, & procedente tempore, explicationes expositionibus, expositiones novis commentariis indigebunt sine fine, ut nullo modo doctrinæ Christianæ canon sive regula, qua controversiæ Religionis determinandæ sint, consistere possit in quacunq;



quacunq; interpretatione scriptâ. Restat, ut interpret canonice debeat esse aliquis, cujus munus legitimum sit, ortas controversias, *Verbum Dei* in ipsis judiciis explicando, terminare; & cujus propterea auctoritati standum non minus sit, quam eorum, qui Scripturam ipsam pro Canone fidei primi nobis commendaverunt, idemque sit *interpretus Scripturæ*, & *doctrinarum omnium iudex supremus*.

XIX. Quod ad nomen at- *Ecclesiæ*  
*plures si-*  
*gnifica-*  
*tiones.*  
tinet *Ecclesiæ*, ab origine idem sonat quod Latinè *Concio*, si-  
ve conventus civium, sicut & *Ecclesiastes* idem quod *concionator*, id est, is qui ad conventum loquitur. Quo sensu legimus in Actis Apostolorum *Ecclesiam legitimam*, & *Ecclesiam confusam*. Act. 19. v. 32. 40. illam pro cœtu convocato, hanc

534 RELIGIO. Cap. XVII.  
pro concursu populi per tumultum. Cæterum per *Ecclesiam Christianorum* in Scriptura Sacra intelligitur interdum quidem conventus, interdum vero ipsi Christiani, etsi non actu congregati, siquidem in cœtum introire, & communicare cum congregatis concessum sit. Exempli causa: *Dic Ecclesiæ*, Matth. 18. v. 17. de congregata intelligitur; aliter enim *dicere* aliquid *Ecclesiæ* impossibile est. Sed, *devastavit Ecclesiam*, Act. 8. v. 3. de non congregata. Sumitur autem *Ecclesia* aliquando pro baptizatis, sive fidei Christianæ professoribus, sive illi sint interne Christiani, sive simulate; ut, ubi legimus aliquid dictum, vel scriptum, ad *Ecclesiam*, vel dictum, decretum, factum ab *Ecclesia*; aliquando autem pro *electis* tantum, ut ubi dicitur *sancta & imma-*

*immaculata Ecclesia.* Ephes. 5. v. 27. Non autem sunt electi, quatenus militant, proprie dicta *Ecclesia*; nam convenire nesciunt, sed sunt *Ecclesia futura*, nimirum in die illa in qua à reprobis segregati triumphaturi sunt. Rursus *Ecclesia* sumi aliquando potest pro omnibus simul Christianis collectivè; ut ubi CHRISTUS vocatur *caput Ecclesie*, & *caput corporis Ecclesie*. Eph. 5. v. 23. Col. 1. v. 18. Aliquando pro partibus ejus, ut *Ecclesia Ephesi*, *Ecclesia quæ est in domo ejus*, *septem Ecclesie*; &c. Postremò, *Ecclesia* prout pro cœtu actu congregato sumitur, pro diverso fine congregandi, significat aliquando eos, qui congregantur ad deliberationes & judicia, quo sensu vocatur etiam concilium, & synodus; aliquando eos, qui conveniunt in domum oratio-

536 RELIGIO. Cap. XVII.  
nis ad colendum Deum, qua  
significatione ponitur I. Cor.  
14. v. 4, 5. 23. 28. &c.

*Quid sit  
Ecclesia,  
cui attri-  
buntur  
jura, ac-  
tiones, &  
similia,  
persona-  
lia.*

XX. *Ecclesia* autem, cui at-  
tribuuntur *personalia*, & pro-  
pria *jura actionesque*, & de qua  
necesse est intelligi illa; *dic Eccle-*  
*siæ; qui non obedierit Ecclesiæ;*  
& ejusmodi omnes loquendi  
formulas; definienda ita est, ut  
intelligatur ea voce *multitudo*  
*hominum qui Pactum novum cum*  
*Deo per Christum inierunt*, (hoc  
est, multitudo eorum, qui sus-  
ceperunt Sacramentum Bap-  
tismi) *quæ multitudo, & jure in*  
*unum locum convocari possit ab*  
*aliquo, & eo convocante, adesse*  
*omnes vel per se, vel per alios*  
*obligantur*. Nam multitudo ho-  
minum, si coire in unum cœ-  
tum, ubi opus est, non potest,  
una *persona* dicenda non est. *Ec-*  
*clesia* enim neque loqui, neque  
decernere, neque audire potest,  
nisi

nisi ut cœtus. Quæ à singulis dicta sunt, nempe tot sententiæ ferè, quot capita, unumquodque eorum hominis unius, non *Ecclesiæ* dictum est. Porrò si cœtus fiat, sed illicitus, considerabitur ut nullus. Nemo igitur eorum qui adsunt in tumultu, decreto cæterorum tenebitur, præsertim verò si dissenserit: neque itaque *Ecclesia* talis decernere aliquid potest; tum enim decernere aliquid multitudo dicitur, cum unusquisque decreto majoris partis obligatur. Oportet igitur ad *Ecclesiæ* (cui quidem *personalia* tribuimus) definitionem accedere, ut possit non modo congregari; sed & jure. Præterea, etsi sit, qui jure cæteros convocet, possint tamen, qui vocantur, jure non venire, (id quod accedere potest inter homines, quorum alius alii non subicitur.)

538 RELIGIO. Cap.XVII.  
non est illa *Ecclesia persona* una.  
Nam quo jure ii, qui ad tempus  
& locum, quo vocantur, con-  
veniunt, *una Ecclesia*, eodem  
etiam ii, qui ad alium locum à  
se constitutum confluunt, *alia  
Ecclesia* est. Et quilibet *homodo-  
xorum* numerus *Ecclesia* est; &  
per consequens tot *Ecclesie* e-  
runt, quot sunt opiniones di-  
versæ; hoc est, eadem multitu-  
do hominum erit simul & *una  
& plures Ecclesie*. Itaque *Eccle-  
sia* nisi ubi certa & cognita,  
hoc est, legitima potestas sit,  
per quam singuli per se, vel  
per alios in cœtu adesse obli-  
gentur, una non est. Atque  
unitate legitimæ potestatis con-  
vocandi Synodos & conven-  
tus Christianorum, non unifor-  
mitate doctrinæ, fit *una & ca-  
pax functionum personalium*;  
quæ alioquin est multitudo, &  
*persona* in plurali, utcunque  
opi-

opinionibus consentientes.

XXI. Iis, quæ dicta jam sunt, necessariâ connexionem adhaeret, *civitatem Christianorum* hominum, & *Ecclesiam eorundem*, prorsus eandem rem esse, duobus nominibus propter duas causas appellatam. Nam *materia civitatis & Ecclesiae* eadem est, nimirum iidem homines Christiani. *Forma* autem quæ consistit in legitima potestate eos convocandi, eadem quoque est; constat enim, singulos cives obligari convenire, quo à civitate convocantur.

Quæ vero *civitas* vocatur, quatenus conflatur ex *hominibus*, eadem quatenus constat ex *Christianis*, *Ecclesia* nominatur.

XXII. Cum iisdem cohæret & hoc, si plures sint *civitates Christianæ*, eas simul omnes *Ecclesiam personaliter unam* non esse. Possunt quidem consensu mu-

*civitas Christiana, idem quod Ecclesia Christiana.*

*Plures civitates non constituunt unam Ecclesiam.*

tuo una fieri, sed non aliter, quam ut fiant etiam una civitas. Convenire enim nisi ad certum tempus & locum constitutum, non possunt. Sunt autem personæ, loca, & tempora conventuum juris civilis; neque quisquam civis, vel externus, pedem in ullum locum inferre jure potest, nisi permittente civitate, quæ loci domina est. Quæ vero nisi permittente civitate fieri jure non possunt, ea si jure fiant, fiunt per auctoritatem civitatis. Est certe *Ecclesia* *universa* unum *Corpus mysticum*, cujus caput est CHRISTUS, sed eadem ratione, qua omnes simul homines Deum rectorem mundi agnoscentes, unum regnum, & *una civitas* sunt, quæ tamen neque *una persona* est, neque unam actionem aut sententiam communem habet. Præterea ubi dicitur  
CHRIS-



CHRISTUS esse *caput corporis Ecclesiae*, manifestè apparet, dictum id esse ab Apostolo de electis, qui quamdiu in hoc mundo sunt, potentiâ tantum *Ecclesiae* sunt, quæ actu antè non erit, quam à reprobis quidem segregentur, inter se verò congregentur in die judicii. *Ecclesia Romana* permagna olim fuit; sed fines imperii egressa non est. Neque ergo *universa*, nisi eo sensu, quo dictum etiam est de *Romana civitate*, *Orbem jam totum victor Romanus habebat*, cum non haberet partem ejus vicefimam. Postquam autem imperium civile in partes discerptum fuit, singulæ civitates inde exortæ, totidem erant *Ecclesiae*, & quam habuit in eas *Ecclesia Romana* potestatem, ea tota pendere potuit ex ipsarum autoritate, quæ excussis Imperatoribus, Doctores tamen Romanos

manos habere contentæ sunt.

*Ecclesiasti-  
tici qui.*

XXIII. *Ecclesiastici* appellari possunt, qui munus in *Ec-  
clesia* exercent publicum. Mu-  
nerum autem erat aliud *Mini-  
sterium*, aliud *Magisterium*. *Mini-  
strorum* munus erat inservire  
mensis, procurare bona *Ecclē-  
siæ* temporalia, portionesque  
(quo tempore divitiarum omni  
abolitâ proprietate de commu-  
ni alebantur) in singulos di-  
stribuere. *Magistri* autem pro  
ordine, alii *Apostoli*, alii *Epif-  
copi*, alii *Presbyteri*, hoc est,  
majores natu sive seniores, ap-  
pellabantur; non tamen ut *Pres-  
byteri* nomine *etas*, sed *officium*  
distingueretur. Fuit enim *Ti-  
motheus* Presbyter, quamquam  
juvenis; sed quia plerumque  
*Seniores* ad *magisteria* adhibe-  
bantur, nomen ætatis ad signi-  
ficandum munus usurpatum est.  
Iidem *Magistri* pro diversitate  
mune-

munerum vocabantur alii *Apostoli*, alii *Prophetae*, alii *Evangelistae*, alii *Pastores* seu *doctores*. Et opus quidem *Apostolicum* univ-  
 ersum erat; *Propheticum* au-  
 tem, revelationes proprias in  
*Ecclesia* proponere; *Evangelis-  
 ticum*, prædicare, sive præ-  
 cones esse Evangelii apud infi-  
 deles; *Pastoritium*, docere,  
 confirmare & regere animos  
 eorum, qui jam crediderant.

XXIV. In *Electione Eccle-* *Electio-*  
*siasticorum* duo consideranda *nem Ec-*  
 sunt; *electio* personarum, & *clestias-*  
 consecratio sive institutio, quæ *ticorum*  
 & ordinatio appellatur. *Primos* *spektare*  
*Apostolos* duodecim ipse *CHRIS-* *ad Eccle-*  
*STUS* & *elegit* & *ordinavit*. *Post* *siam; con-*  
*ascensionem CHRISTI*, *Mat-* *secratio-*  
*thias* in locum *Judæ* proditoris *nem ad*  
 suffectus est, *Ecclesiâ* (quæ ex *Pastores.*  
 hominibus circiter centum &  
 viginti tunc temporis *congre-*  
 gata est) duos eligente: *statue-*  
*runt*

runt enim duos : *Joseph & Matthiam* ; sed Deo ipso forte unum *Matthiam* approbante. Atque duodecim hos appellat Sanctus Paulus *magnos & primos Apostolos* ; item *Apostolos circumcisionis*. Postea additi duo alii *Apostoli* , *Paulus & Barnabas* : ordinati quidem à Doctores & Prophetis *Ecclesiæ Antiochenæ* ( quæ erat *Ecclesia particularis* ) per impositionem manuum , electi verò jussu Spiritus sancti . Quod fuerint ambo *Apostoli* , constat ex decimo quarto Actorum , versu 13. Quod *Apostolatam* ex eo receperunt , quod jussu Spiritus sancti à Prophetis Doctoribusque *Ecclesiæ Antiochenæ* segregati fuerint ad opus Dei , ostendit ipse Sanctus Paulus , qui distinctionis causa vocat se *Apostolum segregatum in Evangelium Dei*. Rom. I. v. I. Sed si quæ-  
ratur

Cap. XVII. RELIGIO. 545  
ratur ulterius; *qua autoritate*  
factum sit, ut pro jussu Spiritus  
Sancti receptum sit, quod  
Prophetæ & Doctores illi pro-  
fectum à Spiritu Sancto esse  
dixerint, respondendum neces-  
sariò est, *Autoritate Ecclesie*  
*Antiochena.* Prophetæ enim &  
Doctores antequam admittan-  
tur, examinandi sunt ab Ec-  
clesia; dicit enim Sanctus Jo-  
hannes: *Nolite omni spiritui cre-*  
*dere, sed probate spiritus, si ex*  
*Deo sunt, quoniam multi Pseu-*  
*do-Prophetae exierunt in mun-*  
*dum.* A qua autem Ecclesia, nisi  
ad quam scripta est ea Epistola?  
Similiter reprehendit Sanctus  
Paulus Ecclesias Galatiæ quod  
judaizarent; Gal. 2. vers. 14.  
etiamsi viderentur ipsi id face-  
re Auctore Petro; nam cum di-  
xisset, se Petrum ipsum repre-  
hendisse his verbis: *Si tu, cum*  
*Judæus sis, geniliter vivis &*  
*non*

*non judaice, quomodo Gentes cogis judaizare? non multo post interrogat ipsos, dicens: Hoc solum à vobis volo discere: ex operibus legis Spiritum accepistis, an ex auditu fidei? Gal. 3. vers. 2. Ex quo patet id quod reprehendit in Galatis, fuisse Judaifimum, quamquam Petrus Apostolus judaizare cogeret. Cum igitur, quos doctores sequeretur Ecclesia, non Petri, neque ergo hominis erat determinare, etiam Ecclesie Antiochena autoritati innitebatur Doctorum & Prophetarum suorum electio. Quoniam autem per doctorum, sic electorum, impositionem manuum, Spiritus Sanctus segregavit sibi Apostolos, Paulum & Barnabam; manifestum est, summorum in Ecclesia qualibet Doctorum consecrationem & impositionem manuum ad eisdem Ecclesie Doctores pertinere. Episco-*

*piscopus* autem , qui & *Presbyteri* vocati erant , etsi non omnes *Presbyteri* *Episcopi* , ordinauerunt tum *Apostoli* , ( nam *Paulus* & *Barnabas* cum docuissent in *Derbe* , *Lystra* , & *Iconio* , *Presbyteros* constituerunt per singulas *Ecclesias* , *Act.* 14. vers. 22. ) tum etiam *Episcopi* alii: *Titus* enim in *Creta* relictus est à *Paulo* , ut constitueret per civitates *Presbyteros* : *Tit.* 1. vers. 5. Et *Timotheo* dictum est : *Noli negligere gratiam Dei quæ in te est , quæ data est tibi per Prophetiam , cum impositione manuum presbyterii ;* *1. Tim.* 4. vers. 14. Eidemque datæ regulæ sunt circa *Presbyterorum* electionem. Non autem intelligi id potest , nisi de ordinatione eorum , qui ab *Ecclesia* eligerentur. Constituere enim doctorem in *Ecclesia* , nisi *Ecclesiâ* permittente , nemo potuit.

tuit. Nam ipsorum *Apostolorum* munus erat, non imperare, sed docere; & quamquam qui commendati ab *Apostolis* vel *presbyteris* fuerant, propter existimationem commendantium non rejicerentur, cum tamen sine *voluntate Ecclesie* eligi non possent, etiam per *autoritatem Ecclesie* electi censebantur. Similiter ministri qui *Diaconi* vocantur, ab *Apostolis* ordinati, ab *Ecclesia* tamen electi erant. Nam cum septem *Diaconi* eligendi ordinandique erant, non eos eligebant *Apostoli*, sed *considerate*, inquit, *fratres*, *viros ex vobis boni testimonii septem*, &c. atque illi elegerunt *Stephanum*, &c. & statuerunt eos ante conspectum *Apostolorum*. Act. 6. vers. 3. 6. Constat itaque ex consuetudine *Ecclesie* sub *Apostolis*, *Ecclesiasticorum* omnium *ordinationem* quidem, sive *consecra-*



*secrationem*, quæ fit per *orationem* & *manuum impositionem*, ad *Apostolos* & *Doctores spectasse*, *electionem* verò *ordinandorum* ad *Ecclesiam*.

XXV. De potestate *solvendi* & *ligandi*, id est, *peccata remittendi* & *retinendi*, dubium esse non potest, quin ea data sit à *Christo* futuris tunc *Pastoribus*, eodem modo quo præsentibus *Apostolis*. Data autem est *Apostolis* omnis potestas *remittendi peccata*, quam ipse habuit *Christus*: Sicut misit me pater, inquit *Christus*, & ego mitto vos: Joh. 20. v. 21. subjungitque, quorum remisseritis peccata, remittuntur, & quorum retinueritis, retenta sunt. v. 23. Sed quid sit *solvere* & *ligare*, sive *peccata remittere* & *retinere*, dubitationem habet. Primum enim *peccata* ejus *retinere*, qui baptizatus in remissionem

Potestatem peccata penitentibus remittendi, non penitentium retinendi, spectare ad Pastores: sed de penitentia judicandi, ad Ecclesiam.

tionem peccatorum verè pœnitens est, videtur contra ipsum pactum novi Testamenti, neque ergo à *Christo* fieri, nedum à pastoribus posse. *Remittere* autem non pœnitenti, videtur esse contra voluntatem Dei Patris, à quo *Christus* ad convertendum mundum, hominesque ad obedientiam reducendum missus est. Deinde si Pastoribus singulis eo modo *remittere & retinere peccata* concessum esset, omnis metus Principum, & Magistratum civilium, unàque omne regimen civile destrueretur. Dictum enim est à *Christo*, immo etiam natura ipsa dicitur: *Nolite timere eos, qui occidunt corpus, animam autem non possunt occidere; sed potius timete eum, qui potest & animam & corpus perdere in Gehennam.* Matth. 10. v. 28. Neque est quisquam ita mente

mente captus, ut non potius mallet iis, qui *peccata remittere & retinere* possunt, quàm regibus potentissimis obtemperare: Neque tamen ex altera parte existimandum est, *remissionem peccatorum* nihil aliud esse præter exemptionem à pœnis Ecclesiasticis; quid enim mali habet excommunicatio præter consequentem ex ea pœnam æternam; vel boni, in Ecclesiam recipi, si extra eam esset salus? Tenendum igitur est, *Pastores habere potestatem peccata verè & absolute remittendi, sed pœnitentibus; & retinendi, sed impœnitentium.* Dum autem putant homines, pœnitere nihil aliud esse, quàm ut facta sua quisque condemnet, mutetque consilia; quæ sibi ip-sis peccata esse & culpam habere videantur; orta est opinio, posse esse pœnitentiam ante  
con-

confessionem peccatorum coram hominibus; & esse pœnitentiam non effectum, sed causam confessionis. Atque inde difficultas dicentium, peccata eorum, quos pœnitet, jam remissa esse in Baptismo, non pœnitentium omnino remitti non posse; contra Scripturam est, & contra verba *Christi* dicentis, *quorum remisistis*, &c. Sciendum igitur primo loco ad difficultatis hujus solutionem, peccati veram agnitionem esse ipsam pœnitentiam. Nam qui scit se peccasse, scit se errasse; errare autem velle impossibile est; itaque qui scit se peccasse, nollet factum; id quod est pœnitere. Deinde ubi dubium esse potest, an quod factum est, peccatum sit, necne; considerandum est, pœnitentiam non antecedere confessionem peccatorum, sed subsequi. Pœnitentia enim

enim

enim non est, nisi de peccato agnito. Oportet igitur pœnitentem, & factum agnoscere, & cognoscere quod sit peccatum, hoc est, quod sit, contra legem. Si quis igitur, quod à se factum est, putet non esse contra legem, impossibile est, ut ejus pœniteat. Ergo ante pœnitentiam necessaria est factorum ad legem applicatio. Ad legem autem sine interprete facta applicare, frustra est; non enim verba legis, sed sententia legislatoris, actionum regula est. Est autem legis interpretès certè homo vel homines; non enim judex est unusquisque facti sui, an sit peccatum necne. Itaque explicandum factum est, de quo dubitatur, an sit peccatum, ante hominem vel homines. Atqui hoc facere, confessio est. Jam, quando legis interpretès judicaverit, factum ejus esse

A a pec-

peccatum : si acquiescat peccator iudicio , statuatque apud se, non facere amplius , pœnitentia est. Atque hoc modo vera pœnitentia aut non est, aut confessionem non antecedit, sed sequitur. His ita explicatis non est intellectu difficile , qualis illa sit potestas *solvendi & ligandi*. Cum enim in remissione duo sint ; Alterum , *iudicium* sive *condemnatio* , qua factum iudicatur esse peccatum ; alterum , ( ubi condemnatus iudicio acquiescens obdixerit , id est , pœnituerit ) *peccati remissio* , vel ( si non pœnituerit ) *retentio* : primum eorum , id est , iudicare an sit peccatum , ad *interpretem legis* , id est , *judicem summum* ; secundum , remissio vel retentio peccati pertinet ad *Pastorem* ; & est illa ipsa , de qua agitur *potestas ligandi & solvendi*. Atque hanc veram fuisse sententiam

tiam nostri Servatoris in ejusmodi potestatis institutione, ex 18. capite Sancti Matthæi, v. 15, 16, 17, 18, sic apparet: Discipulos alloquens: *Si peccaverit; inquit, in te frater tuus, vade & corripe eum inter te & ipsum solum.* (Notandum obiter est, si peccaverit in te, idem esse quod si injuriam tibi fecerit, ideoque loqui *Christum* de iis, quæ pertinent ad *tribunal civile*) addit, *si te non audierit* (hoc est, si neget fecisse, vel si factum confessus, fecisse injustè neget (*adhibe tecum adhuc unum aut duos. Quodsi hos non audierit, dic Ecclesiæ.* Quare autem *Ecclesiæ*, nisi ut ipsa judicet an peccatum sit necne? *Quodsi Ecclesiam non audierit*, hoc est, si sententiæ *Ecclesiæ* non acquieverit, sed sustinuerit, non esse peccatum, quod ea peccatum esse judicaverit, hoc est, si

non poenituerit, (nam certum est, poenitere facti neminem, quod non existimat esse peccatum) non dicit, *dic Apostolis*, ut sciamus, sententiam definitivam in quaestione an sit peccatum necne, relinqui non illis, sed *Ecclesiae*; sed *fit tibi*, inquit, *sicut Ethnicus & Publicanus*, hoc est, tanquam extra *Ecclesiam*, tanquam non baptizatus, id est, tanquam is cujus *peccata retinentur*. Baptizabantur enim omnes Christiani in remissionem peccatorum. Quoniam autem quaeri poterat, quis haberet tantam potestatem, quanta est Baptismi beneficium impoenitentibus auferendi, ostendit *Christus*, eos ipsos, quibus auctoritatem dederat poenitentes baptizandi in remissionem peccatorum, & faciendi ex Ethnicis Christianos, auctoritatem quoque habere peccata eorum, qui



qui ab *Ecclesia* judicarentur impenitentes, retinendi, eosque ex Christianis reddendi Ethnicos; ideoque statim subjungit: *Amen dico vobis, quæcunque alligaveritis super terram, erunt ligata & in cælo, & quæcunque solveritis super terram, erunt soluta & in cælo.* Ex quo intelligi potest, potestatem solvendi & ligandi, sive remittendi & retinendi peccata, quæ & potestas clavium dicitur, aliam non esse à potestate data alio loco his verbis: *Euntes docete omnes gentes, baptizantes eos in nomine Patris, & Filii, & Spiritus Sancti: Matth. 28. v. 19.* Et quemadmodum Pastores Baptismum negare non possunt ei, quem *Ecclesia* dignum censet, ita neque retinere peccata ejus, quem *Ecclesia* absolvendum judicat; neque etiam remittere peccata ejus, quem *Ecclesia* pronunciat

558 RELIGIO. Cap. XVII.  
 esse contumacem. Et de peccato quidem judicare, *Ecclesiae est: Pastorum* verò, *judicatos* ab Ecclesia *ejicere*; vel intra eam recipere. Ita Sanctus Paulus ad *Ecclesiam Corinthiacam*: *Nonne de iis*, inquit, *qui intus sunt*, *vos judicatis?* ipse tamen fornicarium ab Ecclesia separandum pronunciavit: *Ego quidem*, inquit, *absens corpore*, *praesens autem spiritu*, &c.

*Excommunicatio quid, & in quos cadere non potest.*

XXVI. Actus retentionis peccatorum is est, qui vocatur ab Ecclesia *Excommunicatio*, & à Sancto Paulo, *tradere Sata-nae*. Nomen *Excommunicatio-nis*, idem sonans quod *ἔξω ἀπὸ συναγωγῶν ποιεῖν*, è *Synagoga ejicere*, tractum videtur à lege Moisaica, qua eos, qui à Sacerdote leprosi judicati sunt, extra castra seorsim habere imperatum est, donec rursus Sacerdotis judicio mundi, & certis ritibus  
 (inter

(inter quos erat corporis lavatio) purificati essent. Levit. 13. vers. 46. Progrediente inde tempore Judæis mos erat, eos etiam qui transibant à *Gentilismo* ad *Judaismum*, tanquam immundos, non recipere, nisi prius *lavatos*; & dissentientes à doctrina *Synagogæ*, *Synagogâ* *ejicere*. Ad similitudinem hujus ritus transeuntes ad Christianismum (sive Judæi essent, sive Gentes) non nisi per *Baptismum* in *Ecclesiam* recipiebantur; & dissentientes ab *Ecclesia*, *communione Ecclesiæ* privabantur., *Tradi* autem *Satanæ* ideo dicebantur, quia quod extra *Ecclesiam* erat, id omne regno *Satanæ* comprehendebatur. Finis hujusmodi disciplinæ erat, ut destituti ad tempus gratiâ & privilegiis *Ecclesiæ* spiritualibus, humiliarentur ad salutem. Effectus autem quoad secularia is

erat, ut *excommunicatus* non modo coetibus sive Ecclesiis, & participatione Mysteriorum prohiberetur, sed tanquam noxius contagione, etiam peior Ethnico, à cæteris Christianis singulis fugeretur. Nam *cum Ethnicis commisceri* permisit Apostolus; cum his *ne cibum* quidem *una sumere.* I. Cor. 5. v. 10, 11. Quum ergo talis sit *excommunicationis* effectus, manifestum est primo loco, *civitatem Christianam non posse excommunicari.* Est enim civitas Christiana, Ecclesia Christiana; ut ostensum est supra articulo 21, & ejusdem extensionis. *Ecclesia* autem *excommunicari* non potest; vel enim *excommunicabit* se ipsam, quod est impossibile, vel *excommunicabitur* ab *alia Ecclesia*, eaque vel *universali*, vel *particulari*; *universalis* autem *Ecclesia cum persona* non sit, (ut ostens-

Cap. XVII. RELIGIO. 561  
ostensum est articulo 22) neque ergo agat aut faciat quicquam, *excommunicare* neminem potest. *Particularis* autem *Ecclesia*, *excommunicando* *aliam Ecclesiam* nihil agit, nihil mutat: quorum enim *communis* non est cœtus, eorum *excommunicatio* esse non potest; neque si *Ecclesia* aliqua, puta *Jerosolymitana* *aliam*, puta *Romanam* *excommunicasset*, non *illam* magis *excommunicasset* quam se ipsam. Nam qui *aliam* sua *communione* privat, se quoque privat *communione* illius. Secundo, *neminem* posse *civitatis* *alicujus absolute*, *cives* *simul* *omnes* *excommunicare*, *vel* *templorum usum* *vel* *cultum* *Dei publicum* *eis interdiceret*. Non enim *excommunicari* possunt ab *Ecclesia*, quam ipsi *constituunt*; siquidem enim id *facerent*, non *modo* non *Ecclesia*, sed *ne civitas*

A a 5 qui-

quidem essent, dissolverentur-  
que sua sponte: id verò non est  
*excommunicari*, neque *interdici*.  
Quodsi ab alia *Ecclesia excom-  
municentur*, habendi sunt, illi  
*Ecclesiæ*, tanquam ethnici. Sed  
*Ethnicos*, per doctrinam *Christi*,  
nulla *Ecclesia Christiana* prohi-  
bere potest, quin congregent  
se, & inter se *communicent*,  
prout eorum civitatibus visum  
fuerit, præsertim si coeant ad  
colendum *Christum*, quamquam  
id fiat ritu & modo singulari.  
Ergo neque *excommunicatos*;  
qui ut ethnici tractandi sunt.  
Tertio, *excommunicari non posse*  
*Principem*, qui habet summum  
*civitatis imperium*. Neque enim  
per doctrinam *Christi* subditus  
unus, vel plures simul, Princi-  
pi suo quamquam *Ethnico* loca  
publica, aut privata interdiceret,  
aut introitum in quemcumque  
cœtum negare potest, aut pro-  
hibere,

hibere, ne faciat, quicquid in sua ditione voluerit. Est enim crimen læsæ majestatis in omni civitate, civi cuicumque, vel quotcunque civibus simul, auctoritatem sibi quamcunque in totam civitatem arrogare. Qui vero auctoritatem arrogant sibi in eum qui habet civitatis summum imperium, eandem arrogant in ipsam civitatem. Præterea, Princeps summus, si Christianus sit, hoc amplius habet ut civitas, cujus voluntas continetur in ipsius voluntate, id ipsum sit, quod vocamus *Ecclesiam*. Neminem igitur excommunicat *Ecclesia*, nisi quem excommunicat auctoritate Principis. Sed Princeps non *excommunicat* se ipsum, non igitur *excommunicari* potest à subditis suis. Potest quidem esse, ut coetus civium rebellium, vel proditorum, pronunciet Prin-

564 RELIGIO. Cap. XVII.  
cipem summum esse *excommunicatum*, sed non *jure*. Multo minus Princeps à Principe *excommunicari* potest: esset enim hoc, non *excommunicatio*, sed potius indictio belli per convicium. Nam cum una non sit *Ecclesia* quæ conflatur ex civibus duarum civitatum absolutarum, propter defectum ( ut dictum supra est articulo 22. ) potestatis ritè conveniendi in unum cœtum, illi qui unius *Ecclesiæ* sunt, non tenentur obedire alteri, neque ergo propter inobedientiam possunt *excommunicari*. Quod autem dicat aliquis, Principes, cum *Ecclesiæ universalis* membra sint, posse etiam *universalis Ecclesiæ* autoritate *excommunicari*, locum non habet, propterea quod *Ecclesia universalis* ( ut dictum est articulo 22. ) non est *una persona*, de qua possit dici, quod *fecerit*,  
decre-



decreverit, statuerit, excommu-  
nicaverit, absolverit, & familia  
personalia; neque habet recto-  
rem ullum in terris, cujus jus-  
su convenire & deliberare pos-  
sit. Nam rectorem esse *Ecclesie*  
*universalis*, & posse eam con-  
vocare, idem est, ac rectorem  
esse & dominum omnium per  
universum orbem Christiano-  
rum, id quod nemini concedi-  
tur, præterquam soli Deo.

XXVII. Ostensum est su-  
pra articulo 18, autoritatem  
*interpretandi Scripturas sacras*  
non consistere in eo, quod in-  
terpres possit impunè senten-  
tiam, quam inde elicit, aliis  
vel scripto vel viva voce ex-  
ponere & explicare, sed in eo,  
quod non sit aliis contra sen-  
tentiam ejus faciendi aut do-  
cendi jus; ita ut *interpretatio*  
de qua agimus, idem sit quod  
*Potestas* ( in omnibus contro-  
versis

*Interpre-*  
*tationem*  
*Scriptura*  
*dependere*  
*ab auto-*  
*ritate ci-*  
*vilitatis.*

versis per scripturam sacram  
 determinandis ) definiendi.  
 Nunc ostendendum est, auto-  
 ritatem illam pertinere ad sin-  
 gulas *Ecclesias*, & dependere  
 ab autoritate ejus, vel eorum  
 qui habent summum imperium,  
 modo sint Christiani. Si enim  
 ab autoritate civili non depen-  
 deat, dependere eam oportet  
 vel ab arbitrio singulorum ci-  
 vium, vel ab autoritate exter-  
 na. Ne verò ab arbitrio de-  
 pendeat singulorum, prohi-  
 bent inter alia, consequutura  
 inde incommoda & absurda.  
 Quorum præcipuum est hoc,  
 quod non modò omnis tolle-  
 retur ( contra præceptum *Chri-  
 sti*) obedientia civilis, sed etiam  
 omnis societas & pax humana  
 ( contra leges naturales ) dis-  
 solveretur. Cum enim Scrip-  
 turam Sacram singuli interpre-  
 tentur sibi, id est, unusquisque  
 judicet

Cap. XVII. RELIGIO. 567  
judicem se faciat, quid Deo  
placeat, quid displiceat, non  
ante Principibus obedire pos-  
sunt, quàm ipsi de mandatis  
eorum, utrum conformia sint  
scripturæ necne, judicaverint.  
Atque sic vel non obediunt,  
vel obediunt propter iudicium  
proprium, hoc est, sibi obe-  
diunt, non civitati. Tollitur  
ergo obedientia civilis. Rursus  
cum unusquisque propriam se-  
quatur sententiam, necesse est,  
controversias quæ oriuntur,  
innumerabiles fore, neque de-  
terminabiles: unde inter homi-  
nes ( qui natura sua dissensio-  
nem omnem habent pro con-  
tumelia ) nasceretur primo o-  
dium, deinceps jurgium, &  
bellum; atque ita omnis peri-  
ret societas & pax. Habemus  
præterea in exemplum, id quod  
sub lege vetere circa librum le-  
gis observari voluit Deus, ni-  
mirum

568 RELIGIO. *Cap. XVII.*  
mirum scribi quidem , publicè  
haberi & Canonem doctrinæ  
divinæ esse voluit : sed non in-  
de à singulis , sed à solis Sacer-  
dotibus definiri controversias.  
Est denique præceptum Serva-  
toris nostri , ut si quid oriatur  
offensionis inter singulos , ut  
*audiant Ecclesiam.* Itaque *Ec-  
clesiæ* munus est controversias  
determinare. Non ergo singu-  
lorum , sed *Ecclesiæ* est Scrip-  
turas sacras interpretari. Ut  
sciamus autem , autoritatem *in-  
terpretandi Verbum Dei* , hoc  
est , omnes quæstiones de Deo  
& Religione determinandi , non  
spectare ad personam quamcun-  
que externam , perpendendum  
in primis est , quid momenti ea  
potestas habeat in animis ci-  
vium , civilibusque actionibus.  
Nemini enim ignotum esse po-  
test , actiones hominum volun-  
tarias necessitate naturali ipso-  
rum

rum sequi opiniones quas habent de bono & malo, præmiis & pœnis; ex quo fit ut obedientiam illis quorum arbitrio vel felices vel miserrimos in æternum futuros se credunt, præstare necessario velint. Quorum autem arbitrio, quæ doctrinæ & quæ actiones necessariae sunt ad salutem, statuitur, eorum arbitrio expectant homines felicitatem vel perditionem æternam; iis igitur in omnibus rebus obsequuntur. Quod cum ita sit, manifestissimum est, cives qui se obligari credunt, circa eas doctrinas, quæ ad salutem necessariae sunt, auctoritati externæ acquiescere, non constituere civitatem per se, sed esse externi illius subditos. Neque ergo, etsi Princeps aliquis summus tantum auctoritatis alii cuicunque scripto concederet, ita tamen ut imperium

570 RELIGIO. Cap. XVII.  
perium civile retinuisse intelligeretur, scriptum tale validum erit; nec quicquam transferet, quod ad retinendum, & bene administrandum imperium, sit necessarium. Nam per cap. 2. art. 4. *transferre jus* nemo dicitur, nisi dederit *signum idoneum voluntatis transferendi*; qui verò *voluntatem retinendi* imperium aperte significavit, non potest dedisse signum idoneum transferendi media ad imperium necessaria. Non erit igitur hujusmodi scriptum signum voluntatis, sed ignorantiae in contrahentibus. Secundo, considerandum est quam absurdum sit; civitatem, vel summum imperantem conscientias civium regendas committere hosti. Sunt enim, ut supra ostensum est cap. 5. art. 6. inter se in statu hostili, quicumque in unitatem personæ non coaluerunt. Neque obstat

Cap. XVII. RELIGIO. 571  
obstat quod non semper pug-  
nent : ( nam & inter hostes in-  
duciaë fiunt ) sufficit ad hosti-  
lem animum , quod diffidentia  
sit , quod civitatum , Regno-  
rum , imperiorum fines , præsi-  
diis armati , statu vultuque gla-  
diatorio se mutuo , etsi non fe-  
riant , ut hostes tamen intuean-  
tur. Postremo , quam iniquum  
est id postulare , quod ipsa po-  
stulandi ratione juris alieni esse  
confiteris ? Interpres sum Scrip-  
turæ Sacræ , tibi , qui civitatis  
alienæ civis es. Qua ratione ?  
Quibus pactis inter me & te ?  
Autoritate divina. Unde cog-  
nita ? Ex Sacra Scriptura ; en-  
librum , lege. Frustra , nisi &  
eandem mihi interpreter ; mei  
ergo juris est , & cæterorum  
singulorum civium , ea inter-  
pretatio ; id quod negamus  
ambo. Restat ergo quod in omni  
*Ecclesia Christiana* , hoc est , in  
omni.

572 RELIGIO. Cap. XVII.  
omni civitate Christiana, Scripturæ Sacræ interpretatio, hoc est, *jus controversias omnes determinandi* dependeat & derivetur ab autoritate illius hominis, vel cœtus, penes quem est summum imperium civitatis.

Christiana-  
nam civi-  
tatem  
Scriptu-  
ras inter-  
pretari  
debere per  
Pastores  
Ecclesiast-  
icos.

XXVIII. Quapropter omnino duo sunt genera controversiarum, unum circa *spiritualia*, hoc est, circa quæstiones fidei, quarum veritas ratione naturali investigari non potest; quales sunt quæstiones *de natura & officio CHRISTI, de præmiis & pœnis futuris, de resurrectione corporum, de natura & officiis Angelorum, de Sacramentis & cultu externo, & similia*; alterum circa quæstiones scientiæ humanæ, quarum veritas ratione naturali, & Syllogismis elicitur, ex pactis hominum & definitionibus (id est, receptis usu, & consensu communi,



muni, vocabulorum significationibus) quales sunt quæstiones omnes *Juris & Philosophia*. Exempli causa, quando in *jure* quæritur, an sit promissum & pactum, necne? id nihil aliud est, quam quærere an verbata, tali modo prolata, appellentur communi usu & consensu civium *promissum*, aut *Pactum*; quod si sic appellantur, verum est pepigisse; aliter, falsum. Veritas ergo ea dependet à pactis & consensu hominum. Similiter quando quæritur in *Philosophia*, an idem possit esse totum in pluribus simul locis; determinatio quæstionis dependet à cognitione communis consensus hominum, circa significationem vocabuli *Totius*; siquidem enim homines quando dicunt, totum esse alicubi, significant communi consensu, intelligere se, nihil esse ejusdem

dem

574 RELIGIO. Cap. XVII.  
dem alibi ; falsum est , idem  
esse in pluribus simul locis.  
Veritas ergo ea dependet à  
consensu hominum , eademque  
ratione in cæteris omnibus *Ju-  
ris & Philosophiæ* quæstionibus.  
Et qui contra hunc communem  
circa rerum appellationes con-  
sensum hominum , ex obscuris  
scripturæ locis aliquid statui  
posse judicant , tollendum judi-  
cant & sermonis usum , & unà  
omnem societatem humanam.  
Dicet enim qui vendiderit to-  
tùm agrum , esse totum uno ces-  
pite , & reliquum tanquam non  
venditum retinebit : imo ipsam  
tollit rationem , quæ nihil aliud  
est præter veritatis per talem  
consensum factæ investigatio.  
Hujusmodi itaque quæstiones  
non necesse est ut determinet  
civitas per interpretationem  
Scripturæ sacræ ; non enim per-  
tinent

tinent ad *Verbum Dei*, eo sensu  
 quo sumitur *Verbum Dei* pro  
*Verbo de Deo*, id est, *Doctrina*  
*Evangelica*; neque obligatur,  
 qui habet *Ecclesiæ Imperium*,  
 ad hujusmodi judicia adhibere  
*Doctores Ecclesiasticos*: quæstio-  
 nibus autem fidei, id est, *de*  
*Deo*, quæ captum humanum su-  
 perant, decidendis, opus est  
 benedictione divina (ne possi-  
 mus falli, saltem in necessariis)  
 per *impositionem manuum* ab ip-  
 so CHRISTO derivanda. Nam  
 cum ad salutem æternam obli-  
 gemur ad doctrinam superna-  
 turalem, & quam propterea in-  
 telligere est impossibile, ita de-  
 stitui, ut falli possimus in ne-  
 cessariis, repugnat æquitati. *In-*  
*fallibilitatem* hanc promisit Ser-  
 vator noster (in iis rebus quæ  
 ad salutem sunt necessariae) *A-*  
*postolis* usque ad diem judicii;  
 hoc est, *Apostolis & Pastoribus*  
 ab

576 RELIGIO. Cap. XVII.  
ab Apostolis successivè per *impositionem manuum* consecrandis. Obligatur ergo quatenus Christianus, is qui habet civitatis imperium, Scripturas sacras, ubi quæstio est de *mysteriis fidei*, per *Ecclesiasticos* ritè ordinatos interpretari. Et sic in civitatibus Christianis iudicium & *spiritualium* & *temporalium* pertinet ad auctoritatem civilem. Et is homo vel cœtus qui summum habet imperium, caput est & *civitatis* & *Ecclesiæ*: una enim res est *Ecclesia* & *civitas Christiana*.

---

## C A P U T XVIII.

*De necessariis ad Introitum in Regnum cœlorum.*

1. *Proposita difficultas de repugnantia obediendi Deo & hominibus, tollenda per distinctionem inter necessaria & non necessaria*

ria ad salutem. II. Omnia necessaria ad salutem contineri in fide & obedientia. III. Qualis sit ea quæ requiritur obedientia. IV. Quid sit Fides, & quomodo distinguatur à professione, à scientia, & ab opinione. V. Quid sit credere in CHRISTUM. VI. Unicum articulum, JESUM ESSE CHRISTUM, necessarium esse ad salutem, probatur ex scopo Evangelistarum. VII. Ex prædicatione Apostolorum. VIII. Ex facilitate Religionis Christianæ. IX. Ex eo quod sit fundamentum fidei. X. Ex disertissimis CHRISTI & Apostolorum verbis. XI. In eo Articulo contineri fidem veteris Testamenti. XII. Fides & obedientia quomodo concurrant ad salutem. XIII. In civitate Christiana, nullam esse repugnantiam inter mandata Dei & civitatis. XIV. Doctrinas quæ hodie controversantur de Religione, spectare plerasque ad jus regnandi.

I. **A**utoritatem omnem in rebus secularibus derivare

*Proposita  
difficultas  
de repug-*

B b

vare

nantia  
 obediendi  
 Deo &  
 homini-  
 bus, tol-  
 lenda per  
 distinctio-  
 nem inter  
 necessaria  
 & non  
 necessaria  
 ad salu-  
 tem.

vare ab autoritate ejus qui sum-  
 mum habet imperium, siue is  
 unus homo sit, siue unus cœ-  
 tus, in confesso semper fuit.  
 Eandem in *spiritualibus* ab au-  
 toritate *Ecclesiæ* dependere ex  
 proximè antecedentibus mani-  
 festum est; & præterea hoc, *ci-  
 vitatem omnem Christianam esse  
 Ecclesiam* hujusmodi autoritate  
 præditam. Ex quibus colligere  
 etiam quantumlibet ingenio tar-  
 dus potest, in *civitate Christiana*,  
 ( hoc est, in civitate cujus  
 summum imperium habet Prin-  
 ceptus vel cœtus Christianus ) *om-  
 nem uniri sub Christo potestatem  
 tam secularem quàm spiritualem;*  
 ideoque in omnibus, iis esse  
 obediendum. Contra autem,  
 quia *obedire oportet Deo, magis  
 quàm hominibus*, orta est diffi-  
 cultas, quo pacto obedientia tu-  
 tò iis præstari possit, si quando  
 imperatum fuerit aliquid, quod

CHRIS-

CHRISTUS fieri prohibet. Cau-  
 sa difficultatis est, quod cùm  
 Deus non amplius per CHRIS-  
 TUM & *Prophetas* vivâ voce nos  
 alloquatur; sed per *Scripturas*  
*Sacrâs*, quæ à diversis diversè  
 accipiuntur, sciunt quidem,  
 quid Reges imperant & *Eccle-*  
*sia* congregata; utrum verò id,  
 quod imperant; sit contra impe-  
 rata Dei, necne, id nesciunt,  
 sed fluctuante obedientia inter  
 pœnas mortis *temporalis*, & *spi-*  
*ritualis*, tanquam navigantes  
 inter *Scyllam* & *Charybdin* in-  
 currunt sæpe in utramque. Qui  
 verò necessaria ad salutem; à  
 non necessariis rectè distin-  
 guunt, nullam hujusmodi dubi-  
 tationem habere possunt. Siqui-  
 dem enim mandatum Principis  
 vel civitatis tale fit, ut obediri  
 ei possit sine jactura salutis æ-  
 ternæ, injustum est non obedi-  
 re; & locum habent præcepta

Apostolica: *Servi, obedite per omnia Dominis carnalibus. Filii, obedite parentibus per omnia*: Col. 3. v. 20. 22. & mandatum CHRISTI: *Super Cathedram Moſis ſederunt Scribæ & Phariſæi, omnia ergo quæcunque dixerint vobis, ſervate & facite*: Matth. 23. v. 2. Contra, ſi facere juſſerint quæ puniuntur morte æterna, inſanum eſt, non potius mori mortem naturalem, quàm obediendo mori in æternum. Et locum habet quod dicit CHRISTUS; *Nolite timere eos, qui occidunt corpus, animam autem non poſſunt occidere*, Matth. 10. v. 28. Videntur itaque eſt quæ ſint ea omnia, quæ ad ſalutem ſunt neceſſaria.

*Omnia  
neceſſaria  
ad ſalu-  
tem conſi-  
derari in fi-  
de & obe-  
dientia.*

II. Sunt autem *neceſſaria* ad ſalutem omnia duabus virtutibus comprehenſa, *Fide*; & *Obedientia*. Harum poſterior ſi perfecta



Cap. XVIII. RELIGIO. 581  
 facta esse posset, sola sufficeret  
 ne damnaremur; sed quia, &  
 jam diu omnes rei sumus contu-  
 maciæ adversus Deum, in Ada-  
 mo; & præterea ipsi actu pec-  
 cavimus: non sufficit *obedientia*  
 sine *remissione peccatorum*. Ea  
 vero, unaque introitus in Re-  
 gnum cœli, *Fidei præmium est*.  
 Aliud ad salutem requiritur ni-  
 hil. Non enim clauditur re-  
 gnum Dei, nisi peccantibus,  
 id est iis, qui debitam legibus  
 Dei *obedientiam* non præstite-  
 runt; neque illis, si credant *ar-*  
*ticulos necessarios* fidei Christia-  
 næ. Jam si cognoverimus, in  
 quibus constat *obedientia*, &  
 qui sint *articuli necessarii fidei*  
 Christianæ; manifestum una  
 erit, quæ civitatum Principum-  
 que jussu facere, & quibus ab-  
 stinere debeamus.

III. Per *obedientiam* autem, <sup>Qualis</sup> *sic ea, quæ*  
 hoc loco, significatur non *fac-* <sup>requiri-</sup>  
<sup>tur obe-</sup>  
 B b 13 <sup>diencia.</sup>

582 RELIGIO. Cap. XVIII.  
sum, sed voluntas & studium;  
quo proponimus conari quan-  
tum possumus, obedire in futu-  
rum. Quo sensu vox *obedientia*  
æquivalet *Pœnitentia*. Consistit  
enim *Pœnitentia* virtus non in  
dolore, qui peccati recordatio-  
nem comitetur, sed in conver-  
sione in viam, & instituto non  
peccandi amplius, sine quo do-  
lor ille non pœnitentis, sed  
desperantis esse dicitur. Quo-  
niam autem qui Deum amant;  
non possunt non velle obedire  
legi Divinæ, & qui amant pro-  
ximum, non possunt non velle  
obedire legi morali, quæ confi-  
stit, ut supra capite 3. ostensum  
est, in *superbiæ, ingratitude, in-*  
*contumeliæ, inhumanitatis, in-*  
*clementiæ, injuriæ, similibus-*  
que offensarum prohibitione,  
quibus proximi læduntur. Ita-  
que voci *obedientia* æquivalet  
etiam *Amor*, sive *Charitas*;  
Etiam

Etiam *justitia*, (quæ constans voluntas est suum cuique tribuendi) æquivalet eidem. Jam sufficere ad salutem *Fidem* & *Pœnitentiam*, manifestum est; primum ex ipso foedere Baptismi; nam interrogantibus *Petrum* iis, qui ab ipso die *Pentecostes* convertebantur, *Quid faciemus?* Respondit; *Pœnitentini, & baptizetur unusquisque vestrum in nomine Jesu in remissionem peccatorum*: Actor. 2. vers. 38. Nihil ergo ad obtinendum Baptismum, hoc est, introitum in Regnum Dei, faciendum aliud erat, nisi *pœnitere & credere* in nomen *JESU*. Pacto enim, quod fit in Baptismo, promittitur regnum cœlorum. Deinde ex verbis *CHRISTI* respondentis ad Principem interrogantem, quid faciens vitam æternam possideret: *Mandata nostri, non occides, non mœ-*

*chaberis, &c. quod obedientia;*  
*&, Vende omnia quæ habes, ve-*  
*ni, & sequere me; quod fidei*  
*erat. Lucæ 18. v. 20. Marc. 10.*  
*v. 18. Et ex eo quod dicitur*  
*justus (non quilibet, sed justus)*  
*ex fide vivet: est enim justitia*  
*voluntatis dispositio eadem,*  
*quæ Pœnitentia & Obedientia.*  
*Et ex verbis Sancti Marci: Quo-*  
*niam impletum est tempus, &*  
*appropinquavit Regnum Dei,*  
*pœnitentini & credite Evange-*  
*lio; quibus non obscure signi-*  
*ficatur, non opus esse ad in-*  
*gressum in Regnum Dei, aliis*  
*virtutibus præter pœnitentiam*  
*& fidem. Obedientia itaque quæ*  
*ad salutem necessariò requiritur,*  
*nihil aliud est præter volunta-*  
*tem sive conatum obediendi, id*  
*est, faciendi secundum leges*  
*Dei, id est, secundum leges*  
*morales quæ eadem omnibus*  
*sunt, & leges civiles, hoc est,*  
manda-

mandata imperantium in rebus *temporalibus* ; & leges Ecclesiasticas in *spiritualibus* ; quæ duo genera legum in diversis civitatibus & Ecclesiis sunt diversa , & cognoscuntur promulgatione , vel sententiis publicis.

IV. Ut sciamus , quid sit *Fides Christiana* , definienda est in universum *Fides* , & à cæteris animi actibus quibuscumque vulgò confundi solet , distinguenda. *Objectum Fidei* universaliter sumptæ , nimirum , *id quod creditur* , semper *propositio* est ; ( id est , oratio affirmans vel negans ) quam veram esse concedimus. Sed quoniam conceduntur propositiones propter diversas causas , accidit , hujusmodi concessiones diversè nominari. Concedimus autem quandoque propositiones , quas tamen in animum non recipi-

*Quid sit Fides, & quomodo distinguitur a professione, & opinione.*

mus. Idque vel ad tempus, nimirum, tantisper donec ex consideratis consequentiis, earum veritatē examinaverimus, quod vocatur *supponere*; vel etiam simpliciter, ut metu legum, quod est *profiteri*, vel *confiteri* signis externis; vel obsequii spontanei causa, quod faciunt homines animo civili erga eos, quos reverentur, & erga alios studio pacis, id quod simpliciter *concedere* est. Propositiones autem quas pro veris recipimus, concedimus semper propter aliquas rationes nostras. Eæ verò derivantur vel ab ipsa *propositione*, vel à *persona proponentis*. Derivantur autem ab *ipsa propositione*, revocando in memoriam, quibus rebus significandis nomina, ex quibus propositio conflatur, communi consensu usurpantur; quod si fiat, assensus quem præbemus, dicitur *Scire*.

Si

Si verò recordari non possimus, quid certò per ea nomina intelligendum sit, sed modò hoc videtur, modò illud, tum dicimur *opinari*. Exempli causa: si propositum sit, *duo & tria esse quinque*; revocando autem in memoriam, ordinem nominum numeralium, ita consensu communi eorum, qui ejusdem sunt linguæ, (quasi pacto quodam societati humanæ necessario) constitutum esse, ut quinarium totidem unitatum nomen sit, quot in binario & ternario continentur simul sumtis; ac assentiatur quis, verum id ideo esse, quia 2. & 3. simul idem sunt quod 5: dicetur assensus ille *scientia*. Et scire veritatem istam, nihil est aliud quàm agnoscere, esse eam à nobis ipsis factam. Quorum enim arbitrio & loquendi lege numerus: vocatus est binarius, ... ternarius,

rius, & . . . . quinaris, eorum arbitrio factum est, ut vera sit propositio: *binarius & ternarius* simul sumti faciunt *quinarium*. Similiter si meminerimus, quid sit, quod vocatur *furtum*, & quid *injuria*, *sciemus* ex ipsis vocibus, an verum sit, *furtum esse injuriam*, necne? *Veritas* idem est, quod *vera propositio*; *vera* autem est *propositio*, in qua *nomen consequens*, quod vocatur à Logicis *Prædicatum*, complectitur amplitudine sua *nomen antecedens*, quod vocatur *subiectum*; & *veritatem scire*, idem quod, esse eam à nobismet ipsis ipsa nominum usurpatione factam, *meminisse*. Neque temerè olim à Platone dictum est, *scientiam esse memoriam*. Accidit autem interdum, ut voces, etsi certam & ex constituto definitam habeant significationem, usu tamen vulgari, ad ornand-



ornandum vel etiam fallendum particulari studio à propriis significationibus ita divellantur, ut conceptus propter quos rebus impositæ fuerunt, revocare in memoriam difficultatem magnam habeat, neque nisi acri iudicio, & diligentia maximâ superandam. Accidit quoque, plurimas voces nullam habere propriam sive determinatam & eandem ubique significationem, atque intelligi non sua vi, sed signorum aliorum simul adhibitorum. Tertio, nomina quædam sunt rerum inconceptibilium. Earum ergo rerum, quarum ipsa sunt nomina, conceptus nulli sunt. Et propterea propositionum, quas constant, veritatem ex ipsis nominibus frustra quærimus. In his casibus dum considerando vocum definitiones veritatem alicujus propositionis investigamus, prout.

prout spes est inveniendi, putamus eam aliquando veram, aliquando falsam. Quorum utrumque seorsim, *opinari* dicitur, atque etiam *credere*, ambo simul *dubitare*. Quando verò rationes nostræ propter quas assentimur propositioni alicui, non *ab ipsa propositione*, sed à *persona proponentis* derivantur, ut quem ita peritum judicamus ut non fallatur, neque causam videmus quare velit fallere; assensus noster, quia nascitur non à nostræ, sed alienæ scientiæ *fiducia*, *Fides* appellatur. Et quorum fiducia credimus, *illis* vel *in illos credere* dicimur. Ex iis quæ dicta sunt, apparet differentia, primum, inter *Fidem* & *Professionem*: illa enim cum assensu interno semper conjungitur, hæc non semper. Illa animi persuasio interna, hæc obedientia externa est. Deinde inter

ter *fidem & opinionem*; hæc enim nostræ rationi innitur, illa alienæ existimationi. Denique inter *fidem & scientiam*: hujus enim est propositionem examinatione communitam & mansam lentè admittere; illius autem integram deglutire. Prodest ad scientiam explicatio nominum, quibus id, quod inquirendum est, proponitur, imò unica via ad *scientiam* est, per *definitiones*; ad *fidem* autem nocet hoc. Nam quæ supra captum humanum credenda proponuntur, nunquam explanatione evidentiora, sed contrà obscuriora & creditu difficiliora fiunt. Acciditque homini, qui *mysteria fidei* ratione naturali conatur demonstrare, idem quod ægroto, qui pilulas salubres, sed amaras, vult prius mandere, quam in stomachum demittere; ex quo fit, ut statim revo-

revomantur, quæ alioqui devoratae eum sanassent.

*Quid sit credere in Christum.* V. Vidimus ergo, quid sit credere. Credere autem in CHRISTUM quid est? vel, *fidei in CHRISTUM* quænam propositio est objectum? Quando enim dicimus: *Credo in CHRISTUM*, significamus quidem, cui, non autem *quid* credimus. Est autem *credere in CHRISTUM* nihil aliud, quam credere, JESUM esse CHRISTUM, nimirum ILLUM, qui secundum *Mosis & Prophetarum* Israëliticorum vaticinia venturus erat in hunc mundum, ad *instituendum Regnum Dei*. Id verò satis apparet ex verbis ipsius CHRISTI ad Martham: *Ego sum* (inquit) *resurrectio & vita; qui CREDIT IN ME, etiamsi mortuus fuerit, vivet; & omnis qui vivit, & CREDIT IN ME, non morietur in æternum. Credis hoc?* Ait illi; *Uti-*  
que;

que, Domine, ego credidi, quia TU ES CHRISTUS Filius Dei vivi, qui in hunc mundum venisti. Joh. II. vers. 25, 26, 27. Quibus verbis videmus: CREDERE IN ME, explicari per QUIA TU ES CHRISTUS. Est ergo credere in CHRISTUM nihil aliud, quàm credere ipsi JESU dicenti, se esse CHRISTUM.

VI. Concurrentibus ad salutem fide & obedientiâ, utraque necessariò, qualis sit ea obedientia, & cui debita, monstratum est supra art. 3. Articuli autem fidei, quinam requirantur, id nunc inquirendum est. Dico autem, alium Articulum fidei (\*) præter hunc, JESUM ESSE CHRISTUM, homini Christiano, ut necessarium ad salutem, requiri nullum. Distinguendum autem est, ut supra art. 4. inter fidem & professionem. Professio ergo plurium dogmatum

Unicum articulum Jesum esse Christum, necessarium esse ad salutem, probatur ex scopo Evangelistarum. Annot. p. 596.

matum ( si jubeatur ) *necessaria* esse potest ; est enim pars *obedientiæ* legibus debitæ : sed non quærimus jam de *obedientia necessaria* ad salutem , sed de *fide*. Probatur autem primo , ex scopo Evangelistarum , qui erat per descriptionem vitæ Servatoris nostri illum unum articulum stabilire. Sciemus autem , talem fuisse scopum & consilium Evangelistarum , si observemus ipsam historiam. Sanctus Matthæus incipiens à Genealogia ejus , ostendit JESUM esse ex genere Davidis ; natum ex Virgine ; cap. 1. à *Magis* ut regem Judæorum adoratum ; ab *Herode* eadem de causa quæsitum ad necem , cap. 2. Regnum ejus & à *Joanne Baptista* & à se ipso prædicatum ; cap. 3. 4. leges docuisse , non ut Scribæ , sed ut qui haberet autoritatem ; cap. 5, 6, 7. morbos miraculosè sanas-

sanas-

Cap. XVIII. RELIGIO. 595  
fanasse; cap. 8, 9, *Apostolos* præcones Regni in omnes Judææ partes ad prædicationem Regni dimisisse; cap. 10. nunciis à Johanne quærentibus, an is esset Christus; necne, respondisse, referrent quæ vidissent, nempe miracula, quæ in CHRISTUM solum competere; cap. 11. Regnum suum argumentis, parabolis, & signis apud Pharisæos & alios comprobasse, & declarasse; cap. 12. & seqq. usque ad 21. salutatum fuisse in Regem, cum ingrederetur Jerosolymam; cap. 21. se Christum illum esse, contra Pharisæos sustinuisse; alios de *Pseudo-Christis* præmonuisse; Regnum suum quale esset, parabolis ostendisse; cap. 22, 23, 24, 25. captum & accusatum fuisse eo nomine, quod se Regem esse dixerit; crucique titulum inscriptum, HIC EST JESUS REX

596 RELIGIO. Cap. XVIII.  
REX JUDÆORUM, cap. 26. 27.  
denique post resurrectionem  
dixisse *Apostolis*, datam sibi esse  
omnem potestatem in cælo & in  
terra : cap. 28. Quæ omnia eo  
pertinent, ut credamus, Jesum  
esse illum Christum. Talis erat  
ergo in describendo Evange-  
lio scopus Sancti Matthæi; qua-  
lis autem erat hujus, talis erat  
cæterorum Evangelistarum; id  
quod seorsim Sanctus *Jobannes*  
in fine Evangelii sui expressè  
habet: *Hæc*, inquit, *scripta*  
*sunt*, ut sciatis, quia *Jesus est*  
*Christus Filius Dei viventis*,  
Joh. 29. 31.

Annot.  
ad p. 593. (\*) Dico autem, alium Articulu-  
lum fidei præter hunc.] *Assertio-*  
*tionem hanc quam novitate sua*  
*Theologis plerisque displicere posse*  
*video, etsi satis in sequentibus*  
*confirmatam, amplius tamen ex-*  
*plicare, operæ pretium esse duxi.*  
Primo



*Primo igitur cum Articulum hunc, Jesum esse Christum, solum ad salutem necessarium esse dico, non dico, solam fidem ad salutem necessariam esse, sed requiro etiam Justitiam, sive obedientiam legibus Dei debitam, hoc est, voluntatem rectè vivendi. Secundo non nego, quin multorum aliorum articulorum professio, si modo professio eorum ab Ecclesia imperetur, ad salutem quoque necessaria sit, sed cum fides interna, professio externa sit, illam propriè fidem, hanc obedientiæ partem esse dico, ita ut articulus ille ad fidem internam, non autem ad professionem Christiani solus sufficiat. Postremò, quemadmodum, si veram & internam pœnitentiam peccatorum, solam, ex parte Justitiæ, ad salutem necessariam esse dixissem, tamen pro paradoxo habendum non fuisset, quoniam in ea justitiam, obedi-*

Annot.

**Annot.** *dientiam, atque animum ad omnes virtutes reformatum contineri intelligimus; ita, cum fidem unius Articuli sufficere ad salutem dico, mirandum minus est, cum in eo tot alii articuli comprehendantur. Nam verba hæc, Jesus est Christus, significant, Jesum esse illum, quem Deus venturum in mundum ad Regnum suum instaurandum promiserat per Prophetas, hoc est, Jesum esse Filium Dei Creatoris cæli & terre, natum ex virgine, mortuum pro peccatis eorum, qui essent in illum credituri; esse Christum, id est, Regem, revixisse (nam alioqui regnaturus non est;) judicaturum mundum & remuneraturum eorundem opera; aliter enim Rex esse non potest; item resurrecturos esse homines: nam absque hoc ad judicium venturi non sunt. Itaque unico hoc articulo totum continetur Symbolum*  
*Aposto-*

*Apostolorum: quod tamen sic con-* Annot:  
*trahendum ideo existimavi, quod*  
*viderem, propter hunc solum, si-*  
*ne cæteris, qui ex eo per conse-*  
*quentiam deducuntur, permul-*  
*tos tum à Christo, tum ab Apo-*  
*stolis ejus in Regnum Dei admis-*  
*fos fuisse: ut latro in cruce, ut*  
*Eunuchus à Philippo baptizatus,*  
*ut duo millia hominum ad Ec-*  
*clesiam à Sancto Petro simul ag-*  
*gregata. Si quibus autem hoc dis-*  
*plicet, quod eos omnes, qui arti-*  
*culo qualicunque, ab Ecclesia de-*  
*finito, assensum internum non præ-*  
*bent, (nec tamen contradicunt,*  
*sed, si jubeantur, concedunt)*  
*non damnatos in æternum cen-*  
*seam, quid illis faciam, nescio.*  
*Nam ut sententiam mutem, Scri-*  
*pturæ Sacræ, quæ sequuntur, te-*  
*stimonia apertissima impediunt.*

VII. Secundò probatur idē Ex prædi-  
 ex prædicatione Apostolorum, catione  
Apostolo-  
 erant rum.

erant enim Regni præcones, nec Christus eos misit ad prædicandum aliud, quam Regnum Dei: Luc. 9. vers. 2. Actor. 15. vers. 6. Quid autem post Christi ascensionem fecerint, intelligi potest ex eorum accusatione. Trahebant (inquit Sanctus Lucas) Jasonem & quosdam fratres ad Principes civitatis, clamantes: quod hi sunt, qui urbem concitant, & huc venerunt, quos suscepit Jason: & hi omnes contra decreta Cæsaris faciunt, Regem alium dicentes esse Jesum: Act. 17. vers. 7. Etiam subjectum concionum Apostolicarum quale fuerit, apparet ex his verbis: *De scripturis* (subaudi Veteris Testamenti) *adaperiens, & insinuans, quia Christum oportuit pati, & resurgere à mortuis, & quia HIC EST JESUS CHRISTUS: Act. 17. v. 3.*

VIII. Tertiò, ex iis locis, *Ex facilitate religionis Christianæ.* quibus eorum, quæ à Christo ad salutem requiruntur, declaratur facilitas. Nam si ad salutem necessariò requiratur assensus animi internus veritati omnium & singularum propositionum, quæ circa fidem Christianam hodie vel controversantur, vel à diversis Ecclesiis diversè definitæ sunt, nihil esset Religione Christiana difficilius. Quomodo ergo verum esset, *jugum meum suave est, & onus meum leve?* Matth. II. vers. 30. & , *parvulos in eum credere?* Matth. 18. v. 6. & , *placuisse Deo per stultitiam prædicationis salvos facere credentes?* I Cor. I. v. 21. vel quomodo satis ad salutem instructus fuit latro pendens in cruce, cujus fidei confessio continebatur his verbis : *Memento mei, cum veneris in Regnum tuum.* Vel ipse Sanctus

602 RELIGIO. Cap. XVIII,  
Paulus unde tam citò ex hoste  
doctor Christianorum fieri po-  
tuit?

*Ex eo  
quod sit  
funda-  
mentum  
fidei.*

IX. Quarto, ex eo quod ar-  
ticulus ille fidei fundamentum  
sit, neque alii fundamento ipse  
innitatur. *Si quis vobis dixerit,  
ecce hic est Christus aut illic, no-  
lite credere: surgent enim Pseu-  
do-Christi, & Pseudo-Prophetae,  
& dabunt signa magna, &c.*  
Matth. 24. vers. 23. Ex quo  
sequitur, propter fidem hujus  
articuli, negandam esse fidem  
signis & prodigiis. *Licet nos,  
aut Angelus de cælo, ait Apo-  
stolus, evangelizet vobis præter-  
quam quod evangelizavimus vo-  
bis, Anathema sit.* Gal. 1. 8.  
Ergo propter hunc articulum  
neganda esset fides ipsis Apo-  
stolis & Angelis, (puto ego  
& Ecclesiæ) si contrarium do-  
cerent. *Carissimi, nolite* (inquit  
*Sanctus Joannes*) *omni spiritui*  
*crede-*

credere, sed probate spiritus si ex Deo sunt, quoniam multi Pseudo-Prophetae exierunt in mundum. In hoc cognoscitur Spiritus Dei; Omnis spiritus qui confitetur JESUM CHRISTUM VENISSE in carne, ex Deo est, &c. Joh. 4. Est ergo Articulus ille, mensura spirituum, secundum quam autoritas Doctorum vel recipitur vel rejicitur. Negari quidem non potest, quin à Doctoribus didicerint, omnes qui hodie Christiani sunt, fuisse JESUM, qui ea omnia fecit, quibus Christus esse agnosceretur: non tamen sequitur, eosdem articulum illum doctoribus credere, vel Ecclesiae, sed ipsi Jesu. Erat enim ille articulus Ecclesiam Christianam prior, etsi caeteri omnes posteriores fuerint. Et Ecclesia super illum, non hic super Ecclesiam fundatus est. Matth. 16. v. 18. Præ-

terea ita est articulus ille, *Jesus est Christus*, fundamentalis, ut cæteri omnes dicantur à Sancto Paulo illi superædificari: *Fundamentum aliud nemo potest ponere præter id, quod positum est, quod est Jesus Christus. (hoc est, Jesus est Christus.) Si quis autem superædificat super fundamentum hoc, aurum, argentum, lapides pretiosos, ligna, fœnum, stipulam, &c. uniuscujusque opus manifestum erit. Si cujus opus manserit, quod superædificavit, mercedem accipiet; si cujus opus arserit, detrimentum patietur; ipse autem salvus erit. I Cor. 3. v. 11, 12, &c.* Ex quibus patet, per fundamentum intelligi articulum hunc, **JESUM ESSE CHRISTUM.** Non enim superædificatur super personam *Christi*, aurum, argentum, fœnum, stipula, &c. quibus significantur doctrinæ. Et  
 posse



posse falsas doctrinas fundamento superstrui, nec tamen ut damnentur, qui eas docuerint.

X. Postremo, quod articulus ille solus necessariò tenendus sit *fide interna*, evidentissimè ex plurimis Sacræ Scripturæ locis, quocunque interprete, probari potest. *Scrutamini scripturas, quia vos putatis in ipsis vitam æternam habere, & illæ sunt quæ perhibent testimonium de me.* Joh. 5. 39. Intel- ligit autem Christus scripturas solius Testamenti veteris: non- dum enim scriptum erat Testa- mentum novum. Jam verò testi- monium de Christo in veteri Testamento nullum aliud ex- stat, præter quam quod ventu- rus erat Rex æternus tali loco, talibus parentibus nasciturus, talia docturus, & facturus, qui- bus rebus ut signis dignoscen- dus erat. Quæ omnia hoc unum

*Ex diser-  
tissimis  
Christi &  
Apostolo-  
rum ver-  
bis.*

testantur, JESUM qui ita natus, ea docuerit & fecerit, esse CHRISTUM. Alia igitur fides ad vitam æternam præter illum Articulum non requirebatur. *Omnis qui vivit, & credit in me, non morietur in æternum: Joh. II. v. 25.* Credere autem in Jesum, ( ut ibidem explicatur ) idem est, quod credere JESUM ESSE CHRISTUM. Qui ergo id credit, non morietur in æternum, & per consequens, articulus ille solus est ad salutem necessarius. *Hæc scripta sunt, ut credatis, quia JESUS EST CHRISTUS Filius Dei, & ut credentes vitam habeatis in nomine ejus: Joh. 20. v. 31.* Quare, qui sic credit, habebit vitam æternam; neque ergo opus habet aliâ fide. *Omnis spiritus, qui confitetur Jesum Christum venisse in carne, ex Deo est: I. Joh. 4. v. 2. & omnis spiritus, qui credit,*

*credit, quoniam JESUS EST CHRISTUS, ex Deo natus est: I. Joh. 5. v. 1. &: Quis est, qui vincit mundum, nisi qui credit, quoniam JESUS EST Filius Dei? I. Joh. 5. v. 1. Si igitur non sit opus aliud credere, ut quis sit ex Deo, natus ex Deo, & ut vincat mundum, quàm JESUM ESSE CHRISTUM, unicus ille articulus sufficit ad salutem. Ecce aqua, quid probibet me baptizari? dixit autem Philippus: si credis ex toto corde, licet. Respondens ait: Credo, Filium Dei esse Jesum Christum. Act. 8. v. 36, 37. Si quidem ergo articulus ille ex toto corde, hoc est, fide internâ creditus, sufficit ad Baptismum, sufficit etiam ad salutem. Præter hæc loca, alia innumera sunt, quæ idem clarè & expressè affirmant. Imò ubique legimus, Servatorem nostrum cujuspian fide laudasse,*

dasse , vel dixisse , *Fides tua te salvum fecit* , vel sanasse quempiam propter fidem, ibi propositio credita alia non erat quàm hæc , **JESUS EST CHRISTUS** , vel directè, vel per consequens.

*In eo articulo  
comineri  
fidem veteris Testa-  
menti.*

XI. Quoniam autem credere *Jesum esse Christum* nemo potest , qui , cùm sciat , per *Christum* intelligi Regem illum , qui à Deo promissus est per *Mosen* & Prophetas in *Regem* & *Servatorem* mundi , non credat etiam *Mosi* & *Prophetis* , neque credere his possit , qui non credit *Deum* & *existere* , & *mundum gubernare* , contineri necesse est fidem illam de Deo & de veteri Testamento , in fide hac Testamenti novi. Cum ergo in regno Dei per naturam crimen læsæ Majestatis divinæ, solus esset Atheismus , & negatio Providentiæ divinæ ; in regno autem per Pactum vetus ;  
etiam

etiam Idololatria; jam in regno per pactum novum additur etiam *Apostasia*, sive renunctio hujus semel recepti articuli, *Jesum esse Christum*. Cæteris doctrinis, si modo à legitima Ecclesia definitæ fuerint, non est sanè contradicendum: est enim peccatum inobedientiæ; obedientia autem ad salutem necessaria est. Cæterùm ut credantur *fide interna*, ostensum est ampliter in proximè antecedentibus, necessarium non esse.

XII. Partes in salute Christiani perficienda *Fides & Obedientia* diversas habent; hæc enim *potentiam* sive *capacitatem* contribuit, illa *actum*; atque utraque suo modo justificare dicitur. *Christus* enim non omnibus, sed *pœnitentibus*, sive *obedientibus*, hoc est, justis (non dico *insonitibus*, sed *justis*; *justitia* enim est voluntas obediendi

*Fides & obedientia quomodo concurrant ad salutem.*

di legibus, & convenire in peccatorem potest; voluntas autem obediendi, obedientia est apud Christum ) peccata remittit. Non enim quilibet, sed *justus ex fide vivet. Justificat ergo Obedientia quia facit justum*, eo modo, quo *Temperantia facit temperatum, Prudentia prudentem, Castitas castum*, nimirum essentialiter: constituitque hominem in eo statu; ut veniæ capax sit. Rursus *Christus* non omnibus justis peccata condonare promisit, sed *solis credentibus ipsum esse Christum. Justificat ergo fides*, eo sensu, quo *justificare* dicitur *judex*, qui *absolvit*; nimirum per *sententiam*, quæ *actu* salvum facit. Atque in hac acceptione justificationis (est enim vox æquivoca) *justificat fides sola*; in illa autem *sola obedientia*; sed neque *justitia sola*, neque *fides sola*

sola *salvificat*, sed simul ambæ.

XIII. Ex iis quæ hæcenus dicta sunt, facile erit perspicere, quid sit officium civium Christianorum erga summos imperantes. Qui quamdiu Christianos esse se profitentur, subditis suis, ut Christum negent vel contumeliâ afficiant, imperare non possunt; nam si hoc imperarent, profiterentur, se non esse Christianos. Cum enim ostensum sit, & ratione naturali, & ex Scripturis sacris, oportere cives principibus rectoribusque summis civitatis in omnibus obedire, præterquam in iis, quæ sunt contra mandata Dei; & mandata Dei in civitate Christiana, circa *temporalia* quidem, (id est, ea quæ ratione humana examinanda sunt) leges esse & sententias civitatis, prolatas ab iis, quibus legum ferendarum

*In civitate Christiana, nullam esse repugnantiam inter mandata Dei & civitatis.*

rum

rum controversiarumque iudicandarum autoritas à civitate commissa est ; circa *spiritualia* verò, ( id est , ea quæ per Scripturam Sacram definienda sunt ) leges esse & sententias civitatis , hoc est Ecclesiæ , ( nam civitas Christiana & Ecclesia , ut ostensum est cap. præcedente , art. 20. eadem est res ) prolatas à Pastoribus ritè ordinatis , & qui à civitate in eam rem auctoritatem acceperunt ; sequitur manifeste , in civitate Christiana , obedientiam deberi summis imperantibus , in rebus omnibus tam *spiritualibus* , quam *temporalibus*. Imperantibus autem non Christianis , in *temporalibus* quidem omnibus eandem deberi obedientiam , etiam à cive Christiano , extra controversiam est ; in *spiritualibus* verò , hoc est , in iis quæ pertinent ad modum colendi Dei ,  
sequen-



sequenda est *Ecclesia* aliqua *Christianorum*. Etenim Deum non loqui in rebus supernaturalibus, nisi per Scripturæ sacrae interpretes Christianos, fidei Christianæ est hypothesis. Quid autem? an principibus resistendum est, ubi obediendum non est? Minimè sane; hoc enim contra pactum est civile. Quid ergo agendum? Eundem ad Christum per martyrium. Quodsi cui dictu durum videatur, certissimum est, eum non credere ex toto corde **JESUM ESSE CHRISTUM** *Filium Dei viventis*, (cuperet enim dissolvi, & esse cum Christo,) sed velle simulatâ fide Christianâ pactam civitati obedientiam eludere.

XIV. Mirabitur autem forte quispiam, si excepto uno articulo, **JESUM ESSE CHRISTUM**, qui necessarius est ad salutem

*Doctrinas quæ hodie controversantur de religione,*

*spectare  
plerasque  
ad jus re-  
gnandi.*

lutem de fide interna, cæteri omnes pertineant ad obedientiam tantum, quæ quidem præstari potest, etsi quis non internè credat (modo cupiat credere, & externè profiteatur, quoties opus est) quæcunque ab Ecclesia proponuntur; unde factum sit, ut tot sint hodie dogmata, quæ dicuntur omnia ita de fide esse, ut nisi ea quis credat internè, intrare in Regnum cælorum non possit. Quod si idem consideret, in plerisque controversiis certamen esse de Regno humano, in aliquibus de quæstu, in aliquibus de gloria ingeniorum, minus mirabitur. Quæstio de *Ecclesiæ proprietatibus*, quæstio est de *jure imperii*; cognito enim, quid sit *Ecclesia*; cognoscitur unà, cujus sit imperium in Christianos. Nam si quælibet civitas Christiana, Ecclesia

fia

fia illa fit, quam omnem Christianum illi civitati subiectum audire præcepit ipse Christus, tum civis quilibet tenetur civitati suæ, hoc est ei vel iis obedire, quorum est imperium summum, non modo in *temporalibus*, sed etiam in *spiritualibus*. Sin quælibet civitas Christiana non fit Ecclesia illa, tum est aliqua alia Ecclesia universalior, cui oportet obedire. Omnes igitur Christiani illi obedire debent, sicut obedirent Christo si veniret in terras. Imperabit ergo illa vel per Monarcham, vel per cœtum aliquem. Quæstio itaque est de *jure imperii*. Eodem spectat quæstio de *infallibilitate*; quisquis enim verè & internè crederetur ab universo genere humano non posse errare, certus imperii, tam temporalis, quam spiritualis esset, nisi ipse nollet,  
in

in univcrsum genus humanum : si dicat enim , obediendum sibi esse in *temporalibus* , eo quod putatur non errare , tale imperii jus ei conceditur. Eodem spectat privilegium interpretandi Scripturas. Cujus enim est controversias , quæ ex diversa Scripturarum interpretatione oriri possunt , determinare , ejus est omnes simpliciter controversias determinare : cujus autem est hoc , ejusdem est imperium in omnes , qui agnoscunt , Scripturas esse Verbum Dei. Eodem spectat disputatio de *potestate remittendi & retinendi* peccata , sive de *autoritate excommunicandi*. Unusquisque enim , si mentis compos sit , obediet in omnibus simpliciter ei , cujus arbitrio credit se salvandum aut damnandum esse. Eodem spectat potestas *instituendi societates* ; ab eo enim de-  
pen-

III. um: i sibi quoc mpe oden etan m est verfa cione e, e con- cuju. t im- nof- bum atio nen- itate. que- fit, iciter e sal- esse stitu- n de pen

Cap. XVIII. RELIGIO. 617

pendent, per quem existunt ; qui quot Monachos, tot habet subditos quamquam in civitate hostium. Eodem spectat quæstio *de judice legitimi Matrimonii*. Cujus enim est judicatio ea, ejus quoque est cognitio causarum de hæreditate & successione in omnia bona & jura, non modo privatorum hominum, sed etiam summorum Principum. Eodem quodammodo spectat *Cœlibatus Ecclesiasticorum*. Cœlibes enim minus quam cæteri cohærent cum reliqua civitate. Et præterea incommodum non contemnendum est, necessarium esse Principibus vel Sacerdotium ( quod magnum est vinculum civilis obedientiæ ) amittere, vel regnum hæreditarium non habere. Eodem quoque spectat *Canonizatio Sanctorum*, quam Ethnici *Apotheosim* appellarunt;

D d nam

nam qui subditos alienos tanto præmio allicere potest, talis gloriæ avidos ad quidlibet audendum & faciendum inducere potest. Quid enim nisi honorem apud posteros quæsi-  
 verunt *Decii*, aliique Romani, qui se devoverunt, & mille alii, qui in pericula incredibilia se conjecerunt? Controversiæ de *Purgatorio* & *indulgentiis*, de quæstu sunt. Quæstiones de *libero arbitrio*, de *justificatione*, de modo recipiendi *Christum in Sacramento*, Philosophicæ sunt. Sunt & quæstiones de ritibus non introductis, sed relictis in Ecclesia non satis purgata à gentilismo: sed non est opus plures enumerare. Sciunt omnes, eam esse naturam hominum, ut dissentientes de quæstionibus, ubi agitur de *potentia*, vel *lucro*, vel *præstantia ingenii*, alteri alteros  
 convi-

Cap. XVIII. RELIGIO. 619  
convicientur & anathematizent. Non est ergo mirum ; si dogmata fere omnia , postquam incaluerint homines disputando , dicantur ab his vel illis , *necessaria* esse ad ingressum in Regnum Dei , non modò ut contumaciæ nomine damnentur , qui ea non concedunt , id quod post Ecclesiæ sententiam verum est , sed infidelitatis : quod falsum esse ostendi supra ex pluribus evidentissimis Scripturæ locis ; quibus addo hunc Sancti Pauli : *Qui manducat , non manducantem non spernat ; qui non manducat , manducantem non judicet. Deus enim illum assumpsit. Alius judicat diem inter diem ; alius autem judicat omnem diem : unusquisque abundet in suo sensu. Rom. 14. v. 3. 6.*

FINIS.











n

